

5336

~~45~~
170

1603

TRACTATUS NOVVS,
utilis & iucundus,

DE VOLVPTA-
TE ET DOLORE, DE
RISV ET FLET V.,
SOMNO ET VIGILIA,
de que fame & siti,

NICANDRI I OSSII
VENAFRANI.

Cui accesserunt ANTONII LAV-
RENTII Politiani,

DE RISV, EIVS QVE CAVSIS ET
effectis, dilucide ac philosophice tractatis,

LIBRI DVO.

antea nunquam editi, nunc vero in gratiam studio-
sorum in lucem emisi.



FRANCOFVRTI,
Typis Wolfgangi Richteri, sumptibus
Ioannis Theobaldi Schönwetteri.

M. DCIL

I M. Manuel Argles



NOBILISSIMO,

CONSULTISSIMO, PRV-

DENTIA ET OMNI SCIENTIARVM.

genere præstantissimo viro, Domino Ioanni

Adolpho Kelnero, inclytæ Reip. Francofurt.

ad Mœnum consuli amplissimo, Dn.

& Meccenati suo omni obser-
uantia colendo.

S. P.

HABET laudandarum ar-
tium procreatrix philosophia,
amplissime & prudentissime
consul, ut cum ipsa per se res
objecas, & à communihominum intelligen-
tia remotas explicet, & in lucem proferat,
tum profit studiosis, tum incredibili etiam eo-
rum animos, qui res à natura occultatas saga-
citer venantur, ubi ad alicutus implcitæ que-
stionis enodationem venerunt. voluptate per-
fundat. Ita cum duabus potissimum rationi-
bus mens, quæ nunquam expleri potest, n hoc
statu ad unum aiquid cupide persequenduna-

A a

rapiaq

rapiatur, siue cū utilitatis, siue cum voluptatis
lux aliqua ostenditur (utilitas ē namq; cum ho-
nestate cō: ungo) mirū dictu est, quantopere in
earū rerū de quibus doctrina est quedā subti-
lier pulchritudine, ac fructu cōquiescat. Hinc
ab ipso ferme constituto orbe, excellentissimi
viri, omnibusque omnino bonis instructissimi
fuerunt, qui illud ingenii acumen, quo a se qui
quiduis facile potuissent, in hoc unum opus, à
quo carera splendore & gloria vincerentur,
contulerunt, nimirum ab hoc fonte deriuari
credebant (neque eos fallebat opinio) omnia,
quaē tum ad rerum perreconditarum, causa-
rumque, quibus ea continentur, naturalem
cognitionem, tum etiam ad prudentem nego-
tiorum susceptionem, accuratam administra-
tionem, celeremque confectionem pertine-
rent, ut vix satis laudari possit ea vox plena
grauitatis, qua vir ille unus Grecie sapiens
simus, longeque doctissimus Plato rerum pu-
blicarum fælicitatem in philosophorum ho-
minum virtute collocavit. Quia etiam causa
adductos non paucos existimem, ut quam-
quam magno rerum gerendarum onere pre-
merentur, quicquid tamen otij superesset, id
totum in eorū, qui de philosophia aliquid scri-
pserunt

DEDICATORIA.

5

pserunt, lectione consumerent, non solum ut
in ea animus, deposita prope curarum mole,
interquiesceret, ac propemodum interspiraret,
sed etiam ut ad alia, quae instarent, negotia pa-
ratior ac doctior fieret. Quippe saepe etiam
naturam magistrum, qua duce errari haud
potest, secuti, quantum hominibus datum est,
ita effecerunt, ut eius soleritiam non admirati-
minus, quam imitati fuisse videantur. Ad
quam summam summorum virorum laudem
tu generis claritate, studio & ingenij splendo-
re quam proxime accedis, virtutem scilicet &
sapientiam cum stirp. ita coniugens, ut inter
viros consulares omnes utrāq; ratione splen-
deres, & antiquam illam maiorum tuorum
dignitatem conseruares. Hinc igit & illo et-
iam, quo teneor tibi aliqua in re inseruendi
desiderio, rē non indignam facturus existima-
ui, si tractatus hōscē Nicandri Iosſi de risu &
fletu, somno & vigilia, deque fame & siti
ceu opuscula, ad philosophiam omnino perti-
nentia, à me nunc reuisa, & summa qua
sieri potuit diligentia emaculata, tibi vni,
cui nihil à natura denegatum, neque à fortuna
non delatum est, offerrem, rauus fore ut in
ista tua fructuosa hominum vita, tuisque occu-

A 3 patio-

6 EPISTOLA DEDICATORIA.

pationibus, cum relaxare animum voles, recreare illum ac reficere paululum possis, si ad harum disputationum quasi suburbanos quosdam diuerteris, non magnificos quidem illos arque uberes, sed salubres, ut puto, & amoenos, ac forsan eo iucundiores, quodeius opera ad viuum reuocati sunt, cui nihil optatius est, quam ut possit, nihil antiquius, quam ut cupiat præstare aliquid, quo eius insignem erga amplitudinem tuam obseruatiam omnes non modo qui nunc sunt, sed qui futuri sunt etiam homines etatesque cognoscant. Quod tu, si munusculum tua illa, qua rebus etiam minimis magnum pondus affers, humanitate, ut spero, complecteris, non vereor, ne quemadmodum tu animum, sic ceteri omnes minus eiusq; offerendi causam vehementer non probent. Vale. Actum Franckfort Calendis Octobr. 1602.

A. T.

submisse colens

Iohan. Theobaldus
Schônyvetter.

7



DE VOLVPTA-

TE ET DOLORE

OPVS CVLVM

primum.

C A P . L

*Explicatur que sit differentia inter dolorem,
displacentiam, tristitiam, sine mæsti-
tiam, atq; etiam inter volupta-
tem, & letitiam.*

VONIAM vitæ nostræ plurimam fere partem circa dolorem & voluptates absumimus, atque videntur primæ affectiones sensuum & intellectus, ut censet Arist.in lib.Ethicorum, propterea non erat consentaneum, ut earum nullam habentes sollicitudinem, tractationem hanc animastico necessariam perperam dimitteremus, à nostro illo iampridem susceppto munere deflectentes. Cum vero affectus animæ, aut animati corporis viderentur, nemini obscurum esse arbitror, quod vegetatiuæ parti nō conueniant, nisi fortassis placeat per quandam translationem sumere vol-

ptatem pro consueta & familiari operatione rerum naturaliter operantium, à qua scilicet perficiantur, quemadmodum videtur latio calidorum corporum, frigidorum autē quies, vnde confuerunt dicere naturam ignis, & cognata illius gaudere motu, terram autem quiete, siue immobilitate in centro vniuersi, atque ita videntur gaudere, quoniam sic bene ipsorum naturae sese habeant & conseruentur; ex oppositis autem tristari nempe ignem quiete, terram vero motu secus locum, quoniam contrario modo, ac naturae illorum postulant, afficiuntur. Itaque ut gaudet ignis motu secundum illam analogiam, ita propter quietem tristatur & emarcescit, sed vere neq; voluptas est, neque etiam dolor. De illo igitur dolore atque voluptate habendus est sermo, qui sententi, aut omnino intelligenti animae parti, vel ipsi cognoscēti adscribatur corpori, ac primum volumus explicare quandam differentiam nominum, ne illis fortasse neglegētis cuncta reddantur obscura; deinde per quam potissimum animae partem obtingant, quæ sit eorum natura, quæ deinceps necessaria esse videantur ad voluptatis & doloris generationem, & quibus modis cōtingere possit aliquem gaudere vel tristari, quid tum fiat in ipsa anima; ex quibus postremo explicabitur finis & obiectum utriusque. Primum itaq; sciendum est placuisse Arist. decimo lib. Ethicorum

corum, omnes tristitias appellare dolores, & gaudia voluptates, tametsi peraucta & multiplicata sint nomina, hoc enim factum est ab aliis cuiusdam distinctionis gratia, itaque visitato more loquendi confuerunt omnes illum duntaxat appellare dolorē, qui sit in sensu tactus, per tristem videlicet ipsius sensationem corruptiuam organi, siue qualitatum eius conuenientium, quæ sunt vitæ propriæq; saluti necessariæ, alios vero nequaquam illi appellant dolores, sed tristitias quasdam, & eorum opposita voluptates & gaudia, quasdam insuper tristes & iniucundas cognitiones, admotionesque aliorum sensuum, nempe visus & auditus, gustus & olfactus, appellant displicentias, & iniucundas cognitiones, vtpote si visuia facultate quædam turpia & fœda suspiciamus, si forsitan asperas quasdam voces, illasque in musicis dissonantes, seu prauos odores, saporesque ingratos quomodolibet sentiamus, siue in epte aliquem dicentem auscultemus, ac certe videntur dolores non esse neque mœstiaæ, quoniā eo tempore possemus esse in lætitia constituti, absurdum autem est, minimeque possibile ut idem tempore eodem possit esse lætus & mœstus. Lætitia vero videtur esse effectus voluptatis mentis, aut potentiae cuiuspiam interioris tanquam effectus ab ipsa cognitione, dolorene proficiscens, seu tanquam finis, non

Secus atque mœstitia cuiusdam doloris soboles & finis: sunt enim è regione oppositæ. Itaque videtur lætitia non esse mentis gaudium, sed animi tranquillitas aut alacritas, & vacuitas curarum cum existimatione, aut saltē presuppositione status optimi, quasi videatur huic hominise esse cunctis solutum curis, & nullius mali opinio, memoriaue suppetat, aut tanquam euicta extinctaq; despiciatur, ita ut expeditum ipsum faciat ad omnes voluptates facilime suscipendas, ac ferme gestiat, atque hinc sequitur curarum solutos ut plurimū esse lætos, atque illos etiam, qui ad paucā respi- ciūt, & propter desipientiæ notam nulla premuntur sollicitudine, atque illos qui propter celerem sensus motum, & caloris vberatem spiritus habent alacriores, & principium minus cōpressum, vnde etiam vinum lætos efficit potatores, quoniam calefacit, motū auget, & confidētiam parit, spiritus facit alacriores, soluit cōpressions & suspensiones dolorum, & vim addit principio. Quapropter frequētes huiusmodi lætitiae, potissimū sine causa obor- tæ, desipientiam referūt, & animum auerten- tem seria & honestiores curas, atq; cogitatio- nes & studia melioris vitæ. At contraria mœ- stitia, quā alii etiam tristitia appellant, videtur esse remissio quædā, & tristis animi suspensio, referens dolorē & angores, tanquam effectus doloris proprius, qui partem internā animæ

occu-

occupauit, aut intrinsecus ipsum principium: sic n. spontanei quidam mœrores efficiuntur, & quandoq; tū propter principii occupatio- nē & molestias, tum ēt cōfusas quasdam alio- qui tristes existimationes exoriuntur, potissi- mū natura & temperamento melancholicis. Sed mihi videretur, eam ad voluptatē aptissi- me referri: hanc autem ad ipsum dolorē, dico aūt intrinsecum, quem aliis visum est appellare tristitiā propter distinctionem: per se enim lātitia est sicut habitus quidā voluptatis, per- seuerans propter existimationem aut præsup- positionem optimi status, vacuitatis inquam curarū & malorum omniū; vnde simul fit a- nimi tranquillitas & alacritas quædam, ac nos subinde id solum solemus appellare lātitiam, quod est diminutum: mœstitia vero est sicut habitus quidam doloris perseuerans propter existimationē saltem confusam, aut præsup- positionem mali status, à causa nimirū extrin- seca, vel intrinsecus officiente, vt onus quod- dam nimis molestum videatur animo impen- dere propter illam existimationem, quod sit in misera fortuna, & statu admodum remisso, idq; perseuerat quo usq; non soluatur, sedet- turq; existimatio, aut alia quæpiam recens in- ducta opinio priorē eiiciat & obruat, vel bo- nū aliquid siue oblectamentuim animū auer- tat ab illa existimatione, & soluat compressio- nem, suspensionemq; illam dolorificam.

*In qua parte animæ proxime, & immediate
fit volup'as, & dolor.*

MAgna difficultas videtur esse quibusdam philosophis, in qua scilicet parte animæ sit proxime reposita voluptas & dolor, ac quidam inceps arbitrarentur, utramque affectionem esse propriam facultatis appetitiæ, ac nullam præterea gaudere tristariue, nisi vt est appetens siue amans amore concupiscentiæ & fruitionis, aut contra persequens odio, nam voluptas & dolor odio & amori familiarissime sunt coniuncti, quasi vero hoc ita fiat, ut quando facultas aliqua cognoscens quidpiam perceperit, quod plane bonum, siue apparens, vel alterutro modo iucundum videatur, mox ab illa cognitione nuda subeat opus appetitus, & oblectamento perfundatur, itaque si sit eadem facultas quæ appetit, & cognoscit, ratione tamen diuersa, vel omnino alia, illa profecto ut appetens bonis hisce subiectis & iucundis delectetur, quod multis rationibus probant. Quoniam vbi est amor & odium, ibidem sane voluptas & dolor esse deberet, sed amor & odium consistit in appetitu, igitur in eodem fit dolor & voluptas. Secundo hoc confirmatur ab obiectis, prout sunt causæ istorum, porro bonum & iucundum sunt obiecta appetitus rationalis &

lis & sensitiui: sed voluptas à bono siue iucudo proficiscitur; dolor autem ab oppositis, igitur in alterutro appetitiuo consistunt. Præterea ex ipso actu, nam dolor & voluptas sunt affectus quidam: neuter enim cognitio est, sed affectus à quibusdam exorientes cognitionibus, ergo in affectiuā ipsa parte animæ consistunt: hæc autem est appetitiua, in qua cæteri affectus similes efficiuntur, scilicet odium, amor, ira, & illorum cognata. Id denique confirmatur, nisi enim per appetitum fierent, fœlicitas profecto, quæ, ut videtur omnibus, est præstantissima, voluptas nō consisteret in actu volūtatis, quod est absurdum, namque amor ipse fruitionis, qui videtur esse tota substantia illius fœlicitatis, manet in appetitu: attamen si voluptates, quæcunque excipi possunt ab obiectis ipsis, essent in potentius cognitiuis, fœlicitas consisteret in actu intellectus, cognoscens autem ita videtur facere quemadmodum si ostendat, atque indicet bonum, quod deinde ut bonum est, aut delectabile delectat appetitum, vnde ex illius obiectamento exoritur amor; hic autem non sit nisi ea parte quæ voluptate afficiatur, sicut odium à dolore & tristitia proficiscitur. Hæc autem opinio sineulla difficultate repugnat Aristoteli, rationi & sensato experimento, quapropter ab ipsa potissimum veritate coætus fateor, voluptatem & dolorem fieri in omni

mni sensu, imaginatione & memoria, quin etiam in intellectu, ac demum in ipso appetitu tam sensitivo, quam rationali; cuncta enim manifesta sunt sigillatim per singula discurrenti. Siquidem dicebat Aristoteles decimo Ethicoru c. 4. ex professo, quod dolor & voluptas in omni efficiatur sensu & intellectu; sic n. ait ad verbum. In omni namq; sensu voluptas est, & in mente simili modo contemplationeue, quod etiā alias tum illo, tum sequenti capite confirmavit. Sed ratione hoc ipsum patet, & estratio ipsius Arist. qui arguebat hoc modo. Nā perceptio iucundi & molesti per se dolorē & voluptatem efficit: sed omnes sensus interni aut externi, intellectus & vterque appetitus, in proprio genere subiectoru singuli habent nonnulla, quae sunt per se iucunda & conuenientia, alia contra iniucunda: igitur in cunctis efficitur dolor & voluptas. Et certe hoc altera ratione videbatur necessarium, nimirum ab ipso fine propriaque functione, quoniam debebat natura aptare dolorem & voluptatem illis potentiss, quae ad vitæ tutelam erant substitutæ, vt custodiā hanc sibi creditam dolore pariter instantे ac voluptate quam optime tuerentur. Porro nisi gustus proprias haberet voluptates, ppriosq; dolores, non eligeret magis vnum quam alterum, sed omnia viderentur pariter conuenientia, siue inconuenientia citra delectū, q; ēt a-

Iis eueniret potētiis. Sed quid oportet plures
afferre rationes? valde n. futile est, tantā ha-
bere curam rerū manifestissimarū; quis n. non
experitur in se ipso in cūctis sensibus, cæteris-
que potentiis cognoscētib. dolorē æque &
voluptatē fieri sub ea, qua cognoscūt ratione?
Cū propterea reuocatū esset in dubium apud
veteres, si dolor & voluptas esset ipsa formaliter
tristis, blandaque cognitio, vel aliud quid-
piā ab ipsa cognitione inseparabile, de quo iā-
iam sumus tractaturi, an nō fortasse cēsēs do-
lorē qui ex soluta efficitur vnitate, cōcurren-
te duntaxat appetitu, fieri? quasi vero vel spō-
tanea res sit ille dolor, & non sicut antequā ap-
petitus se cōuertat, odio id q̄ soluit psequens,
nōne vides q̄ dolor præcedit odium, & volu-
ptas præcedit amorē, & appetitū? effectus aut̄
nullus est anteq̄ sit cā in actu. Sed pro maiori
dilucidatione sciendū est, oēs voluptates & do-
lores esse pprias affectiones facultatū cogno-
scētiū, nā appetitus vel est alicuius earū ope-
ratio, vel saltē illamēt facultas rōe tantum di-
stincta: quamobrē & hic est ordo in operādo,
cū sensus aut intellectus bonū aliquid siue iu-
cundū cognouerit, continuo si bonū est illud
auct atq; amat, vel amore cōcupiscentiæ, vel
amore amicitiæ & fruitionis, cū autē amat, si-
ue desiderat, fortasse magis gaudet: hinc n. a-
ctiones spontaneæ, ioci, relaxationes, somni-
q̄ etes, studiū, & cognata istorū delectat, ea nā-

que

que si sponte & cum desiderio facimus, sunt
magis iucunda, attamen proprie sub ea ratio-
ne qua cognoscunt, oblectantur, aut dolent,
& quemadmodum amor est effectus cogni-
tionis iucundæ siue alicuius boni veri vel ap-
parētis, eodem etiam modo appetitus, dolor
& gaudium, & si cum illo amore fit voluptas,
hoc etiam fit propter cognitionem: quod e-
nīm amat, hoc etiam amando cognoscit: vi-
sus enim cum viderit aliquod pulchrum, vi-
dendo afficitur voluptate, inde procedit a-
mor, & desiderium fruendi: illa tamen frui-
tio nequam & lasciuia pariter blanda, & sua-
uissima est cognitione, & consueuerunt appella-
re fruitionem iucundas quasdam & claras co-
gnitiones non dimittentes, cum commodi-
tate & possessione quadam; amorem vero
fruitionis illum appellant qui ab ea profici-
scatur cognitione, ipsique existat coniunctif-
simus, minimeque separabilis. Patet igitur
quænam potentiae gaudent, & doloribus af-
ficiantur, ac quomodo per appetitum & vo-
luptatem obtingere possint, quippe qui vo-
luntatem & dolorem augere valeat in ea, quæ
cognitionis est compos, facultate, vel contra-
obtundere vires, & existentiam pro apparen-
te mutare, ac certe non est modica vis, & pro-
pterea dicebat Arist. secundo Ethicorum c.
tertio, virtutes omnes & vitia ex dolore & vo-
luptate proficiunt, & hæc illas vicissim comi-
tar.

mitari. Nunc vero superest ut dissoluantur il-
lorum rationes. Ad primam autem respon-
deo concedens assumptum , illud videlicet
quod in eo fit dolor & voluptas, in quo amor
& odium generatur: etenim hæc in ipsa quæ
cognoscit facultate fiunt. Cum enim iucun-
dum & conueniens aliquid nouerit à quo de-
lectari senserit, statim amore illius accendi-
tur, aut contra in odium & inimicitias se con-
uertit , si tristem fecerit sensationem : at-
tamen voluptas amorem præcedit, quamuis
fieri potest ut intendantur illius vires subcre-
scente pariter amore, nequaquam vero ut a-
mat vel odio habet, præcise gaudet vel dolet,
sed potius quia dolet vel gaudet insuper ap-
petit & amat, aut auersatur & odit. Secunda
deinceps ratio, quæ ab obiectis desumitur,
multo facilius diluitur: supponunt enim fa-
cultates per obiecta differre, ut censet Aristot.
secundo de anima: itaque ut differt bonum
& verum, bonum iucundum & sensibile, tan-
tum etiam differt intellectus & voluntas, sen-
sus & appetitus sensitivus. Sed, aiunt, dolor &
voluptas appetituum sectantur obiecta: igi-
tur in appetitu dūtaxat fiunt. Minor videtur
esse manifesta, quoniam à singulis procedunt
obiectis, ut sunt iucunda, ac modo aliquo bo-
na. Respondeo quod intellectus est per se veri
& boni, voluntas autem est boni tantum co-
gniti, ac similiter in sensu : is enim ubi conue-

niens aliquid cognouerit, ab illo tanquam iucundo & bono afficitur voluptate, & iucundum hoc c̄est bonū ac cupit. Quis enim neget ne fiat dolor, velit aut nolit quispiam soluta vnitate, aut ne fiat voluptas tactui cum multa frigiditate doleret, ab ipso calore? omnis plane virtus si appetere & amare aliquid debeat, ea diuntaxat ratione amat & cupit; quia bonum & conueniens sit, vel tale saltem videatur, & contra nihil auersetur, ac odio prosequatur, nisi illud perspexerit esse malum, minimeque iucundum. Itaque ad hæc pertingit ipsa cognitio, ac talia cognoscenti cum esset in actu, siebat dolor & voluptas. Ad tertiam quia nondum manifestum est quid sit vtraque affectio, si concedam affectus pro maiori parte fieri per appetitum, haud tamen necessarium omnes, nam quidam manifeste ab aliis procedunt facultatibus, ipsa namque verecundia est quidam affectus, sed minime ab appetitu proficiscens, at potius ex sensu & opinione. Sed de hac re paulo post dicemus vberius. Postrema etiā difficultas nullius est momenti: nam etsi concedam fœlicitatem optimam consistere in actu voluntatis, nequaquam sequeretur ob id omnes doiores voluptatesque per hanc fieri potestatem animæ, sed aliquas tantum & fortasse omnium præstantiores. At neque illud verum est, quoniam Aristoteles, cuin antea diuisisset

fœli-

fœlicitatem in actiuam & contemplatiuam,
hanc postremam & optimam decimo Ethicorum cap. 7. reddebat intellectui, & in contemplatione putabat consistere, quæ est ut clara visio, quod in sequenti capite multo explicatius confirmauit, sumpto argumento à primo intellectu, primaque rerum causa, quæ est Deus optimus maximus: siquidem ipse totus est fœlicissimus, ipsique tota æque vita beata per æuum: attamen non quia formidolosas res sustinet, neque cætera secundum virtutes morum efficiendo sustinendoque, qualis profecto est actiuæ fœlicitas, sed intelligendo tantum, quippe qui sola fœlicitate potiatur cōtemplatiua per se ipsum, à se ipso, in se ipso, & ad se ipsum sine illa dependentia, pariter inquit & homo illa sua prope diuinā parte animæ sibi credita, operatione potissimum illa efficitur fœlix, quæ huic maxime est cognata & proxima, nimirum ipsa intelligentia, contemplationeue rerum præsertim optimarum in latitudine totius entis, at qui subcrescit gaudium si clare videat & cognoscat, nullaque formido suppetat amissionis.

C A P. III.

Quid sit obiectum voluptatis & doloris effectuum, in singularatione quadam, & figura communi hæc faciant, ac quomodo & cuius finis gratia existant?

Quoniam constitutum est in præcedenti capite, dolorem ac voluptatem fieri apud omnem cognoscentem facultatem, non immerito aliquis existimaret nullum esse determinatum genus, quod in se ipso contineat omnia, quæ effectus illos cident: nullum enim commune est genus sensibilium & intellectuum rerum, ab his autem nullo discrimine fiunt: attamen si rei naturam diligenter animaduertamus, nulla præterea relinquetur difficultas. Nam vna est communis figura, & quasi formula, cuius ratione gaudium cietur & voluptas, altera deinceps qua dolor & tristitia generatur, ob id dicebat Aristoteles decimo Ethicorum cap. 4. esse quædam pulchra in omni genere rerum sensibilium, & earum quæ per intellectum cognoscuntur, proportione scilicet respondentia pulchro secundum aspectum, nonnulla etiam deformitate tristitia, & quemadmodum ab illis gaudium, ita ab his dolor generatur, siue displicentia. Sed quoniam pulchrum & turpe se-

cun-

cundum quandam analogiam dicuntur, propter ea excogitandum est, quale nomen possumus accommodare proprium alterutro rerum, & obiectorum generi, sed neque hoc tacuit Aristoteles: dicebat enim conueniens & inconueniens esse per se causam doloris & voluptatis, quod enim aliquo modo conueniens est sibi & accommodatum, id voluptatem affert, contrarium autem dolorem, hoc etiam erit si dicamus bonum & malum: & certe hoc potest illa ratione demonstrari, quoniam per se dolor parit odium, & voluptas parit amorem: eadem igitur sunt causae doloris & voluptatis, per quae generatur amor & odium; sed horum subiecta sunt bonum & malum, ut visum est omnibus: ergo bonum & malum sunt per se causae doloris & voluptatis. Bonum autem, siue malum, non accipimus hoc loco secundum formam: sic enim fortasse vel neutrum mouerent effectum, vel saltem ad hoc bonum non attingeret facultas sentiens. Accipimus igitur vtraque concrete: bonum enim & malum sunt in rebus. Sed hoc est duplex, alterum ratione perceptibile, quod nomine hoc nudo bonum appellatur, alterum autem bonum & malum ad sensum, & hoc bonum & malum iucundum & iniucundum secundum sensum nuncupatur: voluptas autem fit ab his conuenientibus & bonis, quoniam iucunde & blande mouet,

at contra efficitur dolor cum mouent iniucunde & importune ut læsionem & incommodum, siue inconueniens aliquid referant. Solent autem iniucude mouere, sensum quidem si sensituum corpus, illiusq; temperiem, & propriam naturam corrumpant, aut saltem læsionem aliquam afferant: si vero sint cognata & familiaria, vel modo aliquo conuenientia delectant, nempe si cōgruant saluti, temperaturæ, totique substanciæ, & in omni sensu sunt quædam voluptates propriae, propriisque dolores, quædam vero communes, prepterea quod ipsis conueniant ut coniunguntur phantasie & opinioni. Proprios dolores & voluptates illos appello, qui fiunt à propriis subiectis sensibilibus, prout sunt talia, voluptas nimirum, quæ à colore & luce, aliisque visibilibus sit, propria censetur visus, vt pote si viridem colorem aspiciat, quia moderate ipsum congregat, si congruentes inter se colores, & analogiam habentes optimam, tum in mouendo, tum in repræsentando vicissim, intueatur, moderata quoque lux in opaco, quia potentiam vegetat, mouet, ac modo quodam perficit, aut post tenebras non admodum intensa, cum videre per illam incipiat: actus enim est perfectio potentiae, si vero repente lux nimia in visum irruat, virtutem illam in diafano pupillæ mouet, & disgregat: itaque dolorcm parit, quia sensorium lœdit,

& vi-

& visum hebetat, atque hinc nimia albedo dolorem facit visui, quoniam est color illum disagregans, hinc etiam & intensa nigredo, quippe quæ nimium congregat, sed minus displicet, nam congregatio minus, quam disgregatio nocet: interdum autem sensus videntur affici dolore ac voluptate, si coniungantur phantasie aut opinioni. Cum enim visu cernimus aquam tempore sitis, vel esculentam tempore famis, vel pulchram mulierem, optimas quasdam picturas, porticus & ædificia immensa, quasdam etiam facies ridiculas, voluptate afficimur, & visus oblectamento videtur recreari in illa suspicione; attamen phantasie & opinioni cōiunctus delectatur, quoniam imaginamur aquam & esculentam tristem illam posse appetentiam sedare, ac propenatura vacuitatem replere. Itaque sub imaginatione quod possint proficere, grademque illam appetentiam & tristem sensationem explere, cum spe insuper fruendi voluptas aduenit, excidit autem & pro voluptate fit dolor, si formido, vel dissidentia nō habendi, fruendiq; contingat, quemadmodum Poeta singunt Tantulum pena talionis propter concupiscentiam vexari, cum siti prematur intensa, & aquas usque ad mentum habeat pertingentes, quas tamen potare nec magnos possit adhibendo conatus, ac dolor perpetuo vires acquirit & euadit intensior, nec

secus plane fit in cæteris; cum enim viderit aliquis pulchram mulierem, sensus hic mouet sensum concupiscentiæ, & imaginatio refuet actum. Itaque mouetur ad concupiscentium, nisi ratio, quæ secundum naturam debet esse domina, appetitum illum moderetur, & refrangat, ita quoque delectant picturæ, vel iudicio rationis exhibito, quod artis peritiam, & ingenium referant, vel si spectaculum aliquid, nempe animalium fugam, nemora & confessus virorum, vel ridicula quedam non inepte præferant. In ipso etiam hoc modo fiunt dolores & tristitia, nempe si videat ouis ad se proficiscentem lupum, vel fortasse etiam depictum, ut illum perperam delusa cognoscat, partim timet, partim etiam dolet, & cunctis hoc accidit hominibus cum vident aliquem inimicum, nisi fortasse gaudeant vlturi, gaudet enim qui vlciscitur. Eandem dolorum & voluptatum differentiam facit auditus; in hoc enim soni inter graues & acutos medii voluptatem efficiunt, quoniam mouet suauiter, & sensorium non lœdunt, nam valde acutum videtur vt acus pungere; grauis autem vt pistillus impellere, commensuratum igitur mouet blande, & quoniam homo sensus habet, vt ita dicam, rationales propter rationis antiquam societatem ob id quodam altiori præditus intuitu, & facultate gaudet quadam vocum & sonorum pulchritudine,

nimi-

nimirum voce clara nequaquam aspera inter acutum & grauem media non obtusa, neque intercisa, quamobrem etiam gaudet illa proportione, & numero, quem rithnum appellant, tam in singulari voce, quam in compostis. Cum enim talis optima vox aures demulcet, sensus se ipsum admouet & applicat obiecto sentiendo, ut neque diuelli, neque turbari cupiat, sed si vox numerum amittat, videatur intercisa, & non amplius vna: sensus autem & iucunda applicatio vult vnitatem sine interceptione, gaudet etiam suo altiori iudicio, quia comprehendit artificium non vulgare, eamque ob rationem multæ simul voces in musicis delectant si sint consonæ, & claræ admodum, quoniam multa propter numericam proportionem in vnū coeunt haud modica peritia, quamobrem auditus facile cum voluptate sustinet illam applicationem, at si inter eas corrumpatur proportio, laborem pariunt & displicantiam, nam vnitate corrupta videntur multæ voces seorsum: at sensu præfertim audituo molestum est pluribus simul incumbere, quoniam applicatio præfertim facilis & iucunda vult vnum non multa. Hoc etiam facilimum est obseruare in sensu gustus, tactus & olfactus penes propria subiecta, atque hinc patet illius difficultatis solutio, quamobrem commensurata cunctis sensibus sunt iucuda, excessus autem omnes

molesti, etenim commensurata blande mouent, & cum salute, idcirco sunt iucunda, alia vero vehementius mouent, & forsitan corruptunt, aut saltem laedunt. An forsitan sensus in mediocritate consistit? sed hoc, ut mihi videtur, non fieret in omnibus, sed in ipso solo tactu, si nempe concedatur esse quandam formam siue potentiam ex optima, purissimaque *sophistica* primarū qualitatum profecta, nequaquam vero ex *sophistica* constat saporum, odorum aut sonorum. Cæterum gaudet intellectus tum cognoscendo multa, hæc enim est sua perfectio, tum meliora, præsertim difficultia valde, ac nimis optata, ac si ratione cognoscatur se habituru' aliquid, vel homo per ipsum, quod summo sit illi honori, summamque afferat utilitatem, vel spe quomodolibet futuri boni corripiatur, vel existimatione presentis, vel saltem honesti: cū enim vir studiosus habitum exercet virtutis alicuius, mens ipsa & practicus gaudet intellectus, nam iucundum est esse bonū, aut existimari, facere quæstum, veris abundare diuitiis, atq; aliis ad facillem commutationem utilibus, iucunda res est honor, dignorem esse ac cæteris præstare: itaq; non immerito gaudebit intellectus aut homo, cum se non esse illorum expertem opinatur, sed ubi contraria habeat opinionem & scientiam oritur dolor & tristitia. Sequuntur etiam plurimum voluptates & dolores
quaf-

quasdam corporum naturas, temperamenta & mores, siue consuetudines, & existimatio-
nes proprias longe in hominibus diuersas:
itaque pigris quibusdam hominibus veluti
desidia, & otium placet, ita displicant omnia,
in quibus opus est labore, & valida corporis
exercitatione: quapropter ex ipsis rari admo-
dum sunt venatores, aut milites, nisi vel ne-
cessitate quadam coacti, aut spe faciendi lu-
crum, vel opinione maioris boni, & honestæ
gloriae consequendæ cum aliqua utilitate alli-
ciantur. His vero ludi ut plurimum placent,
nisi contraria quedam obstat opinio, aut mo-
res & exercitium, atq; illis potissimum qui ad
pauca respiciunt, & minori curarum studio
tenantur, aut quos minima etiam cura fati-
gat, & rem istam vel saltem consuetudine ma-
gno prosequuntur amore, atque illis primum
indulgent ludis & oblectamentis, qui nullo
prope egent labore mentis aut corporis, & in
quo opinentur se maius lucrum efficere pos-
se, & in quo fortassis sibi videatur esse magis
fortunatos, magisque peritos, tametsi non
existant, atque aliis alii ludi placent, prout eis
vel magis victoria vel magis utilitas arridet, &
ludendi quedam forma honestior, vel ista si-
mul coniuncta: itaque alias alii ludi delectat,
prout vel magis idonei ad eos sunt, quam cæ-
teros, vel magis in eis victoriam affectant. Ob
id enim solent plurimam iucunditatem affer-
re, &

re, & voluptate perfundere, vt ait Philo-
phus, secūdo Rethoricorum: alii vero cæteris
magis arrident propter consuetudinem, alii
propter alias quasdam opiniones, illasque va-
rias, vtpote quibus magis prosperitas fortunæ
placet, iis ludi magis arrident, in quibus mi-
nus requiritur ingenii; plurimum autem for-
tunæ. Aliis contra arrident alii, in quibus o-
stenditur maius acumen, namq; in his maior
& præclarior victoria est, quippe quæ per vir-
tutem propriam obtingat, ibique magis in
quo splendor quidam & ingenii præstantia
demonstratur, & victoria quedam præclarior
in vsurrationis, quæ est homini, vt homo est,
propria: in hac enim est longe præstantior,
quā in cæteris, vbi parta victoria videtur esse
aut propter fortunā aut optimā corporis ha-
bitudinē, & robur naturæ: hoc n. neq; adeo
præstat, neque hominibus est proprium, o-
mnino tamen videntur omnes ludi, qui po-
tius lucro, quam victoria desiderantur, esse
familiares auaro hominum generi, quemad-
modum inquit Arist. quarto Ethicorum cap.
1. de liberalitate & auaritia, tametsi nimis au-
ari propter formidinem faciendi iacturam vel
omnino abstinent, vel ludunt res minimas,
arbitrati hoc modo se parum posse ē re pro-
pria absumere, multum autem, si fortuna vo-
let, lucrari, aut relaxationis tantum gratia, et
enim ludi relaxationes quedam sunt, & ob-
lecta-

lectamenta vitæ, & alii si debite suscipiantur ad robur corporis plurimum valent, tuerunturque valetudinem, alii etiam animo conferunt: sic enim prope deposita curarum mole videtur interspirare, & subinde ad reliqua, quæ impendent negotia, & graues cogitationes reddi paratior, longeque magis idoneus, tametsi excipere oporteat quosdam honestos ludos, & quantum ac quomodo oporteat. Aliis contra qui calidiores sunt, magisque robusto corpore & longe mobiliores, venatio placet, præsertim si in ea fuerint assueti, & victoria illa, atque certamen placet; hinc videatur militibus arridere, quamvis non omnes æque existimant bonum hoc modo vincere, & feris insidias parare fallacibus, aut celeres immanesque vincere, nec magnum aliquid esse aut honestum solatium, idq; si compensetur labore, videtur quibusdam non esse rem admodum iucundam nec prosequendam, & nonnullis, qui valde misericordes sunt, displaceat videre hæc animalia indigne pati, ac minimi videbis omnes venatores esse milites, quamvis venatio sit militiæ species, ut censet Aristoteles primo Politicorum: nonnullis enim placet hoc militiæ securissimum genus, aliud autem displaceat, ut pote non satis tutum, nec fortasse ad modum utile, quamvis honestum & magno dignum honore: viris autem ingenuis, & acumen maius obtinentibus, arident

rident in primis studia, & animi diuinitiae, atque in his voluptatem sentiunt, præsertim si opinentur se in ea re videri omnibus præclarissimos, efferrique ad summos honores, ac demum immortalitatis nomen adipisci. Omnipotens autem opinionum existimationumq; varietas in hominibus facit alia aliis apparere iucunda & molesta, quod magis ipsis videmus accidere, quam ceteris animalibus, cum obtinuissent facultatem illam minus pendetem a corpore, & plura cogitantem, opinantemq; varie. Quamobrem patet quæ sint obiecta doloris & voluptatis, & quomodo sigillatim in omnibus potentiis tales producantur effectus, nunc superest ut ipsorum usum, propriosque fines explicemus, ad quos potissimum illis utatur natura. Hoc vero palam explicauit Aristoteles i. Politicorum cap. i. partim etiam in fine tertii de Anima. Cum enim fecisset animal, ipsique sensum, aliis etiam intellectum tradidisset, ut futuri essent custodes vitae, & curam haberent totius animalis, operæ pretium erat ut dolore ac voluptate afficerentur, quoniam sic oneri imposito satisfaciunt, cum ad hæc duo se reflectant, & accommodent secundum illam necessitatem, ad prosequendum scilicet, & fugiendum. Deinceps autem in humano genere illis abutitur ad alium finem, scilicet ad virtutes; quamuis hinc etiam orta sint vitia, quemadmodum

modum declarauit Aristot. 2. Ethicorum cap. 3. tria etenim sunt, quæ in electionem, ac totidem in repudiationem cadunt, honestum, utile & iucundum, & tria contraria, turpe, inutile & molestum, & circa hæc probus vir bene agit, malus autem perperam. Fortassis etiam dolor & voluptas in communi non modicum momentum habent ad scientiam, itaque tum hoc, tum illo etiam modo videbatur necessaria perceptio doloris & voluptatis, siue cum dolore & voluptate: dolor enim non est obiectum, quemadmodum nos loquimur de illo.

C A P. IV.

Quid sit dolor & voluptas.

NVnc altera emergit quæstio, ad naturam illorum pertinens, de voluptate & dolore quid sint? Primum autem per predicata negativa, quemadmodum fecit Arist. quid non sint explicabo, vt subinde quid vterq; sit pròptius longeque expeditius appareat: etenim nonnulli opinabantur voluptatem esse quādam speciem generationis, dolorem contra corruptionem: Alii putabant dolorem esse indigentiam eius, quod est secundum naturam, voluptatem autem repletionem illius: Alii dolorem & voluptatem censebant esse motum: Alii eandem animæ primam operationem, nempe visionem iuciundi esse volupta-

Iuptatem, dolorem contra iniucundi molestique aspectum, quarum opinionum illę duæ primæ si secundum verborum faciem accipiuntur, nimium videntur fuitiles. Idcirco in earum oppugnatione non faciam temporis iacturam, conuertam nihilominus eas paulo post in sensum meliorem, quemadmodum fortasse ab illis accipiebantur, & cum illas re censeret Arist. per initia decimi libri Ethicorum, tertiam plurimis oppugnauit rationib. Enimuero motus omnis efficitur cum tempore, cum ex sua definitione successionē contineat, vel saltem ut proprium quoddam ad naturam eius quam proxime accedens; voluptas autem & dolor in instanti, & quemadmodum aiunt, subito nobis obtingere solēt, ergo non sunt motus. Hoc deinceps confirmatur, nam omnis motus est gratia alicuius, cum ad aliquem proprium terminum sit processio & via: necesse est enim ut intra duos terminos collocetur, videlicet terminum à quo, & terminum postremum, in quem pro sua natura deficiat: dolor autem nullus, & voluptas termini alicuius gratia videtur esse: ergo voluptas & dolor non sunt motus. Præterea ex motuum qualitate, nam singuli velocitate tarditateue donantur, quemadmodum idem explicauit Aristoteles tertio & quarto Physicorum: voluptas autem & dolor omnino velocitatis ac tarditatis sunt expertes;

go

go non sunt motus. Minor propositio non eget vlla probatione, quoniam manifestum est dolorem dolori comparatum, aut voluptatem voluptati, neque huic illum, esse alterum altero velociorem vel segniorem. Et quamuis dicere consueuerunt nonnullos cito à dolore in lätitiam conuerti, aut contra, aliosque cito dolere, aut lätari, vel plane signius, hoc nullam affert difficultatem : illud enim breve tempus esse significat, quod inter dolorem & voluptatem intercipitur, alterum vero facilitatem quandam, & maiorem promptitudinem arguit, secundum quam bene, maleue dispositi facilime dolent, & leuissima occasione lätantur, illæ tamen affectiones semper eodem modo in instanti fiunt, siquidem dolor & voluptas, aut ipsa cognitio est, vel ab illa nequaquam separabilis. Cum igitur cognitio fiat sine tempore, rationabile quoque est, illos esse in instanti, sed quandoque cum perseveret applicatio facultatis circa obiectum conueniens & bonum, tum permanet voluptas, tum etiam solet intendi, vt quandoque pro moderato gaudio fiat immensa lätitia, quemadmodum si pauca lux modicum efficiat lumen, ac deinceps addatur aliud, tum illud suberescit, tum etiam luminari non dimittente perseverat. Postremo motus est determinati cuiusdam generis, aut enim est in quantitate, aut in qualitate, aut in ubi, sed volu-

ptas & dolor nullius sunt determinati gene-
ris, ergo motus non est genus illorum. Sed al-
tera opinio maiorem habet difficultatem, ex-
istimabant, vt dixi, dolorem & voluptatem
esse quasdam cognitiones, in quorum nume-
rum videtur deinceps aptatus esse Galenus,
cum diceret, dolorem esse tristis sensationem
vt pote quod dolor in communi sit cognitio
tristis, & voluptas cognitio blanda siue hila-
ris, & videtur eorum sententia valde proba-
bilis, quoniam si refrigerato corpori, atque
ob id dolenti calor blandus applicetur, sentiet
voluptatem, at ea voluptas nihil est, nisi co-
gnitio illa caloris, per quem in naturam redu-
citur, suamque propriam temperiem vnde
deflexerat, in gustu pariter voluptas est illa
sensatio saporis conuenientis, dolor autem
inconuenientis & ingrati pereceptio, & in re
ipsa vencerea tactus illa cognitio valde suavis
videtur esse substantia voluptatis, sensus ni-
mirum spumescens humoris agitatione ve-
getis caloris, motuq; suauiter prurientis spi-
ritus, ac demum blanda seminis tentigine, &
reliqua frictione manifesta. Ac certe si quæ-
libet potentia cognoscens inter obiecta, quæ
cognoscit, nonnulla habet pulchra, nonnulla
itidem deformia, quædam haud dubio cogni-
tiones erunt species dolorum, quædam autem
voluptatis. Aristoteles autem eorum senten-
tiam confutauit 10. Ethicorum cap. 5. & cau-
sam

sam quamobrem in cum errorem laberen-
tur, attulit; siquidem ita ad verbum ait: Ma-
gis autem propriæ sunt operationibus volu-
ptates, quæ sunt in ipsis, quam ipsæ cupidita-
tes, nam hæ quidem sciunctæ sunt tempori-
bus, & natura, illæ vero propinquæ sunt, atq;
adeo indistinctæ, vt contentio sit, si idem sit
operatio, & voluptas, non tamen ipsa volu-
ptas mentis esse videtur operatio, neque sen-
sus, est enim absurdum, sed quia non separa-
tur, idem quibusdam videtur. Hinc equidem
multa colligo, primum autem quod sensus,
mentisque operationibus longe proximior
& cognatiор est dolor & voluptas, quam cu-
piditates, quippe quæ etiam ab his profici-
scuntur, vt cñim superius dicebam, cum fiat
in aliqua cognitione dolor, & voluptas ab his
procedit amor & cupiditas, siue odium & cu-
piditas absentia. Alterum vero est, quod vo-
luptas & cognitio sunt natura distinctæ,
quamvis perperam antiqui deciperentur, ex-
istimantes esse idem propter vicinitatem, ar-
guit eos philosophus illa ratione. Nam volu-
ptas operationem ipsam cognoscens, vt co-
gnoscens est, perficit, vigorat & confirmat,
ac dolor è contra deiicit & submittit; nullum
autem se ipsum confirmat, aut intercipit, igi-
tur voluptas & dolor ab operatione diffe-
runt. Amplius omne prius differt à posterio-
re, atqui cognitio est prior dolore & volunta-

te, cum non conuertantur, igitur voluptas seu dolor & operatio cognoscentis res est omnino diuersa. Insuper res vna eademq; modo voluptatem affert, quæ tamen antea tristis erat cognitio, tamen eadem est secundum naturam, quamuis numero differens. Præterea quodcunq; ab aliquo procedit non est ipsum: sed voluptas & dolor à cognitione procedūt: igitur neutra est cognitio. Amplius definitio ne conuenirent: sed definitione, fine ac natura differunt, ergo non sunt idem, imo præterita nonnunquam facultatis cognitione, applicationeque circa bonum aliquid, voluptas nihilominus permanet, illa inquam vacatio cure, & animi tranquillitas: quid igitur erit voluptas & dolor? Respondet Aristoteles citato loco iis verbis, perficit autem operationem voluptas non vt habitus, sed vt pullulans quidam finis, itaque censebat dolorem & voluptatē esse quēdam finem necessario pullulatē à quibusdam cognitionibus, & sequenti capite appellabat proprietatē operationum; ab illa enim perfectissima cognitione rei cōuenientis pullulat voluptas necessitate seque lā; ab opposita vero pullulat dolor, est autem perfectissima ipsius bene dispositi operatio ad illud quod est pulcherrimum eorum, quæ sibi subiiciuntur, ac propterea consueuimus appellare hilares, & voluptuosas cognitiones illas, vnde velut finis necessario pullulat gau-

gaudium, alias contra tristes & iniucundas.
At si finis pullulans est, qualem induit naturam? Arbitror non esse affectum, sed, affectionem & alteritatem ipsius potentiae cognoscens, ac propterea non esse actionem, sed passionem, vel potius neutrum, sed quemadmodum antea dicebam, affectionem profici-
scientem à prima cognoscentis alteratione.
Itaque Aristotel. 3. Rheticorum ad Theo-
dect. cap. 10. definiebat voluptatem & dolo-
rem, inquiens: Voluptas est animæ affectio to-
ta simul sensibiliter in naturam proficisciens,
dolor autem in contrarium naturæ statum.
Quod etiam sensisse mihi videntur illi senio-
res philosophi, qui putabant, voluptatem esse
quandam generationis speciem, dolorem ve-
ro corruptionis, siquidem ut vera generatio
radicatus ad naturam perducit, nimirum ad
speciem, corruptio vero ad naturæ huius non
esse, ita etiam voluptas, cum ad illud quod est
secundum naturam sit profectio, non imme-
rito quædam appellatur generatio, atque pa-
riter obscuris nominibus hoc ipsum sentie-
bant, dicendo voluptatem esse repletionem,
dolorem vero indigentiam eius, quod est se-
cundum naturam. Qui denique motum illos
esse assertebant, profecto illas cognitiones
quædam esse arbitrabantur: sunt enim alte-
rationes quædam, aut si alteritates quædam
sint ab ipsa cognitione proficiientes, eodem

C 3 modo

modo motustotus simul & necessario pullulas viderentur. Aristoteles autem oppugnabat eos, qui in reprobum sensum abutebantur illis opinionibus. Mihi videtur optima haec esse definitio voluptatis & doloris. Voluptas est iucunda cognitio; dolor autem cognitio tristis, & sunt de genere illarum definitionum, quas Aristoteles propter quid reddentes appellat 2. libr. de Anima, vel aliorum more causales, quoniam, ut dicimus, quadratum esse mediæ inuentionem, & Lunæ defectum esse terræ oppositionem inter solem & Lunam per candem diametrum alterutrum astrum contingentem, ita voluptas dicitur blanda cognitio, vel rei conuenientis, utpote quod ab ipsa tanquam finis pullulans necessario proficiatur, & dolor contra cognitio rei tristis, quod inde procedat, sed proprie affectio est formaliter, ac propterea definitione magis exacta: oportet dicere hoc modo. Voluptas est cognoscentis affectio, vel delectatio propter cognitionem boni & conuenientis, dicitur autem in naturam proficiens, illud n. quod ab excessu aliquo ad naturalē statum perducit, aut omnino naturæ conueniens est & familiare, per se ipsum delectat, & voluptate afficit, contraria vero efficiunt dolorem, ac propterea definitio illius erit per opposita prædicata quantum ad differentias pertinet, proximo namque generi citra difficultatem conueniunt.

*De tactus dolore sitne ille duntaxat vere do-
l.r, & quapropter hic sensus maiores
experitur dolores & volu-
ptates.*

OB plurimas difficultates & controuer-
sias, quæ circa sensus huius dolorem ob-
tigerunt, ego proprium caput propriamque
de illo tractationem institui, quoniā, vt paulo
antea dicebam, extiterunt plurimi, qui censem-
bant dolorem esse proprium tactui, nullamq;
facultatem, hac vna duntaxat excepta, dolo-
ris esse participem, tametsi aliæ pro doloribus
quasdam displicentias, tristitiasque sentiant
ob ea, quæ in subiecto genere videntur tur-
pia, minimeque conuenientia, ac propterea
citra ullam distinctionem doloris, cœperunt
dubitare, vtrum dolor à solutione vnitatis,
vel ab intemperie fiat? quasi vero nullus do-
lor sit præter eum, qui fit in tactu. Sed quo-
niā satis in superioribus demonstrauit hoc
esse absurdum, propterea hic nolo sine vtili-
tate fimbrias dilatare, potissimum quia diffu-
se admodum hoc explicauit Aristot. I. Rheto-
ricorū ad Theod. 4. & 5. c. nonnulla tamē bre-
uiter attingā. Cū enim dolor & voluptas sint
affectiones contrariae, quomodo fieri potest,
ne in subiecto codēfiat, vt inquit Arist. 10. Me-
ta. c. de oppositis, attamē voluptas sit in omni-

sensu, in mente & opinione; igitur in eis quoque efficitur dolor. Id etiam confirmatur definitione iucundi & molesti; ait enim Aristoteles. I. Rheticorum ad Alexandr. Iucunda sunt ea, quæ voluptate afficiunt, iniucunda vero quæ dolorem afferunt sed in omni sensu ac mente sunt propria quædam iucunda & molesta: igitur voluptas & dolor per omnes reperitur sensus, omnemque potentiam cognoscentem istorum corporum. Verumtamen consueuimus propter acerbitatem & naturam excellentem dolores potissimum appellare, quos tactu patimur insolentiores, atque adeo nomen commune translatum est ad unam speciem. Sed quare non sit aliis dolor animali, neque voluptas, qualis dolor est, & voluptas tactus, eget explicatione, huius autem scire oportet, non unā modo, sed multiplicem esse causam. Primā autem esse illam, quia, ut antea demonstrauimus, dolor & voluptas sequuntur cognitionem, quapropter ut certior est cognitio, ita intensior fit dolor & voluptas: sed tactus est sensuum omnium certissimus: igitur consentaneum erat, ut dolor eius atque voluptas præstaret cæteris, ratio est ab operatione desumpta. Secunda deinceps ex modo ipsius operationis desumitur: tactus enim proxime afficitur à suis sensibilibus obiectis, ut pote cum contactu vel corporis, vel virtutis agentis; igitur consentaneum erat

erat clarior tum gaudere propter iucunda,
tum acrius propter molesta dolere. Tertia
sumitur ab obiecto, hoc enim agit realiter &
materialiter in sensorium tactuum, maiore-
que adhibet agendi potentiam, cum vel toto
corporc agat citra medium, vel agentibus o-
mnino qualitatibus; alii vero sensus vel re-
motius patiuntur, vel nequaquam à toto cor-
pore, aut à qualitate non actiua, ac propterea
dolor, qui sit in tactu, efficitur cum quadam
corruptione organi, seu qualitatum ipsius, vel
salem cum graui passione reali, qualis sit ex
solutione continui, aut ab inæquali intempe-
rie confertim facta, vel ob insignem aliquam
passionem comprimendo, cōuellendo, aspe-
riue fortiori attacku. Præterea id ratione
potentia potest euenire, quoniam hic sensus
est vitæ essentialior, quandoquidem consistit
in *ανυπέτειᾳ* primarum qualitatum elemen-
torum, quæ corpus viuentis animalis consti-
tuunt, quapropter ea, quæ tactui sunt mole-
sta, minimeque conueniunt, illa quoque vi-
talem substantiam realiter afficiunt, & vitæ
sedem perturbant, ac maiores à natura faciūt
recessus, iucunda vero & conuenientia tum
conseruant, tum proxime ad naturam acce-
dunt: censebat etiam Arist. hoc esse propter
sensorium. Quod enim assignatur tactui, est
finitimum cordi, quod alioqui, ut ipse existi-
mat, est prima sedes doloris & voluptatis. Ac-

cedit præterea quod maiore concretione ad subiectum patitur hic sensus, sunt etenim vere passiones ipsius materiae, itaque caro, aut aliud sensorium tactuum vehementius dolet. Præterea videbatur hoc opus esse ratione finis, quoniam hic sensus tactus dicitur sensus vitae, cum propterea nullum animal hoc uno possit carere: quapropter hic primum est lucis huius & vitae custos, ac non immerito opus erat eum habere ante alias acutissimum actum sentiendi doloris & voluptatis, ut vita illam custodiad sibi in primis creditam longe melius, ob animalis salutem tucretur. Cum vero sensus hic, suumque sensorium sit fusum per omnia, tunc magnae in illis fiunt passiones, atque dolores, cum sensus hic tactus illos excipit, nempe si magna lux pupillam lœdat, si saporosum aliquid linguæ videatur molestum, quod sicut acus pungat, conuellat, aut asperitate quadam dolorifica detergat: vehemens autem compressio detentioque caloris in dolore mentis & imaginationis profundo, facit uno etiam die canitem, quia siccatur & digerit humorem proprium.

C A P VI

Quæ sit causa doloris secundum tactum.

Magna est etiam controversia de propria causa generationis dolorum, nam medici inter medicos, philosophi inter philosophos,

phos, omnesque demum inter se dissentunt,
cum alii censemant dolorem ab intemperie so-
la generari, alii contra à solutione continui,
vt perinde res ista per se sensatissima visa sit
ardua, & perrecondita. Illi vero qui existi-
mant dolorem proficiisci ab inæquali intem-
perie, primum arguunt experimēto sensuum,
quoniam in horroribus hybernis circa solsti-
tium hyemale ob magnam frigiditatem dolo-
res fiunt, illam enim inæqualem intempe-
riem partes omnes egreferunt magno admo-
dum à natura facto recessu sensibiliter, ac pre-
sertim illud experimur circa radices vnguiū,
vbi intemperies frigida vehemētius agit pro-
pter eius partis sensus alacritatem, & caloris
inopiam, ac prædensō vngue nimium refri-
gerato, qui sua natura est frigidiusculus & pe-
ne ossus, & pars est illa satis neruca, vt prope
detectum neruum, aut illi similiū possimus
existimare, frigidum autem mordax, & inimi-
cum est neruis, idem etiam acerrimus calor
efficit in contrariā qualitatē. Nec recipien-
da, vt aiunt, sunt aduersantium verba, qui fa-
tentur calore & frigiditate interdum fieri do-
lores, & illos quidem insignes, eos tamen non
esse acceptos referendos intemperici, quo-
niam neque frigiditas, neque etiam calor do-
lorem efficiunt, nisi dissoluāt continuum; ca-
lor enim dilatando, & frigiditas contrahen-
do nimium cōuellendoque dissoluit. Et quā-
uis

uis non efficiant solutionem ad sensum maiorem & manifestam, satis tamen est ut fiat quædam immanifesta secundum minutissimas fibras: eos nimirum arguunt, quod videantur futilia dicere, nā partes ipse in ingenti frigore vnitatem seruant incorruptam, nulloque immutatam modo, neq; sit illa minuta solutio latens sensum, quoniam processu temporis, intemperie nimirum diutius perseverante, partes illæ omnino lacerarentur, & nulla fibra maneret incolmis, & mirum est de ipso calore, nam si per illum tata fieret extensio partium, dubio procul in omnem dimensionem vehementer augerentur. Præterea moderate calidum, vt calidum est, facit voluptatem & iucunditatem sensui, ergo immoderatus calor parit dolorem: illud enim in cunctis fieri solet, vt, cum mediocre & *omnium* est causa voluptatis, excessus causet dolorem. Præterea dolorum hoc genus est cum aliqua reali passione: igitur ab ipsis primis qualitatibus fieri potest, efficique debet, probatur consequentia, nam passiones propriæ & alioqui vehementiores ab alterantibus & actiuis qualitatibus efficiuntur: actiua autem propriæ ac per se sensibiles sunt calor & frigus, per quos intemperies inæquales fiunt. Præterea dolor huiusmodi est cum passione, & corruptione saltem dispositiue partis sentientis, nam propterea dolet, quia ad corr

ptelam

ptelam afficitur, sed calor & frigiditas per vi-
am alterationis sunt causæ per se cuiuscunq;
naturalis generationis & corruptionis, vt ait
Philosophus 4. Meteor. in principio : i-
gitur ob inæquales ab his factas intemperies
efficitur dolor. Præterea hic alicuius obiecti
sensibilis perceptionem sequitur, conuenien-
tius est autem ab iis fieri quæ sunt sensibilia &
obiecta tactus per se, quam ab illis, quæ sunt
per accidens, aut saltem communia: sed dictæ
qualitates sunt tactui per se, ac primo sensibi-
les, vnitas vero vel solutio est sensibile com-
mune: igitur ab earum inæquali intemperie
per se cietur omnis dolor. Cum autem vide-
rent quandoque animalia dolere propter so-
lutionem continui, compressionem, erosio-
nem, conuulsionem, & eorum similia, dice-
bant ea non per se immediatam esse causam
doloris, cum illum potissimum efficiant qua-
tenus illis coniungitur intemperies, nam so-
lutio & contusio cum motus sint confessim
facti calorem mouent vrētem, qui propriam
naturam partis dissoluit, itaque res potest esse
valde molesta & iniucūda. Alii contra posue-
runt causam doloris immediatam esse solu-
tionem continui in ipsis sentientibus partib.
intemperiem autem esse causam mediatam,
quoniam non omnis intemperies dolorem
parit, quemadmodum omnis solutio, quam-
uis lœuissima & minima, ab acus nimirū pun-
ctura,

Ctura aut alio quocunq; leniter soluente corpore. Quámobrem illa sola intemperies erit causa doloris, quæ ad vnitatis solutionē perducit, quod visus est dixisse Galenus in libro de inæquali intemperie. Ego tamen satis mirari in hac re non possum, quomodo tanta opinionum varietas sit exorta in eo quod est valde sensatum? certum enim uero est, dolorem non modo sub sensum esse, sed illum etiam importune extimulare, & nihilominus aut cupiditate contradicendi, aut propria mentis acie confisi plerunque dimittunt sensum, & mentis querunt rationem, quod est infirmitas intellectus, vt ait Aristotles 8. Physicorum contra Zenonem. Itaque nec prima classis opinantium, neque, vt arbitror, secunda propriam doloris causam est assecuta, nam et si recte hucusque dicant, quod inæqualis intemperies est causa doloris, aut illum esse sobolem solutę continuitatis, cum vero hanc, aut illam esse causam adæquatam proferunt, apertissime decipiuntur: idcirco ad mentem Aristotelis 7. Ethicorum & 1. Rhetoricorum ad Theodecten pono illam conclusiōnem, causam doloris esse illud, quod tactiuo sensorio grauem aliquam potest afferre læsiōnem, vnde emergunt multę particulares conclusiones; prima nimis est, quod inæqualis intemperies potest esse doloris causa: altera deinde quod potest fieri ab vnitate soluta:
tertia

tertia quod ab alia quadam causa, quæ neque continuum soluit, neque intemperiem facit, nonnunquam obtingat. Quæ quidem, ut magis manifestant, & res tota, quod nostrum institutum est, dilucidetur: sciendum est in primis quod sicut dolor, & voluptas in communi ad inuicem sunt opposita, eodem modo voluptas & dolor tactus: itaque propter istud principium non est ambigua prima conclusio, nam quemadmodum voluptas ab his qualitatibus generatur, quare non etiam dolor effici potest? ac mihi, ut ingenue fatcar, videtur superfluum amplius insudare, si dolor ab intemperie & ynitatis solutione fiat, nam erubesco demonstrare illud quod est sensui manifestum. Verumtamen ambigere hic solent viri perspicaces, cum plerunque videamus fieri quosdam abscessus & tumores, humida nimirum, frigidaq; effluente materia, quos medici ædemata vocant, in quibus tametsi pars ipsa affecta humidam patiatur intemperiem nequaquam dolet, vel forte sit quidā dolor stupidus vix sensu perceptibilis, nonnulli etiam fiunt, quos scirrhos appellant ab humore dicto melancholico, humore inquam crasso & glutinoso in carneam prope ipsam naturam cohærente, qui etiam indolentes sunt, & tamen ex intemperie fiunt. Secundo videmus quotidie febres accedi in hisce corporib. præsertim hecticas nūcupatas & habitua-

bituales, in quibus fit calida & sicca intemperies citra dolorem: plurimæ sunt etiam particulares quarundam partium intemperies calidæ non intensæ admodum, quæ vacant dolore. Tertio si dolor ab intemperie natus est fieri propterea quod à naturali statu facit recessum, quamobrem refrigerata manu maior suspetit dolor, potissimum circa radices vnguium, vbi calor confertim accedat, quippe qui facit repletionem, & restituit in naturalem statum. Ob primam difficultatem dixerunt plurimi, & potissimum Galenus, octo esse simplices intemperies, quatuor nimirum sine materia, ac totidem materiales: propterea dicunt earum intemperiārum, quæ sunt absque materia, calidam & frigidam vhemētes cīere dolores, siccā mouere quidem illos, sed exiguos: humidam autem esse omnino sine dolore, alias vero omnes illum efficeri si fuerint cum materia, nam intemperies humida materialis eo saltem perducit, vt distendendo partium soluat vnitatem, illos autem esse dolores exiguos, quoniam humiditatis affusio sensum ipsum obtundit, & illius proprium vigorem refringit. Sed illorum pacē mihi videretur absurdum esse, vt detur humida intemperies sine materia: quomodo enim fieri potest, vt illa fiat nisi humor aliquis recens accedat, partemque ipsam replete? Ob id dicebat Arist. 2. de Anima tex. 113. si quippiam

piam tangat alterum in aqua, suasq; habeant superficies humectas, fieri non posse ut se ipsa tangent immediate, quoniam humiditas non est sine corpore, itaque non est humiditas aqua sine aqua, & propterea nullum humidum posse alteri proprium communicare madorem nisi corpus etiam una commisceat. Hoc etiam confirmavit 25. problematum questione 3. & quæstione 20. Illud præterea quod intemperies siccæ possit esse causa doloris, arbitror esse pariter absurdum, nam siccitas est proprie huiusc fluoris quædam priuatio, & cum sit qualitas sicut humidum passiua, non potest per se ipsam causare dolorem, & ita neque humidum, ut humidum, est doloris effectuum: quam enim efficiunt sensationem? melius itaque fuerit existimare humorem ratione substantiæ partem intendentis, & siccitatem conuellendo, rodendoque ob qualitates corporis, aut simpliciter sicut in neruo, ex accidenti ciere dolorem, siccitas enim contrahit, quemadmodum fidibus accidit igne siccatis & neruis eadem ratione, & quoniam humida substantia pene calorem obruit & sensitum spiritum, propterea sensum obtundit, & in eodemate dicto tumore modicum patit dolorem, in aliis vero duris tumorib. scirrhosis fortasse fiunt remissiores, quoniam letus ille humor & tenax carni adhæret, & videatur adnasci. Ad secundam præterea difficulta-

Dicitur tem

tem respondeo, quod multæ conditiones requiruntur, ut ipsa intemperies sit causa doloris. Prima vt confessim fiat: sunt etenim cele-
res istæ mutationes naturæ admodum obnoxiæ & permoleste. Secunda vt non sit habitua-
lis, ex quibus sequitur vt dolor potius oriatur,
cum sit. Tertia deinceps vt sensorium sit bene
affectum, & sensus non sit alio fortassis auer-
sus, quemadmodum ipsi contingit frenetico.
Nunc facile patet solutio ad argumen. nā fe-
bris hectica est habitualis, & intemperies omni-
no facta, & sensim genita, vt propterea febri-
entes illi existiment se febrem non habere. In
cæteris etiā partibus, si sensim intemperies fiat,
vix dolor sentitur, & quandoque doloris sen-
sus non adest, quoniam facta iam fuit, & non
habet amplius refouentem causam, quemad-
modum nonnullæ habent inflammationes,
in quibus est mordax calor, qui dolorem non
desinit mouere, quo usque in naturam partis
non cesserit, & quemadmodum mordax ca-
lor, & insolens frigiditas semper sentitur, ita
semper faciunt dolorem. Ad tertiam respon-
deo, quod ibi dolor sit, quoniam confessim
sit transitus, & celeriter multumque simul
calefaciendo facit quandam antiparastasin,
illaque frigiditas propter occlusionem & pe-
netrationem sit intensior. Quid tum de con-
tinuatis solutione, potest ne aliquis dubitare
ne ab illa etiam fiant insignes dolores? cum
illud

illud pateat experimento, videmus enim siue per incisionem, aut puncturam, erosio-
nem vel contusionem, aliquo quouis modo
fiat haud mediocres, sed pene intolerabiles
fieri dolores, quorum nemo est, ut arbitror,
qui in se ipso periculum non fecerit, ratio ve-
ro illa, quoniam soluens continuum realem
passionem inurit sensituo corpori, grauem-
que laesionem corruptentem partis natu-
ram, quippe quæ sua natura est vna. Quam-
uis multi dubitant, nam dolor aut cognitio
est tactus, aut eius sequens cognitionem,
quodcunque autem sit, fieri non potest, ut a-
liquid sit causa doloris, quod per se ipsum
non sentiatur, sed unitatis solutio non est res.
cognoscibilis tactu per se, quia non videtur
esse proprium sensibile, ut cunctis patet, nisi
fortasse sit commune, & nisi sensus hic co-
gnoscit suam unitatem, quomodo potest co-
gnoscere solutionem? relinquitur ut per se
ipsam unitatis solutio dolorem efficere non
possit. Secundo quamobrem fit, ut facta so-
lutione continui, non amplius permaneat
dolor, sed erat tantum cum fieret, aut paulo
post, in ipsa vero intemperie dolor fit semper
a principio ad finem. At vero si unitatis solu-
tio est per se causa doloris, nequaquam fieri
posse videretur, ut sensu bene disposito,
& causa existente in actu, effectus qui na-
tus est ab illis prouenire nullo modo fiat.

55 DE VOLVPTATE

Tertio videmus in ipso certamine nonnullos excipere magnos ictus, magnasque pati solutiones continui, eos tamen nequaquam dolere, cum alioqui solueretur vnu: consequens igitur est solutionem continui per se ipsam non esse causam doloris. Quarto ex antiquorum monumentis habemus exemplum Mutii, is enim cum dextera cremaretur ignibus, videbatur non dolere, nec signum aliquod quod etiam minimum sit doloris referebat, quod mihi confirmarunt recentiores historiæ: cum enim Hispano cuidam nobili & fortissimo ad viuum searetur brachium, nullum doloris sensum habere demonstrabat, cum tamen pars ipsa esset sentiens. His omnibus difficultatibus si modica adhibetur diligentia, non erit arduum respondere. A prima vero, quemadmodum decet, exordientes interponemus quorundam solutionem, qui quidem asserunt unitatis solutionem esse reducibilem ad numerum, qui ponitur inter sensibilia communia: sensus enim apprehendit unum negatione diuisionis, & numerum solutione continui (sic enim habet generationem) aut negatione continuatatis, vnde partis exitus in hanc diuisionem per dualitatem fit sensibilis in modum numeri, quamvis non ut numerus intentionaliter perceptus in rebus extrinsecis, quoniam ille ab omni sensu percipitur, sed tanquam numerus substantiaz

mem-

membri corruptius, qui ex ipso tantum tatu percipi potest. Hanc vero solutionem ne ipsi quidem fortassis intelligunt, nam numerus, neque ante solutionem, neque cum fieret, erat, sed omnino post factam, dolor autem erat, cum fieret: ergo præcedit numerum. Quomodo autem hoc fieri posset ut effictus propriam præcederet causam? Præterea hoc videtur valde irrationale, ut propterea qui incidit, dolorem faciat, quia multiplicet numerum, faciens nimirum ex uno multiplex, siue ex unitate binarium. Nam et si numerum non animaduertat, aut omnino non cognoscat, vel ab eo præscindat, nihilominus ob eam solutionem dolor est, atque punctura non facit ex uno binarium, præsertim si leuiter pungas, & pars ipsa sit valde sentiens, quemadmodum est oculus, & recens caro vulnerum, quæ sensum habet insolentiorum. Præterea numerus abstractus non cognoscitur à sensu: concretus autem est sensibile commune, & ab omni sensu percipitur in ratione numeri. Quarto nō unitis ad huclabiis vulnerum assidue dolor eam partem vexaret: neque enim abesset numerus, qui dolorem per se ipsum potest generare, ut ipsi existimant. Præterea dicerem continui solutionem causare dolorem ob realem passionem corruptiuam, siue afflictiuam, & acriter lacerentem sensuum ipsum instrumentum: id enim quod reales i-

stas passiones afferre potest, natum est etiam generare dolorem, id quidem magis, alterum autem minus, prout maiores vel minores inferunt passiones cunctis partibus. Et quid peius contingere potest sentienti parti, quam eius laceratio, vel magnæ intentiones? imo hoc aliud dico, quod si fuerit aliqua res incisa, siue contundens ex cœlesti materia confecta, aut alia fortassis nobiliore, nihilominus efficeretur dolor, si talem tantamque haberet resistentiā, agendiq; potestatem, ut partem illo modo laceraret, & naturā eius corrūperet vnam. Dices omnis dolor sequitur cognitionem, cognitione autē obiectum, attamen hic nullum obiectum tangibile potest assignari, nam cœlum caret omni tangibili qualitate? Respondetur sensibilem esse illum renixum corporis, & ob id illam actionem, cōpressiōnemq; magnam afferentem lēsionem afflictuum organi, per quam hoc patitur, & dolet à quocunq; id siat corpore, atq; hoc est de sensibilium priorum numero, sicut graue & leue, asperum & lene, quod enim est siue obsistens, siue cedēs, hoc tactus confessim animaduertit, ac si obsistendo, comprimendoque organum, aliquo modo conuellit, dolorē parit. Cum vero diceret, Cœlum carere qualitatibus tangibilibus, dico ipsum carere alterantibus & motiuis, nimirum grauitate & leuitate. Hinc est quod si quispiam infra Lunā ponere-

neretur, si manum attollat, cognosceret renixum, si fortasse obniteretur, & non cederet, aut si fortasse cederet renitendi priuationem cognosceret, nos etiam si veritatem dicere non grauamur, plerunque cognoscimus aliquorum resistentiam nulla in eis cognita caliditate, frigiditateue, aut alia eiusdem generis qualitate, cognoscimus saepe in aere cedendi facilitatem sine aliarum qualitatum adiumento, saepe etiam manuum altera tangit alteram, & mutuum cognoscit renixum, cum alioqui calor & cætera sint similia, saepe etiam calceatis pedibus nonnulla renitentia cognoscimus, quando iam nullus calor, nullaque frigiditas in tactuum illud peruerterit corpus. Ad secundam difficultatem principalem respondeo, solutionem unitatis non posse causare dolorem, nisi cum sit, cum enim facta est, non amplius mouet, nam ipsum dissoluens erat quod mouebat dolorem, hoc autem continuo abest; in ipsa vero inflammatione causa quæ facit dolorem, perpetuo manet, calor in quam mordax & molestus sensui, fieri tamen potest, ut cum recens est vulnus, aut contusio, dolor adhuc maneat, nam partes adhuc recens vexat solutio & laceratio, præsertim si calor in ipsa solutione concipiatur. Ad tertiam dico quod vulnus celeriter inflatum doloris sensum non facit, quoniam propter celeritatem sensum latet, tum etiam illo

quia sensus eorum, mentisque acies tota est
alio conuersa, & valde, vt aiunt, extraneata,
itaque non possunt aliis rebus animum ap-
pellere, vnde neque ipsi frenetici dolorem
sentiunt, de quibus ait Hippo. dolere quidem
illos, dolorem autem minime sentire, ad hoc
erim requiritur applicatio conuersioque fa-
cultatis cognoscentis. Ex his pariter diluitur
quarta difficultas, multi namque viri fortissi-
mi honori, qui propter fortitudinem debe-
tur, tantoperc student, vt sensum mentemq;
alta cogitatione retrahant à rebus illis, dolo-
rem inurentibus: quapropter videntur non
dolere, vel censendum est illos sentire qui-
dem, sed magna fortitudine vigoratos vim
doloris sustinendo, continendoque superare.
Cæterum quod aliae quedam causæ neque per
intemperiem, neque ob solutam vnitatem
dolorem pariant, manifestum est, quoniam
vidimus detectum neruum, qui ab omni læ-
uissimo, minimoque contactu corporum do-
lorem sentiebat, eoque magis erat intensus,
quo magis comprimeretur: attamen neque
intemperiem, neque continui solutionem
efficiebat, nam quomodolibet illa calida sint
vel frigida, nihilominus dolorem carent. Hoc
idem vidimus in recenti vulneris carne, quæ
tum illo quod recens est & tenella sensum ha-
bens insolentiorem, tum etiam altero quod
modica quedam inflammatio ibi adest sen-
sum

sum acuens, vt propterea si vel solo capillo
eam leuiter tangas, doleret acriter: sed absurdum
est credere quod eiusmodi contactus in-
temperiem, aut solutionem faciat: neque
enim intemperies fit subito, neque continuo
capillus soluit. Id etiam videmus si solo
gossipio, quod est mollissimum, tangatur pu-
pilla: illa enim propter partis tenuitatem, &
sensus excellentem virtutem nullius fert co-
tactum extranei citra dolorem, dummodo
resistentiam quandam referat. Videmus et-
iam venena ciere dolorem, nequaquam ve-
ro intemperiem faciunt, neque solutionem,
neque enim omnia calore agunt, & frigidita-
te. Tactus etiam piperis dolorem parit in lin-
gua, continuum autem soluere non potest,
quemadmodum neque vnguis ubi cum illo
comprimitur caro. Quapropter rationi con-
sentaneum est vt credamus, eas non esse cau-
sus adæquatas dolorum, sed potius id omne,
quod ipsi sensitio corpori potest aliquam
realem passionem afferre corruptiuam,
vel saltem grauiter ladden-
tem.

DE RISV OPVS ALTERVM.

C A P I.

Pruæm.

NVILLA propemodum affectio videtur adeo familiaris humano generi, quemadmodum est risus & fletus. Nam omnes homines qualescumque sint, ad ridendum & plorandum sine villa disciplina sese flectere possunt, vt propterea maiores nostri, cum rerum naturas explorarent, proprietatem hominis præcipuam ex ipso risu depromendam esse censerent; nihilominus præclaram huiusc rei tractationem cunctis alioqui peroptatā, fere omnes vti neglectam, aut rem prorsus inutilem dimiserunt, vnu tamē ille admirabilis homo Aristoteles communis magister, cui nihil videtur occultatum esse à natura, semina quædam sparsim proiecit, tradiditque concise. At mihi de anima pertractanti subiit in mentem, vt de affectione hac præcipua pertractarem, quam non imerito visum est aptare ad præcedentem tractationem, magna enim est familiaritas risus & fletus cum voluptate atque dolore, quoniam

niam alteruter effectus, motioue ab illis proficiscitur causis. Et quamuis videretur negotium nimis arduum, illud tamen non recusaui, ne nostrum opus de anima mutilatum efficeretur, ac nisi fortassis ipsum ad exactū perduxero, satis erit ut præbeam cæteris occasionem, ut diligentius longeque accuratius perficiant. Perscrutabor itaque cuius affectio sit, animæ vel corporis, & si fortasse ad animam, vel per eam ad corpus referatur, quam partem sectetur illius, an soli conueniat homini, vel risum communem is habeat cum cæteris animabus, quid sit obiectum risibile, propriaque eius materia, quo instrumento corporeo fiat, ac quomodo perficiatur, quid sit, & gratia cuius. Nam si hæc omnia declarentur, videbor fortassis suscepto muneri satisfecisse.

C A P. II.

Cuius affectio sit risus, corporis aut animæ, vel coniuncti?

Agrediamur iam ad primū propositum, animirum si sit affectio corporis tantum, aut animæ: initio tamen illud videri potest omnibus manifestum, quod risus non est corporis operatio tantum. Nam si conueniret corpori, qua corpus est, dubio procul omni corpori esset communis: dicebat enim Aristoteles i. Post idem esse de omni, per se & secundum

secundum ipsum: id vero mihi videtur adeo manifestum, ut probationis omnino non egat. Quis enim ignorat risum hunc necessario praecedere cognitionem, ac latitiae sobolem esse? quae vel ipsa est cognitio, vel parum ab illa dehiscens propter vicinitatem, itaque videtur operatio procedens ab anima: sed actionum, ac passionum omnium, quae pertinent animali nonnullae ascribuntur corpori, utpote quae ipso non nihil paciente fiant, quemadmodum inquit Aristotel. 10. Ethicorum cap. 3. dolorem tactus esse affectionem corporis, quoniam realiter illo paciente fiat. Nonnullae insuper operationes ab eodem appellantur corporeæ, siquidem corporis commendatione fiant, quemadmodum ait de somno & vigilia, ipsaque etiam verecundia, nulla tamen earum vere cōuenit corpori, ut corpus est, eadē igitur ratione nec ipse risus corporis est operatio tantum. Neque vero est res animæ duntaxat propria, eam enim nullam propriam habere operationem dicebat Aristoteles 1. de anima tex. 12. excepta duntaxat intellectione, quae ab ipso corpore dependet solum obiectiue, aut immediate, cum intellectus utatur phantasia vtente organo ut sotia ad operandum, quemadmodum ibidem declarauit Philosophus. ac 3. de anima tex. 32. Quamobrem censere oportet, risum esse operationem totius coniuncti, ac proprie corporis huius

huius animati: idem namque Aristot. i. de anima text. 14. ait, videri animæ passiones esse vna cum corpore, ut ira, mansuetudo, timor, gaudium, amor & eorum cognata. Ac præterea in tex. 64. dicebat, si quispiam assueraret animam gaudere, tristari, amare & irasci, idem profecto esset, ac si diceret illam texere & addiccare; melius enim fortassis est, non dicere animam, sed hominem, aut animal, cum autem manifestum sit, risum esse operationem affectionemue corporis cuiusdam animati, quoad animam, quippe qui corpori per hoc principium communicetur animale, seu rationis particeps, difficultas est, quoniam proxime citato loco i. de anima inquit Philosophus: animalis operum alia initium habere ab ipso corpore & ad animam terminari quemadmodum est ira, cognitio & earum affines, alia contra ad corpus terminari cum cœpissent ab anima, sicut est motus & erubescētia. Quam ergo naturam risus induit? fateor esse opus quod initium habet ab anima, & terminatur ad corpus: nam cognitione quadam & perturbatione facta, videlicet voluptate aut dolore in humano sensu, animaue ipsa rationali, mox risus procedit, aut fletus pertingen-
te motu ad corpus & corporea instrumenta, præsertim illa, quæ ad perennem motum spirationis substituuntur, & quoniam conuenit homini ut est cognoscens & gaudens, mani-
festum

festum est, eum non dependere ab anima ut
est natura, sed potius ut est animale princi-
pium, aut particeps rationis.

C A P. III.

*Ad quam partem animæ referendus sit risus,
ubi afferuntur & confutantur aliorum
opiniones.*

Quoniam vero ab anima pendet, maior difficultas est, per quam partem animæ fiat, an per eam, qua homo intelligit & sapit, vel per aliam ab illa distinctam? aliis namque videretur conuenire homini per sensum proprium, aliis per intellectum, aliis per virtutem mouentem, aliis per quandam aliam huic muneri potissimum conscriptam. Ac vide-retur manifeste ab ipso sensu dependere, quoniam Aristoteles 3. de partibus animalium cap. 10. inquit, risum esse quandam sensus dilatationem, & agitationem hilarem, quæ celeriter fit propter voluptatem, quod etiam confirmauit 35. sectione problematum quæstione 6. Hoc etiam experimur quotidie, nam sola præcedente sensus cognitione & voluptate adducimur ad ridendum: ergo ipsius sensus est functio. Confirmatur, nam reddendus est illi potentiae cognoscenti, gaudientique cui non repugnet dilatari, & modo quodam dimoueri: sed hoc non potest conuenire intellectui: igitur est proprium sensus,

sus, is enim est longe materialior & corpulentior. Præterea confirmatur ab obiectis ridiculis, quoniam sensibilia sunt, sicut igitur obiecta, per quæ cietur risus, sunt sensibilia, ita sensus est illius principium, ita tamen, ut accipiatur sensus, ut comprehendit omnem sentiendi facultatem: inter quas est sensus communis, imaginatio, & memoria. Porro cuique manifestum est, nos sentiendo, imaginatione, ac memoria alicuius præteriti quod ridiculum esset, ridere. Præterea si quippiam sub alas & plantas pedum titilletur, confessim risus allicitur, ergo sensus est operatio, & illius duntaxat virtute proficiscitur. Videlimus insuper hunc sequi corporis temperaturam, nam qui sensum habent alacriorem seu magis mobilem, & temperamento corporis sunt tepidiore, nimirum ex sanguine, cuius calor est blandus & non mordax, illi cæteris paribus sunt ad ridendum magis proclives, alii contra qui sua sensoria potissimum prima habent retorrida & sensus, ut ita dicam, veluti corneolos & duros, hi neque ridere admodum conspiciuntur, nec fortasse pati, ut alii rideant. Mihi tamen videtur istorum opinio futilis esse, nam si sensus esset virtus adæquate risuia, cuncta profecto animantia riderent, vel saltem illa, quæ respirationis motu propter caloris salutem obtinuerūt; sensum etenim habet, & instrumenta necessaria.

An fortasse dicēt risum esse actum proprium sensus humani, & illius secundam quandam operationem, seu procedentem ab illius affectu, quippe qui valde diuersus est à sensibus aliorum animalium, quod sicut totum ad totum, ita pars ad partem habeat, ut ait Aristoteles 1. Meteo. cap. 3. itaque cum tota anima hominis differēs sit à tota brutorum, eodem modo partes erunt diuersæ, ac si sensus vnius bruti ab alterius sensu differt, quanto magis ab eis humanus sensus erit diuersus? ob id enim Aristoteles 2. libro Ethicorum sensum humanum tanquam rationalem existimabat, quippe qui rationi soleat obtemperare, eiusq; nutum sentiat, quod huic proprium est, & nulli aliorum commune. Ac 3. de anima text. 48. & text. 56. & 57. sensum hunc siue phantasiam (nam de humana loquitur) censembat intellectum appellari sub quadam analogia: vel quoniam fortassis homo carnem habet viuaciorem, primumque sensituum & sanguinem magis syncerum, ut ait Philosophus 2. de partibus animalium, magisque illum uberem spiritu, & calore, ac sensum ipsum alacriorem, longeque vegetiorem habeat, ut perinde celeres has motiunculas exercere, seu pati libere possit. Ea tamen solutio nullius est momenti, quantumuis enim sensus sensui praestet substantia & opere, nunquam profecto ad illud perueniret ut ridicula sub specie pro-

propria cognosceret, quoniam turpitudo, vel
facetudo, aut si quidpiam aliud est, sensum la-
tet. Accedit etiam, quod sepe ex voluptatibus
mentis & virtutis dianoitice risus alliciuntur,
& in colloquiis elegans quædam ratiocina-
tio, & discursus facetus mouet risum tum
dicenti, tum etiam audienti, discursus autem
neque per sensum fit, neque à sensu eodem
percipitur, ergo qui dicit, neque qui audit
per sensum primo ridet. Amplius ex parte fi-
nis, vt pote quod nostra ciuilis vita, & ratio-
nalis societas non est propter sensum, qualis-
cunque existat, igitur neque per eum tantum
nobis obtigit risus. Quid præterea posset effi-
cere illa viuacitas carnis, multitudo spiritus,
puritas sanguinis; & sensus alacritas, vt per-
inde risus in homine tantum fiat? profecto
hæc non perducerent nisi ad facilem sensum
gaudii & voluptatis, sed lœtitias & gaudia non
exiguas videmus quotidie in aliis fieri, vt te-
neriora præsertim gestiant, & ioco se ferent,
cur itaque non rident, si talem habent
temperaturam carnis, & instrumentorum
concinnitatem, vt saepe gaudere & iocari va-
leant? causa vero illa est, quia non cognos-
cunt ridicula, illamque formam concrete,
per quam talia fiunt. Aliis autem videbatur,
risus esse operationem facultatis motuæ,
neque enim est intellectio, neque sensatio,
neque voluptas sensus aut menti, sed motus

quidam, qui voluptates sectatur eorum, nam
manifeste videmus esse motum thoracis, in
quo septum mouetur & pulmo usque ad mu-
sculos, qui buccas mouent, & quemadmo-
dum varii efficiuntur motus illarum parti-
um, ita multiplices dicuntur esse differentiae
risus: id etiam fortasse volebat Aristoteles,
cum diceret esse motum sensus, hic enim ut
sensus est non mouetur, neque dilatatur vello
modo, quamvis mouantur primae sensuum
sedes, & illo modo Philosophus sumebat sen-
sum. Videmus insuper respirationem, quae est
motus spiritualium partium, esse quasi materi-
am risus, ex qua scilicet generatur, unde fit il-
la succussatio pulmonis, & agitatio septi: cum
itaque risus motus sit, nulli dubium videri
deberet, ne ad virtutem mouentem sit refe-
rendus. Attamen isti se ipsos latent, nulla e-
nim controuersia est, an sit quidam motus,
sed a quo principio hic motus dependeat, si-
quidem inopinato efficitur, & praeter volun-
tatem, ut ait Philosophus: motus autem qui
ab appetitu dependet, est spontaneus, illaque
facultas nequaquam homini propria. Ac
propterea visum est aliis, primum principi-
um esse intellectum, quoniam ut risus est o-
peratio affectiove homini propria, ita poten-
tia risuua debet esse quidam pars animae, pro-
pter quam homo ab aliis segregetur animali-
bus, huiusmodi vero est intellectus in primis,

vt ait Aristoteles decimo Ethicorum capite septimo, ergo per ipsum datum est nobis esse idoneos ad ridendum. Præterea hoc patet ex obiecto risibili, quoniam sensus turpitudinem & facetudinem non cognoscit, ergo intellectus est prima & propriæ causæ ridendi, illæque potissimum facetiæ, quæ in primis alliciunt risum, non sensum, sed intellectum mouent, illuc enim vis sensus non attingit, sed potentia superior & melioris conditionis, quemadmodum est intellectus, hoc etiam congruit fini, sicut pateret intuenti. Sed quoniam intellectus valde simplex est ac separatus à materia, nulloque modo sequens corporis temperaturam per se, ob id videtur illorum sententia valde diminuta, tum vel magis, quia videmus recens natos subridere, quibus intellectus velut iners delitescit: ac tillatos sub alas, & amicos quosdam suspicientes confessim ridere citra discursum intellectus, igitur non videtur solus esse facultas risua. Aliorum postremo, qui multiplicant entia sine necessitate, nulla videbatur esse habenda sollicitudo, satis enim manifestus est error illorum.

C A P. IV.

Ponitur vera conclusio, & dilucidatur proposita difficultas, ac soluuntur implicite rationes eorum.

CVM itaque (vt arbitror) satis sit demonstratum, neque virtutem motiuam tantum, neque seorsum sensum aut intellectum esse causam, & principium animæ ad ridendum sufficiens, neque ullam potentiam ab his distinctam, consentaneum est modo, vt ipsum principium primum, & adæquatum, qualenam sit, explicemus, id vero per obſcurum videretur, niſi præcedat vnius explicatio, atque illud eſt, quid intelligamus per risum: hoc enim ita peracto, per ſe ipsum patet principium: iam enim manifestum eſt, ridentes affici quadam motione pulmonis, ſepti, & muscularum mouentium buccas, itaque arbitramur hominem ridere, cum ex arbitratu, vel quomodo libet alias ad eiusmodi motiones earum partium ſeſe accommodat, nonnunquam etiam fit quidam remiſſior riſus, ex ſolo illorum lacertorum motu, & modica ſepti retractione citra manifestum motum gurgulationis, vt credere ob id debeamus, aut riſum per ſe eſſe talem motum, vel faltem pro maiori parte hanc eſſe illius naturam, at vero cum haec omnia poſſint ſimulari, & erit potius riſus imago, præcedat igitur oportet aliquid in anima, primoque ſenſitio, vt verus numerisque abſolutus riſus efficiatur, cum enim talis & minime ſimulatus erit, præter voluntatem oritur, & ſæpe ob vehementem occaſionem, tametsi homines co-

nen-

nentur, ipsum non possunt cohibere neque compescere, nisi vel ratione laboris, vel sedato impetu conqiescat, ob id ergo ille motus manifestus supponit quandam affectum primi sensitui & rationalis animæ partis, nempe voluptatem ex ridiculo susceptam, & quandam insuper hilarem perturbationem sensus. Et quemadmodum verecundia non solum est ille rubor in vultu, nec sola perturbatio, alteratioque facta in principio sensuum aut vitæ: ita nec risus si perfectus est, motus ille duntaxat erit manifestus, neque inchoatus motus in primo, vt aiunt, sensituo, & spiritibus eius, nam sæpe hoc sit, & tamen risus suppressitur, vt vere videatur esse dimidius in medio scilicet interceptus, vtrunque igitur habet verus risus, & illud erit principium eius quod tum subit dilatationem, tum voluptate afficitur, at illud hoc habet, quod ridicula cognoscit, & quoniam perturbatio fit in principe illa parte, quam visum est Aristoteli appellare primum sensituum, ac principium totius motus, hic nullo pacto referendus est illi, quatenus est principium motus, sed sensus, animæve cognoscentis prima sedes. Et quoniam in superioribus demonstratum est, non fieri per sensum solum, neque per intellectum nudum, & secretum ab omni alio, hoc est, neque conuenire sensui seorsum ab intellectu, neque intellectui seorsum

sum à sensu, propterea dico illum conuenire intellectui, prout coniungitur cum sensu, vel sensui, ut est coniunctus cum intellectu, ob hanc sane antiquam familiaritatem multorum compos efficitur alteruter & homo: aut potius si illo modo habeat, quod risus est operatio affectioque propria rationalis animæ, quæ sensu potitur, & intellectu, non secus atque verecundia, ea enim nec solo sensu, nec solo efficitur intellectu, sed utraque subserviente potestate, hinc minime videmus illum fieriratione contemplabilium, sed ob ea, quibus sensus etiam adhibetur, hinc patet, eos quodam modo recte dicere, quod risus sit operatio procedens ab affectu virtutis intellectuæ, quippe quæ primo loco sit causa illius, & prima radix: nam vel ipso inchoante, suscipiente tamen sensu, vel saltem huius motu & operatione ad eum procedente, allicitur: recte etiam sentirent illi, qui reddebat risum sensui, si dixissent, illum oriri ab hac facultate, ut est coniuncta cum intellectu, ea nimis ratione, qua fouetur & illustratur ab illo, ut supra vires proprias, eo coadiuant, valeat. Itaque in toto risu intellectus erit ut radix prima, sensus perturbationem & dilatationem quodammodo sustinens, vis autem motu id cuius commendatione postremo perficitur. Itaque in discursu rerum & facitorum ysu non fieret risus, nisi voluptas
etiam

etiam sensui esset communis, ac proinde primum sensituum ut sentiens moueatur, illamq; turbationem secundum sensum excipiat & patiatur. Et sic arbitror dissolutas esse omnes rationes aduersantium. Hinc etiam patet, quod risus est actio quædam, si videlicet pro risu accipiamus illum, quem diximus, motum, quodam autem modo est passio, si sumatur principium eius, nempe affectus animæ, & perturbatio præcedens in sensu. Nonnullæ tamen hoc spectant difficultates, prima quidem est: nam satis videretur esse alterutra potentia, sensus, inquam, aut intellectus, quoniam vel sensus natus est cognoscere ridicula, ipsumque primum sensituum aut vitale principium tales affectus, motionesque hilares subire, aut non, siquidem satis est. Frustra igitur desideratur societas intellectus, si vero non, quomodo potest trahi in consensum? Non enim per sensum fieret, nisi voluptate afficeretur etiam ipse, at non afficeretur voluptate nisi cognosceret. Voluptas enim videtur ipsamet cognitio iucundi, ob id quod minime separantur, ut declarauimus in precedenti questione. Patet igitur, nullo modo sensum esse facultatem risuam. Secundo videretur esse operatio solius sensus: nam pueri nuper nati cum paululum adoleuerint, rident, in eis tamen vis intelligens videtur sopia, ac pene humorum affusione obruta,

quod etiam ob titillationem confirmatur, quæ solum ad tactum pertinet, nequaquam vero ad intellectum, & nihilominus risum allicit, non secus atque mutuus amici congressus, qui risum mouet præter voluntatem absque operatione intellectus. Præterea una & eidem operatio ab uno duntaxat principio per se actio debet profici, ut inquit Aristoteles octauo Physicorum, & colligitur ab eodem duodecimo Metaph. vbi ex numero operationum venatur numerum intelligentiarum operantium. Cum itaq; risus sit operatio quædam una ab uno duntaxat principio deberet oriri, cur ergo multiplicantur principia in eadem coordinatione? Amplius ea potentia, quæ neque est actus corporis, nec sequitur illius temperaturam, non potest esse causa suarum motionum, & corporalium affectuum: sed intellectus, ut censet Aristoteles, est huiusmodi, ergo non potest esse prima causa ridendi. Præterea risus est rerum singularium, ut sunt singularia, intellectus autem est rerum uniuersalium, ut ait Philosophus primo Physicorum, ex. quadragesimono: igitur non potest esse opus intellectus. Præterea non videtur satis esse intellectus & sensus, nam sape sola memoria eorum, quæ vidi mus, audiimus, aut fecimus, hic risus allicitur, attamen memoria & imaginatio plurimum differt à sensu, ut ait Aristoteles secundode

do de Anima in fine, & in libro de Memoria & Reminiscentia. Diluitur prima difficultas, ac primum illo modo, quod ridicula cum sint sensata quodam modo, & si diminute cognoscuntur à sensu, exacte tamen, & perspicue ab intellectu, idemque sensus talem, tantamque familiaritatem habet cum intellectu in operando, ut propterea, quod omnia properferat, & indicet, fieri non possit, ne consentiat: sunt enim & hæc ipsi iucunda, imo sunt quædam ridicula, quæ modico lumine intellectus siue rationis sensum ipsum afficere videntur, sicut intuenti patebit, tametsi quædam alia inueniantur, in quæ sensus ipse minus momentum habet, itaque tanta est præstantia sensus humani, ut rationis nutum sentiat, eundemque affectum excipiat, ut propterea rationalis quodam modo videretur etiam Aristoteli: Vel altero etiam modo dicamus, quod vna existente rationali anima, quæ sensum continet & intellectum, ipsa est causa risus, vtraq; subseruiente potentia, nulla enim satis est sola. Ad secundam dico pueris illis fati esse, ut habeant sensum, & cum eo comitem intellectum, ita ut sensum foueat, & illustret præsentia mentis, vel animam rationalem vtraque præditam potentia. Ob tertiam autem difficultatem dico, omnem operationem vnam pendere ab una prima causa in eadem cognitione, aut à multis subordinatis,

aut partialibus, sicut eadem tractio nauis, que per multos simul trahentes efficitur, subordinatos tamen, & habentes se singuli tanquam agentia diminuta, ex quibus vnitis fit vnum agens totale per se sufficiens, eodem modo efficitur risus, vel ab una anima rationali duabus his praedita facultatibus, vel ab eis tanquam agentibus seorsum diminutis & imperfectis. Ad quartam dico magis affici corpus per intellectum, quam contra; semper enim principium & agens dominatur materiæ, at vero cum simplicem naturam habeat, satis esse videtur, eum esse coniunctum & concretum cum sensu, ob eam namque societatem hæc & maiora posset efficere. Ad quintam vero respondeo, quod intellectus cognoscit singularia, ut singularia sunt, prout coniungitur sensui, non solum, ut aiunt, reflexe, verum etiam directe, quod apertissime declarauit Aristoteles tertio de Anima, tex. decimo, concedendum est tamen, intellectum differre à sensu, quoniam hic solum singularia cognoscit, ille vero etiam vniuersalia, imo per intellectum cognosci singularia magis in profundo, quoniam sensus de his cognoscit ut corticem de arbore, intellectus vero sicut medullam, quippe qui ad quidditates eorum & immanifestas quasdam proprietates se ipsum insinuat: cum vero tradidisset natura hanc partem homini utentem, ratio-

ne con-

ne consentanea fecit, ut subinde propriis affectetur voluptatibus, & se se ioco recrearet, ut deposita prope curarum mole, tum ad cætera, quæ instarent, negotia, tum ad disciplinas ipsas paratiōr esset, nihil enim à natura fit temere, nec frustra aliquid molitur.

C A P. V.

*De proprio subiecto, propriaque materia risus secundum aliorum sententiam, per-
peram sentientium.*

CVM accessisssem ad examen illius questio-
nis pertinentis ad propriam materiam
risus, è vestigio mihi occurrit eorum senten-
tia, qui suspicantur, illam esse obiectum lāti-
ficum & iucundum, propterea quod risus o-
peratio quædam est à voluptate proficisciens
sensus & intellectus: cum enim voluptas esset
causa illius, videbatur eis voluptuosum, & lā-
tificum obiectum esse materiam conuenien-
tem ad ridendi actionem; tum etiam illo
quod risus & fletus sunt contrarii, quamob-
rem subiecta quoque illorum debent esse
contrariis modis affecta. Sed ridendi materia
est dolor siue dolorificum obiectum. Riden-
di igitur propria & familiaris debet esse lāti-
ficum, & voluptate afficiens, quod insu-
per eo confirmatur, quia si velint homines
sponte ridere sine ylla disciplina volupta-
tem

tem affectant, & simulant, singuli nanque illo modo erumpunt in risum, vt videantur lāti, & pro re quapiam concepisse voluptatem, quemadmodum assentatorum turba secundum plurimum facit, itaque si risus per se est index lātitiae, videretur manifeste à lātifico obiecto proficisci, talemque illius esse propriam & conuenientem materiam, voluptatem vero potius causam, per quam pullulat. Ipsi tamen mihi videntur nequaquam esse afferuti materiam proximam risus, sed illam remotissime ac satis diminute summo, vt aiunt, digito, indicasse. Quamuis enim iucunda esse debeat ridicula necessario: illa tamen non sunt ridicula propter voluptatem, quam præ se ferunt, multa nimirum sunt iucunda, quæ risum non mouent: iucundum enim etiam est, vt inquit Aristoteles in Rheticis, parentibus, cum ante oculos habent defunctum filium, fratrem aut affines, & illorum narrare aut audire egregia facta, vitam ingenuam, & virtutum præconia, nihilominus risum non aliceret, sed potius fletum augeret, multa quoque sunt aliorum, quæ voluptatem non exiguum afferunt sensui, vel intellectui, aut ambobus, per quæ tamen risus non efficitur, quorum historiam non est opus afferre, nam singulis inducentibus per se ipsa patent. Ethoc modo ruunt rationes illorum, nam per eas cogimus tantum credere quod necesse farium

sarium sit, si verus risus sit futurus, ut à ridiculo proficiscatur lætitia non experie. Ob id visum est aliis propriam & proximam materiam risus esse læticum nouum, exiguum quandam afferens admirationem, quæ enim iucunda sunt noua, & non vulgaria salis non-nihil habentia, & quorum miramur leuiter, illa singulis risum mouent, nisi aliena perturbatione, aut quomodolibet occasione alia impediamur, oportet tamen leuem illam esse admirationem, quæ satis sit facere suspensionem animi, non grauem, neque de re graui: nam maior admiratio est effectus ignoracionis perfectæ, quæ potius retrahit animum ab huiuscmodi actu ridendi, siquidem animi affixionem quandam supra suspensionem, & incumbentem attentionem postulat, qua propter videretur eis dictum quodlibet aut factum, & res alias ob id risum allucere, quoniam sint iucunda, eademque non vulgaria, sed noua, leuemque admirationem afferentia, atque per hunc modum facetias cire risum, & delectare, & reliqua similiter eiusdem cognitionis, ut per singula induenti fieret manifestum, quasi vero his positis aut remotis viderentur eis constitui, adimique ridicula, quod etiam confirmant, nam pueri, siue adolescentes minus alioqui exercitati, atque prudentes, plus cæteris rident, & omnino qui de singulis magis mirantur, quod etiam par-

ratio

ratione desipientibus ac delirantibus obtin-
gere solet, sed è contrario minus rident se-
niores, aut magis sapientes prudentesque,
quia minus his afficiuntur nouis & leuiter
mirandis. Melancholici quoque aliena per-
turbatione animi præoccupati, & pene lacef-
sti non rident, aut multo quidem segnissimis, &
è rebus nisi vchementer ridiculis. At neque i-
storum sententiam possum recipere, quoni-
am non inuenierunt haec tenus ad æquatam
materiam risus, nec illam proxime, ut debui-
sent, attigerunt: multa namque risum alluci-
unt, quæ non sunt noua, quemadmodum au-
dire easdem facetias fortasse sèpius consue-
uimus, & nihilominus semper risum mo-
uent, si elegantia quædam adhibetur nar-
rando dicendoq; aut si quispiam iocando re-
præsentet, & ante oculos ponat alterius in-
cessum grauem non sine gratia, aut incon-
cinnam ambulationem, flexiones crurum,
garrulam, loquaciam, aut tale aliud risum pene
incompescibilem mouere poterunt: illa vero
quæ imitantur & pulchres simulant, non sunt
noua, nec fortasse tunc primum eisdem si-
mulata, & visa, non est itidem noua res titilla-
tio sub alas, nec nouum videre aliquem ca-
denter, imo si eundem ter aut quater caden-
tem spectemus, maior erit risus post primos
casus: amplius illa admiratio, quæ videbatur
eis necessaria propter suspensionem animi, ut
faci-

facilius subinde laberetur, & motiunctula illa fieret, mihi videtur temere posita & adiecta, primum quia putant esse duntaxat leuem, sæpe enim cum risu coniungitur ingens admiratio, tametsi reor non esse necessariam, vt pote si in Comœdiis audiamus aliquem histriōnem, qui perelegantissime cuncta simulet, & repræsentet, adeo ut illius omnes actiones, omnia verba, gestaque & motiones omnes sint facetissimæ supra aliorum methodos, ob id sane non leuiter, sed maxime admiraremur illius gratiam, & artificium supra humanum ingenium, attamen cietur risus, & ille quidem non exiguus. Multa insuper sunt, quæ risum proritant, & neutrum illorum habent, cum manifestum sit, pleraque risum ciere, quæ aliquis cogitabat se esse facturum aut dicturum, si memoret quoque præterita, illa non sunt noua, neque admirationem afferunt, cum essent cognita & perspecta: multa etiam vtrumque obtinent, & nequeunt esse causa ridendi, videlicet si in tripliis videamus saltus quosdam difficiles, & corporis quandam agilitatem pene incredibilem, vel tale aliud, tametsi nunquam antea visum & auditum, risum ciere non potest, sales vero si adiungantur, perperam fiet, quoniam non sunt in omnibus, sed in faciliis tantum, ut suo videbimus loco. Hinc aliquis perperam existimaret afferendo priam

priam materiam risus esse iucundum ludicrum, quod nouum sit, & leuem quandam præ se ferat admirationem & gratiam, dicente nimirum Aristo. oportuisse hominem quosdam motus habere lætitiae, ut ioco sese recreet, per iocum autem intelligit ludicum, quod aliis appellaretur inane læticum, quandam duntaxat referens gratiam, dicente Arist. subesse quandam gratiam in ridiculis, propter quam ridicula sunt: risus enim ab inani voluptate procedit, ac tale læticum mentem & sensum celeriter mouet, alia vero quæ voluptatem afferunt, & sunt bona, utilia, seria, grauia quietant animum, & requirunt immanentem, stabilemque applicationem, animique intentionem efficiunt, in cæteris cum inania quædam sint & ludicra, nequam serua sensus quasi per inane suspenditur, talique genere puerilis lætitiae dimouetur, quia non habet obiectum terminans: Nihilominus si inductione vtamur per ea quæ sunt ridicula, dubio procul erit manifestum, eorum opinionem esse pariter inanem, id enim si verum esset, sequeretur, risum ab iis tantummodo quæ ioco sunt proritari, sed hoc est absolum, quoniam citra iocum fit congressus amicorum, & risum nihilominus mouet: eodem modo si turpiter incedentem aliquem videamus, si ridemus ex alterius ploratu, ex casu, indignatione, loquendi in-

con-

concinnitate, aut motuam incompositione,
ex casu aliquo, & inopinato cunctu non vul-
gari, aliisque plurimis, in quibus non est io-
cus, nec ludicri figura, quæ ne nimis in lon-
gum mea producatur oratio, libenter sileo,
accedens iam ad aliam opinionem, quæ me
vellicat: Nonnulli siquidem perspecta tanta
rerum varietate, tantoque discriminé illo-
rum, quæ risum alliciunt, censerent vanum
esse eorum laborem, qui conantur assignare
aliquid entium commune genus tanquam
materiam adæquatam & propriam risus, non
secus atque si quispiam omnium rerum quæ-
rereret vnum genus, quod alioqui esse non po-
test, cum prædicetur æquiuoce, atque de suis
propriis differentiis, ita dicunt, impossibile
esse ridicolorum quærere vnum genus com-
mune velut vniuersum & proximum, cum
obiecta ipsa & causæ multiplici ratione sepa-
rentur, quod alioqui persuadetur quibusdam
rationibus apparentibus: iam enim in rebus
tantummodo tangibilibus impossibile est as-
signare vnum genus eorum, cum genera ta-
ctilium multa existant, nisi fortasse commu-
nissimum nomen sibi ab actu vendicent, ad-
eo ut dicamus, ipsum esse tangibile. Similiter
ipsius sensus communis non potest assignari
vnum genus proprium, quod quidem velut
vnum genus rerum dicatur proprium subie-
ctum huius sensus, sicut color dicitur obie-

Etum visus, tametsi communissimo nomine
consueuimus dicere, illud esse sensibile pariter ab actu: ea enim omnia, quæ sunt sensibilia, uno genere complecti non possumus: at multo minus poterit esse aliquod genus sensibilium & intellectuum: plus enim differt sensibile ab intelligibili, quam sensibile à sensibili, in quantum talia: sed risus pariter videatur fieri circa sensibilia & intellectilia; ergo materia ridendi non potest complecti uno genere. Amplius coniunctorum & simplicium non potest esse aliquid commune vniuersum, aut analogum, sed risus ex simplicibus & coniunctis proritatur; ergo non potest habere designatam materiam, illamque definire & circumscrivere determinatis conditionibus ac differentiis, est impossibile: verum sicut in sensu dicebatur obiectum sensibile communi nomine, eodem modo dicemus materiam communem, per quam sit risus esse ridiculum: quod etiam confirmatur ex parte potentiarum, quibus hic actus ridendi accommodatur: nam supra dicebamus, illum referri ad sensum & intellectum. Cum igitur intellectus & sensus nequeant habere commune subiectum, minus etiam possibile est hoc assignare risui. Amplius hoc inductione confirmant, afferentes nonnulla ridicula, quæ talem ac tantam præ se ferunt diuersitatem, ut non solum videatur impossibile, quod pos-

possint sub uno genere ac nomine comprehendendi, verum etiam ut illa proportione aliqua possint conuenire, etenim ab ipsis tactibus generatur, ut pote facta titillatione sub alas aut plantas pedum iis hominibus, qui titillantur. Videmus insuper aliquem ridentem, & nos cum illo ridemus, ignorantes forsitan causam ridendi, ut videatur interdum citra causam & obiectum proficiisci, ridet quis ob fletum alterius, vel si cadentem videat aliquem turpiter, potissimum ex asino, atque ita propter mala & infortunatos casus aliorum. Similiter videndo aliquem delitescentem in luto, aut sponte solis ardoribus, atque imbribus expositum temere; similiter propter ignauiam & stoliditatem aliorum, propter inconcinne facta, si sint citra dolorem, ac deniq; propter opposita istorum. Ridemus insuper, si turpe aliquid aut pulchrū, quod est illi contrarium, videamus, & mirum mehercle videtur, quomodo cōtrari s ex rebus risus allici possit, ac propterea longe mirabilius videri possit ingenium illorum, qui frustra ac temere niterētur inuenire propriū subiectum risus, eaque accommodare determinato generi, quæ sua natura sunt indeterminata, & generum diuersorum. Solent præterea homines ridere, cū viderint alios furor percitos atq; indignatos, & quo magis eis subcrescit furor & indignatio, sic illis risus ma-

gis intenditur, fit etiam pro rebus & que animatis atque inanimatis, quamvis risibilia videantur esse faceta, quae audiuntur & aspiciuntur in mutuo congressu atque usu verborum & rerum, quorum numerus est pene infinitus. Cum itaque sint toto cœlo distincta, quæ non possunt in unum genus coire, sat erit, si dixerimus, subiectum risus esse ridiculum, quæresne autem, quid est hoc, frustra querere: id etiam confirmatur altero experimento sensuum. Etenim nonnulla alicui mouent risum: cæteris autem non mouent, quod videtur esse manifestum argumentum, quod risus non habeat aliquam certam & determinatam materiam, atque hoc volebat dicere Aristoteles quarto Ethicorum cap. octauo sequentibus verbis: (Isne igitur dicendus est recte facetiis uti, qui dicit ea, quæ liberum hominem decent, an is, qui cum, qui audit, dolore non afficit, vel etiam delectat? an & hoc indefinitum esse constat? est enim aliud alii odio & incundum) Si vero queras, quid opus est obiecto, ut evadat ridiculum: respondent ex mente Aristotelis, ut tales afferat inanem lætitiam, qua sensu in mentemque dilatet, ac celeriter moueat. Itaque titillatio non immerito facit risum, & naturam induit ridiculi, nisi quia illud ipsum facit, tametsi sua natura sit molesta, sensusque illam ægre ferat, argumento siquidem est proiectio corporis, imo

imo affert Aristoteles tertio de partibus Animalium cap. decimo, historiam militis, qui suscepto vulnere in sede præcordiorum perpetuo ridebat, & eandem attulit rationem eiuscmodi risus, utpote quod calor affatim accensus erat in illa parte propter naturam vulneris: calor enim mentem aperiebat, ac ciebat motum sensus; quamobrem hoc etiam cum aliis poneretur inter ridicula. Mihi tamen videtur illorum opinio esse fuga propositæ difficultatis: ea enim negatione responsionis vtitur ad respondendum; quapropter dimittit intellectum in maiori perplexitate, & magis inquietum, ac satis absurdum videtur, vt omnes alia determinataæ actiones, seu passiones, & affectus determinatum genus habeant, certamque materiam: risus vero illam non habeat. Accedit præterea, quod si risus esset generis indeterminati, sequeretur hominem æque de singulis ridere, quod est absurdum, imo etiam manifeste videmus, ea, quæ risum mouent, habere quosdam gradus remissionis & intensionis, vt risibilia nonnulla conspiciantur, quæ ad naturam quandam proximius accedunt. Igitur forma quædam est, ac veluti figura, qua cum obiecta fuerint insignita, ridicula fiunt, & risum subinde mouent, nisi aliunde cohibeatur, talisque est illa forma atque figura, vt cum adsit, hæc omnia fiant, cum adimitur, non fiant, & quo

clarior ipsa participatur atq; elegantius, eo etiam clarior efficitur risus. Et quoniam omnis figura, omnis actus, omnisque differentia superaddita constituit aliquam speciem, seu genus entium: Propterea cēsemus fieri aliquod genus vnum & determinatum ex omnibus obiectis configuratis huiuscmodi sigillo & caractere. Cum vero strenue arguerent, respondendum est rationibus illorum: non enim absurdum est, aliqua sub vna ratione esse generis indeterminati, aut carentis nomine: sub altera vero determinationem subeant. Non est itaque mirum, si sensibilia & intellectua simul ut sunt subiecta cognoscentium facultatum, non sunt eiusdem generis, quæ tamen in vnam naturam & formam coeant, vt risum alliciunt: oportet enim, vt omnia suscipiant illam formam, per quam euadunt ridicula: illud autem, quod non omnes de eisdem rident, declarabimus postea, sed titillatio aut per accidens risum mouet, aut certe naturam induit ridicolorum, quæ est sibi communis & aliis, ac de militis histria censerem, illud factum esse propter delirium ex inflammatione illius partis: nam *ögéras* antiquis ea pars dicebatur, & illius inflammations phrenitidas pariunt, non nullæ autem desipientiæ, vtpote quæ ex sanguine, qui est blandus humor, cum risu fiunt; quamobrem dicebat Hippocrates, desipientiæ,

tiæ , quæ sunt cum risu minus periculofæ ,
quippe quæ melioris longeque benignioris
humoris inflammationem referunt. Ob id
postremo visum est quandoque etiam mihi
formam illam atque figuram , quam induere
oportebat cuncta ridicula , esse quandam fa-
cetudinem , ipsaque ob id ridicula nuncupari
faceta cognomento formæ , ita tamen ut non
ignoretur , quod facetum reperitur in dupli-
differentia : alterum quidem magis proprie-
longeque contractius sumptum , quomo-
do intelligitur esse dictum vel factum hilare
urbanum eitra scurrilitatem : sic enim
ad verbum de facetis inquit Aristoteles quar-
to Ethicorum capite octauo , quemadmo-
dum ipsum descripsimus : altero modo sumi-
tur magis communiter , magisque profuse , &
hoc pacto dicemus , facetum esse illud , quod
sane vbi dictum vel factum sit , aut quomo-
dolibet aliter quandam præ se ferat lepo-
rem , quandam gratiam & alacritatem : idem
vero sit non serium , neque graue , nec admo-
dum visitatum , aut vulgare , & sic accipiendo
facetum pro eo , quod harum conditionum
est particeps , id proprie fuerit vera materia ,
propriumque subiectum risus , quod illa ra-
tione confirmatur : ea enim , quæ nos apposi-
te facetias appellamus , maxime omnium ra-
tione facetudinis risum mouent . Illud itaque
ridiculorum est verum genus propriæq; for-

ma, cuius plane species vna est primum ridiculum, sed facetiæ sunt in primo gradu ridiculorum, ac ratione facetudinis risum alliciunt; ergo facetum in communi est commune genus istorum subiectorum. Et quoniam illæ nuncupatæ facetiæ sunt in illo eminentiori gradu: propterca risum est antiquis accommodare nomen totius generis vni duntaxat speciei propter excellentiam: quod etiam altero medio confirmatur: cum enim circa ridiculorum usum fiat virtus quædam & vitium, utendo videlicet ipsis, aut quemadmodum oportet ex debito sine, aut sicut non conuenit, sine dubio illa erit materia risus, circa quod dicta virtus vitiumque consideratur, sed ex usu facitorum oritur, cum prout conuenit, aut contrarie sit usus eorum, & risus ipso moderate aut sine moderatione vntur; ergo facetum est subiectum commune risus & proxima eiusdem materia, accipiendo tamen facetum, ut diximus, communiter, quo quidem modo æque ad animata atque inanimata refertur: nam si pressius accipetur, vere facetus diceretur ille, qui talem habitum esset asscutus, ut ad recte iocandum se se flectere posset, non actiue tantum, verum etiam passiue, quemadmodum contra diceretur scurra, qui sine moderatione iocatur, utiturque actiue vel passiue ridiculis profuse & indecoro, ac rusticus demum, qui neque

que ridiculis gaudet, nec alios uti gaudere videatur. Itaque facetæ actiones, & verba, res quoque aliæ animatæ, aut animæ expertes, in quibus talia considerantur, nata sunt risum ciere, hoc plane modo faceta facies visa duntaxat est causa risus, facetæ actiones quomodolibet consulto aut inopinato fiant, obtutus & congressus faceti amici: neque enim de quolibet ridemus, sed si alacrem & gratiosam faciem præ se ferat. Et quamvis nonnulla sæpe contingunt, quæ cum risum moueant, non videntur postea nuncupari faceta, hoc accidit secundum præsentem opinionem ob usum communem nuncupandi tantum faceta illa, quæ in primis sunt talia atque omnium maxime, quemadmodum sunt dictæ facetiae: & quoniam inter eas conditio-nes, quæ faceto conueniunt, duæ potissimum erant negatiæ, altera quidem ut res illæ non sint seriæ nec graues, altera ut non sint admodum usitatæ atque vulgares, prima earum videtur valde necessaria: nam res seria & grauis addit animæ grauitatem, & mentem non mouet, sed potius sistit, redditque illam incumbentem sibi, ut antea dicebam: altera quoque non modicum ad hoc ipsum habet momentum, siquidem præcognitum & minus usitatum, tametsi natura sua esset ridiculum, mentem non admodum moueret, nisi fortasse aliquid facetum sit, quod tanta polleat gratia,

tantumque salis habeat & leporis, ut ferme
semper valeat animum commouere, & dilata-
re sensum, oportet etiam esse de genere il-
lorum, quæ non semper nec frequentius ac-
cidant, an vero id sit, quia præcognitio &
consuetudo illam modicam admirationem
auferat, quæ videtur per se ridiculis esse con-
iuncta? an risus ut fraudatio quædam est, &
celeriter facta motio, quæ à non præuiso &
consueto fieri deberet? an consueta & præui-
sa ut vulgaria fiunt, ac tanquam res domesti-
cæ & ordinariæ, ut propterea mentem mo-
uere non possint, quasi facetudinem illam re-
frangant, & vires illius obtundant? an quia
risus celer motio est, quæ à celeri, & cum sit,
procedit impressione, non autem cum facta
esset, aut sensum inducta. Quamvis ista opini-
o probabilis videtur, non secus atque illa,
per quam ponitur, ridicula in genere esse lu-
dicra, quæ gratiam aliquam referant, vel ea,
quæ sub ludicri figura mouent, ac volupta-
tem illam inanem afferentia, nequaquam ta-
men vera est, primum quia facetum propriè
est illud, quod ab Aristó. describitur quarto
Ethicorum cap. octauo, & per quandam
translationem postea refertur ad nonnulla a-
liorum: censemus namque Philosophus, face-
tudinem esse quendam medium habitum in-
ter rusticitatem & scurrilitatem congruen-
tem viro urbano, quippe qui cum quadam
mode-

moderatione iocatur, & sicut conuenit, vtitur ridiculis citra excessum & defectum, hinc postea factum est, vt illorum hominum actiones dicerentur facetæ, verba quoque & gesta. Sed quoniam facetus tanquam cauillator est, videntur que etiam scurræ elegantes faceti, illoque modo nuncupari solent: propterea inquit Aristoteles, illi medio habitui accommodatam esse vrbanitatem, quasi vero facetus vrbanus dicendus sit ille, qui medium est habitum assecutus ad recte iocandum, vtendumque ridiculis sicut conuenit, & scurra dicendus sit facetus tantum: is enim risum modo facere studet. Itaque facetus in communione est quidam cauillator, sed hic quidem modeste, & cum quadam moderatione, ille vero profusius, hinc faceta facies solet illa nuncupari, quæ illius est hominis, qui gratiam quandam refert in iocando, hinc etiam per quandam translationem solemus dicere faceta quædam entia, quæ videntur aut ioco facta, aut simulatione cuiusdam rei satis concinne & eleganter. Si preterea consideremus singula eorum, quæ risum allicit, inducendo, quam facile patebit, nequaquam esse faceta omnia, quæ illum mouent: pleraque enim serio fiunt, vt casus quidam infortunati, & multa eiusdem cognitionis, quæ risum afferrunt; itaque nec bene congruunt illæ conditiones cunctis ridiculis, nec ita sunt faceta.

Ponitur vera materia risus ex mente
Aristotelis.

HACTENVS reiectæ sunt omnes opinio-
nes perperam sentientium de materia
risus; propterea videbatur modo acceptabile
tempus, ut qualis ea esset, explicaremus: quod
quidem nullo, ut ita dicam, suscepto labore
consequemur, si Aristotelem consulamus: is
enim circa initia operis de arte Poetica dice-
bat hoc modo: Comœdia autem est, ut dixi-
mus, peiorum quidem imitatio, non tamen
secundum omne vitii genus, quanquam ridi-
culum à turpi proficitur: ridiculum enim
aliquo modo peccatum est, & turpitudo sine
dolore, minimeque noxia, perinde ac ridicu-
la statim appareat deformis facies distorta si-
ne dolore: Quibus verbis, ut vides, manifeste
& expresse admodum constituebat, materi-
am risus esse turpitudinem citra dolorem, vel
illa dicas obiecta, quæ illius turpitudinis non
sunt expertia, ad quam plane spectant ludi-
cra, ioci faceta & errores: eam vero doloris
expertem esse debere: nam si pro tristi acci-
piatur, doloremque afferat, profecto non ri-
sus, sed potius commiserationem, aut for-
tasse etiam fletum proritaret, ac necesse est a-
nimum posse gaudere, & ab inanibus hisce
oblectamentis affici: secus enim minime ri-
deret,

deret, & stulti nisi eos aut humoris prauitas, vel caligo, & inepta frigiditas cum siccitate, vel ipsa retorrida offendat sola, plurimum rident: nam singula prope censem errores & turpitudines sine dolore, aut iocos, falsa nimurum imaginatione delusi, atque hoc turpitudinis genus haud necessario secundum naturam esse oportet, sed quocunque modo ipsum consideretur ac fiat, aut secundum naturam, aut ipsa duntaxat simulatione, consulto, vel præter opinionem, in rebus quoque tum rationalibus, tum rationis expertibus, atque omnino inanimatis: sape enim brutorum nouæ formæ & actiones non vulgares carent risum, elegans quoque motus & forma, aliaque id genus, nempe si caprarum more exilia quædam arundinum frustra non inepte fabricata, formamque animalis referentia prosilire videamus, ob id sane risum plerunque vidimus factum insignem, atque per illius cognata, cum alioqui esset actio corporis inanimati. Quispiam tamen hic dubitaret: sunt enim nonnullæ turpitudines & errores, siue peccata, quæ ex sui natura dolorem non afferunt, risum tamen ob id non mouent, propter quæ solemus dicere, nos neque gaudere, nulloque affici dolore. Quamobrem mallent ponendam esse turpitudinem potius afferentem lœtitiam, quam citra dolorem, præsertim quod ab hilari procedit affectu ac volu-

voluptate ludicra & inani: Ego tamen dico ex mente Aristotelis, eiusmodi turpitudines aut saltem obscurum afferre dolorem, ac displicentiam, aut nullam referre gratiam, aut esse admodum vulgares, & tanquam res, ut ita dicam, ordinarias: oportet enim, si futuræ sint ridiculae, ut talem induant naturam, hinc neque opus est vnam facere contrarietatem, veluti sufficientem ad explicandam universim materiam risus, quemadmodum fortasse aliquis existimaret, ut non sola satis sit turpitudo, sed pulchritudo etiam adiungatur, illa quidem sine dolore, haec autem hilaris & faceta, tanquam proportione respondeat haec vna contrarietas, quæ est circa materiam risus iis contrarietatibus, quæ in omni sensu, atque omni fortassis potentia reperiatur: nam si pulchre & argute aliquis respondeat, per se ipsum dicat & loquatur, canat, aut tripudiet, illa quidem risum mouent, propterea quod sunt pulchra in suo genere: hoc, inquam, non est opus, quoniam eiusmodi pulchra, quæ risum per eos alliciunt, quandam alacrem turpitudinem referunt, & inconuenientias quasdam non vulgares sine dolore, quas non immerito liceret appellare pulchras turpitudines, utpote quæ non vulgares sint, nec admodum consuetæ, & ingenium præse ferant, seu gratiam quandam, utpote si responsum sit, & modo aliquo mordet

deat cum lepore, & obtundat alterius dictum
respondendo, ut aiunt, per consonantias, val-
de ridiculum erit: semper enim alicubi debet
fundari considerarique talis turpitudo & in-
decencia citra dolorem, eodemque modo
cantus cum mutationes quasdam interponit,
& vocis mutationes, gurgulationesque vari-
as ciet risum, tum quia suspendit animum,
quem mouere facilius est, ut ait Aristoteles
vigesimali nona Problematis quæstione o-
ctaua, tum quia ut res ludicra & puerilis iocus
consideratur, habens illam pulchram turpi-
tudinem; itaque mentem celeriter mouet, &
hoc modo mouent cætera, quæ cum hoc ha-
bent affinitatem. Quod autem singula, per
quæ risus allicitur, possimus referre in eam
turpitudinem elegantem, non est immani-
festum, sed numerum sigillatim eorum, ut
res ipsa postularet, recensere est nimis ar-
duum, & nostra isthęc nimis produceretur o-
ratio, & forsitan non esset utile, nostræque
tractationi conueniens, sed Rhetori magis
accommodatum, aut Poetæ, qui de Comœ-
dia est tractaturus, ea tamen leuiter, & quasi
in superficie, prout mea interesse videtur, at-
tingam. Fit ergo in rebus inanimatis cum
quadam animi reflexione siue collatione, cū
elegans quæpiam actio ab illis procedit, quæ
animato conueniret corpori: illud enim in-
decens est sibi, ac propterea turpitudinē refe-
renſa

rens sine dolore, eoque gratior est turpitudo, quo ab inanimato, cum animantis esset, optimus simulatur, ita etiam si in animatorum figura æmuletur, ac referat figuram aliquam animalis inconcinnam, ob id sane fieret ridicula, & in illa imitatione indecenti vtriusque respectu consisteret turpitudo, vnde deinceps efficeretur risus, eodem modo sicut in rebus inanimatis, se haberet in plantis, aut in brutis, ut intuenti patet: In communī vero usu verborum & rerum, siue actionum homines mutuo sibi risum alliciunt ob illam turpitudinem, quæ in sermone, in actione, in extrinsecis, & omnino iis, quæ accidere solent in moribus & figura: In actionibus quidem si indecentiam referant eo respectu, qui est ad agentem, ad locum, ad tempus, ad modum, aut occasionem. Porro videretur ridiculum, quantum ad primum pertinet, si mulier induat habitum virilem, aut accincta ense proficiscatur ad forum, si ludat, tripudiet, aut alia eiusdem cognitionis faciat: pariter si vir senex erubescat, & vestiat ut iuuenis, ac miles gloriosus pileum scilicet plumatum gestas, si ludat troco ut puer, si canat, aut fedeat cum pueris in schola discens Grāmaticam, si Princeps ut rustica gens vestiat, aut exercitiis se immisceat rudiorib. si seruis seruiat gnauiiter, aut agrestes homines de rebus ad Philosophiam pertinentibus inter se differant. Sic sane

fane ratione loci multa sunt ridicula concepta ob illud turpitudine, quæ alio in loco naturam hanc exherent, quemadmodum si quis in mensa nobilium loquatur de vomitu, ac de rebus praui odoris: iis enim, quibus videatur hoc indecens & turpe, sine dolore fieret risus. Eodem pacto si in loco, vbi adsunt honestæ mulieres, quis inhoneste de rebus vñereis temere incipiat loqui; si in aliena domo quis ea faciat, quæ vix faceret in domo propria: deinde respectu temporis multæ obtingunt ridiculæ turpitudines, nempe si, quæ ad ver aut hyemem pertinent, quis faciat in æstate, quæ ad noctem, in meridie, aut econtra, nempe si ad solsticium æstiuum, vel canis exortum, quiis induat pelliceam vestem: in modo autem consideratur turpitudo, si quispiam inepte aliquid faciat, ac præter communem usum, & consuetudinem aliorum, utpote si cum ridet, videatur plorare, & turpemoris figuram assumat; si cum loquitur, videatur sibilare; si dum sibilat, videtur canere; si dum orat, videtur latrare; si dum vult suadere, reprehendit, & accusat; si dum vult accusare, demulget; si semper hiat, ut propelixentur mandibulæ; si inconcinno utatur incessu quomodolibet facto, dummodo non afferat dolorem & displicantiam; si balbutiat, & verba nimium confundat, & permutare videatur, aut prope lacerata proferat, nec solum

vbi ex proposito hæc fiunt, & secundum na-
turam, verum etiam, ac forsitan magis, si ex
accidenti aliquo fiant, & errore, nempe si per
lapsum linguæ transponat verba, & significa-
tum orationis turpiter pervertatur, vel in a-
lium errorem incidat non loquendo solum,
sed in cæteris etiam actionibus, in quibus ex-
empla afferre non est opus, ne longius nostra
protrahatur oratio: In occasione vero su-
muntur ridicula in non debite vtendo,
quemadmodum si peracto iam prælio atque
certamine miles aliquis gloriosus occurrat,
quasi magna facturus, aut si præterita quis il-
laque manifesta omnibus, nempe præteri-
tos ventos aut pluuias vaticinetur, quem-
admodum fecit ille, qui multo post Cometis
exortum vaticinatus est præteritos ventos.
Huc usque igitur patuit, quomodo ex ipso
sermone fiant ridicula propter errores tum
naturales, tum etiam ignoratione, aut ex ac-
cidenti & lapsu quodam commissos, in eo ta-
men præclarissima ridicula fiunt ad quempí-
am alium simulando, vel citra ullam simula-
tionem, ioco aut serio dicendo, & illorum vel
facetudo est in rebus, aut ipsis verbis, hinc
narrando tantum ludicra seu fabulas, & di-
cendo alacriter fit risus, præsertim ob ea,
quæ celerem cognitionem pariunt, non
difficilem, neque vulgarem, quin etiam ob id
quod dicunt minime expectatum, cum mor-
dicus

dicus pungunt verba cum multo lepore & dexteritate, ac non incepe, præsertim vero si præter id quod ingenium referunt, & insig-
nem alacritatem plures offendunt simul, & peccatum aliquod occultum opportune & e-
leganter aperiant quadam dexteritate ver-
borum, vel propter repugnantiam si blandi-
endo accusent, aut maledicendo videantur
misereri, & laudare, si præcedens alterius di-
ctum celer & ingeniosa obtundat responsio,
quin etiam ob prauam interpretationem, se-
cundum allegorias, proverbia & metapho-
ras, aut ἐν ει-τι, ταῦτα βολὴν την ὑπερβολὴν, atque
omnino propter concinnam applicationem
ludicram, præsertim si motuum confor-
mitate innitatur, ob fraudem & deceptio-
nem, aut etiam ob quendam modum in-
sinuationis. Hinc itaque processit usus face-
tiarum utiles quidem in hac laborum & misera
vita, & quoniam singulæ continent ali-
quam turpitudinem ob errorem & defe-
ctum; propterea videretur facetia esse turpi-
tudinis alicuius simulatio fando aut agendo:
hinc enim translatum est nomen, Aristoteles
vero 4. Ethicorum cap. 8. inquit, facetias esse
conuitia quædam, aut cauilllos, id quod etiam
videbatur innuere in libro artis poeticae,
cum diceret, non omnes facetias excipiendas
esse in Comœdiis: sunt enim conuitia quæ-
dam; quapropter videntur semper aliquem

afficere, ac propterea inquit, legumlatores nonnulla conuitia atque facetias dicere vident, ne seditiones fiant in ciuitate, hinc scuras & importunos illos reprehendit affectantes omnino ridiculum, & magis consequentes facere risum, quam honeste loqui, & non afficere eum dolore, in quem facete dicunt: sunt etenim quidam, qui adeo à ridiculis vincuntur, ut cum sibi videatur posse moueris risum, amicos parum existimant, & eorum quoque facere iacturam, honestatis denique & modestiae frangunt iura, eo que deueniunt insolentiae, ut ne dum aliis, verum etiam nec sibi ipsis parcere velint, quo faciant risum, eos vero qui sibi ipsis lex sunt in ioco laudat plurimum, quemadmodum sanc est vir comis & urbanus, ac deuter, quippe qui recte facetiis vtitur, cum dicat ea, quæ liberum hominem decent, atque eum qui audiret, dolore non afficit, vel etiam delectat; itaque differt facetus simpliciter, & facetus urbanus & co mis: nam simpliciter facetus est, qui fando potissimum agendoque vti loqueretur, & omnino iocando mouet risum: illi vero vt coniungatur urbanitas, talem oportet habitum adeptum esse, vt ad recte iocandum selectere possit, illeque hunc medium assuetus habitum, ea, quæ solum fert audiendo viderbitur facere, eiuscemodi nonnunquam facetias Aristoteles sales appellabat nomine
potius

potius formæ, & proprii characteris: sal enim est concinnitas & gratia in simulanda aut narranda turpitudine, & omnino in usu factorum, & in iocando gratia & ingenium: ceterum oportet neque facetias, neque facetum hominem esse insipidum, sed huiusmodi sales habere per quandam translationem dictos, quasi vero sint eorum condimenta alioqui necessaria, ut facetiæ huiusmodi ridicula videantur: neque vero latet, in quo sales isti consistant, si paulo diligentius ea, quæ superius dicebamus, animaduertantur. Quibus autem uti deceat facetiis, & qualibus, ac quibus non conueniat uti, non est meum determinare, sed Rhetoris aut Ethici hoc indiget elocutione. Nunc itaque ad reliquos modos accedamus, è quibus ridicula proficiscuntur. Ab extrinsecis porro fiunt risus & ridicula, si turpitudinem aliquam & inconuenientiam placrem referant, id est, sine dolore, & non vulgarem, aut è toto genere eorum quæ accidunt, vel ratione alicuius particularis conditionis, quorum exempla patent. In moribus quoque corporis atque animi latent ridicula, in quem modum referuntur quædam inconuenientiæ morum, quemadmodum turpis quoddam avaritiæ genus & actiones, timor cuiusquerrei, aut iostorum cognata, quorum prope infinitus est numerus. Ac in ipsis figuris, si turpitudinem quandam sine dolore

præ se ferant, hinc nouæ quædam formæ inconcinnæ, & pene ludibrio factæ delectant, & videntur ridiculæ, pariter etiam faceta facies, & vultus hilaris, aut conceptione ludicri, & memoria, aut per consensum & sympathiam, cum ridere alterum videamus. Hinc ergo fieri videtur, vt animalia tantum rationem habentia rideant, quoniam turpitudinem istam ipsa sola cognoscunt, sub hac deinde figura titillatio risum mouet, & tanta est eius potentia ad hanc actionem, vt sub-intellecta sola & proxime imaginata sensum moueat, & mentem aperiat præter voluntatem, sic etiam ludicra & ioci omnes, & inanes huiusmodi voluptates affectum hunc proritant, & quo maior est turpitudo expers doloris, & maiorem gratiam refert, eo intensiorem excitat risum. Oportet autem diligenter animaduertere, ne dictæ turpitudines sint admodum vulgares & consuetæ: nam fortassis videri possint mediæ naturæ, quin etiam nosse debemus, quod obiectum mouens risum debet esse, aut ex se ipso tale, aut saltem tale videri, ino in hoc magis potest existimatio, quam propria illius natura: nam si per se ipsum esset facetum, ac turpitudinem illam præ se ferens, tale autem non videretur ei qui audit aut videt, idem plane esset, ac si nullo modo esset ridiculum; itaque nihil refert, si consulto sit factum aliquid aut dictum, aut non

non ut tale videatur, etenim cadente aliquo, vel fugiente, aut acclamante turpiter ride-
mus, quoniam singula eorum apparent no-
bis sub specie turpis citra dolorem. Amplius
oportet ab anima cuncta secerni, quæ obi-
cem ponunt, & quæcunque nata sunt risum
cohibere: securus enim nullo modo succederet,
ipsum enim intus existens prohibet extrane-
um, & obstruit, quemadmodum sunt non-
nullæ peregrine perturbationes animi, ut ira,
mœstitia, & similia. Quomodo enim fieri po-
test, ut iratus aut mœstus rideat, nisi fortasse
ingens fuerit ridicolorum vis, ac perturba-
tiones illæ essent paulo remissiores? quomo-
do itidem cogitabundus, & aliis sollicitudi-
nibus occupatus? Solent etiam homines in-
stante quodam habitu grauis prudentia &
majestatis ab hisce ridiculis, vtpote inanibus,
abstinere. Sed dices, quare illos non mouent
ridicula? nam fortasse hæc ipsa tanquam fa-
ceta cognoscunt & ludicra, illamque in re-
bus ipsis turpitudinem non ignorant, sen-
sumque præterea & animum obtinent ex-
peditum? Respondeo, quod risus non solum
præsupponit materiam conuenientem, ve-
rum etiam animæ debitam præparationem,
& concinnitatem; itaque si impræparatus
est animus, non rident: actus enim fit in
patiente disposito, diximus autem, risum esse
motionem, quæ necessario præsupponit mo-

tum & dilatationem sensus, quæ quidem fieri non possunt, quando ab aliis affectionibus præoccupatus est animus, atqui grauitatis & magnanimitatis habitus merito oblitus est, & obicem ponit, quoniam velut onus animo instare videtur, quod retrahit illum ab omni re non graui & inani, tanquam puerili, neque satis est ut cognoscant concipientque illas turpitudines modo contemplabili, sed concrete ut res indecentes & dignas aliqua irrisione. Oportet etiam eosdem non esse quoniam humore lassitos, qui molestiam afferrat, quoniam his ridicula displicant, mœstitia eique accessionem faciunt: cum enim bilis primum sensituum occupat, ille efficitur anxius, molestia circumplexitur, & audire non substat: nam manifestum est, non posse simul in eodem esse voluptatem & dolorem. Sed tamen huc spectant multæ difficultates; prima quidem est: nam multi desipientes de singulis pene rident: vel errores sint, aut nullam referentia turpitudinem, ac nonnulli de iis, quæ vere sunt ridicula, non rident, imo videmus, saepe eundem pro eodem aliquo rerum genere interdum ridere, alias vero minime, quasi vero eadem res modo sit ridicula, & postea naturam illam exuat. Præterea videre amicum non est res turpis, attamen saepissime ob id risus allicitur. Præterea nonnulli rident, cum viderint alios ridere, & nulla iis suppetit
mate-

materia ridendi, quoniam fortassis ignorantia
qua ratione riderent. Amplius solemus audi-
re nonnullos serio ratiocinantes ac differen-
tes, & cum lattemur etiam ridemus, atque eti-
am propter alia, quae sunt seria, & nullo pa-
cto turpia, iucunda tamen & dilecta, utpote
si bonum aliquod nouum afferatur, res scili-
cket domesticas esse recuperatas, litis euentum
fuisse cum victoria, & nimia utilitate hostes
esse refractos, vel Turcas fuisse debellatos in
certamine nauali, seu parentes, filios, fratres
& affines fuisse euectos ad maximos honores
& virtutum praeconia, eosque etiam esse in o-
ptima omnium existimatione, ob illa, in-
quam, ridemus, & non sunt turpia, neque er-
rores. Præterea ridemus propter titillatio-
nem, ipsa tamen non videtur esse res turpis,
imo est expers voluptatis, cum illam substi-
nentes ægre ferant. Respondeo primæ diffi-
cultati, quod illis desipientibus singula vi-
dentur turpia ludicra, & res quodammodo
pueriles, & propterea fere de singulis rident
falsa imaginatione delusi, & quoniam existi-
matio opinioque in his tantum momentum
habet, propterea satis est, ut talia videantur,
quo risus procedat, hinc sit, ut eadem res ali-
cui videatur ridicula, aliis vero non item, i-
demque mutata opinione pro eodem genere
rerum non semper rideat. Sed dices, illud,
quod est per se tale, est semper illo modo;

fuerit igitur aliquid per se ipsum ridiculum, erit profecto id semper eiusdem immutatae naturae, semperque mouebit risum, quoniam praesente obiecto, & potentia non impedita, necessario procedit operatio, quæ ab illa facultate nata est fieri. Respondeo, quod ridiculum quemadmodum omne obiectum bifariam consideratur, uno modo in actu, alio modo in potentia, hinc fateor, quod est per se ridiculum, semper esse tale faltem potestate, non procedit tamen operatio, nisi praesens sit obiectum in actu: simul enim est sensibile in actu & sensu, ut inquit Aristoteles secundo libro de Anima, potissimum autem, quia ridiculum magis est in apparendo, quam secundum naturam. Ad secundam dico, ex amicorum conuentu fieri potius ridiculum quendam, quam risum verum, nisi fortassis presupponatur ridiculum, is autem ridiculus, qui ex modica oritur sensus dilatatione, potest fieri sine turpitudine, sed à laetitia confestim obtingente, plerunque etiam ob facilem quandam consuetudinem ostentandi laetitiam homines ridentis modo intendunt faciem, ridicule que ora diducunt. Tertie difficultati satisfecit Aristoteles quarto Ethicorum, cum diceret illo modo, quibusdam verborum obscenitas, quibusdam potius subintellec[t]io ridiculum erat, vnde colligimus manifeste, ad risus generationem satis esse subintellectum.

collectionem ridiculi, quod quidem vel præ-supponere oporteat definite, aut saltem indefinite. Et ideo cum videmus alium riden-tum, si præsertim illum amamus, nos imitatione quadam facili illecti, & præsuppositio-ne ridiculi indefinite, sensuumque sympathia confessim ridemus, codem modo canta ge-stuatio cum concinnitate & dexteritate qua-dam, & verborum mutatio non incepta & vulgaris cum præsupposito obscoeno, quod est turpe absque dolore facit risum; nisi velimus etiam dicere, quod elegans ridendi for-ma quendam leporem & alacritatem præ se ferat, quamobrem sub ratione faceti & ridi-culi moueat, risumque alliciat. Ad quintam dico, propter eas res serias posse fieri quo-dam rictus, ac modicam sensus dilatationem, quæ potius est risus effigies, & inchoatio il-lius; videtur enim esse quædam intentio sen-sus, quasi vigore assumpto, & alacritate mo-ueatur ad faciem, ut foras erumperet. Po-strema insuper nullius est momenti, quoni-am titillatio sub figura ioci & turpitudinis mouet: nam manifeste cognouimus, quod i-psa per se, ut titillatio est, tantum non facit ri-sum; quoniam nonnulla animalia titillatio-nem sentiunt, attamen non rident, quoniam sub figura ioci & ludicri illam non conci-piunt.

CAP. VII.

De primo corporali principio, & instrumento materiali, quo risus efficitur.

VONIAM inuentum est (ut arbitror) verum subiectum, & conueniens materia risus, iam proxime accedendum erat ad explicandum modum, quo talis operatio affectioque humana efficeretur; quapropter initio hoc opus esse duxi, ut vestigetur, quanam pars corporis sit primum principium eius, seu primum instrumentum materiale. Democritus existimabat, primam illam partem primumque principium esse lienem, reliquas autem partes esse instrumenta deinceps subseruientia ad perfectam operis absolutionem: eo nimirum argumento desumpto, quoniam videbat, lienosos homines & melancholia hypochondriaca laborantes fieri ad ridendum ineptos, vtpote quod primum instrumentum, primumque ridendi principium non esset expeditum, sed male affectum, eos autem, quibus illius visceris natura nullo modo esset grauata, promptiores esse magisque idoneos ad eandem affectionem. Cum itaque potentia & impotentia per hanc partem fiant, consentaneum esse videtur, vt lien existimetur primum principium ridendi. Attamen ipsius opinio mihi videtur absurdanam risus quodam motu inferuente perficitur,

tur, lien autem neque moueri conspicitur, nec motus alicuius est principium, videmus tamen, moueri partes illas, quæ sunt in thorace & medio ventre. Nullius præterea facultatis animæ prima sedes ponitur, ac potissimum cognoscens & animalis; igitur non potest esse primum principium risus: hic enim ab alaci quadam lætitia proficiscitur: ac deinceps respiratione perficitur, ad quam profecto lien nullum momentum habet. Amplius censebat Hippocrates, ex bile & quodam phrenitidis genere fieri impotentias ridendi, ex morbis etiam ventriculi, hepatis, atque aliorum viscerum; liceret igitur affirmare, hæc omnia esse principium ridendi, nec minus fortasse potuisset dicere, illam partem principem esse femur, aut calcaneum, utpote quod iis lacescunt ac præ dolore grauatis risus intercipiatur: inculpati autem prompte & expedite fiat, quod etiam (ni fallor) ad pecunias referre multo libentius poterat: cum enim illis egeo, nullis possum affici ridiculis; dum autem affluunt, omnes in me partes rident & gestiunt. Ob id Alexander Aphrodiseus primo suorum Problematum quæstione centesima trigesima sexta, meminit huius opinionis, & causam erroris attulit, dicebatque hoc modo: Lien non proprie ac per se, sed ex accidenti risus causa censendus est: quando enim est sanus omnino, fœculentum

&

& melancholicum succum ex iecinore trahit, atque ita dum sanguis purus & defecatus totum corpus cerebrumque peruadit, naturam simul & animam non aliter quam vinum oblectat, atque ita patet solutio ad rationem illam, qua vtebatur Democritus. Alii crediderunt primam partem, per quam risus generatur, esse diaphragma: ipsum enim musculus quidam est latus admodum prope mentem positus, sensus pollens alacritate, ad motiones agilis, respirationi per se primo subordinatus, tale ac tantum habens momentum ad animæ functiones, ut eam ipsam partem veteres de communi consensu ~~opera~~ appellarent, quasi mentem vel mentis sedem, ibique crediderunt phrenitides fieri atque deliria. Itaque mirum non est, si etiam risus ab hac etiam parte primum efficiatur: nam ad celeres motiones celer est & expedita, cum sit musculus latus, sensuque affatim abundans, & spiritu, qui per illam æquabiliter est dilatatus: risus enim ut dilatatio quædam esse censetur, quin etiam spirationis primum est instrumentum, quæ ut substantia prope appetit risus. Hoc etiam videbatur affirmare Aristoteles tertio de Partibus Animalium capite decimo, & ob eam causam titillationem alarum mouere illam affectionem, quoniam septum in ea parte alligatur, ex quo facile huius musculi sensum aperit & mouet præter voluntatem.

voluntatem, quod insuper experimento militis, ut alias diximus, confirmavit, id quod demum patet ad sensum: nam pro minimo quolibet risu septum manifeste dimouetur & retrahitur, ibique facto principio motus, cæteræ subinde partes, ut pulmo & faciei musculi, dimouentur. Quoniam vero septum transuersum non est aliquo modo pars corporis princeps, nec animæ prima sedes, aut alicuius facultatis, idco neque videtur consentaneum, eandem partem censere primum principium ridendi, potissimum quia risus latitiae sboles est, & conueniebat, ut in ea ipsa parte, in qua vigerent latitiae & alacritates, ibidem quoque fierent exordia risus, talem vero partem nemo statueret esse dia phragma, sed corpus ipsius cordis, quemadmodum visum est Aristoteli, & omnibus fere naturalibus Philosophis. Videbatur etiam consentaneum, ut ibi à prima, ut dicunt, origine fieret risus, per quam etiam partem aliij affectus operationesque ab affectibus prod eentes generantur, huiusmodi tamen non est septum, sed cor, in quo latitiae, alacritates, dolores, mœstitia, timores, iræ, & illorum cognata fiunt; igitur corpus cordis est pri mum instrumentum corporeum, seu prima pars, unde risus efficitur, vtpote quod ipsum est primum sensi iuum, ut censet Aristoteles, omnesq; Peripatetici, & inter Medicos Era

sitra.

sistratus, & forsitan Hippocrates Cous, si i-
psius est ille liber de virginum morbis, vel sal-
tem primo sensituo consentientissimum, ut
censebat Galenus. Ponendum est itaque, cor
esse primam partem, primumque principium
ridendi proximum, quod quidem omnes ab
ipsa veritate coacti fatentur inopinate: cum
enim profusius rident, latantur & gestiunt,
aiunt, se ex corde ridere, latari & gestire, aut
in eo ridere tantum, si risus in apertum non
exeat, sed per vim comprimatur. Hinc animi
defectus & syncopes sunt iis, qui plus æquo
rident, euacuato scilicet nimium ex corde
spiritu, vel ipsum trahendi facta quadam im-
potentia: Sed necessarium est hoc loco uti di-
stinctione, quoniam aliud est esse primum
principium proximum, aliud autem est esse
primum instrumentum manifestium, &
perfectiū formæ. Fateor equidem, cor esse
primum principium proximum, quod sensus
ibi incipiat gestire, & labatur, septum autem
esse primum instrumentum manifestium,
ac formæ perfectium; quapropter Aristote-
les ipsum risum quandoque asserpit dia-
phragmati, à quo incipit propriam effigiem
sumere, & sic soluerentur omnes rationes su-
perius adductæ. Medici tamen, qui existi-
mant, cerebrum esse primum sensituum bi-
partito diuidentur: nam alii censerent, pri-
mum principium ridendi esse cerebrum, in
quo

quo cum assideant principes animi facultates, fiunt cognitiones & voluptates ab illis inseparabiles : hunc autem ali. & tuum fieri communem per consensam diaphragmati, ipsumque ob id esse primum instrumentum, quod per hanc partem formari & apparere incipiat, ac cæteris deinceps partibus ad operationem hanc subseruientibus, quemadmodum sternitatio, quæ tametsi à capite procedat, hisce nihilominus partibus fit communis, atque per eas manifestatur, quoniam respiratio cerebri (si alia est) coniunctissima videtur cum respiratione istarum partium. Alii censerent quidem, cerebrum esse primam radicem & principium remotum, tum huius, tum aliorum affectuum & operationum, quæ ab illis proueniunt, illos tamen in corde potissimum vigere, quod sensus eius partis vegetior est & coniunctus parti animosæ, ac vitali, cum multo calore & spiritu, quorum sententia mihi magis videtur consentanea vero, et si melius succederet, si, quemadmodum censet Aristoteles & Hippocrates, faciant cor esse totius animæ principium, operumque ab illis praeuentium, quemadmodum verecundia videtur ab ipso manifeste dependere.

C A P. VIII.

Quomodo generetur risus.

ARISTOTELES aggressus est huius quæstionis explicationem trigesima quinta sectione Problematum quæstione octaua, & plane inquit, risum esse quandam celerem emissionem spiritus similem sternutationi, cum propter lætitiam redundaret, corde nimirum, ac præcordiis una gestientibus: ait enim, lætitia gestiens concalafactio quædam est, spiritum autem cum redundarit, foras emitimus vniuersum, & sternutamenti ratio eadem est, supponit ibi Philosophus ridenter lætitia gestire: ex hoc autem deinceps fieri in illis partibus internis calorem; nam lætitia gestiens concalafactio quædam est, idque vel minuta agitatione spiritus in se ipso facta, vel totius primi sensitiui una cum spiritu, & calore proprio, suspensa præsertim spiratione, ut subinde vtraque ratione accessio fiat ad calorem, conclusio spiritus, & propensio ad motum, ex eo deinceps calore soluitur humor in vaporem, & spiritus, cum redundaretum hoc, tum illo etiam, quod spiratio est intercepta, foras illum emitimus vniuersum, quemadmodum etiam fit sternutatio: calefacto enim cerebro, ac venuulis ipsius, soluitur humor in vaporem, qui cum redundet, excernitur affatim; itaque videtur existimare, hanc spiritus vbertatem fieri propter vim caloris ob intrinsecam voluptatem, hilaremque affectum concepti: cum vero spiritum hunc

hunc conentur emittere, non esse aliam viam præter motum spirationis; quamobrem statim septum contrahitur, & pulmones succussantur suscipientes eandem motionis speciem à diaphragmate. Hinc præterea fit retractio muscularum, qui mouent buccas, quippe qui & ratione officii, & conforti nervorum, qui à sexto pari descendunt, magnam cum hisce thoracis partibus habent affinitatem, & videntur simul tum conari, tum parere viam, vel quia, ne spiritus ferme totus eructet, laryngis musculi vehementer nituntur contractione, qui quidem si contrahantur, necesse est etiam contrahi buccarum musculos; quemadmodum experimento patet, ac dicebamus illis fieri, qui Sardorum rhanunculo vescuntur: est enim rhanunculi quoddam genus apud Sardos copiosissimum secus aquas exoriens, nimium mordax, quæ si comedatur, vescientibus neruos contrahit, rictuque ora diducit, quoniam laryngis musculos sua mordacitate statim conuellit, & per consensum retrahuntur etiam musculari pertinentes ad buccas, vt qui mortem operunt, veluti ridentium facie intereant, propter quam profecto analogiam risus omnes eiusmodi figuræ Sardonici appellantur. Ego tamen arbitror, ibi locutum esse Aristotalem ex mente aliorum, aut illud Problema fuisse ab aliis additum: nam reliqua tametsi

possent probari, illud tamen absurdum videtur, ut virtute caloris soluatur humor in vaporem, & cum redundaret foras excernetur, siquidem calfactio est alteratio quedam, & non potest subito fieri: risus autem ut plurimum confessim efficitur, ac forsitan opus esset septo, aut corde inflammationem paciente insigniores effici risus. Neque etiam videri potest, ut risus sit communis quedam retractio partium versus principium animae, in quo latitia ipsa viget: volunt enim contrahi & coadunari in locum illum; quapropter faciei retrahuntur musculi guttulis & septum ad cor. Hoc enim absurdum est, quoniam eadem fere species motus efficiunt in suctu, quod quidem fieri non deberet: nam dolor potius repellit; quin etiam videmus potius impetum fieri ab intrinseco foras: nam saepe inchoato risu in partibus illis penitioribus cohibetur quasi truncatus in medio, nec explicatur in facie. Ob id Aristoteles trigesima quinta sectione Problematum questione sexta dicebat, risum esse lapsum quandam & fraudationem, eo quod spiritus ex ipso corde labatur, & erumpat alacriter gestiens latitia ob inane ridiculum per ipsa precordia: sic enim, illo allabente, atque impetu faciente, necessario septum impellitur ad motum: nam etiam illius spiritus una dimouetur, facitque impetum, ut tandem pars illa

illa moueatur, & vibrantis modo succussetur, aut saltem intendatur. Itaque facto illo appa-
ratu, ac **turgentia** illius partis ad motum fit
aeris, quem dicunt spiritum, celer excretio, &
quo maior est lapsus, eo etiam insignior risus,
hinc sit, ut qui partes has alacriores habent,
sensuque præditas insolentiore, illumque
magis mobilem & seriis minus affixum, mi-
norique grauitate donatum, longe magis
sunt, cæteris paribus, ad ridendum proclives,
atque adeo non immerito cessit illud prouer-
bium, quod niplus risus est argumentum de-
sipientiæ: prudentes autem & viri grauiores
ob rationes contrarias minus rident, quia se-
riis plus student, & ipsum animum, atque cor
habent magis affixum, immotumque habent
illum, humoreque molesto lacescitum, tum
sensoria prima, partesque omnes quasi infle-
xibles & ad omnes celeres motiones ineptas,
sed pigerrimas quidem illas, & veluti oncre
pressas: at prudentiorem animum & negotio
contemplatiuo, rebusque seriis solitum in-
cumbere, & in ipsis habituatum difficilius est
ridiculis dimouere, & exturbare turpiter ri-
dendo: nam ridicula inania sunt & puerilia
quædam. Sed quare labatur spiritus, vel par-
tes ipsæ spiritales conceptione ridiculi, ne-
quaquam declarauit Aristoteles, possumus
tamen huic satisfacere, quod spiritus aut par-
tes spiritales conceptione ridiculi non pos-

funt se continere nigestiant, & modo quodam turgeant ; itaque tum labendo intenduntur, & secedunt, tum spiritus illa ratione foras confertim excernitur. Huc possumus referre, quod ipsius ridiculi conceptione fit quedam alacris & conclusa agitatio spiritus, ut perinde partes illæ spiritales talem motum suscipiant, & motu quodam vellicate contrahantur, aut vibrentur, dum causa magis imprimit, cum autem pruriantur, & hilari quedam modo titillationi non absimili moueantur, necessarium est, vt partes aliæ consensum illis habentes conuellantur, vnde videmus, fieri illam contractionem in musculis totius pectoris, ilium gutturis, & faciei : succedit autem quandoque motus & gurgulatum aggregatione spiritus, tum soluto partium motu propter impotentiam substinenti prurigineam & turgentiam, à ridiculo concitatam, quemadmodum videmus fieri titillationem sub alas, & motum huic similem. At vero in tertio de Partibus Animalium capite decimo dicebat, risum esse sensus dilatationem : nostris enim, quod intima pars animæ nostræ intus assistens cognitioni in ipso primo sensitivo, quod est cor, vt censet Aristoteles, lætitias & dolores primo suscipit, & ab illis afficitur ac mouetur. Sed qualis sit, & quomodo fiat hæc dilatatio sensus, non satis est manifestum : sensus enim non est corpus,

cum

eum alioqui dilatatio sit proprietas eius, fortassis decet existimare, illum ratione corporis dilatari, ut pote spiritus in quo est, & cordis in quo primo viget, ita ut cor dilatetur, ac spiritus emittantur per praecordia: septum vero ob id contrahitur, tum quia ad cordis dilata-
tiones hunc motum suscipit, tum ut contra-
enitatur in hunc sensus & spiritus motum, ne
cum magno vitæ discrimine vacuetur & eu-
nescat, aut quia sic niti oportet has partes ob-
robur facienda motionis, quæ instat. Hinc
etiam connituntur musculi totius guttaris,
& faciei, quippe qui laryngis musculis adeo
consentient, ut nisi simul isti contrahantur,
illi nequaquam contrahi possint: gurgula-
tio autem fit aucta necessitate, & motu illa-
rum partium, quoniam hunc eundem mo-
tum suscipit palmo, & succussatur: cum ete-
nim septum contractionem sublinere concer-
tur, & motus irruat, efficitur motus minutus
velut in medio fractus, vnde procedit gurgu-
latio, quemadmodum si fistulam aeris ple-
nam manu contrectes, fit inde sonitus gur-
gulanti & cachinno similis: cachinnus enim
estrus cum gurgulatione: sed quoniam non
est valde manifestum, si cor in hoc affectu di-
latatur, ob id potius dicerem, risum esse dilata-
tionem, hoc est, impetum quendam cele-
rem emissionemque sensus & spiritus æqua-
biliter usque ad faciem, ad quam partem sen-

sus aspirat, & animus: ita namque videtur se ipsum declarasse Aristoteles trigesima quinta sectione Problematum questione decima quinta, dum causam vestigaret: quam ob rem ridentes flentibus ipsis vocem edant grauiorem. Ait enim hoc modo: an qui flent, intendendo contrahendoque os vociferantur, unde propere aer interior corpore ipso intento mouetur, cumque per os angustum transeat, ferri velocius potest, qui vero rident est contrario emissio corpore, hianteque ore rident. Cum igitur ob eam rem late tardeque profundant aerem, merito vocem edunt grauiorem, quibus apertissime significauit, rident fieri quandam emissionem corporis seu spiritus, inchoatam scilicet ab interna parte ventris medii, ubi sedet animosa facultas: desinentem vero vique ad extreum faciei, quoniam pars illa est sensus emunctoria, per quam animus noster recipit redditque affectus, cum per eam partem sentiat, sibique credita sint sensoria; quapropter ad eam totus sensus totusque insuper animus conspirat; hinc ergo procedit æquabilis emissio intentioque sensus in facie, velut foras promiens, hinc aer confessum excernitur, hinc septum contrahitur, & musculi faciei, quoniam æquabilis emissio cum sensus alacritate pertingens ad sensum faciei non potest fieri citra retractionem illorum lacertorum, & si remis-

remissior est actio, fit sola retractio illarum partium, sed ubi ridiculum vehementius imprimit, hic motus repetit, & sensus magis soluitur; itaque interponitur gurgulatio cum succussione pulmonis & septi. Ceterum cur illa efficiatur emissio conceptione ridiculi, causa est multiplex: etenim voluptas per se ipsam nata est facere dilatationem, cumque etiam laxitia gestiat, motum substinerem non potest; itaque soluatur motus earum partium necesse est, quasi prurigine sint vellicatae, & fit aeris emissio celer: tum etiam quia ridicula inania quædam sunt, vnde nec animum quietant, nec firmam requirunt applicationem; quo fit, ut foras secedat: at seriæ voluptates non generant risum; nam talia bona & iucunda nolunt motum, sed fixionem, & permanentem animi applicationem, accedit etiam spiritus gestitio, & partium illarum principum, atque aeris respirati agitatio contentioque: sic enim excernitur confessim; quapropter non erit aliud, præterquam impetus quidam celer, emissioque aeris & spiritalium, ut sentientium partium ad exteriora propter inanem voluptatem ridiculi, ac potissimum ad faciem, ad quam sit aspiratio sensus & animosæ partis, & gestiunt adeo una cum sensu, ut prope ad exteriora procumbant, neque tamen isti modi intersc pugnant: nam si vario modo accipiatur risus & affectus, motiones-

que singuli inter se congruunt, ut diligentius intuenti fiet manifestum. At neque superuacuum erit, si dixerimus, quod risus est lapsus sensus, emissioque ob voluptatem, hilaremque irrisione turpitudinis: satis enim est conspicuum, quod vtrumque illorum fiat in risu, voluptas scilicet & irrisio: nam propterea mouemur quasi irridendo alacriter turpitudinem, quippe quæ posita est esse materia risus, & quoniam illa non potest fieri citra conatum, & fit æquabiliter respondens usque ad faciem, in qua sensus propter sensoria plurimum viget; propterea fit illa retractio, & si ridiculum vehementius mouet, fit etiam gurgulatio tremulusque cachinnus: interdum vero fiunt quædam leues solutiones; & lapsus sensus ob serias voluptates, præsertim celeres, & lepore quodam obtingentes: sunt enim oblectamenta quædam, in quibus animus quodam pacto recreatur, sed exigui tantummodo ac perobscuri rictus erunt quasi risus imago, quales etiam ex sola consuetudine, dum gaudemus, efficiuntur, & nunquam clari ac numeris absoluti.

DE

DE FLETU O- PVS TERTIVM.

C A P V T . I.

An plorare sit proprium hominis, & per quam animæ partem efficiatur & obtingat.

CVM hactenus de risu, qui à voluptate proficiscitur, tractatum esset, videbatur iam consentaneum, & nostro muneri necessarium, ut de fletu, qui dolorum est soboles, theoriam faceremus: nam diminute admodum scire ac docere videntur illi, qui suscepta ridendi materia alteram huic familiarissime coniunctam, quæ de fletu est, temere dimittūt, vel illa saltem ratione, quod ab omnibus desideratur, ipsumque opus (nisi fallor) est naturæ nostræ familiarissimum: fletus enim tanta familiaritate humano generi est coniunctus, ut ortus nostri primitias in cunctis excipiat: multa tamen hic satius est pptermittere tāquam vberimē declarata & exposita in præcedenti tractatione: quedam autem necessariū est in examen ponere, & quoad fieri poterit declarare, illudque in primis, si fletus est proprius homini, & in quam partem animæ sit referendus. Quibusdam enim vide-

videtur ploratum esse secundam operationem perfecti sensus procedentem ab illius dolore, ipsum tamen esse proprium homini, quoniam sensus humanus concretus, implicitusque suis instrumentis ac partibus, praesertim primis quadam propria substantia predictis, propriaque figura, & coalterna analogia nonnullas habeat promptitudines, & naturales potentias sibi soli accommodatas, operationesque itidem multas, prope dixerim secundas, utpote a cognitionibus & affectibus ipsis tanquam primis prodeentes, qualis mehercle est fletus, de quo est nostra haec institutio, ut exinde possint homines virtute proprii sensus, & propriarum partium concinnitate ad plorandum se ipsos accommodare sineulla disciplina, cum naturale opus sit, eiusque habitus secundum naturam connascatur: quod enim referatur ad sensum, illiusque proprietas operatio secunda, manifestum est, quoniam videmus, pueros cumprimum in lucem hanc prodierint flere, quoniam emersi ex loco tepidiore contrariam ambientis qualitatem ægre ferunt, & dolore afficiuntur, illo tamen tempore ipsum intellectus pene obrutus iacet iners & stupidus, ut neque rationes adhibeat, nec vello pacto intelligat; quamobrem fatentur Peripatetici, pueris nequaquam adesse intellectum quantum ad operationem: sic enim posterius aduc-

aduenit, ac per id tempus brutalem vitam du-
cunt, quippe qui solo vtantur sensu, & secun-
dum illum viuant, quemadmodum brutæ a-
nimantes. Ob hæc igitur videtur fletus esse o-
pus duntaxat sensus, nullo etiam ad ipsum
præbente visum intellectu: Id etiam confirma-
tur, quoniam per se pendere videtur ab illis
acerbissimis doloribus tactus, & natura huius
finis gratia visa est illum gratis dedisse; cum i-
gitur è sensuum dolore exoriatur, manife-
stum est, reddendum esse sibi, nec oportet af-
fumptum probare: nam singulis patet, non
esse exiguos illos fletus, quos hominibus af-
fert tristis sensatio tactus. Aliis autem visum
est, ploratum esse communem homini &
multis aliis animalibus perfectis, quæ respira-
tionem obtinuerunt ad tutelam caloris: nam
motu hoc perfici, & instrumentis ad eum in-
seruentibus videtur absolui, exceptis etiam
nonnullis eorum, quæ propter naturæ im-
perfectionem, & instrumentorum ineptitu-
dinem, aut metum, vel alium quempiam affe-
ctum vehementer plorare non possunt: i-
psosque homines nunquam flere virtute in-
tellectus ob ea, quæ ad illum pertinent, nisi
affactus communicetur sensui, qui natus est
intime corpus, & corporea instrumenta mo-
uere, ac tales suscipere affectiones, quæ à na-
tura intellectus videntur extraneæ, cum sit
prope diuina pars ipsius animæ: illum vero
non

non esse traditum omnibus, quibus conuenit in eadem ratione, eodemq; modo, quantum ad operis actum propter diuersitatem corporis & instrumentorum quoad figuram, compositionem, naturam & mutuam analogiam; quamobrem neque etiam voces inter se conueniunt, ut propterea sicut metrum & mensura constituatur sletus humanus, quippe qui magis est exactus, numerisque omnibus per se ipsum absolutus, aliorum vero magis obscurus, minusque perfectus esse videtur, ac propterea dicunt, alios existimasse, ploratum duntaxat esse illum, qui familiaris est homini. Ac certe si ploratus non est aliud praeterquam à dolore facta perturbatio in anima, aut lapsus sensus ab eodem propter impotentiam sublinendi, dubio procul videretur cunctis perfectis animalibus conuenire, postquam singula istorum in illis præ doloribus fiunt, & motionibus potissimum sensus primarii afficiuntur. Nonne in illis apparent quotidie motus & affectus huiusmodi cum vociferatione clangosa non dimittente? Ac si natura ob vitæ necessitatem repensum hoc flendi dedit, videbatur necessarium cunctis animalibus perfectioribus, quorum habenda erat maior sollicitudo, ipsumque sensui credendum erat, cui magis immediate ac proxime tradita erat custodia vitæ, illique inter sensus potissimum, qui

quidem est vitæ magis affinis, quemadmodum extractus, ob id vitæ sensus nuncupatus ab Aristotele. Ac si cætera intueamur animalia, nonnulla sane conspiciemus habere ploratum humano simillimum, ut pudeat negare illum esse fletum: cum enim cædantur, aut aliter doleant, egeantque, in luctum & voces erumpunt valde querulas, quemadmodum psittaci, turtures, columbae & aues quædā nocturnæ, & quidam insuper canes, ut quandoque illas gurgulationes non dimittant, & clamoras voces repetentes, & quandoque aiunt, complura illorum in lachrymas prorupisse, ut propterea vere ac numeris absolutissimi ploratus viderentur. Ego tamen arbitror, utrumque absurdum esse, illud quidem in primis, quod fletus sit opus & passio communis homini, ac multis alijs animalibus, ac deinde alterum, quod fletus sit affectio solius sensus per eius duntaxat virtutem obtinens. Quod enim ad primum attinet, manifestum est, quoniam risus & fletus aut ratione contrarietatis, aut ratione cuiusdam familiaritatis in modo motus, & lapsu partium ex necessitate debent esse in eodem: dicebat enim Aristoteles in libro de Somno, in eodem esse somnum & vigiliam cum sint oppositi: sed risus (ut antea demonstrauimus) est proprius homini; ergo fletus non egreditur humanâ speciem. Præterea proprietas ploratus

est

est lachrymarum effusio, sed nullum aliorum profundit lachrymas; nullum igitur plorat, neque ipsos decet respondere, quod homo lachrymas solum profundat, quia cerebrum habeat ratione totius corporis maximum, illudque laxum & valde humidum, ut stillare facilis, & humorem huic possit oculo subministrare: hoc enim absurdum est, nam vidi ex oculo equino quodam acri consperso puluere tam insigne factum esse lachrymarum profluuium, ut prope fons scaturientis aqua videretur. Quamobrem si lachrymarum materia ipsis non deest, mirum profecto esset, si plorarent, cur lachrymas etiam gemendo non effunderent, id vero non sit, quoniam vacant illa intrinseca passione usque ad animalium pertingente; itaque non efficitur illius suspensio tristis, & molesta contentio cum spiritus attritione, neque retracta emissio sensus dolorosa. Præterea qui flendi facultatem habet, potissimum plorat ob illa, quæ sunt in primo gradu reruta flebilium, sed animalia bruta ob illa nequaquam plorant, nempe si videant parentes, filios aut cognatos defunctos, vel etiam si præceps eat Unicusum, nullo, inquam, modo ab istis dimoventur, nec villa ipsis efficitur commiseratio, nisi fortasse naturalis existat, velut habitus conatus: neque illud refert, quod pueri, iamceti plorent, illorum non concipient
com-

commiserationem, nec etiam lugeant, sed è rebus tantum dolorem afferentibus sensui secundum singulas ipsius facultates: nam paulo post vbi adoleuerint, incipiunt miseri-ri, & illorum causa magis plorare: cætera vero quamuis senescant, nunquam pro rebus istis miserrimis plorant; igitur fletus est functio, operatioque hominum propria. Hinc ego etiam arbitror, nequaquam ascribendum esse soli sensui, ut sensus est: quemadmodum e-
nim risus non est functio illius duntaxat fa-
cultatis per se, sed eius prout coniungitur in-
tellectui, & intellectus prout coniungitur
sensui, aut animæ rationalis prout vtramque
obtinet facultatem: nam neque intellectus
solus; neque sensus ab illo segregatus idoneus
esset huic muneri. Eodem modo plora-
tus ab vtraque procedit facultate, & est vnius
cum altera: nam nulli dubium est, quando-
que initium sumere ab intellectu, interdum
autem ab ipso sensu, cum è rebus sensibilibus
atque intellectis, & vtriusque dolore profici-
scatur pariter. Atqui videbatur necessarium
hoc: nam quemadmodum à natura traditum
erat homini quoddam principium proprium
ad ostendendas proprias quasdam volupta-
tes; illud, inquam, propter quod ridemus, ea-
dem ratione ad indicandos proprios dolores
videbatur esse necessarium, & certe si pro eo
dem, quemadmodum censet Aristoteles se-

cundo Ethicorum, potest sensus & intellectus dolere, sicut etiam affici voluptate, consentaneum erat, esse quandam propriam functionem, seu motum & perturbationem ab illo proficiscentem, atque haec meo iudicio est fletus, idemque sequetur, si cum eadem sit anima dolens, aut gaudens rationis particeps, sensu simul & intellectu praedita: patitur enim quasdam intrinsecas dolorum reuocationes, praesertim ad caput; quapropter sit magis retractus lapsus & emissio sensus velut impedita. Nam sicut hic animus est melioris conditionis & cognitionis profundioris particeps, ita in hisce doloribus spiritus magis mouetur ad partem anteriorem capitis, quae vergit ad faciem, unde procedit fletus propter laborem, quem substinet idem animus ob vim doloris. Arbitror tamen, potissimum erroris causam fuisse terminorum ignoracionem: ab his enim quasi modicus in principiis error factus est, deinde summus in fine; nam si scirent, quid sit proprius fletus, & qualem habeat generationem, certe ab hac puerili desisterent opinione: alia namque res est fletus ab ipso gemitu, aut clamosa voce: fletus enim remissio quaedam est cum profluvio lachrymarum, at gemitus est acclamatio querula lamentatioque ob sensum doloris citra effusionem lachrymarum, huiusmodi sunt illæ ægrotantium voces clamosæ carum quæ sunt

sunt in anima passionum nota; talis etiam est tristis acclamatio dolorum, index aliorum animantium, non autem fletus, vt illi perpetram existimabant, nihilominus verum est, quod ipsorum gemitus analogiam quandam habet cum vero humano fletu, siquidem uterque tum à dolore exoritur, tum etiam ad auertenda vitę incommoda substituitur. Differunt autem illo potissimum, quod gemitus ad indicandos primū dolores sensuum est institutus, quemadmodum etiam simplices illæ voces, quæ emittuntur ob doloris acerbitudinem: fletus vero ad animi potius dolores est ordinatus, & quemadmodum antea dicebam, fletus requirit illam profundam reuocationem animi in se ipsum, & quoniam cogitatio retrahit ac detinet; propterea fit motus retractior, & ad cerebrum aspiratio maior, atque homini fit quædam remissio proiectioque totius animi, quæ quidem aliis animalibus non efficitur, vt intuenti patet, si diligenter ista consideret. Cum autem arguerent, quod pueri vacant intellectu quantum ad operationem illius, & nihilominus plorant, respondeo, quod pueri nuper nati haud verum obtinent fletum, sed vagor aut vagitus appellatur; propterea quod vellachrymarum est expers, aut illas vagitus habet exiguae, arbitror equidem propter imperfectionem totius corporis tāquam inepiti

instrumenti ad perfectas actiones præstantissimæ formæ , qualis est anima humana ferme diuina parte insignita. Et quamuis neque obscuras eorum mens haberet actiones sub id tempus , satis tamen esset , ut eius præsentia foueret & illustraret potentiam sensus : is enim illo modo vigoratus idoneus efficitur ad istas motiones , & tristes affectus : satis etiam videri posset , si rationali per se animæ asscribatur , non modo sensum , verum etiam intellectum obtinenti. Nam et si sensuum dolores moueant , ipsa tamen suscipit affectum hunc , quia simul habet intellectum , & longe propter illum perfectior est omni anima cæterorum animalium ; itaque ploratus per eam fit , qui per vim aliarum fieri non potest. Hinc etiam diluitur secunda dubitatio , quoniam fatemur , obtingere fletum propter dolores sensuum , eos tamen non esse per se ipsos satis ad hanc actionem , nisi vel cooperante intellectu , vel ipso sensui præbente lumen , & vi- gorem melioris generis ministrante , vel prout est pars animæ rationalis obtinentis etiam intellectum , cuius est denique affectum hunc suscipere , & motibus his affici primum. Qui- dam vero ausi sunt dicere , sensum humanum esse deinceps etiam intelligentem , & per se solum auctorem immediatum cunctorum affectuum & humanarum actionum , sed hoc falsum est , quemadmodum alias declarauit.

Alio-

Aliorum denique difficultates longe facilius dissoluuntur: nam ille, quem putant esse ploratum, non est profecto, sed gemitus tantum, quamvis fieri potest, ut similitudine quadam vocis videatur fletus, imo sunt quædam aues nocturnæ, quarum voces quotidianæ, illisque familiares ploratum & suspiriosum fletum referunt, ut propterea eos, qui audiunt, mœrore afficiant sub tristis alicuius imagine. Illud etiam absurdum est, & antiqua fabula, quod lachrymas gemendo profuderint, aut si ita est, fluor erat potius redundantis pituitæ sanieque, vel alio quopiam affectu coniuncto, irritata scilicet ex ira, vel indignatione furenti: sœpe etiam psittaci, propterea quod habent linguam paulo crassiorrem & latam, ac guttur etiam & palatum debito modo concavum, ceteraque instrumenta vocis recte accommodata, suntque ad disciplinam magis idonei, tum partium illo apparatu, tum proprii sensus perfectione, ob id, inquam, sœpe videntur humanum fletum simulare, & forsitan maiora facere, sed vere simulatio tantum est: neque enim conueniens præcedit affectus præparatioque, nec lachrymas simulando gemendoque dolentes effundunt.

C A P V T II.

De subiecto & materia fletus.

CV animaduerterem, pueros, quorum
animus est magis expers aliorum affe-
ctuum moris, minus ob grauitatem aut pru-
dentiam retrahi, & ob singulos dolores flere,
suspicabar omnibus videri, quod dolor seu
dolorificum esset subiectum, & materia fle-
tus, quomodolibet vel sensu hominis ratio-
nali (vt ita dicam) aut intellectu percipiatur,
dummodo non sit dolor admodum leuis, ac
pene insensibilis: oportet enim ipsum es-
se aut sua natura grauiorem, aut saltem il-
lo modo existimari, quales profecto non-
nulli, tametsi leuiores sint, cis apparent,
vtpote minus perfectis, aut propter imma-
turitatem & consuetudinem è tota specie
minus confidentibus, & viuendi per se ipsos
omnino ignaris, quasi vero post firmiore fa-
cta ipsorum natura, tum etiam illo, quod vi-
uendi consuetudine & experimento multa-
rum rerum magis confidunt, ac tandem pru-
dentiores euadunt, timorem illum puerilem
exuunt, ac meliorem induunt conditionem
viuendi; quamobrem post illas priores ætates
non omnis dolor excitat fletum, sed grauissi-
mi quidam sensus aut mentis, ac potissimum
illæ calamitates, & miserrimi casus, cum
aut excidia quædam ante oculos ponunt, aut
vita ipsis videtur coniungi cum extrema mi-
seria; ac propterea foetus humanos statim ex-
ortos plorare, ridere autem postea, quoniam
sub-

subiectum fletus est dolor , qui per sensum tantummodo fieri potest; risus autem fit ex illa turpitudine, qua non tam cito cognoscitur ab intellectu , ac multo post illos erubescere, quoniam difficilius est posse animaduertere causam verecundiæ. At vero cum fletus non ascribatur sensui, vt sensus est, sed potius vt est talis , nempe vt sensus hominis , qui est rationis particeps , siue vt coniunctus est familiariter cum intellectu , cuius splendor substantiæ ipsum fouet & vigorat, vel vt est pars rationalis animæ non ipsum modo , sed intellectum quoque habentis , cuius primum sunt omnes humanæ actiones, per sensum scilicet aut intellectum suscipiendo agendoque; propterea sequitur, vt sensuum isti dolores homini duntaxat fletum allicant , non itidem aliis animantibus rationis expertibus. Videlur profecto hæc prima sententia nimis vera , & sensatæ rationi consentanea , imo videbatur illo modo à natura faciendum esse ob finis necessitatem, quoniam seruare cupiens animal , debebat potissimum illi præbere facultatem cognoscendi quamprimum obnoxios dolores , potius quam ridicula , & proprium subinde modum acclamandi, dum illos cognosceret, qualis ab omnibus censetur fletus. Nihilominus videatur, non esse desumendā materiā fletus, nisi ab illis, qui recte se habeant, & sicut oportet,

existant dispositi: nam dulce quale sit aut amarum, non est cognoscendum iudicio febricitantis ex bile; nam huic singula, quamuis dulcissima, viderentur amara. Similiter desipienti singula videri solent ridicula, quamuis tristia sint ex sua natura, & dolorem alioqui possint afferre. Non igitur erat accipienda conueniens materia fletus, & proxima ab ipso puerō, qui est imperfectus; non ab inuallido, sicut est fœmina; non ex oblaſto, ut desipientis & melancholicus; sed à perfecto viro, quamuis fœmina, puer & desipientis, singuli sub specie proprii & conuenientis subiecti plorant, quemadmodum etiam stulti rident presupposito semper ridiculo, ut dicebam superius. Cum itaque vel modica facta temporum successione, & permutata ætate alii dolores fletum moueant, alii vero non; propterea querenda est illa forma, pppter quā singula fletum alliciat. Propterea visum est aliis, dolorifica obiecta, ut dolorifica sunt, ciere tantum gemitus & simplices quasdam acclamations: eadem vero sub specie alicuius miserię concepta ciere fletum, non theorice quidem illam concipiendo, aut in abstracto, sed practice, ut ita dicam, & concrete, vel saltem obscure: indicio etenim est, quod sāpe sedatis doloribus tactus aduenit fletus, eaque leuissimis quibusdam dolorificis coniuncta, vel sola reflexione intellectus per consensum aliorum

rum insignes excitat fletus, ac si fuerit quis-
piam aut vere miser effectus, vel falsa quadam
imaginatione deceptus, ut accidit melancho-
licis, cum projectum remissumque habeant
animum pro exiguo dolore, & rebus quam
minimum tristibus plorant, quoniam assidue
refouetur refricaturque per illas existimatio
miseriae, & modica additione facta semper vi-
detur eis fieri miserabiliores, ac pueros ob id
ipsum frequentius flere, quoniam confuse se
existimant esse miserrimos, vt pote nimium
passibiles, & propter inertiam dissidentes per
se ipsos viuere, eo que magis, quo animum
habent & naturam præstantiorem : corpus
autem satis infirmum, immaturum & inuali-
dum, tanquam instrumentum ineptum ad a-
ctiones illius meliores. Quapropter magis ti-
ment dolentque, & quemadmodum nimis e-
gent, fletum oportebat illos habere familia-
rissimum, vt vicem loquelæ subiret: sic enim
plorando gemendoque, sicut loquerentur,
proprios dolores & cupiditates indicant, pa-
rentes sollicitant, quibus impendet cura suæ
vitæ, & flendo petere videntur, vt subinde,
quæ nimis cupiunt, assequantur; & quemad-
modum sæpe hæc accidunt, ita illis sæpe effi-
citur flexus: nam indiga per se vita in imma-
turo corpore, quod etsi habeat animam præ-
stantissimam: iners tamen est, sibiique ipsi nul-
lo modo sufficiens; miserrima hæc esse vide-

tur, & modica huic facta doloris additione, quasi refricata miseria, fletus exoritur. Sed ista (ut arbitror) sententia est magis absurdia, quoniam conceptus miseriæ nullo modo sit pueris nuper natis, vel etiam paulo prouectioribus, quoniam ratione quadam indiget illius cognitio, & reflexione intellectus per quandam collationem, indicio huius est, quoniam nullo modo miserentur, quod aliqui ex necessitate fieret: nam si cognoscerent ob aliquod malum se esse miserabiles, illud etiam si viderent alios pati, per consensum fierent misericordes. Videmus etiam assidue homines flere, qui tamen se miseros esse haud existimant; non est igitur dolor aut malum cum miseria coniunctum subiectum proprium fletus. Ob id ergo visum est mihi, quod illud est ingens dolor vel malum, quod aut corruptuum videatur, seu valde molestum vel effectuum miseriæ, prout laborem intrinsecus parit in animo, & remissionem etiam illius non sensus modo: hoc autem manifestum est tum ratione tum sensu inducendo per singula; neque tamen immerito dicebam ingens dolor aut malum, quoniam leviora quædam despiciuntur, & nullo pacto mouent: alia vero tunc fletum pariunt, dum aut existimat animus, aut sensus imaginatur ab intellectu vigoratus tanquam corruptua & vita obnoxia, vel si malum ingens fuerit

vtpo-

ut pote magnum affcrens damnum, & miseri-
am quandam, hinc facile recens natī homi-
nes plorant, quoniam ob illam inertiam &
naturæ perfectionem in immaturo admo-
dum & passibili, inualidoq; corpore animus
titubat, ut pote quod corpus non est tam cito
conueniens respectu formæ illius præstantif-
simæ: nam aliorum animæ, tanquam minus
perfectæ, minus etiam perfecto egent corpo-
re, quibus etiam natura propter necessitatem
repensum dedit, & magis confidunt, at fœtus
humani prope singulatiment, & quamvis le-
uissima sint, existimant corruptiua, & vitæ
obnoxia, unde statim fit ille labor internus a-
nimi & impotentia substinenti cum ani-
mi remissione: sunt enim ex se ipsis valde
remissi & diffidentes; hinc etiam illi melan-
cholici & afflicta corpora facilime plorant,
quoniam habent principium oblæsum; hinc
mulieres quoniam illud habent inualidum,
sed viri alioqui fortiores, & grauiori quadam
prudentia freti, non omnia existimant cor-
ruptiua, quoniam etiam magis confidunt, &
secundum plurimum abstinent ab ipso fletu,
quoniam ratio moderatur affectum sensus:
cum enim ploratus remissum ostendat ani-
mum, ratio illos retrahit, quoniam nemo vult
apparere demissus, sed quemadmodū ab in-
tellectu procedit, ut pro dolorib. quibusdam
sensu, aut aliis etiam abstineat, prout ratio-

ncm

nem adhibent in oppositum, ita cum ille as-
sentitur, ut laborem ipse quoque sentiat mo-
lestum, & remissio quedam illius fiat cum im-
potentia substinendi, tunc repente soluitur
animus, & fletus obtingit; quapropter illis
fletum alliciunt, aut dolores acerbissimi cum
substineri non possunt, aut miseriæ quædam
& commiserationes, quoniam illæ statim ani-
mum remittunt, & ad sensum desinunt; pro-
pterea dicebat Aristoteles sexto Ethicorum,
& secundo eiusdem operis, cap. tertio, fortis
viros in magnis periculis & doloribus, quos
patitur sensus propter honestam mortem, a-
nimo aut gaudere, aut saltem dolore non af-
fici; itaque plorare nunquam conspiciuntur,
qui si dolerent animo, & labore illa pars
substineret, etiam ipsi plorarent; non plorant
autem, quoniam intellectus & ratio, delecta-
tioque virtutis & actionis honestæ quodam
pacto dolorem adimit, & sensuum moderat-
ur affectus. Non est igitur mirum, si retrahente
intellectu & ratione quamplurimum
cohibeatur fletus, quamuis præsto sit vera illius
materia: nam videmus hoc idem fieri in
aliis affectibus, siquidem verecundia saepius
fieret, nisi ratio affectum illum compesceret,
saepius etiam fieret furor & ira, cum se ferret
occasio, nisi superior illa facultas do-
minaretur sensui, & furores illius repelleret.
Hinc plane fit omnis virtus & vitium penes i-

psos affectus, vel saltem fiunt laude aut op-
probrio digni, si ratio aut perperam, aut
quemadmodum decet, adhibeatur. Et quo-
niam tristia, quæ dolorem inferunt, & sunt
corruptiua, & quæcunque possunt interime-
re, & mala, quorum fortuna est causa, si ma-
gnitudinem habeant, fletum excitant, ipso
aut consentiente intellectu in eodem, vel sal-
tem non retrahente: hic fit, ut ab illis pro-
pter commiserationem maximi fletus exo-
riantur, quoniam statim remittunt animum:
commiseratio namque tristis est consensus &
sympathia propter dolores & alienas calami-
tates, seu dolor quidam ex apparente malo
corruptio, ac dolorem inferente in non di-
gnum pati, quod ipse putabit, se etiam pati
posse, vel suorum aliquem, idque sic ut pro-
pinquum videatur. Quoniam vero affliccio-
nes tunc miserabiles sunt, dum oculis cer-
nuntur, aut sunt prope, idcirco quæ mille an-
nis anteā fuerunt, aut multo post futura sunt,
forsitan nullam mouent miserationem, vel
non similiter: signa tamen & facta, ut uestes
corum, qui passi sunt, cæteraque huiusmodi,
& verba cum morerentur, ac maxime si ma-
gno in his temporibus animo fuerunt: nam
hæc omnia, quoniam propinquiora viden-
tur, & ante oculos calamitates ponunt, si-
mulque indignos fuisse ostendunt, misera-
tionem mouent, & quoniam reflexio quæ-
dam

dam sit in illo actu, & collatio cum opinione; propterea non est mirum, si potissimum homini conueniat, quasi vero aliis aut non fiat, aut non consimili modo, utpote quæ ab innato secundum naturam habitu proficiscatur, & à congenita sensus qualitate; hinc vero inter similes efficitur valde secundum speciem, ætates, mores, habitus, dignitatem & genus: in omnibus enim his sibi quoque damnum dari posse maxime videtur, ac prout naturæ & qualitates sunt magis affines, ita magis illi reciprocè consentiunt, & quo magis in non dignum collata est passio, si forma sit præstanti, animoque ingenuo, & illustri genere natus, eo magis commiserationem mouet, aliosque trahit in consensum doloris; quædam autem maiora videntur, cum modis quibusdam & funesto apparatu videntur tum magis extolli, tum magis exposta miseria & lamentabile malum; nonnulla etiam cum ante oculos ponunt maiora excidia & imaginem postrema calamitatis: quandoque tamen, quæ maiora fortassis viderentur, miserationem non mouent, quemadmodum aiunt, Amasim, cum ad necem filius duceretur, lachrymas non effudisse, quas tamen large profudit, cum videret amicum mendicare: sed nullam hoc affert dubitationem; hoc enim miserabile est, illud vero terrible, cuius ratione fletus non efficitur, sed ingens metus

& ter-

& terror, atque adeo res eadem numero respectu diuersorum est miserabilis atque terribilis: siquidem patri terribilis erat ille interitus filii, amico tamen res miserabilis: nam erga propinquos ita se habet, vt in se ipsum interdum etiam affectus affectum cohibet, & moderatur, vtpote iratus furensque non plorabit, neque potentia fretus, aut medelam meditans, vel fortasse si dolorum ipse sibi causa fuisset. Huc autem spectant nonnullæ dubitationes, quarum ea prima est, quod affectus permixti non cohibent fletum, sed potius illum mouent, aut accessionem faciunt: nam foetus humani illique potissimum prouectiores pro doloribus plorant, nempe si dolori metus coniungatur, plorant etiam si deforme aliquid ac terribile suspiciant, si quispiam fortasse illis acrius minetur, aut omnino vereantur, ne malum aliquid immensiphs contingat. Quamobrem manifeste patet, minime ex doloribus tantum alluci fletum: quin etiam illi indignati atque ira percipi plorant, aut si culpentur temere, irrideantur, vel acriter obiurgiis affiantur & contumeliis. Insuper solitudines, tenebræ, spectacula quædam, & cantus funerales fletum adducunt: hæc autem cum dolorificis nihil habent commune; sequitur ergo, non solum id, quod dolorē affert, esse causam ploratus. Facilius tamē soluuntur omnes. Quod enim de-

timō-

timore obuiam attulerunt nihil est, quoniam
metus potest esse causa ploratus tanquam
coniunctus cum opinione rei tristis, ut pote si
interitus timor adsit vel magna pena, & a-
liorum malorum: cum autem timor valde ve-
hemens est, talem ac tantam spirituum reu-
cationem efficit ad principium vitae, atque il-
los ita comprimit, ut quemuis alium interci-
piat affectum: quapropter in nimio timore
oculi caligine quadam suffunduntur, & cor-
dis procedit tremor, seu palpitatio aut pro-
pter refrigerationem: timor enim refrigerati-
o quædam est, vel propter timoris impetum,
qui celeriter fit hiantे cordis corpore, siue il-
lius præoccupato calore ob celerem retrac-
tionem. Ad sequentem dico, quod illæ indi-
gnationes sunt remissæ admodum & molles,
ut pote mollioris atque remissioris animi, &
qualescumque fuerint: nulla tamen freta po-
tentia sunt potius apparatus & dispositiones
quædam ad fletus generationem præsupposi-
to dolore, & obiecto aliquo tristifico. Solet
etiam amor, quamuis aliud existat affectus,
ciere fletum; quapropter fit, ut matris animus
dolorosa perturbatione moueat, & ferre
non possit, quamuis minimam affectionem
dulcissimæ prolis suæ: siquidem facit amor
apparere grauiora, quæ sua natura sunt leui-
sima. Ad postremam dico, quod propter illos
apparatus seu voces, & signa in mentem sub-

eunt

eunt tristia, & per ea sit quædam animi proiec-
tio remissioque cum profundo dolore & la-
bore: solitudines namque & tenebræ mo-
mentur ad hoc habent, vel quia timorem &
mœstitiam afferunt: quibus præsuppositis
tristia suppetunt, atque eodem modo tri-
stium quarundam rerum spectacula fletum
allicere consueuerunt sub eadem specie, cæ-
tera quoque sicut signa.

C A P V T III.

*Decorporeo instrumento, quo fletus perfici-
tur, & quale est illud primum principium
corporum, unde
procedit.*

HA CTERVS ea, quæ ad materiam fletus
pertinebant, diffuse pertractauimus,
modo consentaneum est, ut proxime acceda-
mus ad explicandum, quemadmodum fiat,
quod sane fieri non posset, nisi prius declare-
tur, qua parte, seu quibus partibus corporis
subseruientibus ministretur, quod per eam,
quæ ab initio suscepta est, methodum facili-
me consequemur, quandoquidem risus &
fletus sunt motiones contrariæ, & quodam
alio modo affines, non secus atque contrariæ
affectiones sunt timor & audacia; quibus igi-
tur partibus risus exeretur, eisdem quoque
fletus efficitur. Quapropter ex mente Aristoteli-

telis oportet existimare, partes illius primas esse cor atque præcordia: nam videmus, singulos affectus referri in hoc præstantissimum principium, quemadmodum est ira, timor, audacia, confidentia, fortitudo, verecundia, odium, amor, & similia istorum; igitur eadem pars vna cum præcordiis est principium sien-
di. Accedit insuper, quod ea ipsa parte dolores vigent tristitiaque; qua propter motiones dolorum, qualis est fletus, per eandem par-
tem obtingunt, id quod etiam per sensum possumus animaduertere: nam sine ulla con-
trouersia motus manifeste sentitur in pecto-
re, incipiens primum à corde & diaphragma-
te, qui subinde communicatur pulmoni, &
consentanee hoc dicendum erat Aristoteli,
cum posuisset, corpus cordis esse principem
partem tanquam animæ regiam, in quam
deinceps referebat omnes affectus, omnes-
que operationes primas atque secundas ab
affectibus ipsis prodeuntes. Sed quoniam
Plato & Medici, præsertim vero Galenus, &
qui cum sectantur, existimarunt, principium
animæ quantum ad facultates animales esse
cerebrum, mirum ni dicerent, hanc ipsam
partem esse primum principium primamque
radicem illarum operationum & affectuum,
qui ad animalem facultatem pertinent, &
certe videretur res ita se habere, quoniam co-
gitationes, imaginationesque & memoriaz
ibi-

ibidem sunt, & dolores etiam accenduntur, à quibus exoritur fletus; quod etiam videtur illo argumento confirmari: nam lachrymæ, quæ sunt veluti character ipsius fletus, à cerebro procedunt, & quandoque videmus fieri conclusos fletus, dum lachrymantur citra eiuлатum; ita ut nullus thoracis motus apparet, sed lachrymæ tantum foras secedant ex capit. Plato autem illo non obstante assuerabat, cor esse sedem facultatis animosę. Nam et si cerebrum sit principium sensus, & quodam modo etiam intelligentiæ, nihilominus sensus atque animus illius vitalis principii, in quo calor & spiritus affatim abundant, pars quasi alia animosa efficitur, eoque modo nuncupatur; quapropter potest suscipere singulos affectus: per eam namque partem animal & homo ipse confidens est, atque intrepidus, fortis & audax, timidus & remissus, verecundus & impudens, ibidem dolorum & latitiae impetus exacerbantur; itaque motus ab his procedentes hinc etiam exprimi est necessarium; ac propterea videtur Plato fere medium tenuisse. Nam et si principatum illarum partium animæ in cerebrum conieceret, ipsos tamen affectus & actiones ab his producentes cordi redderet, in quo viget pars animosa, cuius opinio ita mihi videtur vera, ut erubescerem ipsi contradicere: putandum est enim, initia singulorum affectuum primasq;

radices ex ipso cerebro proficisci, quamuis exprimuntur tum ipsi tum actiones eorum in corde, vbi pars illa assistit animosa; & propriea efficitur, vt fletus tum motum illum habeat ex pectore proficiscentem, tum lachrymas emissas à cerebro, in quo profundus quidam dolor fouet altissimam illam imaginationem aut opinionem rei tristis.

C A P V T I V.

Quomodo generetur fletus.

CVM itaque ad explicandum modum generationis peruererim, meæ nunc erunt partes, vt causæ afferantur singularum motionum & accidentium circa fletum, quæ sensibus aut sensatæ rationi consentiant: iam enim manifestum est, quod dolor à aliqua tristi & dolorifica conceptus est prima ipsius origo; ideo eum animi intentio & robur quoddam obsistat fletui, consentaneum est, vt ad ipsum efficiendum animus succumbat, & remittatur; hinc sit, vt magni dolores earum præscritim rerum, quæ miseriā præ se ferunt, & remedii spes vlla non suppetit, omnium maxime fletum allicitant: nam simul afficiunt sensum & intellectum, ac utrumque remittunt, quemadmodum & illa sunt, per quæ vehemens timor ossa inuadit, scilicet infamia, miseria, paupertatis extremæ, morbi atrocissimi, solitudinis, ac denique mortis,

cum

cum prope videatur adesse : ob hæc, inquam, animi efficitur remissio prostratioque, atque adeo pusilli facile plorant, & mulieres, quoniam remissos animos deiicere, & conturbare doloribus facilimum est. Propterea debemus supponere, quod ad efficiendum ploratum operæ pretium est, ut ipsum dolorificum, quemadmodum fieri potest, existimationem attingat, aut imaginationem, atque in ea existimatione perceptione doloris sit quædam sensus, animique seu partium primo sentientium compressio. Nam dolor, ut omnibus patet, compressionem & angustationem parit, & cum dolor fiat, iniucunda pariter atque molestia efficitur applicatio & suspensio quædam cum ingenti tristitia ; itaque dolor tum repellit, tum etiam contrahit, & cum animus tales tantamque molestiam ferre & substincere non possit, fit quidam labor & impotentia substinendi, ac proinde animus quasi victus manus dat, & remissus procedit : facit enim illa solutio ipsi dolenti quandam voluptatem ; videtur enim dolor illo modo vaporare, & illius non nihil sedari molestiam, ut inquit preclare Aristoteles primo Rheticorum cap. de iucundis & voluptatem afferentibus : rem namque prorsus admirabilem narrat, vt pote quod flere parentes aut amicos res est iucunda, ea tamen ratione confirmata videtur clarissima, quo-

niam, inquit, videtur illis ante oculos habere quem plorant, & iucundum est recensere illius egregias actiones & præclaros mores: ait enim hoc pacto, & in luctu & fletu est quædam voluptas; mœrorem enim in eo est, quod non adest, voluptas autem quod recordentur, ac illum quodam modo videant, & quæ agebat, & qualis erat, & recenset illud Poetæ carmen: *Sic fatus flendi cunctis iminuit amorem.* Sed neque hoc solo, verum etiam illo, quia solni compressum, & molestia coangustatum afflictumque iucundum est: sic enim videtur doloris incendium sedari euaporando, & intrinsecum laborem extingui, cum etenim isti labores in corde siant, quemadmodum est manifestum, aut voluptate aut impotentia sublinendi, necessitateque oportet solui, seclus enim stupidum videretur cor ac totum animal, vel parum ab eo differret, si videlicet tales dolorum affectus pateretur, & modum lamentandi ac remissionis non haberet: cum autem motus incipiat à corde & septo, necessarium est suscipi ab ipso pulmone; quamobrem vox illa procedit index doloris & intrinsecæ passionis animi laborem facientis, & impotentiam sublinendi, quamvis fieri potest, ut ab eis, qui sunt fortiores atque prudentiores, hic motus continetur, sed in ea retractione & compressione maiori, ac suspensione animi profunda impetus sursum

sum repit ad oculos, & lachrymæ prodeunt
citra ciulatum, quod, aiunt, nequaquam in-
decens esse forti viro: nam satis illi est, ut pue-
rilem hunc motum & solutam omnino re-
missionem, qua imbecillitatis & deiectionis
est signum, cohibeat: dolorem vero è magnis
rebus cohibere non potest, & fortasse etiam
non decet; ac propterea eximius Poeta Vir-
gilius cum Æneæ fortitudinem laudaret, fa-
tetur, cum quandoq; in lachrymas proru-
pisse, quasi vero solutior motus, qualis est eiu-
latus, tales viros non deceat ut lachrymæ:
cum autem necessitate quadam hic motus
proficiatur, illis præsertim, qui meliore
sunt animo, vt pote minus forti magis flexi-
bili atque remisso, quoniam eorum animus
remisse applicat se illis doloribus, & labore in
quendam patitur intrinsecum: ideo acceden-
te cum labore spiritus attritione nimium ca-
lefacto principio, vel ob id facta impotentia
substinendi, relaxari celeriter oportet: quod
enim dolor spiritus compressionem & labo-
rem faciat, tum patet sensui, dam quisq; ple-
rat, tum etiam illud dixit Aristoteles septimo
Politiorum cap. decimo septimo; cohitorio-
res, inquit, puerorum, & interruptiones plo-
ratus, qui legibus prohibet, nō recte faciunt:
sunt enim utiles ad augmentum, cū sint quo-
dā modo exercitationes corporis; spiritus. n.
compressio facit robur laboratibus, clarchis

verbis illud demonstrat , quippe qui dicit , non esse omnino interdicendum ploratum pueris , quoniam ad augmentum prodeesse valeat , cum in eo fiat spiritus compressio : hæc autem robur laborantibus efficiat ; ac deinde , quod corporis intentio compressioque fiat , propalauit vndeclima sectione Problematum quæstione decimaquinta , dum quæreret , quapropter vox ridentium est grauior ciulantium voce ; respondet , an qui flent , intendendo contrahendoque os vociferantur , vnde propere aer interior corpore ipso intento mouetur , cumque per os angustum transeat , ferri velocius potest ; hinc etiam patet , quapropter flentes spiritum emittant frigidorem , siquidem facta maiori retractione & corporis intentione aer non affatim interior , qui calidus est , sed plurimum eius , qui in extremo arteriæ manet , excernitur , vnde frigidiusculus apparet , quam in risu , in quo per emissum ac magis solutum corpus , hiscentemque arteriam interior aer ad excretiōnem properat , quamuis Aristoteles eadem sectione Problematum quæstione decimatercia illud ascribebat dolori : dolor enim refrigeratio pectoris est ; quantum vero ad motionis illius figuram pertinet , non est immorandum , quoniam sit equabilis solutio sensus & partium illarum sentientium usque ad faciem , ad quam sensus totusque animus conspi-

si irat propter sensoria, quæ sunt reposita in illa parte; hinc oportebat æquabilem fieri renixum & intentionem illarum partium propter robur: præsertim autem in fletu, in quo magis cogitatio ipsa retrahit, & horror quidam efficitur ob illam tristitiam perceptam; quapropter facies magis riget & deformior appareat: etenim sit contractio similis horro-ri, qualis fit, vbi sapor acerbus fuerit degusta-tus. Sed quispiam fortassis quereret, quam-obrem fletus diutius permanet quam risus; hic etenim motus cito soluitur, ille vero cum semel coepisset, nescit quasi dimittere, tametsi ad mouendum voluptas & dolor vim non absimilem habeant. Secundo, cur plorare turpius est, quam ridere, si lætari & dolere eodem modo conueniat. Tertio, an propter fletum interitus possit accidere, sicut accidit ri-dendo, & quo pacto illud fieret. Quarto, quo pacto fiant fletus, ob insignem lætitiam, cum alioqui positum esset superius, illum esse effec-tum doloris, & qualis illa lætitia sit futura, per quam fletus generatur. Quinto, qui ma-gis aut minus ad plorandum sint idonei, & quomodo fiant illi spontanei fletus melan-cholicorum & desipientium hominum. Sexto, cur homines alioqui tristes & dolentes sæ-pe cum tacerent non plorabant, cum autem doloris causam velint dicere & narrare, con-festim plorant? Respondeo primæ difficul-

tati: quærebatur enim, cur fieret, ut fletus diu-
tius perseveret, quam risus? fateor euidem,
illud euenire ex natura ipsius obiecti, vel cau-
ſe mouentis, quoniam risus ab inani lætitia,
quæ veluti per transitum afficit, generatur;
fletus autem à re graui & dolorifica serio, quæ
diuitius mouere potest: instat enim alta quæ-
dam cogitatio, & quo magis appellit ani-
mum, eo magis displicere consuevit. Ad se-
cundam dico, fletum esse magis turpem,
quam risus, ac minus etiam decentem, quo-
niam risus non est immediate contra ali-
quam virtutem morum: fletus autem videtur
ē medio tollere magnificam illam fortitudi-
nem, quam omnes affectare solent, & contra
virilem illum vigorem, quem omnes habere
existimant, siquidem arguit animi remissio-
nem; ac propterea, qui inores instituunt, a-
iunt, fletum esse rem puerilem, indignam vi-
ro, & muliebrem, animi videlicet mollioris, &
paulo remissioris; & quemadmodum obiecta
risus, & inanes lætitiae frequentius accident;
propterea magis familiaris est illa operatio
affectioque; cum itaque nemo velit apparere
demissus, propterea nimis abstinent, & cen-
sent, rem esse indignam. Ad tertiam dico, fleti-
bus posse hominem mori, cum modum su-
perant, intemperate scilicet laxatis habenis,
& soluto motu, quoniam profusius soluto
diaphragmati motu potest accidere diffi- cul-

tas attrahendi spiritum multo præsertim e-
vacuato; quapropter calor ipsius cordis suf-
focatur, nonnunquam apparatus aliqui &
medii quidam affectus generantur, scilicet ly-
pothimia & syncopes, si paulo remissius illud
fiat: cum autem in rite solutior fiat motus,
vtpote celerius ac vehementius vellicante ri-
diculo quasi prurigine, nullaq; retrahēte co-
gitatione; prōpterea mors multo facilius ri-
dendo, quā flēndo potest accidere: nam plo-
ratus causa minus insolēter mouet, & alta co-
gitatio animum retrahit, partesq; ipsas mobi-
les. Quartæ petitioni conati sunt quidā satis-
facere, ac dixerunt, ex ingēti lātitia fieri plo-
ratū propter teneritatē, neq; plura his dicūt,
neq; explicant, quid per eam teneritatem in-
telligant, existimō tamen esse quandam mol-
litiem animi, seu potius fluxiliō & molliorē
naturam primo sentientium partium, vtpote
magis flexilium, & magis imbecillium; qua-
propter leues motinculas & passiones ferre
& substinerē nō possint: qui, vt mihi videtur,
satis diminute respōdent. Quoniā etiā animo
sint molliore per quandam translationē;
prōpterea tamen non sequitur, vt nulla ma-
teria fletus præsupposita plorare debeant, &
multo quidem minus si pro abundantī gau-
dio & voluptate tristitia nō efficitur, à qua fle-
tus debet oriri, sēpe etiā non mulieres tantū,
sed viri, qui alias flere nisi ægre conspicieban-
tur,

tur, ob tales lætitias soluuntur in lachrymas, & ploratus insignes. Alii conati sunt etiam illum dissoluere, dicentes, fletum in lætitia ori-ri ex abundantia cordis, qui tamen per se non natus est fieri nisi è rebus dolorificis : hæc au-tem abundantia cordis est quidam affectus ex abundantia spiritus & sensus in ea parte. Hoc autem non soluit, ut diligentius intuenti pa-tet. Ob id existimo, quod vehementer ac to-tum simul imprimens gaudium cum amore coniunctum mox spiritum corripit, ipsam-que spirationem & partes illas animosas, quæ affatim spiritibus vigent, comprimit, ac mo-do quodam suspendit cum quadam turgen-tia ad motum. Itaque cum sensus & spiritus velit ob grandem lætitiam dilatari, tum hoc, tum illo etiam, quod propter magnitudinem & correctionem cohibetur, fit quædam ple-nitudo spiritus, turbata tamen cum passione quadam conclusa, & sentientium ipsarum partium minutissima prope vibratio, & tur-gens motus cum labore, & impeditus motus cum attritione, propter contrarios conatus; quamobrem motus conuertitur sursum, & partes ob impotentiam substinendi soluun-tur, ac propter conuersionem & retractio-nem dictam fletus efficitur; risus enim vult motum magis expeditum & solutum: retrac-tus autem motus facit fletum quomodo lib-bet impellente gaudio aut dolore citra illam retrac-

retractionem, quæ aut correptione aut alta efficitur cogitatione : quandoque vero remissior fletus efficitur, aut lachrymæ tantum, prout causa est remissior, aut animus longe fortior, partesque ipsæ solidiores, quæ flecti nec solui valeant, nisi maxima causa ; interdum etiam istis similia quædam fiunt, si miscentur affectus, nempe si gaudium vel plenitudo spiritus cum admiratione, quoniam contrarie mouent, ac proinde partes illæ spiritales patiuntur. An fortasse tibi videtur, cum fiat hic fletus, ut supponatur saltem confusa commiseratio & passio blanda : interea namque cum propter amoris excessum miscetur commiseratio mollis & blanda perturbatio, tum hoc, tum etiam gaudii magnitudo, & spiritus abundantia superant animum; itaque illum blande remittunt, & soluto motu cum retractione & passione huiusmodi necessario fit fletus. Et quemadmodum mixta solet esse affectio ex molli commiseratione & lætitia, aut solutione, & retractione motus, ita quoque mixta solet apparere affectio : nam quidam plorare simul & ridere conspiciuntur, interdum hæc vicissim per interualla fiunt, prout causæ obtinent atque mouent. Cæterum qui magis aut minus sint ad plorandum idonei, facile est intelligere ex iis, quæ paulo superius fuerunt pertractata : cum enim efficiatur animi remissio, sequitur, eos,

eos, qui remissiore siue molliore sunt animo,
ut pote habentes sensoria prima fluxa, & ini-
nus robusta, esse ad plorandum cæteris pari-
bus magis idoneos. Et quoniam calor necel-
farius est, nam dolor incendium parit, & ca-
loris tentiginem molestam, ideo fit, ut frigidæ
admodum naturæ plorare non possint, tam-
etsi remissiones quedam illis siant & fletus ef-
figies, ut pote inchoati tantum, aut dimidiati
fletus, quales perterritis contingere solent
propter contrarium conatum: pueri vero
minores natu videntur plorare frequentius:
nam (ut antea dixi) utuntur fletu tanquam
loquela, ybi tamen paruuli sunt, & recens na-
ti, quoniam non habent corporis firmitudi-
nem, sed naturam valde imbecillem, neque-
unt expedite plorare, etenim fit cum labore
& magna corporis contentione; quapropter
illos conatus substinere non possunt: hinc et-
iam lachrymæ ab illis non profluunt aut rarae
admodum, quia spiritus contentionem sub-
stinere non possunt: fœtus enim humanus
est valde immaturus & laxus, ob eandem
quoque rationem valde ægrotat corpora, &
imbecilliora redditæ aut non plorant, aut
obscure: nam propter corporis imbecillita-
tem spiritus illas compressiones, & corpo-
reos illos conatus substinere non possunt, se-
nes etiam tum vel ista ratione, tum quia frigi-
diores sunt, ac duriora, & veluti corneola ha-
beant

beant sensoria, partesque ipsas inflexibles, utpote siccitate retorridas, parum plorant, minus quoque ad plorandum proclives sunt viri fortes, quibus aut alta mentis existimatio & affectus vchemens actionis honestæ comprimit affectus sensuum, aut quia sunt magis confidentes, partesque ipsas habent solidiores, & maiori virtute præditas. Quidam autem melancholici facilime plorant, & sunt mœstii, non, ut aiunt, vaporum caligine: namque intra corpus nulla sit aspectio, nec cognoscitur caligo, neque lux & perspicuitas, sed potius humoris frigiditate aliena lædente principium: cum enim sit affectum, & frigiditas calorem illius obtundat, timor excitatur: nam calor audaciam facit, & confidentiam: frigiditas autem in mœstiam adducit & timorem, diffidentiam, ac denique in desperationem, ut quidam sibi ipsis mortem oppetant, existimantes, se esse miserrimos, ac melius illis fore si non sint, quam esse in extrema miseria, vel forsitan ille humor seu densus & fœculentus vapor facit quādam molestiam primo sensituo, & ineptitudinem cum pigritia ac prope onere, ut perinde videatur sensui esse oppressum, aggrauatum, ineptum, & minime expeditum cum molestia, atq; illis esse viros nequam, & ad nihilum aptos: hinc procedunt deinde mœstia ipso nimirū animo cōpresso, & ad actiones minus expedito,

nec adiuuante calore; quapropter illis calefactio iuuat. Postremæ difficultati respondeo, quod soluto in dicendo spiritu, ac partibus illis, quæ alioqui continebantur, factoque dolore magis in actu cum explicetur, & forsitan aucto cum dicendo innotescat & explicetur miseria, coram aliis dicunt, etiam puerum, si velit accusare illum, qui in se violentas & lasciuas manus iniecerit, non posse compescere fletum: cum enim propriam infamiam explicet, & infamem se esse aliis declareret, flere consentaneum est, qui quidem non fleret temere accusando: nam fictio esset citra dolorem, & potius cum voluptate & alieno affectu.

C A P V T V.

*De exortu lachrymarum, unde, quomodo,
& à quo profluant.*

CV M susceptum esset onus agendi de lachrymis, quæ sunt ut accidens familia-
rissimum fletus, necessarium videbatur, vt quæreretur ipsarum qua coalescunt materia,
quantum videlicet satis esset ad hanc tractationem, & quamobrem falsæ sint & calidæ:
quædam autem dulces & frigidæ. Præterea
qua ratione mouerentur in fletu, vnde &
quomodo profluant; & quapropter alii aliis
magis abundant. Multæ igitur conspicuntur
humiditates in nostro corpore similis omni-
no con-

no conditionis & naturæ , quemadmodum
est sudor, vrina & lachrymæ : sunt etenim a-
quosum pariter corpus , & salis nonnihil ha-
bent ; quapropter debemus animaduertere,
quandam partem mixtam esse cum sanguine
magis dilutam , quæ omnino à calore euinci
non potuit , eaque ex petulentis esculentis-
que generatur, utpote illorum parte magis a-
quea ; illius autem fluoris & excrementi, par-
tem quandam magis fœculentam affatim ge-
nitam in hepatis coctione , animalis natura
per renes expurgat , ne sanguis adeo impurus
ad cor perueniret , quod est pars præcipua ,
primaque sedes vitæ , neve sanguis fortasse
prauus & morbosus efficeretur , vel ineptus
optimæ nutritioni : relinquitur tamen non-
nihil , ac pars longe tenuior , & magis syncera
propter sanguinis penetrationem ad partes
angustissimas , tum etiam ne sanguis ipse for-
sitan concreceret ; siquidem hoc serum tale
quoque officium præstantissimum habet , ut
mixtum sanguini una cum calore naturali
prohibeat , quin minus denletur & concre-
scat , eadem substantia serosa tandem inepta
nutritioni ob suam tenuitatem , modumque
omnem substantiæ deponitur in singulas
partes nostri corporis , & facit quandam irri-
gationem in eis , ne siccitate nimium are-
fcant , & tabidae fiant : iis enim opus erat nu-
trimento & irrigante quopiam humore . Hoc

humidum plane corpus est illud, quod missa sanguine segregatur à parte magis fibrofa & terrena, quod ubi separatum fuerit, & extintus proprius calor, statim concrescit sanguis, hoc est etiam illud, cuius vitium non raro accedit febres, & sapor proprius ipsum degustanti ostendit humorum malitiam & prauitatem, si nimirum qualis est sanguis dulcissus, aut ratione putredinis & extranei caloris falsius appareat, quemadmodum optime illud docebat Aristoteles in libris de Partibus animalium, hoc etiam sero natura vtitur potissimum ad utilitatem partium, quæ iugis aguntur motu, & in ipsis pro maiori parte deponitur; quapropter videmus illo plurimum abundare corpus cordis: nam valido & perenni cietur motu; huiusmodi enim est aqua, quæ in pericardio continetur, & efficitur illa segregatio respondens separationi, quæ fit in hepate ad ipsos renes, quoniam cor suscipit sanguinem ab hepate non satis elaboratum, & propterea in illa actione, quæ est postrema concoctio perfectioque sanguinis, calor cordis segregat heterogenea, & plurimum serum partis in inuolucrum eius deponit, quod pericardion appellant, quam perperam nonnulli existimarent fieri vt pluvia, ex vapore sanguinis, non secus etiam humiditas eadem etsi non sola reperitur in thorace, & pulmone, pariter etiam in cerebro, & in ipsis

ocu-

oculis : sunt enim in continuo motu , & humectationis perpetuo indigebant , & quemadmodum oculi ac cerebrum natura erant corpora humidissima ; propterea debebant humorem plurimum habere , & oculi praesertim , vt pote qui ratione temperaturae motus & propriæ functionis humidiores esse debebant . Cum itaque pars ista serosa sit materia lachrymarum , rationi consentaneum erat , vt essent falsæ : videmus enim , quod pariter sudor , vrina & aqua in pericardio falsedinem referunt ; hoc etenim corpus indigestum est , atqui indigestum omne excrementum à calore diutius passum , & à dulci potissimum corpore separatum , falsum efficitur : oportet autem hoc à dulci corpore separari , & illo modo pati ab actione caloris , & siccitatem concipere : nam serositas recens missa sanguine subdulcis appareat , & pene insipida si corpus optime se habeat , aut sanguis nō sit morbosus : ea vero pars , quæ in pericardio continetur , cum separata sit , non omnino est expers falsedinis . Sed quoniā à calore valido non nihil digeritur , & superatur excreimenti natura ; propterea minus salis habet , aut forsitan etiam mixta cum potulenta materia , quæ per arteriam descendit : eam enim ebibit cor , postum nimirū è pulmone fugens , vt ait Hippocrates in libro de Corde . Sunt autē ex genere lachrymarū nonnullæ dulces aut insipidæ , &

frigidiores ad sensum , quales profecto sunt illæ , quæ in morbis profluunt ex redundantे pituita , quod senibus potissimum accidit , qui pituitoso excremento ratione frigiditatis abundant : ipsa namque pituita dulcis est , & frigida , & quandoque magis acutæ & salsiores apparent , aut sallæ & serosæ humiditatis admixtione , aut putredine , ex quibus sequitur , temperaturas humidiores magis paratas , atque vberes habere lachrymas ; itaque mulieres oculos duntaxat exterendo lachrymulas profundunt , expressa nimirum per eas caruncula illa , quæ sub angulo latet maiori perperuo humoris plena : ea enim viam obstruit , & sua laxitate descendente stillantemque humorem concipit . Qua vero ex parte plorantium lachrymæ prodeant , siue ipsarum materia , quomodo etiam profluere possint , non admodum facile patet , nec tamen operat frustra laborem adhibere , si fluant prodentque ex ipso corde , vnde principium fletus existit , quoniam nullæ apparent viæ , nisi fingere illas velis , nec modus ullus suppetit . Porro neque per venas aut arterias secedunt in eum locum , siquidem essent cum sanguine mixtæ , & rubrico intinctæ colore , ac fluere non possent , nisi venis ipsis per aras quovad laxatis , & osculis earum solutis . Itaque non esset amplius in nostra potestate illas supprimere : multi existimarent , eas à prima origine de

de cerebro ipso stillare, utpote quod ab illa etiam parte morbosæ lachrymæ secedant, & ratio eadem sit illarum: hoc autem opinantur fieri ex vehementi compressione ciuscemodi partis alioqui humidissimæ, ita ut eius humor exprimatur, quoniam dolor compressionem validam & angustationem parit: videtur enim plorantibus fieri propter intentionem atque compressionem in ipso cerebro quidam dolor & labor submolestus; cum igitur ille humor ad oculos exprimatur, apparent lachrymæ, quæ nihil præterea sunt, quam fluor ex cerebro per oculos secedens. Hoc autem mihi videtur absurdum atque impossibile: nam si totum cerebrum manibus comprimatur, quemadmodum in dissectione vidi, ne tantillum quidem humoris hoc pacto exprimeretur, ac deinceps quomodo fieri posset tanta constrictio, quæ si fortassis efficeretur, sensuum intercipetur officia, & facultatis motiua: atque in magnis convulsioribus potius fierent, cum cerebrum nititur excutere illud, quod est molestum: neque per oculos necessario prodirent, si cerebri vis illas exprimeret: raro enim hæc pars, ubi se quopiam onere leuat, ad oculos dimittit, sed potius ad palatum per infundibulum, aut narres, per aures, aut spinam, ut docet Hippocrates in libro de Glandulis. Propterea existimo, quod prima lachrymarum origo procedit ab

humore proprio ipsius oculi: non modicus enim manet in illis latibus, quamuis postea reuellatur alius humor ex cerebro per quandam continuationem, siquidem, ut manifeste appareret, simulatae lachrymæ ab oculis tantum proueniunt: non est igitur opus, ut aliunde queramus lachrymarum primum apparatus & principium in fletu. Sed postea (vti dicebam) ab humiditatibus cerebri noua suppeditatur materia, ne fluxus ille deficiat, dum impetus & vis doloris mouet, quemadmodum ex procidente papyro oleum stillatum attrahitur, & effunditur, vel oculi velut accessa flammula propter illum dolorem & laborem à remotis partibus reuellunt humores, donec sedetur impetus cause, aut dolor remittatur, vel lassitudo cohibeat: septum enim laborat & pulmo tum propter motum, tum propter conatum intentionis, ac ipsum lachrymale humidum fuerit consumptum, quidam enim illo modo sunt repurgati ab excreimento, vel caloris remittatur incendium; difficilis tamen est modus, quomodo prodire valeant, sed illum assequemur recolentes, quod, ubi fletus instat, fit quadam contractio intentioque propter dolorem, & spiritus ac caloris motus repit sursum incumbente quadam tristis imaginatione opinione; aspirat autem ad partem anteriorem, quoniam ibi videtur omnis vigere imaginatio.

tio cogitatioque; propterea quod sensoria in parte capitis anteriore manent; quam obrem in eam totus conspirat sensus atq; animus, ac potissimum ad oculos, tum quia proximiores sunt parti priori ipsius cerebri: videntur enim ferme duo processus cerebrales: quapropter nonnulli antiquorum decipiebantur, opinantes, sedem animæ esse in superciliis, tum etiam quia sunt valde spirituosi, & quasi specula ipsius animæ. Cum igitur in eam partem sensus conspiret instantे fletu, in ea labor fit, & contrarius quidam conatus attritioque propter emissionem & retractionem, vnde procedit lassitudo molesta, & turgentia quædam ad motum; itaque agitatur humor & impellitur procedente impetu & conatu emissionis, vel etiam illo, quod in eo laboris & doloris motu attritioneque fit prurientis spiritus motus, atque caloris, per quem omnes ibi magis turgent humores, quemadmodum fit secessio lentoris genitalis ob eiusdem spiritus pruriginem, & caloris agitationem in vasis seminariis, siue in conceptaculis huic excremento dicatis: fit enim ob id turgentia, & semen foras procedit, ibi vero turget cū labore & dolore. Consentaneum igitur est, vt foras impellatur humor, & lachrymæ ob illud fiat, atque ubi propter dolorem & laborem, motumq; similem horrori partes amplius substinerè nō possunt, simul cum earum solutione

ob impotentiam substinendi, & spiritus emissionem soluitur humor: aut quoniam in illo dolore laboreque earum partium, & animi remissione fit carum calefactoria lassitudo; itaque humor ille concatescit, & cum sua natura falsus esset, falsior sit & acutior, & agitatus pruritum facit, atque ad excretionem vellicat, ac propter eandem calefactionem, lassitudinem & laborem substinendi vis ipsa contentiuu vnta sensui confessim soluitur & laxat habenas; itaque profundit humorem, nonnihil etiam cooperante propter dolorem coarctatione, & motu horroris simili: hic enim humorem exprimit, & ad motum facit paratiorem; quamobrem videntur lachrymæ omnino proficiisci ex spiritus calorisque motu, & prurigine cum attritione quadam efficiente turgentiam illarum partium & humorum, qui in eis continentur ex labore & lassitudine, illa, inquam, calefactoria & impotentia earundem partium ad substinendum, ex emissione cum retractione & molestia, ex agitatione humoris propter calorē & motū spiritus, aut sensu humoris agitati calidioris effecti, ac paulo acutioris. Quod etenim motus solus humoris & spiritus id possit efficere, indicio est, quoniam ingens lux & calor lachrymas mouet quotidie, ac spiritus etiam contentio: nam qui ploratum cohíbere nituntur, cum vis doloris sensum vicerit,

lachry-

Lachrymas vberius effundunt, s^æpe etiam tristis sensatio earum partium & membranarum oculi lachrymas frequentes allicit; itaque frigus illas mouet, non, vt aiunt quidam, constringendo exprimendoque, sed quoniam frigidum mordax est præsertim neruosis partibus, illisque obnoxium, & maxime talis est Septentrio: frigidissimus enim est tenuis valde, & cito feriens quasi acuta cuspidem: Ac forsitan mordax & accensus calor, qui sit in dolore propter attritionem in eis partibus mordicando mouendoque, facit, vt humorem profundant, & lachrymæ in fletibus procedant.

DE SOMNO
DE SOMNO ET
VIGILIA OPVS
QVARTVM.

CAPVT I.

*Quibus proprium sit dormire, & in quo
somnus ipse consistat.*



VONIAM fletus somnos alliciunt, videbatur iam ad rem nostram pertinere, vt illius peracta tractatione, theoriā hanc illi cohærentem alacriter susciperemus. Cū autem somnus vigilæ quædam orbitas sit, vt censer Aristoteles; propterea necessarium est, eum, qui de somno est tractatus, initio præcognoscere, ac perspectam illam habere: consueimus enim ferme in omnibus prius cognoscere habitum, deinde priuationem. Nam vt rectum est iudex sui & obliqui, eodem modo habitus est sui, atque priuationis index: ex hoc itaque procedit, vt ea omnia, quæ vigilare conspiciuntur, ipsa quoq; dormiant, & per quam partem vigilant, per eam quoque somnus obtingat. Hinc perperam videtur lapsus esse Democritus, cum censeret, plantas quandoque dormire, si, siquidem nullo modo vigilant,

mini-

minime fieri potest, ut dormiant: illud enim manifestum est, cum sensum nullum habent, nec motionis principium obscurum vel manifestum. Cum itaq; vigilare sit proprium animalium, vtpote quæ a natura sensum & motionis principium obtinuerunt, per quos vigilia procedit, eorum quoq; proprium somnus esse debebat, & quemadmodum nullum est animal, cui vigilare non competit: animal enim per sensum est; propterea nec ullum esse potuit, quod somni particeps non esset. Accerte si singula cōsideremus animalia, affectionem hanc plane omnibus fieri comperiemus, his quidē clariss, his vero obscuriss, & aliis breuiorem, aliis cōtra diuturniorem, quemadmodum naturæ ipsorū sunt diuersæ, & aliæ aliis ad somni dispositionem magis proclives, illa quoq; animalia, de quibus est maior dubitatio propter inceptitudinem & imperfectionem naturæ, quæ fere anticipet conditionem sunt fortita, tametsi secundum sensum non satis cōstet, rationabile tamen est, ut somno quandoq; se se recreent: vires enim submittat oportet ex diurno per uigilio, & quemadmodum neque sensum ullum habent, nisi tactum & gustum, cum illo cōfusum, ac principiū sentiēdi minus distinetū, ita neq; diurnis, neq; nimis altis soperib. corripiūtur, sed fortasse frequentioribus & minutis: nam ut virtus sentiēs est imbecillia & feb.

& segnis, quin etiam obscuri motus, corpusque ipsum laxum, & infirmum, ita saepc quietem ex somno ad vigiliam aptare debebant, sed quia principium non est bene distinctum, breues & confusi (ut ita dicam) somni ipsorum fiunt; ac propterea somnolenta tota, ac tota quoque vigil ipsorum vita esse censetur. Ut autem singula dilucentur, quoad fieri potest optime, necessarium est, ut explicetur primum, penes quid somnus attendatur, & omnino in quo consistat eius natura, quod, si memores erimus eorum, quæ dicebamus in principio, facilime diluctur, si videlicet cognoverimus, in quo eidem opposita vigilia consistat: hæc autem, ut omnibus patet, est quædam solutio, & expedita promptitudo animalium facultatum, ac potissimum sensus, earumque expedita agitatio secundum actum; igitur somnus in quiete illarum operationum, & potentiarum ligamento, ac quasi vinculo consistit, ut perinde fateri liceat, somnum non esse operationem aut actionem aliquam, sed quietem actionum & operationum quarundam ipsius animæ: est enim ut quies sensuæ ac motiuæ facultatis; dicitur autem animalis affectio, ut proprium vel passio. Sed an non in sola quiete consistit? Hoc etenim repugnat Aristoteli in suo libro de Somno, cum diceret, non in otiosos esse sensus somnus consistit; deinde repugnat sensui,

quo-

quoniam saepe fit, ut sensuum omnium functiones, & facultatis motuæ intercipiantur: somnus tamen non est, quemadmodum efficitur in defectionibus animæ, in apoplexia &c similibus affectibus: potest etiam accidere, ut omnes sensus vere quiescant cum motu principio; animal autem non dormiat, vt potest si visus non videat, auditus ob somni priuationem non audiat, tactus non sentiat, ac cæteri eodem pacto quiescant ab actionibus propriis. Respondeo, quod uti vigilia non consistit in actuali sensuum operatione, & principii motuui, sed quadam expeditione libera & actuali promptitudine solutioneque, quicquid modo se habeat, ut si offerantur obiecta, & amoueantur impedimenta, quam primum sentiat: ille enim tametsi non sentiret, erat tamen promptus & expeditus ad sentiendum, si singulorum affuissent obiecta, eodem modo non in sola vacatione illius operis consistit somnus, sed in compressione & ligamento ipsius sensus & motuui principii, & in non habendo illam promptitudinem actualem expeditam ad actionem aut passionem perfectuam, ut potest non existente libero sensus ipsius principio: at neque, si ita est, in omni sensus compressione vacatio neque consistit, sed in ea potissimum, quæ voluti quies est, & solui potest cum sit expergibilis, non autem ut vigilandi impotentia

ob

ob aliquem morbum effecta, per quam sensus & motus omnino supprimatur, quemadmodum fit in apoplexia & animi deliquio: illa enim affectio somnus est, aliae vero impotentiae vigilandi & morbi quidam, in quibus sensus non potest solui & expergisci.

C A P V T I I.

*Quæ actiones per se intercipiantur
in somno.*

NUNC vero sequitur, ut explicitur tres præcipuae difficultates. Prima earum est, quales operationes in somno intercipiantur, ut sicut diximus expeditæ non possint apparere, si vero non omnes intercipiantur, quamobrem id fiat. Altera est, cuius potentia est affectio. Tertia, cuius gratia sit homini, ac cæteris animalibus constitutus; sunt etenim animalium actiones operationesque variæ, nimirum opera vegetalis animæ, principiū sensitivū, secus locum motiū, & intellectus, quas Medici trifariam diuidunt in actiones naturales, vitales & animales. Nemo (ut arbitror) ignorat hæsitatque in ipsa somni compressione liberas esse, & omnino solutas naturales facultates, quantum ad actiones illarum pertinet, cum quibus coniungenda est facultas ipsa vitalis, quippe quæ, ut placet Aristoteli, non est distincta nisi ratione à virtute nutritrice, illarumque operationes non minus

inter-

inter dormiendum, quam in vigilia expeditæ
apparent: nam quælibet concoctio alteratio-
que nutrimenti fortasse melius in somno
perficitur, & naturales quoque omnes excre-
tiones familiares, exceptis iis, quæ sponte a-
guntur præcedente aliquo appetitu animali,
illæ namque in vigilia fiunt; quapropter dice-
re solebat Galenus, somni concoquunt, &
vigiliæ digerunt; ideoque somno iam incum-
bente vis nutritiua & augens agunt, munus-
que exercent suum; generatiua vero suo et-
iam agit modo, non prout agit in alio, sed
quatenus præparat semen, quod est ferme
principium generationis in iis, quæ ex semi-
ne fiunt, ac denique omnes illæ facultates a-
gunt in somno, quæ naturaliter operantur, &
actiones habent non spontaneas. Ac necessa-
rium erat, ut illæ potentiae naturales nunquam
essent otiosæ, siue quietem aliquam interpo-
nerent labori: primum ex necessitate opera-
tionis, quoniam vis nutrix & vitalis, ut censeret
Aristoteles, sunt idem subiecto: nam dicitur
nutrix, prout formam mediante nutrimento
coſeruat in materia: vitalis autem, prout sin-
gulas partes fouet mediâte calore impertiens
illis esse & permanentiâ, cuius virtutis inter-
ceptio interitus est; igitur quiescere non po-
test ista facultas, si viuere debet animal: quin
etiâ per opus illius vita quotidie laceſſita refi-
sit, ut perinde diceret Aristoteles, nos tâdiu-

viuere, quamdiu nutriimur; quapropter opus erat, hanc ipsam virtutem assidue vigilem esse, hoc est, actu agentem sine intermissione ob vitâ incolumentatem: amplius operatio ipsius sibi vigorem addit, quies saltem imbecillitatem parit; quamobrem magis agendo, quam quiescendo reficitur, veluti ignis, qui si quiescat, langueret & flaccesceret: si vero vel moueat, vel etiam agat incombustibile, semper vires acquirit agendo. Eodem itaque modo & animal totum, & singulæ ipsius partes, & virtus, siue instrumentum illius magis vigent, & robur maius acquirunt, si circa alimentum agant assidue, utpote quod ab illo reficiuntur, & vigorem assumunt, ac omnino anima, quæ forma est, seruatur in materia, vel etiam si supra hoc aliquid reponatur, sit accessio ad magnitudinem. Præterea cum necessaria esset hæc operatio, ipsa per se necessitas procurat assiduitatem operis & actionem sine intermissione. Deinde confirmatur ex parte potentia, siquidem facultates naturales sunt magis affixa in membris, atque ad agendum non requirunt consensum & cognitionem aliquam, non mouentur ab extrinseco, sed mouent, & agunt naturaliter, suumque subiectum & passuum coniunctum est: & si consideremus instrumentum, videlicet calorem natuum & influentem, hic operi semper incumbit, & quia naturaliter agit, semper est
ad

ad agendum expeditus, imo ad actionem fortasse promptior est in somno, cum calor ad infernas profluat sedes, ac viscera illa fiant ob id longe calidiora, tametsi minor appetentia sub id tempus exoriatur, quoniam corpus minus dissoluitur & dissipatur propter quietem & spiritus contentionem. Deinde ex parte obiecti, siquidem alimentum, quod est obiectum virtutis nutrientis, & que praesens est, & que ad patiendum idoneum, quin etiam ex actionum ipsarum natura; illa etenim opera paucioribus indigent: at sensus & motus vnius præsertim partis expeditionem, & quemadmodum imbecilliora sunt instrumenta sensuum & actiones spontaneæ, ob id facile poterat illis accommodari nonnulla quies: itaque hoc etiam opus erat ratione finis, quemadmodum superius dicebam; qua propter ex omni capite necessarium erat, ut facultas quælibet naturalis agensque secundum necessitatem suas assidue exiceret functiones, nec minus in somno, quam in vigilia. Sed quoniam, ubi somnus obrepit, vide mus extemplo sensus omnes intercipi, ac pariter motum, adeo ut singula sensoria conniveant, aut torpida fiant, vis corporis rectiua succumbat, & corpus ipsum animalis procedat, ac tanquam immobile stupidumque re quiescat sub quadam mortis imagine: idcirco sequitur, somnum consistere in quadam va-

catione & quiete sensus & motus primo, sed quoniam motuum, qui sunt in corpore animalis, alii sunt naturales, quemadmodum est motus arteriarum, alii sunt animales & spontanei, quorum alii sunt necessarii ad vitæ incolumentem, alii nequaquam necessarii: hinc fit, ut motus naturales, quorum principium non est in nobis, id est, qui non efficiuntur sponte, & electione aliqua, non supprimantur in somno, quemadmodum dicebam esse motum arteriarum cordis & cerebri, qui ex urgente subsidenteque spiritu aut calore generatur. Cum etenim causa istius motus sit necessario agens, nulla vis somni potest illum cohibere: aliorum vero, qui ad vitæ conservationem sunt necessarii, neque etiam supprimuntur, quemadmodum est motus dia phragmatis, pulmonis & muscularum totius thoracis, qui quidem motus tametsi spontanei sint, cogente tamen summa necessitate semper efficiuntur, nisi aliquid violenter ob sistat: mouet enim agitque ita necessitas, ut ille motus, ad quem momentum habet appetitus, videatur necessarius & naturalis: nobis etenim non diligentibus semper efficitur, intuitis autem non efficeretur, quod satis est ad naturam motus animalis & spontanei; alii vero motus, qui talem ac tantam necessitatem non habent, in ipso somno comprimuntur, compresso nimirum (ut dixi) sensu & princi-

pio illius. An vero pueri dormiant in utero, ut pulli in ovo, cum neque moueantur, neque sensuum nulla motione agantur, difficile videtur esse, & non inutile ad hanc rem illius explicatio? Arbitror equidem, illos neque dormire, neque propriè vigilare: somnus enim atque perfecta vigilia sunt affectiones animalis perfecti, & secundum naturam absolutioris, illi vero imperfecti sunt, & nequaquam, ut decet, absoluti: neque enim vigilia illis conueniret eo tempore; tunc enim non nati sunt uti officio sensuum, ut manifeste patet: nam proficere nihil possent, & fortassis non haberent convenientem dispositionem instrumentorum; cum igitur vigilia nondum fieret, ex necessitate debent esse expertia somni: nunquam enim priuatio est ante habitum, quod insuper confirmatur testimonio Aristotelis in libro Prædicamentorum, capite de Oppositis: dicebat namque, priuationem esse negationem in subiecto apto nato; ac propterea catulum ante nonum diem non esse priuatum visu, quoniam eo tempore non natus est videre. Cum itaque animal in utero non sit aptum vigilare, nequaquam dormit; patet autem, illud non uti sensu secundum actum, vel si sentiat doleratque, non animaduertere, se sentire atque dolere, nullo etiam cietur motu, nisi forsitan obscuro, qualis accidere solet stupidis, immotiam neque respirationem habet, qui mo-

tus alioqui est tantopere necessarius ob salutem caloris, atq; illa profecto ratione quando aut in utero sit, aut in ouo, imperfectum quoddam est, & tanquam ciuitas nondum optime formata, ac legibus instituta, primæ illius partes sunt admodum immaturæ & imperfectæ, calor proprius valde profusus, ac longe hebetior, & ab initio assuetus carere illo motu, gaudens tamen quadam transpiratione: cum autem incipit adolescere & maturius esse, partesque fieri perfectiores, & calor longe validior, & magis collectus in suo principio, tunc respiratione incipit egere, & quo foras secedat, vel rumpit putamina, aut ipsas ambientes membranas dirumpit & lacerat, nunc autem ad illud reuertamus: cum enim tale animal imperfectum existens nullo vtratur sensu, nec etiam motu respirationis, opinor eius vitam esse similem vitæ plantarum, & propter sensuum interceptionem posse appellari stupidam vigiliam, & affectionem quandam esse similem somno, vtpote vigilandi quandam impotentiam, cum vigilare tunc temporis sit ineptum, atque habent quosdam gradus, vtpote quod nonnunquam propter aspirationem corpulentam ad caput habeat principium magis aggrauatum minusque ob id expeditum, alias autem longe magis solutum.

Cuius animæ facultatis sit affectio per se primo.

CVIVS autem potentiae affectio sit, modo est explicandum: iam enim in superioribus demonstravi, operationes nutricis potentiae in quolibet sapore solutas esse & expeditas. Hinc ergo manifestum est, somnum non esse affectionem illius facultatis: nam plantæ etiam obdormirent, & fœtus in utero, atq; adeo vera esset opinio Democriti, quam paulo superius confutauit. Neque etiam est affectio intellectus, quoniam si modo aliquo comprimi posset, non esset utique necessarium, ex eius compressione ligari sensum & motum: sequeretur etiam, non fieri ob aliquam organi affectionem; ipse enim est inorganicus & immaterialis omnino, & quoniam impassibilis est, & per se ipsum non defatigatur, sed intelligendo perficitur ac illustratur, & à perfectissimis rebus longe magis vigoratur, ut inquit Aristoteles tertio de Anima tex. septimo, ac denique somnus esset affectio hominibus duntaxat propria: nam cætera experientia sunt intellectus & rationis. Consequens estigitur, ut somnus atque vigilia sint affectiones ipsius sensus & principii motuum, cuius conclusionis non oportet aliunde quererentur rationes, cum sit exposita sensu; vide-

mus enim, omnes vigilantes sensuum motione agitari, & ad motum esse proclives, motū, inq, vel perfectū progressionis, vel imperfēctum & obscurum, qualis est motus dilatationis & constrictioñis, qui tum ratione sensus, tum ratione alimenti, vt extenderentur, ad illius susceptionem videtur esse necessarius. Ex somno præterea illos prostratos iace-re, ac decumbere interceptis sensuum muneribus, & motu nullo, qui voluntarius sit & spontaneus, atque omnino necessarius, cieri, vt nemini propterea dubium videri possit, quin somnus sensuam præcipue partem animæ ac motuum occupet, sensum autem primo. Et propterea Aristoteles primo libro de Plantis nō procul ab ipso principio, cum demonstraret, plantas esse expertes somni, dicebat, somnum esse imbecillitatem quandam & quietem sensus, & quemadmodum vigilia est motionis agitatio, ita somnum esse illius motionis quietem. Cum vero spontaneus motus per appetitum fiat, hic autem subiecto & natura idem sit cum ipso sensu, (loquor enim de appetitu sensitivo) consentaneum perinde est, vt somnus non modo officium sensus, verum etiam motionis hoc genus intercipiat. Et quoniam intellectus coniunctus est cum sensu, & requirit phantasiam tanquam sociam in operando, ipsaq; intellectio à phantasmatisbus dependet; propterea effici-tur,

tur, vt compresso primo sensitu dormientes abstineant ab opere ipsius intelligentiae: at qui necessarium erat, somnum esse vinculum & quietem tam sensus quam motus, tum ratione communis laboris, vt censebat Aristoteles citato loco, tum ratione principii communis, quod affici videtur in eo, tum ratione instrumenti ac spiritus, qui communiter sentiendi mouendique facultatem cunctis partibus adducit & abducit, tum etiam ratione subordinatae analogiae, ac denique ratione finis, vt paulo inferius explicabo. Sed cuius sensus, aut quorum sensuum procuratione (si modo plures habeantur) fiat, hoc certe maiorem habet dubitationem. Porro (vt antea ex opinione Aristotelis declarauit) reperitur in animali quidam sensus primarius, quem ab ipsa functione aut propria natura communem appellavit, & quinq; deinceps alii assidentes famulantesq;, qui veluti foris astant ad custodiā vitæ, tanq; emissarii & internunci, quippe qui extrinseca intus referant; propterea emergit dubitatio, si somnus est quidam passio affectioq; ipsius sensus, an sit sensus principis, vel potius alicuius particularis, aut particularium omnium? Respondeo ex mente Aristotelis in suo libro de Somno, cum per se primo esse passionem primi sensus, aut dicas primi sensitiui: nihil enim refert, siquidem impossibile sit comprimi sensum communem.

nem citra compressionem aliorum. Ait namque Aristoteles hoc modo, ciusmodi somnus comitatatur sensum, qui in prima sentiendi facultate oritur, atque ibidem aliis verbis sic: itaq; constat, huiusc sensorii tum somnum, tum vigiliam esse affectiones, easque ob id ipsum omnibus tribui animalibus, quod insuper confirmavit ratione validissima. Illius sane, inquit, affectio est somnus, qui cuncta fuerint sensoria: sensus princeps est huiusmodi; ergo somnus est primum ipsius affectio. Maior est satis manifesta, cum pateat, in somno totum totaliter sensum esse interceptum; minor vero probatur, quia sensus ab una prima parte, in qua est sensus communis, per cæteras ministratur, aut cum unus sit, sicut tota natura animalis est una, ab una tamen prima pars dependet totus, qua quidem pars aut non influente in alias nullum sensorium externum idoneum est sensationi & motui, velut lumen, quod à solari corpore communicatur huic hemispherio ab uno compresso extinguitur totum, aut ipsa tanquam principio sentiendi compressa confessim intercipiantur alii. Cum itaque hic sensus in alios influat, siue in alias sensoria, aut principiantis coniuncti analogiam habeat ad illa, & non contra necessarium erat, ut somnus ipsum primo sequeretur; quapropter ex vacatione aliorum sensuum non efficitur somnus: ex quie-

quiete vero & vacatione istius cæteri silent, & statim somnus obrepit, vniuerso simul compresso sensu interceptoque. Id etiam confirmatur: nam somnus facit compressionem totius sensus, & vacationem quandam, totus autem non ligatur & opprimitur, nisi principio ipso compresso: consequens igitur est, vt somnus sit affectio, passioque primò conueniens primario sensitu; tale enim sensorium, si forte sentire non poterit, cætera quoque nullo afficiuntur sensu. Præterea eiusdem facultatis est somnus atque vigilia, cum sint oppositi, ac proprie non sit aliud, quam orbitas vigilæ; ea vero est passio primum huiusc principii, tanquam illius solutio, & expedita promptitudo; ergo somnus eiusdem sensus est affectio. Quod autē eadem parte tam somnus quam vigilia fiat, non modo ratione oppositionis est manifestum, verum etiam aliter, vt probauit Aristoteles: nam si per unam partem natura dedisset ipsum sentire, quod est in vigilia, aut ipsam in vigilia, per aliam vero non sentire, quod est in somno, profecto accideret animal simul sentire, & non sentire: cum enim distinctæ essent potentiae, & modo quodam contrariae, nulla ratione subordinata ad actionem, neque coniunctæ, possibile esset, vt per unam sentiret, per alteram autem non sentiret. Præterea (vt ad rem nostram reuertamur) pro-

batur experimento sensato: sunt etenim plurimi, quos inter dormiendum visa frequentant atque perturbant, ita ut vigilantium opera videantur exercere; vident namque & forsitan audiunt, dormiunt tamen, sed illud prorsus mirabile est, quod videntes se videre non animaduertunt, nec aliud quicquid faciant, est ipsis exploratum, ut potius agi, quam agere videantur. Alia igitur facultas est, quæ soporibus afficitur primo, atque hæc est illa facultas, quæ meritissimo nomine potest appellari facultas animaduersua, illa, inquam, quæ est sensus communis, quoniam veluti pro tribunali astando in sede illa regia singulis sensoriis prospicit, & eorum alterationes motionesque discernit & lusfrat, quasi vero stupida sint cætera sensoria, nisi vel illa sit expedita, eiusque vis non foueat illa, & quasi spiritali (ut dicam) luce perlustret. Postremo in somno supprimitur sensus & motus tanquam actiones quodam pacto spontaneæ, quarum principium non est necessarium semper agere; igitur est passio sensus communis: is enim ad motum etiam momentum habet per appetitum, qui fit in eo, sed quamvis illius dicatur primum adæquate, tamen est totius sensus, sed per illam partem principem.

*Cuius finis gratia factus est somnus
animali.*

SED cuius finis gratia somnus habeatur, & quales per ipsum utilitates animalibus fi-
ant, considerationem habet conuenientem. Primum vero oportet scire, quod somnus non est finis animalis, neque potentiae alicuius, siquidem natura cuncta molitur alicuius gratia, somnus autem quam vigilia deterior est: nam melius est sentire & agere, quam nullo modo sensibus vti & esse otiosum, & omnino præstantius est esse actu, quam potentia; igitur vigilia potius est animalium finis & facultatum eorum. Præterea sensus & motiva potentia ad vitæ custodiā ordinantur primum, sed illam alacriter custodiā tu-
entur in vigilia, quando ad agendum sunt ex-
pediti: vigilia igitur est finis animalis, quin etiam propriæ operationes functionesque po-
tentiarum sunt earum fines, vnde dicebat A-
ristoteles, animam esse primum principium quo viuimus, sentimus, mouemur, & intelli-
gimus. ^r tus, istas operationes esse fines ipsius animæ, & potentiarum eius, ac plane absurdum videretur, vt sensus minime ad sentien-
dum, sed ad quietem illius operis esset præordi-
natus; potius itaque rationem finis obtinet vigilia, quam somnus. Sed quoniam animal

ex nimio peruigilio vires submittit, & vigor illius quodam pacto decumbit; idcirco talem quietis translationem ad ipsam vigiliam appetare oportebat: enim uero si propriam natum animal seruare voluerit, quædam habere oportet, sine quibus res perperam eueniret. Quis enim satis esset diutius vitam ducere si ne quietis interpositione? Somnus igitur velut quies necessarius erat: omnia namque sensuum instrumenta & motionis laxantur, spiritus post diurnam actionem celereisque motiones dissipantur & flaccescunt; itaque propter eorum imbecillitatem & dissipacionem necessaria erat aliqua translatio quietis, ut partim vires resumerent, partim etiam reficerentur: labor autem corpori potius quam potentia referatur; siquidem labores, impotentia, debilitates & ineptitudines ascribuntur animæ & potentias eius propter instrumenta corporea, quibus familiariter sunt concretæ. Quapropter dicebat Philosophus primo de Anima, si senex acciperet oculum iuuenis, videret ut iuuenis, accipiendo tamen cum oculo singula instrumenta, ad hanc actionem necessaria. Intellectus autem neque propter se, neque ratione instrumenti corporei fatigatur aut debilitatur; nihil enim commune habet ipsius actio cum instrumento materiali. Ex his ergo manifestum est, cuius gratia somnus contingat animali, & quæ

quæ sint eius vtilitates : prima quidem est , vt per huiuscmodi quietem singula sensoria & instrumenta sensuum atque motionis post assiduos labores vigiliæ recreentur , ac subinde magis alacriter & expeditius possint reuerti ad proprias functiones , ac potissimum ratione primi principii , quod cæteris dominatur , & influit , tum ratione spirituum animalium , qui per somnum recreati , ac denuo ad ipsos facta accessione eudadunt ad omnem actionem magis idonei , quemadmodum experimur dum exergiscimur , ac propterea matutinæ actiones , ac præsertim cogitationes & studia solent esse præstantiores . Præter has dictas vtilitates ferme omnes addunt aliam , existimantes somnos ad coctionem conferre , vt pote quod retracto sub id tempus calore , ad viscera & sedes infernas concoctio melius procedat , tam ea , quæ fit in ventriculo , quam illa , quæ fit in hepate , in venis & corde . Addunt etiam omnes cruditates in vigilia derelictas , si somnus eas excipiat , concoqui , atque id non modicam afferre vtilitatem ad animalis salutem ; id quoque videtur asseuerare Aristoteles in libro de Somno , cum diceret , soporibus oppresso animali solutam esse facultatem alteratricem , ac signum esse , quod nutritiua particula opus suum facit in dormiendo magis , quam vigilando : tunc enim nutritur & augetur magis , vt pote

pote quod sensus, qui in hoc somno supprimitur, ad eiusmodi functiones proficere nihil valeat. Ego tamen arbitror, somnum esse utilem coctionibus, sed illa potissimum ratione, quod per ipsum caloris substantia instauratur, quæ alioqui in ipsa dissoluitur vigilia, quæ si diutius citra ullam soporis quietem perseveraret, nulla concoctio bene succederet, quemadmodum experimento videmus assidue, si videlicet aliquis diurna torqueatur vigilia, fit languidus, naufragabundus, & expertus appetentiæ, ac si quantumvis comedat, non satis concoquit, nec etiam recte nutritur: si vero vigilia fuerit moderata, & debitum compensata quietibus, per ipsum somnum redditur aptior ad coctionem, ac si vigilia labor addatur, atque exercitatio corporis longe magis, quam somnus, cōcoquit. Sed quoniam in somno efficitur concoctio & nutritio citra magnam dissolutionem; propterea videmus, animalia in eo melius nutriti, ac refici, hæc omnia patent: experimento siquidem videmus, illo tempore minorem appetitiam fieri; fames enim citius ac vehementius inuadit, vellicatque vigiles, quam somnolentos, & nuper à somno excitatos, tametsi noctem duodecim horarum obdormitassent; videmus agrestes homines, & operarios omnes minus abundare cruditatibus, profusius uti cibo & potu, & cibis vesci solido.

dioribus, quoniam exercitatio & labor siue conatus calorem intendit; itaq; substantiam tum dissipat, tum coctiones accelerat: at quemadmodum exercitatio si quietibus compensetur, facit robur, ita umbratilis & somnolenta vita facit desidiam, & membrorum effeminationem; & ideo segnius agit calor animalis in hisce quietibus, quam in vigilia, praesertim operosa, & quadantenus iuncta labori.

C A P V T V.

Quænam pars corporis sit sedes soporis.

MOdo consequens est, ut queramus, qua parte corporis somnus fiat. Non nullis fortasse videretur esse affectionem totius, & nullam sibi partem corporis determinatam prescribere ac definire: nam quies est & copula totius sensus & motus: utraq; vero potentia est fusa per totum; igitur somnus est affectio passioque totius, in quantum totum, & non per aliquam partem, denominat quoque totum animal, totum quiescit, non una pars determinata; igitur totius est passio: quin etiam totius videtur esse vigilia: nam singulis partibus vigilare, id est, sentire & agere aliquid, competit; ergo totius etiam est somnus. Sunt denique nonnulla animalia, quæ carent cerebro, corde, & hisce primis partibus, illaten dormiunt. Aristoteles autem & Galenus deuenierunt in aliâ opinionem, siquidem ab

ipsa

ipsa rei natura conuicti opinabantur, somnum esse affectionem totius quidem, sed per vnam duntaxat principem partem, à qua sensus pariter atque motus cæteris partibus impertiretur, aut quæ faceret illis consensum aliquo pacto, ita ut per essentiam illi primo conueniat, cæteris autem per consensum, quemadmodum si lux huius hemispherii pendet ab uno principio, nimirum ex Sole, si principium istud obscurum fiat, totus aer tenebris obducetur, ista tamen obscuratio per essentiam competenteret Soli: per consensum autem & participationem, siue per modum sequelæ ascriberetur aeri, nec alio pacto extingui atque intercipi posset tota lux seu lumen, nisi lucis ipso compresso principio. Eodem igitur modo sensus animalis comprimi debebat, per vnius duntaxat principis partis compressionem. Hoc perbelle tetigit Aristoteles in libro de Somno cap. secundo, cum dicaret hoc pacto; nam si eo quod omnes pertinuntur aliquid sensus, fieret ipsum dormire, inconueniens esset, quibus neque necesse, neque possibile est aliquo modo agere simul, hos vacare simul, & immobiles existere: contrarium enim rationabilius accideret, eis non simul quiescere, volebat his verbis inferre, quod somnus non conuenit singulis sensoriis aut sensibus per propriam aliquam ipsorum dispositionem, sed per aliquid, quod est com-

commune omnibus, per illam scilicet communem facultatem, quæ aquabiliter cuncta fouet sensoria, & singulis prospicit in ea principe corporis parte assistens: nam sensus per id, quod proprium habent, neque possunt simul agere, ac multo minus quiescere & vacare simul, ac si necesse esset isto modo in somno simul quiescere, profecto necessarium esset etiam in vigilia simul agere, quod est absurdum; consequentia tamen est manifesta: nam ratio eadem est contrariorum, siue oppositorum omnium. Ac propterea subiunxit Aristoteles, rationabile est, ut somnus per primam partem fiat, à qua dependent aliæ secundum virtutem: dum enim talis pars aliquid patitur, necesse est etiam, alias per consensum pati, & si comprimatur hæc, alias intercipi, ac si modo aliquo impotens fiat, illas infirmas & inualidas reddi. Ac denique si somnus (ut antea probauimus) est affectio unius sensus principis; consentaneum erat, eundem esse affectionem alicuius primæ partis corporis, quæ sedes esset eiusdem facultatis, rationes aliorum facilime diluentur; & propterea non oportet de illis curam habere. Verum tamen quæ sit ista pars princeps, in qua somni primo fiunt, & cuius existit passio quasi per essentiam, non omnes inter se consentiunt, atque inter cæteros Aristoteles & Galenus duo fulmina belli in hac re fuerunt dis-

sentientes : itaque cum aliter sentirent de principio sensus, necessarium etiam fuit, ut sequerentur conclusiones diuersæ; Aristoteles enim censebat, præcipuam sedem soporis esse corpus cordis, quoniam ipsum censebat esse primam sedem non solum sensus & motus, verum etiam totius animæ, ac reprehendebat Platonem quasi trifariam diuidentem animam, ac triplex constituentem principium, cerebrum scilicet, cor & iecur, vt pote quod cerebrum esset sedes facultatis animalis & rationis participis, cor vitalis siue animalis, iecur denique concupiscentiæ; quam obrem ille Princeps Peripateticorum existimabat, idem cor esse neruorum principium, quemadmodum ait secundo de historia animalium capite quinto, quippe qui videntur esse instrumenta sensus & motus, & processus, per quos currules vocati spiritus emituntur, atque in eandem sententiam descendit Erasistratus, ac plerique aliorum, qui ex mente Aristotelis citato loco censebant, cor esse radicem neruorum potius quantum ad materiam, quam ratione formæ: cain enim in cerebro videntur assumere, ab ipso etenim corde dicebat Aristoteles procedit aorta vena valde nerua in parte illius caua, & ab eodem principio exortum ducunt arteriæ, quæ statim ubi ad cerebrum ascenderint, aut dilatantur explicanturq;, & in membranas degenerant

rant duplices illas meninges admodum nervas, & sensu praeditas acuissimo, aut multæ simul complicantur & coalescunt, ac generaturneruus teretem habens figuram, vel etiam, ut censet Erasistratus, ab ipsa membrana cum in teretem figuram dehincit scissa per substantiam cerebri; quo etiam pacto efficitur ille admirabilis retiplexus cerebralis, sensus & operationis non exiguae, ac profecto videtur neruus arteriam referre in substantia & colore, nec poterat esse ex substantia cerebri, quoniam laxum est, & sensus expers, atq; ita videbatur opus esse: cum enim nerui officium esset, spiritus deferre & ministrare ad motus, & sensus commoditatem ex re aliqua cauum habente debebat generari; itaq; ex multis arteriolis, cauis quidem, sed simul coalescentibus ortum dicit, & quemadmodum spiritus ex arteriali generatur sanguine, illoque sincerissimo, non immerito per easdem arterias magis unitas glomeratasq; se iterum insinuat separatus à sanguine, & à cerebri attemperatus natura, quæ & sanguinem magis sincerum obtinet, & calorem satis conuenientem; itaque videntur subinde nerui omnes ex ipso cerebro generari quantum ad formæ constitutionem, vel etiam ab ipsa spinali medulla, quæ processus cerebralis esse videtur, atque si arteriae & venæ sensum habent, videretur Aristoteles & Erasistratus optime sentire,

quod tamen confessus est etiam Galenus sexta Aphorismorum commento quinto: cum enim distingueret renis inflammationes, ut pote quod alia carnem ipsius afficit, quæ dolorē inuehit aggrauanti similem; aliis vero partibus, quæ sunt in rene patientibus, dolor sentitur acutus, appello, inquit, alias partes tunicam hunc obtegentem, & ventrem eius interiorem, & eas, quæ ad hunc terminantur, arterias & venas; ac præterea productiones vasorum vrinariorum. Hoc etiam confirmatur illo indicio, quod statim, ubi generari occiperit animal, animaduertitur in principio cor imperfectum quidem, sed sensum quadrantenus habens, ut perinde videatur, ipsum esse principium sentiendi. Itaque ob illas rationes Aristotelis, tum etiam alias, quas ego, ne longior essem, dimisi, ait ex professo in libro de Sensu & Sensili iuxta finem, ac tertio de partibus Animalium cap. quarto, cor esse totius sensus & motionis principium, caque ratione ob variam cordis dispositionem sensum esse difformem; ait enim, ea, quæ sensum habent hebetiorem & magis ineptum, cor ipsum habere magis durum & spissum: at contra quæ mollius & alacrius illud habeant, sensu & motus agilitate pollere; & secundo de Partibus cap. decimo ait hoc modo: Sed enim principium sensuum esse cordis locum definitum iam est, cum de sensu ageremus. Et ibidem

dem paulo inferius inquit sequentibus verbis: cerebrum vero parte capitinis priore continent omnia, quibus hoc datum est, quoniam id, quo sentiunt, in parte priore corporis situm est; sensus enim prouenit à corde, quod parti priori commisum est, ac manifeste in illo capite demonstrare conabatur, cerebrum non esse principium sentiendi, quoniam est exangue squalidum & insensatum, quemadmodum sunt omnia excrementa. Cum igitur tot tantisque locis explicasset, cordis molem esse principium sensus, ac præcipuam sedem animæ, consentaneum erat, illum statuere somnum, qui ut quies est & vinculum sensus ac motus, in corde fieri. Sed quoniam nonnulli voluerunt extorquere & trahere mente in Aristotelis ad libitum proprium, dicentes, eum putasse, cor esse principium sensus & radicem; sed quoniam cerebrum pars est operum manifestatiua, aut temperans spiritus seu pars, unde procedunt formati nerui, ob id somnum in cerebro fieri, et si possit asscribi deinceps cordi per modum sequelæ, aut per consensum, utpote quod cerebrum pars est illi consentientissima; propterea non erit inutile, afferre quædam ipsius testimonia, ut certiores fiant, illam non esse opinionem Aristotelis, sed propriam ipsorum fictionem. Ac primum videte in opusculo illo de Somno & Vigilia, ubi dicebat, expresse somnum esse

affectionem primi sensitui, ac tertio eiusdem operis capite, cum statuisset, cor esse principium sensus, mox ait (si vero est somnus & vigilia passio partis huius, &c.) & alias dicebat, somnum esse refrigerationem primi sensitui. Cum autem explicaret, quomodo efficiatur illa refrigeratio in illo principio sensus, nimirum in corde, inquit, evaporationem corpulentam in cerebro refrigeratam, statim descendere ad inferiores sedes, ac refrigerare cordis calorem, ut perinde vis sensitua & motuia, quæ ab illa parte procedit, comprehensa non possit in opus suum incumbere. Hoc etiam satis expresse confirmauit in primo libro de historia plantarum, quin etiam secundo de partibus animalium cap. septimo, ubi fatetur, cerebrum esse causam soporis, ut pote quod refrigerandi vim habeat, eam vero passionem in corde fieri, in quo est principium totius sensus & motus: sic enim ad verbum ait: Somnus etiam à cerebro proficiuntur iis, quæ illam obtinent partem animalibus, quæ autem carent, iis proportionale suppetit: cum enim sanguinis alentis effluentia refrigeretur à cerebro, aut etiam ob alias causas similes caput aggrauatur, & quidem somno sopiti ea corporis parte solent tentari, atque efficitur, ut calor cum sanguine ad ima subterfugiat, collectaq; copia vaporis in loco inferiori somnum facit; itaque constat, arbitra-

tratum esse Aristotelem, sopores in corde fieri: Plato autem & Galenus posuerunt, illud principium sensus ac motus esse cerebrum aut proportionale, & in eo fieri somnum, si quidem manifeste ipsum est principium nervorum, nec opus esse, ut tangendi vim habeat, sed sensum illum habere, qui singulorum motiones animaduertat, ipsumque, si paulo magis siccescat, idoneum fieri ad hanc sensationem, quemadmodum est nervus, aut spinalis medullæ postremum, ubi siccior est effecta, ac partem aliquam in illo adesse, quæ illo etiam pacto sentire valeat, utpote membranas per totam substantiam implicitas replexum & neruam quandam substantiam in eius radice: locus autem ille Aphorismorum mendoſus est, & forsitan temere adiecius, quoniam ipfem Galenus secundo de locis cap. 2. & ibidem saepius, atq; in decimo-sextō de vſu partium ducentesimo decimo-octauo inquit, venas & arterias esse sensus expertes, nec vlo pacto sentire, si incidatur aut vinculis excipientur, vel forsitan si sensum aliquem habent exiguum, illum etiam ex cerebro trahunt propter consensum vnum nervorum, & virtutis continuationem, in cerebro tamē primatū obtinentis; itaq; per experimenta videmus, si cerebrum comprimatur & male se habeat, interdum auferri sensum & motum cunctis partibus, ut prorsus stupidæ

& motus expertes mancant, qui quidem affectus manifeste in cerebro fiunt, cum ipsi admoueantur præsidia, & in eo repertæ sint causæ morborum, atque etiam videmus, quandoque ob solam compressionem cerebri ex osse depresso, aut aliquo instrumento per imperitiam Medici impotentiam ad vigilandum oriri, & partium ineptitudinem ad sensum & motum; ibi quoque generantur spiritus animales, & experimur, huinidas cerebri temperaturas efficere in somnum delationes, siccas contra esse ad vigiliam magis proclives, & illius solam aggrauationem aut humorum aut vaporum, dummodo acuti non sint & calidi nimis, efficere somnolentiam, & à contrariis causis eadem parte fieri vigilias, quin etiam refrigerato capite ex oppiatis, aut aliis rebus frigidis somnus quamprimum generatur, vel impotentia vigilandi: eadem vero si cordis regioni admoueantur, haud necessario allicitur, id etiam patet experimento: cum enim somnus instat, sentimus in capite quandam aggrauationem, & ipsum primo incipit succumbere, ac deniq; omnes somni morbos in cerebro fiunt. Non minor igitur ratio est, vt alii quoque salutares in eadem parte fiant; propterea ab ipsa veritate coactus fatebor, sedem soporis esse cerebrum, aut aliud proportionale in iis, quæ cerebro carent: ipsum enim principium est totius.

tius sensus & aliarum facultatum, quæ animales appellâtur. Sed quoniam sensus cordis est vnitus cum principio caloris, qui vitæ tueruntur incolmitatem; propterea passiones eius subitas quasdam passiones mouent, utpote hypothimias & syncopes, quandoque etiam celeres interitus.

C A P V T VI.

*De somni generatione & causis, ac primum
ponuntur aliorum opiniones, & con-
futantur.*

DE generatione autem ipsius somni quomadmodum fiat, maior est controvërsia, atque hinc tota pendet difficultas huius tractationis: omnes enim tam Medici quam Philosophi conuenerunt in hoc, quod somnus est quædam quies ac prope impotencia primi sensitii, propter quam non potest in opus suum incumbere; quamobrem dicebatur ab eis primi sensus aut sensitui compressio, & quasi vinculum, cuius compressio ne cætera neque sentire, neque motibus sufficere possunt, sed cum non esset ex voluntate, nec quies aliqua, vt quies brachii per se ipsum spontanea, ob id cœperunt explorare modum & causam istius compressionis & detensionis totius sensus & motus. Propterea Aristoteles existimauit, compressionem hanc

N 5 atque

atque impotentiam primi sensitui incumbendi in opus proprium , qualis in somno contingit ex perrectilis atq; solubilis , fieri ob quandam refrigerationem , si quidem illa intemperies frigida calorem exturbat & cohibet , facitque torporem & immobilitatem , vnde in libello de Somno inquit , somnum esse refrigerationem primi sensitui , sed eam refrigerationem proprie fieri à corpulentâ quadam evaporatione in cerebro refrigerata , quod insuper secuti sunt multi Peripatetici , quia viderunt hoc placuisse Aristoteli præceptoris : is enim existimauit ab alimento , aut alia re proportionali , humida præsertim & frigida , efferris sursum ad caput vi caloris aspirationem vaporosam & corpulentam , quæ ab eius loci frigiditate densatur , ut nubes in media aeris regione , quæ instar Euripi post densationem & refrigerationem proprio impulsu descendit , & primi sensitui calorem refrigerat , partim etiam vias intermedias obstruit , quas venas appellant carotidas , quasi soporarias ; itaque tum per se calorem turbat & comprimit , partim etiam obstruendo cohibet influxum ; quapropter fit somnus : ob id , inquit , potissimum somnos fieri post alimentorum assumptionem , quoniam vapor eo tempore non mediocriter sursum aspirat ad cerebrum ex ipsa esculenta potulentaque materia , ob id etiam vaporosa omnia censembat

bat somnos allucere, ut vinum, lolium, allia, cæpas, & cognata ipsorum. Sed quoniam illa calida sunt, idcirco dubitauit, quomodo fieri potest, ut talis calida euaporatio somnum alluciat, quippe quæ refrigerare debeat primum sensituum, aut calorem eius, sanguinem & spiritum: respondet, satis esse, ut frigida videatur respectu maioris caloris, quemadmodum vrina, quæ in balneo apparer frigida, tametsi propria natura existat calida. Non secus labores colliquatiui, & febres nonnullæ, in quibus ob caloris vehementem impressio nem in membris & partibus solidis secedit colliquatio, somnos habent familiares, siquidem colliquamentum, ut cibus indigestus est, & aspirationem ad cerebrum vaporosam emittit: iis autem vaporibus, inquit, digestis, & à calore statim euictis, solui sensum, & fieri somno contrariam vigiliam siue exergiscentiam. Ego tamen non possum relinquere sensum, & sensata experimenta, ut credam Aristotelis enim dicere solebat, amicus Socrates, amicus Plato, sed magis amica veritas, age obsecro videamus, si res ita se habeat, ut somnus à corpulenta solum aspiratione fiat & refrigeratione primi sensituum; scilicet cordis aut alterius cuiusdam partis proportionaliter: primū videmus, somnos accedere post labores: cum n. ex diuturno per vigilio lassitate sunt vires ac sensoria, & spiritus non nihil debilitati

tati manus dant quieti , & facta hae somni dispositione intercipitur vigilia: lassitudo vero haec cum euaporatione & refrigeratione nihil habet commune; neque vero fit in omni labore & lassitudine colliquamentum, ut singulis patet: insuper sola debilitatis ratione contingunt, dum morbi homines inuadunt cito prosterentes virtutem, eodem quoque modo post sudores , à quibus virtus lassitatem debilitataque succumbit, & quietem oppedit cum vigilare & laborare tum spiritus , tum sensoria cuncta diffidant, nonnullis etiam ex quadam consuetudine somni redeunt , ac temporibus certis repetunt, abeuntque determinatis horis: euaporationes autem ex arbitratu & consuetudine non fiunt, neque soluuntur, sicut accedit & soluitur somnus: quin etiam singuli experimur, in nobis esse imperium & momentum quoddam, vt dormire valeamus in quacunque hora, nisi quidpiam obstat. Non est autem in potestate nostra, vt fiat ad cerebrum euaporatio, sæpe etiam cum decernimus contra abstinere, tametsi cupiditas aduenerit, somnum auertimus. Præterea sola compressione meningæ eius, inquam, membranæ, quæ cerebrum inuoluit, somnus generatur altissimus, aut sensus compressio. Non est igitur euaporatio propria causa dormiendi, quoniam non est de omni. Præterea sæpius fit somnus, dum fri-

gida

gida quædam capiti admouentur, nimirum
succus mandragoræ solatri, lactucæ, papaue-
ris, & similiū; igitur fiunt interdum somni
citra corpulentam euaporationem. Amplius
ex molesta lectione aut concione somni so-
lent euenire similiter ex sonis quibusdam,
vnde nutrices solent puerulis somnum alli-
cere quibusdam sonis, & cantu, multisque et-
iam aliis modis citra euaporationem obtin-
git, quemadmodum per singulos discurrenti
erit manifestum. Ac multo minus refrigera-
tio videri poterat ipsius cordis, cum prædicta
experimenta nullo pacto refrigerare valeant:
sepe etiam ipso refrigerato ex opio & simili-
bus, ex timore, ex morbo, ex vaporosa sub-
stantia frigida in palpitationibus cordis so-
nni non efficiuntur, qui tamen fieri debe-
rent, & magis insignes, vt pote principio illo
magis per essentiam refrigerato: atq; in non-
nullis prauis febribus & euaporationem mit-
tentibus ad caput, aut propter virtutis cele-
rem dissolutionem somni fiunt insignes, cor
autem calore æstuat, quoniam per se ipsam
febris est calor accensus in corde. Ob id aliqui
existimarent, somnum esse quidem vincu-
lum & compressionem sensus, eam vero fieri
propter refrigerationem cerebri: illud enim
est sensus & motus principium; itaque illius
refrigeratio facit ineptitudinem sentiendi, &
impotentiam effundendi virtutem sensus &
motus,

motus, siquidem frigiditas immobilitat, calorem exturbat, & spiritus coeret, vnde talis efficit pigritiam, & prope impotentiam: **comprobant hoc**, quia manifeste viderunt allici somnum refrigerato hoc primo instrumento, ac principio e rebus valde frigidis, ut antea dicebam, quin etiam frigidas cerebri temperaturas esse magis somnolentas, calidas autem omnino vigiles, & soporibus ferme ineptas. Quidam autem opinantur, somnum esse vinculum & compressionem primi huius sensorii, adeo, ut virtus eius amplius effundi non possit per partes mobiles ac sentientes, id autem ab illius partis obstructione proficiat aut propter refrigerationem aut obstruentem aliquam materiam: sic enim necessarium est, ut obstructis meatibus, per quos illa virtus effunditur, emissioni reddatur inepta, & pro vigilia somnus obtingat. Itaque refrigerato cerebro cum illo pacto fiat obstructione: frigiditas namque densat, & astringit, somnum efficitur, multitudo etiam vaporum in cerebro id ipsum facere consueuit; ac propterea somnum allicit, idem humores & fluores aquei: humidum enim impletuum est, eos autem expertes esse debere qualitatum, quae excitandi vim aliquam habeant, ita vide licet, ut non sint nimis calidi aut acres, & mordicationem praefereentes: sed quoniam **nō** codem pacto omnes obstructions sunt,

exi-

existimant eas, quæ leues sunt, & affectionem inducunt expurgabilem, esse somni productricem, alias autem, quæ affectiones generant inexperrectiles, esse morbosas & malorum morborum productiones. Vtraque tamen sententia quantum repugnet sensui & rationi, superiora demonstrant, quoniam labores, lassitudines, consuetudo, lectio, soni, cantus, fastidium per auditum aut omnino agendi, nimis stabilis hærensq; applicatio primi sensus, tenebrae, solitudines, mœstitiaque nullum ipsorum potens est refrigerare, neq; obstruere cerebri substantiam & vias spirituum. Bernardinus Telesius vir magni ingenii existimat, somnum esse affectionem spirituum, quibus opinatur etiam conuenire vigiliam, utpote quod si per ipsas animalis partes effundantur, & actionibus operibusque incumbant, fiat vigilia: cum autem ad cerebrum redeunt, quasi reuocato motu efficiatur somnus, adeo ut ille nihil aliud præterea sit, quam retractio reuocatioq; spirituum ad cerebrum, quorum deinceps solutio & celer emissio faciat expurgationem. Et quoniam spiritus isti dant motū & sensum singulis partibus, q; tales habent promptitudinem, idcirco sit, ut per eorum reciprocū motum sensu destituantur & motione, ac fiat vtraq; ineptitudo, ipsumq; animal sopitū recumbat, ac sentire nō valeat, ac propterea fieri ut omnia alli-

alliciant somnum, quæcunque possunt spiritus ipsos fugare, & modo quodam intro im-pellere ad primum sensituum & principium eorum; existimat etiam, huiuscmodi spiritus habere ad corpus dominicum imperium, ac se ipsos promouere agitareque, & per se co-gnoscere, appetere, & in omnia pro arbitratu suo irrumpere, ita ut ipsi sapiant, sentiant, moueant, & cuncta denique faciant in ani-mali, quasi vero essent ut porcelli intra sac-cum. Quæ quidem de somno sententia fuit antiqua Medicorum opinio: nam plerique dicebant, in eo fieri retractionem caloris & spiritus ad suum principium, & corpus to-tum ob id maiori indigere tegumento cum dormit. Hanc etiam opinionem vidimus sub-scriptam esse à Galeno in eo libro, cui titulus est, de historia Philosophica, siquidem ad ver-bum ait hoc modo in eo capite de Somno & Morte: Plato & Stoici dormire putant ani-mal quiescente spiritu illo, qui sensibus vigi-lantibus ministrat, non quia velut in terram concidat: sed quia ad principem animi facul-tatem feratur, quæ intra supercilia sedem ha-bet: occidere vero si spiritus ille prorsus o-mnem motum amittat. Quibus verbis palam est, eos arbitratos esse, somnum fieri ex retrac-tione spiritus ad suum principium, & quiete illius in eadem parte, ita tamen ut non omni-no quiescat, ex quo suffocationes ipsis vide-batur

batur esse causam interitus, quoniam motum spiritus omnifariam submoueant prohibentque: motus enim est prima caloris perfetio, qui sicut illum accedit, ita priuatio eundem extinguit, & de medio tollit, ut perinde calida omnia moueantur, frigida contra quiescant perpetuo, & immobilitate gaudent. Quorum sententia mehercle videtur probabilis & consentanea veritati, si vero examinetur diligentius, manifeste apparebit, eos non esse assecutos adaequatam & propriam causam dormiendi, quod eorum pace sit dictum. Enim uero saepe videmus, fieri hominibus & cunctis ferme animalibus magnas spirituum reuocationes & caloris, illa tamen somnus non inuadit, vehemens scilicet retractio fit ipsis metuentibus, praesertim si timor ingens sit, & celeriter inuadat, indicium retractionis est partium extremarum frigiditas, ut quidam etiam obtremiscant: dormitum autem, aut dormientibus nunquam tantus eius ratione apparuit contractus horror, multis etiam cum timor eos vehementior derepente aggreditur sensuum officia intercipit, ut omnino non videant, & non audiant, eos tamen dormire nullus censeret. Hoc etiam confirmatur: nam saepe contingit, ut homines alta quadam cogitatione occupati & detenti, prope insensati sint nihil videntes audientesque, quod ipse Bernardinus fa-

teretur effici propter retractionem spirituum ab his partibus extremis ad cerebrum, in quo alta sedet cogitatio & animæ princeps facultas: somnus autem propterea non sit; ergo non est sufficiens causa dormiendi spirituum conuersio retractioque in eam partem, quod etiam manifestius fit exemplo delirantium phreneticorum. Videtur præterea, huiusmodi retractionem spiritus non esse somno necessariam, neque sub illud tempus aliquo modo fieri, quandoquidem singulæ partes manerent sensu & motu destitutæ, vnde si dormienti pars aliqua incideretur vel pungatur, quæ remota admodum esset ab ipso cerebro, nullo modo animaduerteret, quemadmodum nō sentit pars paralytica, vel quomodolibet stupida: eas enim partes vis sensitiva non fouet, per quam sentire valeant; id autem absurdum est. Nam videmus manifeste, dormientes non esse expertes sensus, immo non solum grauiora, & vehementius impri-
mientia cognoscunt, & sentiunt, verum etiam leuiora quædam: sunt etenim nonnulli dormientes, qui pulicu[m] transitu[s] animaduer-
tunt, & leuiores palearum contactus, quæ, si sensus retractus esset, minime sentirentur ab eis. Is forsitan responderet, in somno fieri retractionem spirituum, sed tamen non omnium, quoniam pars aliqua eorum remanet non retracta, per quam ista sopitum animal

po-

potes t cognoscere. Sed hæc solutio (si ita diceret) non est alicuius momenti, si quidem leuissima est illa retractio spirituum, cum qua sensus seruatur partium, quippe quæ non grauiora tantum, sed leuiora etiam, vt dixi, sentire interdum valcant, leues autem huiusmodi retractiones vigilia potest substinere, in qua est sensus in columnis: somnus enim nequaquam est, quando sensus sparsus ac fusus est per totum, vt singulæ partes ad actionem hanc sufficere valeant: cum vero talis facultas & spiritus relinquatur, somnolenta tamen existat passio, aliud profecto erat ipsi dicendum, vt illius generationem proximius explicaret: neq; vero fit somnus ex difficulti sensu tantum, utpote quod sentire quidem valeant, sed tamen ægre & tactus solum, non autem alii sensus, qui leuius mouetur à suis sensibilibus: nā si torpor fiat vniuerso corpore, & motus hebetudo, fortasse animal vigilaret, & sensus parum sentiret. Præterea si retrahuntur hoc tempore spiritus ad cerebrum, aut sponte, aut vi, aut natura. Si sponte & electione, duo sequentur. Alterum est, quod statim ubi in mentem venerit cupiditas, dormiremus; nostra enim appetitio deliberatioque vel esset ab ipso spiritu, aut in eo ipso consistens, vel ipsi saltem communis, & ita ut statim si aduenierit, cupido effunditur, & per totum spargitur, idem à toto in illud principium cōfestim

rediret. Alterū est, quod totus retraheretur: nam si secus fieret, certe vis sensuia non es-
set vna, neque spiritus totus consentiens, sed
appetitiones in illo contrariæ, vt pote quod
vna pars velit retrahi ac retrahatur, alia au-
tem velit manere ac maneat, & ideo sequere-
tur etiam, quod idem animal simul posset
dormire & vigilare; porro vigilaret per eam
partem, quæ non vult retrahi, dormiret au-
tem propter aliam, nec potest dicere, eam
partem, quæ remanet, esse ineptam vigiliæ,
quoniam satis est idonea sensationi, vt vidi-
mus paulo superius: si vero per vim aliquam
compellatur, aut ab extrinseco id fieret, aut
ab intrinseco vim inferente; at certe ratio ea-
dem est, vt compellantur omnes: idem nam-
que ingratum, molestum aut corruptus
obnoxium est omnibus, nisi fortasse dicat,
partem aliquam deponi in extrema parte
tanquam custodem, sicut in exercitu arce que-
munita, in qua expiatores quidam assignan-
tur noctu diuque ad custodiā arcis aut ex-
ercitus totius. At si naturaliter ille motus re-
tractionis efficeretur, dubio procul omnes
conuerterentur in eum principii locum se-
cundum eandem naturam, postquam nihil
obstat: cum enim in fornace conclusus est i-
gnis, nisi aliquid prohibeat, totus secedit
contendens ad superas sedes. Præterea cum
homines dormiunt, tametsi somnus sit pro-
fun-

fundus, solent se ipsos adhuc dormientes in alterutrum latus vertere, brachia interdum mouere, & iactare crura: motus autem cum retractio, maiori eget copia spirituum, quam sensus, qui in patiendo consistit. Cum itaque motus fiat, quomodo potest fieri tanta spirituum retractio, ut sensus proprio muneri sufficere non possit? Confirmatur deinde, nam multi delatione quadam in somnum occupati ab aliis vocati solent respondere, & confusa quædam dicere, aut statim exergisci, ac statim iterum dormire. Quomodo autem fieri posset, ut tam cito fierent illæ spontaneæ emissiones & motus reuersiui? Præterea, multi dormientes exercent quamplura opera vigilantium, siquidem ambulant, clament, vocant, respondent, & audire videntur, ac maiora istorum faciunt, quæ quidem si reuocatus esset spiritus, fieri non possent, ac si spiritus non satis est sensationi, longe profecto minus satis esset actionibus, quippe quæ maius robur exigunt, sed unum habent commune omnes, quibus talia contingunt, quod neque audire, videre aut facere quidpiam se animaduertunt. Præterea si sola dormendi causa esset retractio spirituum animalium, sequeretur, quod ipsum in cerebro congregati, vel quacunque in alia parte ad imaginationes cogitationesque essent idonei, aliasque proprias functiones: ad has enim ini-

nime requiritur actualis operatio extenuorum sensoriorum, experimur tamen, dormientes non cogitare, si vero cogitent aut imaginentur, id esse somnium, & non fieri in eo nisi intercisas quasdam & inordinatas imaginum compositiones, diuisionesque & existimationes inceptas, cum tamen eius temporis cogitationes deberent esse meliores: nam si intensius cogitanti spiritus in locum cogitationis affatim conspirent, certe ob id cogitatio melius succedit: nam virtus unita est longe paratior, ac magis ad agendum idonea. Ceterum si dixerit, in quolibet somno fieri cogitationes, earum vero nos esse immemores, diceret perperam, quoniam ipsem omnem recordationem actionemq; omnem animalem in eundem spiritum coniecit, ac saltem in somno leuiori essemus memores, quod tamen non sit. Si vero dicat cum Platone & Stoicis ab illis operationibus abstinere, quoniam quiescat ibi spiritus, cum alioqui actiones illæ non nisi cum motu perficiantur, sed ipse sibi contradiceret, cum censeat, calorem per se perpetuo ciere motum, & nisi alio modo mouere possit saltem circulariter: motus enim est eius propria perfectio, quomodo igitur poterit quiescere? & nisi quiescat, quomodo abstinebit? Præterea efficitur særissime somnus, ut superius dicebam, ex sola meninge compressione; ergo fieri potest citra spiritus

tus retractionem. Nisi respondat Bernardinus, illud fieri pariter propter retractionem, quia paciente hac cerebri membrana, in eundem locum confluent spiritus audacter propter principis partis affectionem, opem nimurum ferre cupientes. Hoc autem facilime confutatur, quoniam si spiritus vere sapiunt in nobis profecto Medici alicuius si comprimatur illi membrana nequaquam confluerent: dignoscerent enim, vanum esse laborem, utpote quod ferre opem non possint, ac fortassis afferant detrimentum: adhuc etiam sequeretur, quod in dolore capitis vehementi, in inflammatione cerebri, atque doloribus ex pungente materia illue etiam consiparent, & somnus efficeretur, nec certe vigilia fieret ob siccum aliquam materiam redundantem in capite, sed pro ratione affectus spiritus ipsi in eum locum à toto corpore profitiscerentur, quin etiam ex cordis passionibus & compressionibus, quales sunt in eius palpitatione, pariter somni euenirent frequentes, quoniam pars princeps est, & vita totius principium, imo si cerebrum inflammationem patiatur, aut eius membranæ, cum passionem vehemens sit, spiritus tamen neque in principio, neq; paulo post illuc aspirat, nec somnus ullo modo generatur. Præterea ex sola humidorū irrigatione in ipso cerebro facta statim somnus obrepit, spiritū tamen ob id retrahit

non est necesse: nam pariter omnis humorum profusio in ea parte somnum alliceret, sed multe alluuiies pro somno afferunt vigiliam. Præterea sola euaporatio somnum allicit, dummodo non mordicet, vellicetque aut erodat; quapropter assumpto cibo, & rebus præfertim vaporosis, mox somni adueniunt inuincibiles, spiritum autem ob id retrahi non est opus: præterea fiunt somni ex molesta lectione, ex iucundis pariter sonis, quamobrem Syrenas aiunt dulcissimo cantu soporem allicere nauigantibus, ut curam nauigii soporibus victi prope omnes deponerent: ac si molestia facit somnum, quia compellit truditque spiritum auditus intro, nequaquam istud fieret propter iucunditatem, contrarium etenim effectus sunt contrarii.

C A P V T VII.

Ponitur propria sententia de generazione somni.

VT autem valcamus ingenue veritatem huius quæstionis explicare, operæ pretium est nonnulla primum animaduertere, unum quidem est, quod sensus, ut ait Aristoteles in libro de Somno cap. secundo, est vnum & principium vnum, tametsi per applicacionem ad diuersa sensoria prope dehiscat in multas facultates positione & officio diuersas; quapropter dicebat Themistius, cum dixi,

dixi, quinque sensus, volui dicere, quinque sensoria: melius enim est dicere, sensoria diuersa, quam sensus diuersos. Et eadem ratione Philosophus inquit, istis sensoriis quoddam esse illis proprium, nempe applicacionem & naturam propriam, aliud commune, quod est facultas illa à principio primo dependens, & contendens etiam ad illud: cum vero cerebrum tale principium sit, efficitur, ut tota sentiendi mouendique facultas ab ipso dependeat. Insuper si principium est, fieri non posse, ut ista pars seu sensus eius non prospiciat singulis sensoriis, & partibus omnibus quasi pro tribunali sedens, imo si tanquam facultas animaduersiva suscipiens motus aliorum (ut ita dicam) sensuum, hæc illos non prospiciat neque animaduertat, reliqua sensoria esse per se ipsa stupida, ac si oculus videat animalis, ipsum tamen nequam animaduertere quod videat, neque si agat ipsum agere: sensus enim est unus & principium hoc unum singula animaduertens prospiciensque perfecte, atque hinc est, ut quidam influxus conspirationis ab illa parte principe in singulas emittatur pro sensu, & motu obeundo, ceteraque ab ipsa dependent sensoria; & propterea dicebat Galenus primo de symptomatum causis capite octauo, cerebrum esse sensorium sensorium, & instrumentum instrumentorum,

O S hinc

hinc pendet illa lux sensuia & motuia, & quæ
catera fouet sensoria, cæterasque itidem par-
tes ad motum idoneas; propterea si cuius in-
fluxus intercipiatur, ipsa deflent à propriis
muneribus, & si sentire ac vigilare pars ista
non possit, consentaneum, imo necessarium
est, ut consentiant alia, eaque insuper quie-
scente quiescant, & compressa modo quo-
dam ipsæ simul comprimantur. Hæ omnia
sunt manifesta experimento sensato, illud
quoque manifestum est, quod virtus, quæ in
aliis partibus reperitur, pendet ab ista in esse,
& conseruari, quemadmodum lumen aeris
sibi ab astris communicatum, quod perpetuo
ab ipso astro pendet in esse, & conseruari:
nam vidimus in sectione canis viui rem pror-
fus admirabilem ligari, scilicet neruos recur-
rentes, & statim vocem esse interceptam, ei-
dem denuo solutis à vinculo, vocem integre
recuperatam fuisse, aut alterutro compre-
hensio dimidium vocis auferri, pariter etiam
si propter obstrucionem siue mollificatio-
nem nerui, aut aliam ipsius imbecillitatem
paralysis obtingat, ut aut influxus, aut virtu-
tis continuitas auferatur, aut instrumentum
ipsum fiat inualidum, nempe ex obstruktione
absolutionem eius impediente, aut mollifica-
tione auferente vigorem: pars enim quæ re-
linquitur nisi sit principio continua, & con-
sentiens, ab eoque non refoueatur, omnino
est

est inepta proprio muneri, neque vero spiritus, qui subiectis partibus permanebant, statim recurrunt sursum. Nam si tu ponis, fieri non posse, ut alii descendant, quomodo ascensus erit possibilis? Itaque ut per vigiliam huius partis & sensus primarii cætera vigilant sensoria, si recte se habeant, ita per eiusdem quietem & compressionem illius sensus cœtera quiescunt, ex quo stupida illa videbuntur, nisi hæc ipsis incumbat, & prospiciat prope emittens quandam virtutis aspirationem. Cum itaque in vigilia talis pars sit expedita, adeo, ut intentionem quandam substineat, quam proprius vigor facit, & virtus spiritus atque conatus, cum illius agitatione quadam & motu (ut ita dicam) conico, & illius sit prompta quædam idoneitas cunctis incumbendi, & animaduersio non impedita neque intercisa: ita talis partis quies ac prope compressio, in qua deponitur omnis omnino applicatio spiritus ferme omnino quiescunt, & vigor illius partis cedit, ut pars ipsa fere coniuicat & decumbat, illa dispositio affectio que somnus est, similis profecto oculorum cōniuentiæ & corporis totius remissioni, aut procidentiæ manus: cum enim cerebrum expeditum est, manet ut brachium tensum & conatum substinens, qui ascribitur rectrici facultati, & nervos intendentis: cum vero inexpeditum est, sed remissum quiescit, & vigore atque

atque conatum illum deponit, somnus est, & non absimilis remissioni ciudem brachii, atque ita principio sensuum quiescenti cætera consentiunt sensoria, vel etiam si quidpiam agant, se illud agere non agnoscunt, quia sompita est ipsa facultas animaduersua, & cunctis prospiciens perfecte, idemque fieri, si quæpiam materialis substantia aggrauationem pariat, ut vel ipsam faciat conniuere, & remittere ipsius vigorem atque intentionem, aut aspirationem illam intercipiat cohipeatque. Hinc est, ut merito post labore somni efficiantur, atque post animi quosdam defectus & spontaneas lassitudines, hinc etiam est, ut quicunque cerebrum habent minus firmum, sed laxum quidem illud atque obæsum, ad somni dispositionem sint cæteris paribus magis proclives. Somnus ergo est quies cōpressioque animalium facultatum per quietem & compressionem primæ partis, quæ primum appellatur sensituum ac principium sentienti, & si quis vellet substinere, nequaquam fieri sensationem per emissionem spiritus animalis non cogeretur utique, ut alias expli-
caui.

CAPUT VIII.

*Proponuntur nonnullæ dubitationes, ac
dissoluuntur.*

QUÆRVNTVR modo nonnulla, quorum explicatio maior erit totius questionis dilu-

dilucidatio. Primum, quod quæritur, est, an dormiente animali impeditatur influxus virtutis animalis ab ipso cerebro in subiectas partes: nam si non esset præpeditus, mirum, quin aliae partes in somno sentiant, & motui proprio singulæ sufficiant: si vero est interceptus, sequeretur, manum dormientis aut pedem nullo pacto esse ad sentiendum idoneam, postquam sensus harum partium pendet in esse, & conseruari ab illa prima: sic enim videmus fieri, si pars aliqua sit paralytica, & apoplextica certe non sentit, & forsitan est expertus motus, cum cerebrum virtutem illam non impertiatur. Secundo, an illa quies & vacatio primi sensitui sit spontanea vel naturalis: nam si esset spontanea, possemus statim dormire, cum primum in mentem subiret dormiendi desiderium, quemadmodum motus brachii, quia spontaneus est, & quies illius similiter, cum primum nobis placuerit, mouemus ipsum, aut contra submittimus, ut indulgeat quieti: si vero est naturalis, vtique non possemus quandoque ex arbitratu captare somnos, quemadmodum sœpe facimus. Tertio, si somnus est quies sensitæ ac motiæ partis animalium, vacatioque potissimum primi sensitui per essentiam; quamobrem non dicimus, apoplexiæ, caros, syncopes, & similes affectus esse sopores: sunt enim similes quedam primi sensitui vacationes. Quar-

to,

to, quomodo fit, ut dormientes nonnulli, quemadmodum diximus, opera quædam vigilantium obeant, ac postea illorum non sint memores, somniorum autem prope omnium possunt recordari. Quinto, quamobrem dormituris oculi primum cunctarum partium conniuere incipient, & grauentur velut onere pressi, ac si somnus in oculis esset; & quare frigida eis partibus illita, impetum & torporem somni nonnunquam restinguat, cum alioqui ipsa per se frigiditas potius somnum quam vigiliam alliciat, vtpote quæ immobilitati & pigritiæ momentum conferat, ac torporem per se inducat. Pro solutione primæ difficultatis recolendum est illud Aristotelis dictum, quod sensus est unus & sensorium primum unum, quod vel est cerebrum aut spiritus ipse, vt Ioannes Grammaticus: spiritus enim est sensorium commune, & sensus, qui in eo continetur, dicitur communis, qui in particularibus quibusdam sensoriis applicatus fit varius, & in principe quædam parte tanquam primario instrumento est sensus princeps; ideo quamvis multa essent sensoria, satis esset ad comprimentum ea sola compressio illius primæ particulæ, tametsi nullo modo aspiratio esset præpeditanam satis est, esse impeditam aut interceptam eius animadversionem, & suspensam omnino promptitudinem illam ad omnes applicatio-

tiones, ac vigorem eius esse remissum: videtur etenim somnus proprie tanquam remissio & vacatio primi illius sensitiui, aut quies. Hinc ergo fit, vt totus homo siue animal totum dormiat aut vigilet, sentiatq;. Et quamuis v-nasit pars quæ videt, animal tamen dicimus videre, animal mouere pedem, hominem mouere brachium: ipsum enim mouetur, mouet autem homo per appetitum & propriam formam, est autem illud principium sentiendi, quemadmodum si poneremus, telam aranearum totam esse sentientem & veluti animal vnum: araneam vero in medio adesse tanquam in centro & principio, profecto si medium illud sentire non posset, cæteræ quoque partes sentire non poterunt, quoniam singulæ consentiunt eidem principio: quomodo enim totus sensus expeditus erit, si principium ipsum inexpeditum maneat? quo animal totum vere sentiens est, atque cognoscens, & cæterarum partium, motiones alterationesque suscipiens, & recte diuidicans, & respondet huiusmodi consensus pro ratione affectus illius partis, quoniam si leuis est copula & quies, vacatioque non nimis alta, certe leuissimus torpor efficitur aliis partibus: si vero maiori ex causa altius comprimitur, profecto torpidissima, & pene sensus expertia fiunt alia sensoria, possumus etiam fateri, nequaquam solutū esse & expeditū illum

præclarissimum influxum sensuæ lucis ex cœrebro in subiectas partes, nunquam etenim fit, nisi illo vigorem obtinente & substinentे vigilem intentionem, quemadmodum neque neruus particulæ dat motum nisi intendatur; non secus itaque ipso flaccescente cœrebro motus aufertur ab aliis partibus, & sensus etiam illarum euadit ineptus. Ad secundam respondeo, somnos variis modis allicit: sæpe enim violenta est quies istius, & præter naturam à causis nimirum præter naturam agentibus excitata, quemadmodum sunt somni morbos: interdum naturaliter obtinunt post laborem vigiliæ, interdum etiam nostra cupiditas & deliberatio momentum ad somnum habet valde opportunum. Sed propterea non est quies omnino spontanea, qualis utique est quies brachii aut cruris: habet enim ad illam quietem absolute imperium appetitus; pars enī, quæ motum habet voluntarium, potest captare quietem, cum primum in mentem venerit, & cessare ab illo motu, possumus tamen nos indulgere quieti, conniuere oculos, suspendere omnem actionem applicationis, corpus ipsum remittere, atque intentionem corporis deponere. Hinc vero sequitur paulo post ipsius cerebri demissio vacatioque: ea enim non statim fit, quia spiritus eius conatum substinet, suaque agitatione & motu conico non vult dimitte-

reactionem propriam: gaudet enim quodan-
tenus motu, ac nonnulla solent esse impedi-
mento, nimis cogitatio alicuius quod a-
uide moueat, imaginatioque non iucunda
sit etiam necessaria, sollicitudo, & curæ spi-
rituum agitatio indefessa, vigilandi consue-
tudo, & delectatio, & multa ciuiusmodi. Com-
plura igitur nostro occurruunt appetitui, vt
propterea non statim possimus captare so-
mnos, cum accesserit cupiditas: nonnulli ve-
ro, qui cerebrum habent mollius & quasi
flaccidum minus, scilicet firmum & laxius, si-
ue etiam humore effectum languidum &
tanquam onere pressum, ii quamprimum in
somnum deferuntur citra ullam resistenti-
am, nisi voluptas vigilandi efficiat, vt cere-
brum non dimittat suam iucundam intentio-
nem: nam vicissim utraque iucunda est. Sed
dices, quomodo potest cerebrum connuere,
si perpetuo respirat, aut saltem mouetur con-
strictionis quodam motu atque dilatationis,
propter motum arteriarum frequetum, ex-
urgente nimis subsidenteque spiritu? Re-
spondeo, semper ipsum illo motu cieri, sed
tamen in somno ipsis accidere sicut homini
compresso, qui moueri posset obscurius, &
minus absolute ac expedite. Ad tertiam dico,
primum hoc sensituum multis modis affici
posse, sensumque ipsum comprimi, ac facul-
tatem animalem, primum per modum quie-

scentis, & quietem captantis post diuturnam vigiliam: omne namque nimium laborem parit: secundo potest comprimi ab aliqua causa cogente omnino præter naturam: tertio secundum modum quendam medium: quicunque innaturales sunt, & à causis præter naturam geniti varia & propria suscipiunt nomina. Cum etenim causæ sint diuersæ, affectus non consentiunt; itaque nec propriæ somni debent existimari: neque enim omnino excitabiles sunt, sed impotentia quædam vigilandi: reliquæ dispositiones sunt somni, hi quidem altiores, illi vero minus profundi, respondet enim affectus affectui, & consensus principio. Sed dices, quamobrem visus minus agere possit in somno, ac per eum minus expurgisci valeamus, quam per alios sensus: nam tametsi oculi essent aperti, obiecta tamen illis oblata non cognoscunt, attamen cognoscere deberent, quia facultas non est retraeta, & instrumentum erit bene affectum, per alios tamen sensus expurgisci possumus. Respondeo, quod istud sit ob varium modum, quo mouent obiecta, siquidem visibile mouet spiritualiter tantum, & leues sunt eius alterationes à proprio obiecto; itaque non stimulat sensituum, ac propterea maiori eget conuersione ad se ipsum, & attentione videntis: repugnat autem, sopitum animal esse conuersum intentumque circa rem visibili-

sibilem , & quamuis videretur se videre, nullo pacto ipsam animaduerteret, quia sopita est vis princeps , quæ est principium totius sensus ac facultas per se animaduersua : cætera autem sensibilia mouent vehementius & stimulant ; igitur possunt excitare. Nam somnus & vox alta impellit membranam, quæ est in concauo auris, & facit bombum in capite. Cauum etenim est, itaque facilime partem illam sopitam excitat. Ad quartam dico , eos homines , qui à visis altius afficiuntur , aut secundum naturam , aut ex vehementi occasione , vel potius consuetudine , quales potissimum sunt melancholici , & curis circumplexi , talia per somnum faciunt perperam somniando : nam vehemens aliqua imaginatio in somno , quæ somnium est , dum vehementer imprimit , tametsi rudis sit & intercisa , inexpeditaque , potest mouere corpus ex illa occasione , & apparenſ illa necessitas , vel impetus validæ imaginationis suadentis vires intendit ad motum & actionem imaginatam , quod sensum alioqui magis reprimit. Sed quia principium illud animi non erat expeditum , & per vim validæ imaginationis intercisæ magis ab omni alio extraneatum , & compreſsum vtraq; ratione , scilicet somni & vehementis imaginationis; propterea se illa agere non animaduertunt , neq; memores esse possunt eorum ,

cum fierent vigiles: nostis enim, nos esse illorum memores, quibus fuimus intenti, & animaduertimus cum obtingerent, tunc autem altissimus erat sopor, & mens tota in aliud quidpiam conuersa magis comprimitur, & minus est expedita; itaque cum nullo modo animaduertenterent, quæ agebant, non possunt recordari, quia si animaduertissent, destitissent utique, ac si quandoque fiunt memores, dicunt se somniasset, non autem egisse: nam imaginationis possunt recordari, cui incumbebant, actionum vero non possunt, quia quod agerent nullo pacto animaduertirent: nam etiam in vigilia si alta inuadat cogitatio in itinere, cogitamus quidem & vna incedimus, recordamur corum, quæ cogitamus, sed incessisse minime, quia non animaduertebamus illum motum aut alias huiusmodi actiones: somniorum vero nisi sint ad modum leuia & celerius obtingentia, nec alta nimis compressio, ut plurimum recordamur, quoniam intrinsecis illis phantasmatibus, quæ sibi præsentia sunt, tametsi existat inexpedita, ob dispositionem indebitam instrumenti potest incumbere. Ad postremam dico, ipsos oculos esse cerebro consentientissimos: hoc enim sensorium tum vicinissimum est, tum etiam solum sensoriorum omnium mouetur assidue; quapropter instanti somno & cerebri quadam remissione atq;

pigri-

pigritia, confestim pigerrimus fit oculus, & ad motum ineptus; itaque videtur sibi esse onus & palpebra, vult connuere, ac videtur suomet onere grauari, instrumentis scilicet ad motum eneruatis ob consensum principii & vicinitatem: cum autem frigida illinitur, quoniam totus aqueus est, & contractu illo gaudet, sensum aperit, ac mouet.

C A P V T I X.

*Explicatio in particulari, quomodo singula
allicit somnum, & qui magis ad so-
mnum sint proclives.*

HIIS itaque absolutis, consequens est, ut quomodo singula magis in particulari somnum allicit, explicemus. Primum igitur ex lassitudine, quæ ob diuturnum per vigiliū contrahitur, adesse oportebat istam somni tralationem & quietem, ac vicissim verumque: nam omne nimium est obnoxium. Cum igitur vis sensus vel sensituum ipsum est propter vigiliam labefactatum, quietem experit alioqui necessariam, vis eius submittitur ac flaccescit, & ipsum sibi ipsi videtur onustum, onus, inquam, molestum, & pigritia fit; itaque somnus obrepit, & corpus totum decumbit, primum autem ob id caput reclinat. Eodem modo post labores somni contingunt; nam lassitudo facit debilitatem vir-

tutis & omnium instrumentorum, ac denique vigilandi, agendi que amplius molestiam, ac forsitan quandam impotentiam. Primum itaque motus ac sensus instrumentum, quod est sensorium sensoriorum, & instrumentum instrumentorum, ad motum, inquam, pigerimum fit, & quies ab ipso incipit primum: sensus enim ac mouendi agendi facultas una & principium duntaxat vnum, non aliter ex balneo, quoniam dissoluit plurimum, & imbecillitatem parit, itidem ex quibusdam animi defectibus, qui celarem lassitudinem afferunt: quanto enim celerius fit, tanto etiam pigritia maior, & ferme vigilandi impotentia procedit, eadem ratione sudores quidam diaphoretici, quippe qui non modicam imbecillitatem & lassitudinem afferre possunt, & spirituum praesertim resolutionem. Consentaneum igitur est, ut vigor, qui potissimum è spiritibus dependet, flaccescat, ac primum ipsum principium, primumque instrumentum graue onus sibimet esse videatur, & impotens ad substinendos vigiliæ conatus, tametsi alias essent sibi gratissimi. Somni quoque à vaporibus siunt, ac praesertim ab assumpto cibo & potu: nam replent caput, & calorem spiritumque exturbant; itaque cerebri vigorem eneruant, & compressionem faciunt, ac vigilandi fastidium, partim etiam meatus ipsos obstruunt, ut fastidium hoc ma-

gis subcrescat; itaque somnos non immerito
cient; id itaque in febribus fieri solet circa ac-
cessionum initia, cum vapor affatim pluri-
mus sursum respirat ad caput: pariter ex vini
potu, & rebus aliis vaporem emitentibus
copiosiorem: nam sedem illam animi præ-
stantem compriment, & replent, pariuntque
fastidium vigilandi, cum reddant illam inex-
peditam ad actiones obeundas, & vires eius
eneruent, solent etiam vapores ibi in humo-
rem conuerti, ac partem eandem irrigare ut
pluvia, aut ros: sola enim multitudo præfer-
tim in humido loco facit densationem, &
humoris generationem, sicut in alembico &
operculo: humor autem facit aggrauatio-
nem & obstructionem, & ideo parit pigri-
tiam, & vigilandi ineptitudinem; itaque in e-
brio, nisi soluantur crapulæ, somnus semper
perseuerat. Pariter etiam humores tum com-
primendo, tum aggrauando, obstruendo &
eneruando per mollificationem somnum al-
liciunt, quia videtur ob id cerebrum esse sibi
met oneri, & vigilare non posse, quia non est
expeditum, & robur ciuius refractum: illi vero
si in partibus sentientibus fuerint ut tristis
fensationem aut distendendo, aut pungendo,
rodendoque faciant, vel quomodolibet alias
dolorem pariūt, si vero etiam in cerebri sub-
stantia non exiguiant ibi solum, acres tamen,
mixtam generant affectionem ex somno

& vigilia: nam aggrauatio obstruetioque, & eneruatio illius visceris soporem parit, siue in somnum delationem: erosio vero & punctio, aut mordax calor parit excitationem sensus, quia vellicat & stimulat perpetuo: in hunc modum sunt illæ lethargicæ phrenitides, & coma vigil, & variant affectus secundum magis & minus, prout alterutra causa magis obtinet. Ex compressione meninge non est mirum, si somnus fiat, & ille quidem altissimus, seu potius impotentia vigilandi, quia cerebrum velut onere pressum, inexpeditum est, & conatum illum alacrem refugit ad vigiliam necessariam, sed vires submittit, & prope eneruatum decumbit, quandoque etiam solum vestigium, & nota compressionis hoc idem facit, quoniam pro eodem est, ac si materiale aliquid actu semper comprimeret, quantum ad sensum, & hoc perseverat, quo usque passionis hæc soboles non erit extinta. Frigida quoque omnia soporem alliciunt, quia sensus immobilitatem & pigritiam faciunt, atque omnino vigilandi ineptitudinem stuporem afferunt, aut torporem modicum, qui somnum facit in cerebro: nam maior torpor maiore facit affectum. Ex molestia lectione somnus allicitur, quia facit in anima tædiosam & molestam applicationem, vnde sit molestia vigilandi & sentiendi; quamobrem pigritia sit sensui, & præsertim sensorio pri-

primo, cuius officium est singulis prospicere, & animaduertere. Amplius ex suauissimis sonis & harmoniis, quales per fabulas produnt fuisse in mari concentus Syrenarum iucundissimos, quoniam blandissimi soni demulcentaures suauiter, ac totum cerebri sensum: cauum enim est, & conterminum audituo; quapropter in illa blanda & suavi applicacione quasi manus dans recumbit ac requiescit; itaque facit delationem ad somnum, quem admodum apro accidit habenti crassum corium, & sensum ciui minus alacrem & insolentem, gaudet adeo prurigine, vt totum se extendat & recumbat, & decumbente totius conatu somnus illum inuadit: somnus enim vt quies est, atqui per sensum auditus magis appropriate allicitur homini, quia suum obiectum blande mouet, proximum est cerebro illud sensorium, & minus distrahit, videturque cerebrum intus afficere, vt superius dicebam, quietem amat, & fixionem blandam, quamuis etiam calores suaves somnos mouere eodem modo soleant. Vidimus præterea motionibus quibusdam & sonis minus blandis somnos cieri, quemadmodum nutrices suis infantulis saepè illum aceersunt: eos namque in cunis positos æquabiliter mouent, & canunt parum suauiter, aut sonis quibusdam ineptis obstrepunt, atque ita somnus illos inuadit, quoniam motus ille facit videndi fastidium,

dium, sonus autem audiendi; quapropter sensituum primum propter tedium & fastidium suspendit applicationem suam, & requiescens vires submittit; itaque somnus efficitur iure optimo. Tenebræ deinceps & silentium soporem afferunt ob sentiendi impotentiam: sic enim facta quiete mouetur sensus illius partis in amorem & voluptatem quietis. In hac postrema parte videbatur consentaneum, ut exponeremus, qui magis aut minus ad dormiendum aut vigilandum sint idonei: dicebat Aristoteles, habentes venas latiores minus esse ad dormiendum proclives, & ratio est, quia magis liberam habent transpirationem, & effluxum; quapropter minus obstructionibus corripiuntur, & in his maioris est caloris impetus, qui ad vigilandum haud parum prodeesse potest, hi quoque minus obæsi fiunt, & ideo magis expeditum habent cerebrum: sunt autem somnolentiores, quibus cerebrum est humectius, quoniam humor facit aggrauationem, & cerebrum ipsum, quo minus firmum est, quale per humorem efficitur, magis prompte vires submittit, & manus dat quieti: cum autem siccus est & durius, promptissimum est ad vigilandum: prope enim inflexible est, & remitti non potest, & quidam ob siccarn cerebri temperaturam prope omnino sunt vigilis, hoc modo contingit senibus propter æta-

ter
ti-
re-
ef-
si-
m-
ur
em
n-
ut
nt
as
li-
nt
er
in
i-
o-
i-
o-
s,
2-
le
es
n
-
-
s

tis temperaturam sicciorēm: nescit enim siccius cerebrum cōnniūere, & vires submittere: nonnulli quoque sunt propter frigiditatem somnolenti, atque alii propter calorem vigiles, atque nonnullis humor quidam acutus & calidus affluit, qui perpetuam fere vigiliam parit, quia vim habet excitandi non remissam. Ex his facile est plura cōgregare tum de temperamentis naturalibus, tum ætatum, tum denique secundum varios casus accidentium.

DE

DE FAME ET SITI OPVSCVLVM QVINTVM.

CAPUT L

De exortu famis & sitis, atque earum distinctione, & quibus conueniant.



VONIAM natura cunctorum entium non esse modo, verum etiam conseruationem affectauit ; propterea cum sublunarium præstantissima constituta iam essent corpora , vitali hac luce insignita, vt ipsa diutius possent permanere, & vitam degere, fomitem quandam instituit , nempe alimentum vitæ necessarium , quod non solum utile est ad augmentum , cum imperfecta quodam modo exoriantur , & periodum quandam perfectæ magnitudinis desiderent pro conuenientia formæ , & operationis secundum speciem præstantissimæ, verum etiam ad conseruationem , & caloris salutem : nam calor tum proprius , tum alienus , vt colligitur ex Aristotle de longitudine & breuitate vitæ , atque Hippocrate in libro de Alimento , substantiam propriam dissipat , quamobrem sit , vt animantium

tiū illa cumulatius, hæc autem minus egenant pro ratione caloris. Sed quoniam viuentium corporum, quibus est opus alimento, alia ipsum habent prope aut coniunctum, quemadmodum sunt plantarum genera, alia vero remotius querit, eo quod separatum habent, ideo factum est, ut plantæ, quæ tanquam in matrice perpetuo nutriuntur suggendo alimentum ē terra paratum, cui sunt affixæ, nullo sollicitarentur desiderio nutriendi, neque esuriant, tametsi naturalem (ut aiunt) habeant appetitum, qui profecto non est aliud, præterquam naturalis quædam, & insita promptitudo seu propensio, atque potentia ad excipiendum alimentum sibi conueniens, humorem, in quam, ē sinibus terræ suscepimus, quemadmodum diceremus, appetere ac trahere ad se oleum papyrum ardentem, aut quemuis alium succensum fomitum; ideoque satis (ut arbitror) improprie, & per quandam analogiam appetitus nuncupatur: cæteris vero, quæ habebant alimentum remotum ac separatum, opus erat sensu, atque desiderandi potentia, ut non obliterata semper, quandoque famis tentigine sollicitarentur ad alimenti desiderium, ne fortasse opus naturæ factum præclarissimum momento temporis contabesceret, atque hanc appetitum famem, quandam vero alium sitim nupsuparunt, idque proprium duntaxat est animali-

malibus, quippe quæ desiderandi habeant facultatem, videlicet sensum. Hinc præterea effectum est, ut mouendi quoque ipsis potentia asscriberetur, qua possent ad alimentum ferri, cum non habeant præsens, ac traditus est talis motus hisce quidem clariss, his vero obscurius: motum namque manifestum obtinuerunt ea, quæ ex uno in alium secedunt locum, immanifestum vero atque obscurum alia, quæ paulo minus, ac plantæ affixa viuunt, ob id sane plantamina nuncupata, sed hæc tales habent motum, vt possint sese dilatare, & contrahere, atque ita sibi solent parare alimenta necessaria, nequaquam tamen credendum est, motum etiam cæteris inesse propter alimentum, quasi vero plantæ vt animalia ad illud moueantur, adeo vt radices tanquam manus extendant & porrigan: hic enim non est proprius motus, sed naturale augmentum secundum viam generationis, quod nihilominus efficitur, vt per eas radices, veluti per os sugant, & corpus totum nutritur, quemadmodum inquit Aristoteles in libro de Plantis, & Hippocrates in libro de natura pueri. Empedocles vero, cum nimium tribueret calori & frigiditati, censebat, omne alimenti desiderium, qualecunq; illud sit, omnemq; nutritionem calori referendam esse, cum seruare ipsum oporteat per alimen-
tum subministrato fomite, atque ipsummet
cau-

causam esse suæ, ac totius instaurationis ob-
perennem renutritionem: nam manifeste vi-
debat, quæcunque corpora calidam vim ob-
tinentia, si paulo sint crassiora, quam natura
ignis desideret, ex necessitate indigere fomi-
te, & humore aliquo, si diutius debeant per-
manere, quod plane in singulis erit manife-
stum intuenti, & eorum quæ magis calida
sunt, aut magis etiam imperfecta, minusq; so-
lida, frequentius egent hoc dicto fomite, reli-
qua vero minus: calor enim natus est consu-
mere substantiæ propriam, nam sine ratione
agit, facitq; ipsam cōtabescere, nisi reparetur
humidū extrinsece, ut quasi pabulo refouea-
tur assidue: frigida vero videntur ceteris pari-
bus diuturniora, & nullo egere alimēto, quē-
admodum sunt lapides, metalla & eorum co-
gnata, quæ vel omnino sunt frigida, & solida,
vel parum obtinent caloris in substantia so-
lidissima, cuius pertinacia & resistendi poten-
tia vincit actionē modici caloris. Quæ plane
vera videri possent, si sumeretur alimentū la-
tius, nequaquam vero si in propria ac germa-
na acciperetur significatione: sic enim ad vi-
uentem, vt viuens est, refertur, quemadmo-
dum declarauimus in tractatu de nutritiua
potentia. Sitis vero minime fit cunctis viuen-
tibus; quapropter minus quam esuries patet,
neq; etiam communis est cūctis animalibus,
quoniam non est propter nutritionem essen-
tiali-

tialiter: potus enim aquæ non nutrit, nullamque accessionem ad substantiam facit, sed tamen ipsa quoque utilitatem non modicam ad alimentum habet. Cum enim siccis vescamur cibis, & sicciores fiant in ventriculo, si parum tenues assumantur; idcirco videbatur necessarius aliquis fluor, ut alimento misceretur sicciori, hic autem est potulenta substantia, cuius indigentia facit sitim; itaque prima utilitas eius est, quod per ipsam ministratur talis fluor, humidaque natura, cuius ratione melius unaquæque procedit concoctio in ventriculo: sic enim in leuorem detrita & attenuata facilius concoquuntur esculentæ, quemadmodum plane videmus in externis decoctionibus igne factis, & Chimiristarum genus cum soluere aliquid tentant, humorem commiscent solido, ut opus succedat ex voto; ac propterea nonnunquam in medio decoctionis alimenti efficitur potandi desiderium, & fortasse tunc potum dare aliquibus non esset inutile. Nam si plus a quo siccetur alimentum, tandem corrumpitur, & fœdum concipit odorem, parit grauitatem, & febrilem calorem: cum vero præclarum hoc munus peractum erit, abutitur deinceps natura eadem potulenta materia ad aliud ysum: nam pro vehiculo est ipsi alimento per angustissimas venas: id enim si relinquatur, solum obstruet meseraicas venas suo lento-

& crassitie, sed mixtum humidæ fluidæque naturæ per eas multo facilius sese insinuat. Tandem vero hoc alteratum, & sanguineæ substantiæ nonnihil obnoxium, in propriam quandam excernitur regionem: pars vero altera adhuc relinquitur minus fœculenta, mixta cum sanguine, ne concrescat in propriis vasis, & commode adhuc per vniuersam corporis molem distribuatur. Præterea multam affert utilitatem ad eam omnem siccitatem, quæ sit in corpore propter motum & calorem, necnon etiam ad teporem excedentis caliditatis; quamobrem sitis appetitus quidam frigidi & humidi definitur, præser-
tim vero ob cordis calorem & siccitatem, ea-
rumque partium, quæ spirationi momentum
habent, vt latius iam iam explicabo, eaq[ue]
potissimum ratione, vt ait Philosophus tertio
de partibus Animalium capite septimo. Hinc
etenim fit, vt nonnullæ animantes nullo mo-
do sitiant; aliæ vero per exiguo indigeant po-
tu, vt præcedenti asserebat capite: quæ enim
sunt exangues, ac potissimum infecta vel o-
mnino non bibunt, aut potulentis ipsis v-
tuntur, non potus, sed cibi gratia, siquidem
natura sanguinis facit feruorem, defectus
contra remissionem caloris & imbecillita-
tem; itaque proprium illis satis est humidum
cum aliqua esculentorum humiditate, quip-
pe quæ cibis vtruntur nequaquam siccis;

Q

quan-

quandoque tamen vtuntur potu, vt apes, vespæ & cognata eorum, præsertim in æstiuo caumate, quando & labor & extraneus calor propriam dissoluit humiditatem, & interraneus calor videtur accendi, plurima vero non sitiunt, & illa forsitan cibi potius, quam sitis gratia proficiscuntur ad aquas, aliorum illa, inquit Aristoteles, non sitiunt, quæ carent pulmone, vnde neque vesicam obtinuerunt, veluti sunt pisces, qui propter humidam temperiem, & loci in quo degunt naturam, ac ciborum qualitatem & assennendi modum nequaquam egebant potu; quapropter nec sitiunt, neque vesicam habent: corticata etiam omnia tum vesica, tum potus, qua potus est, desiderio carent excepta testudine: in hac enim corticatorum omnium natura tantummodo aptauit vesicam, cuius rei causam attulit Philosophus, quod marinae, præsertim testudines, pulmonem habent carnosum sanguineum, & similem bubulo, terrestres autem proportione maiorem. Aues præterea ex toto genere parum sitiunt, quoniam pulmonem habent laxum, pene exanguem, spumaque non absimilem, & quorundam illorum adeo exanguis est & laxus, vt omnino non sitiunt, nisi febricitent, aut præter natum caleant, quemadmodum sunt rapaces accipitres, aquila, falcones & eorum affines, atqui satis rationi consentaneum erat, vt a-

ucs

ues parum vel nihil biberent propter com-
moditatem operationis, quoniam potus
haud parum inutilis esset ad volatum; itaque
cœpit ex necessitate hac oriri naturalis con-
fuetudo. Vescuntur præterea secundum plu-
rimum humidis alimentis, quoniam rapaces
ænes vescuntur carnibus crudis cum multo
cruore, solidumque habent ventriculum, vn-
de minus humor transpirat, & parum illius
dimittit, cum semel conceperit, ac potus gra-
tia eructat in ventrem quidam humor pro-
portione respondens bili aut sero, qui tum
coctionem accelerat, atteritque statim ali-
menta, tum celeriter facit ipsa prolabi, cum
que humor in vesicam non excernatur, po-
test ille met sufficere, ne subinde potum des-
iderent, cum autem pulmonem illorum aspi-
cimus, naturam exanguem intuemur & la-
xam; vnde possumus colligere, in humano
genere eos, qui calidores sunt & siccii, pul-
monemque habent tum densum, tum magis
sanguinolentū, si siccām præsertim ventriculi
ac iecinoris substantiam obtineant, esse ma-
gis potatores, alios contra exiguo egere potu.

C A P V T II.

*Quid sit utraque appetentia, fames in-
quam, & sitis.*

CV M autē operæ pretiū sit ante alia deter-
minare, quid est sitis & fames, suscipiéda

est utriusque definitio, quam tradidit Aristoteles secundo de Anima tex. vigesimo octauo, cum palam diceret, famem esse appetitum calidi & sicci, sitim vero appetitum frigidi & humidi, vtraque certe definitio tum methodo est assignata, tum etiam ratione confirmata. Omnibus namque manifestum est, vtramque passionem esse desiderium quoddam. Sed quoniam hoc vel sensus, aut certe ipsius mentis est operatio affectioque: propterea citram controvrsiam vtraque concupiscentia reddenda est sensui, quippe quæ cunctis ascribatur animantibus: sensuum autem proprie conuenit tactui; is enim est sensus virtutæ & nutrimenti, vt ait Philosophus secundo de Anima. Idcirco credendum erat, famem & sitim esse appetitum eorum, quæ tactu cognoscit facultas, hæc autem est calidi, frigidi, humidi & sicci; idcirco fames & sitis est appetitus istorum, atque horum potissimum, quoniam ex his constamus, & prout duplex efficitur indigentia, calidi scilicet & sicci, frigidi quoque & humidi, ita duplex appetitus oriens debebat, eum vero, qui calidi & sicci indigentiam sentatur, appellarunt famem, alterum deinde sitim nuncuparunt: satis enim id manifestum esse debet, candem facultatem, quæ cognoscit, desiderare, & appetere: nam si seclus fieret, idem esset, atque si ego cognoscerem bonum aliquod, tu vero ipsum desiderares,

res, siue Socrates haberet aliquius rei indigentiam, attamen illam appeteret Plato. Cum igitur sentiat tactus indigentiam humidi & frigidi, vel contrariam intemperiem, calidam & siccam, quam ægre ferat, appetit frigidam humidamque potionem, ut indigentia hæc, quæ tristis est, repleatur, & sentiens defectum calidi & siccii, esculenta desiderat, & famis prurigine sollicitatur. Id etiam optima ratione confirmatur: nam fames debet esse appetitus eorum, quæ corpora nutriunt; fames enim est propter instaurationem deperditi, ut conseruetur substantia, aut etiam augeatur, quantum fieri potest, ac decet pro forma, sed calido & sicco nutrimur; ideo fames calidi & siccii est appetitus. Hic tamen me pupugit quædam difficultas, quoniam inquit Aristoteles in libro de Invenientia & Senectute, nos calido humidoque nutriti, quomodo igitur fames erit appetitus calidi & siccii? Quin etiam si considerentur alimenta, aut sermo erit de intrinseco alimento, aut de eo, quod extrinsecum appellatur, si sumamus extrinsecum, certe neque natura hominis omnino sicta desiderat, imo pueri lac appetunt, adulescentes iuscula quædam, contusa & liquida, quæ actu & potestate sunt humida, si intueamur alimentum intrinsecum, hoc plane humidum est & calidum, ut inquit Aristoteles tertio de partibus Animalium; quamobrem

potius dicendum erat, fames est appetitus calidi & humidi, quam calidi & siccii, aut simpli-
citer fames est desiderium cibi, qualisunque
is sit, dummodo videatur conueniens: saepe e-
nim sicca, interdum etiam humida desidera-
mus esculenta; sitis autem dicetur potandi
concupiscentia: si autem in aliorum species
aciem conuertamus, pleraque tantum abest,
ut sicca desiderent, quod nisi humida actu
habeant, omnino abstinent, & famem diu-
tius ferunt: si vero accipiamus alimentum in-
trinsicum, illorum etiam humidum est; ita-
que fames non est appetitus calidi & siccii.
Respondeo huic difficultati, quod humili-
dum est duplex, alterum fluidum & rori-
dum, alterum autem solidum, atque fa-
mes appetitus est humili solidi, id vero cum
solidum sit comparatione humili roridi,
quod sitim mouet, dicitur siccum, ac fames
calidi & siccii desiderium, appello nunc soli-
dum quandam substantiam paulo crassio-
rem, & quantum ad modum pertinet, paulo
consistentiorem, quippe futura sit nutri-
mento solidarum partium, totumque ani-
mal, & caloris naturam refouere debeat, ac
reparare id, quod erat perditum: sed quo-
niam hoc humidum solidum animal ipsum
coniunctum non habet; propterea extrinse-
ca cupit alimenta. Cum autem queritur, v-
trum sit appetitus extrinseci alimenti; fateor
equi-

equidem: nam manifeste id patet, atque illud est, quod appetitiam hanc sedat, dum ingreditur; attamen hoc alimentum, inquit Aristoteles secundo de Anima textu quadragesimoquinto in principio, est dissimile, & quodam modo contrarium: in fine vero vi caloris efficitur simile, ac propterea calidum humidumq; redditur, ea nimis humilitate, quale est id, quod nutritur; sic enim inquit ad verbum: (At enim interest plane si nutrimentum sit id, quod ultimo tandem adiungitur, atque additur, an non hoc, sed id, quod primum ingreditur, quod si utrumque quidem est alimentum, alterum tamen est digestum, alterum indigestum, utroque profecto modo & contrario contrarium, & simile simili dicere licet nutritiri: nam si ut indigestum sumatur, contrarium contrario alitur, si ut digestum, simile simili nimis hoc pacto nutritur.) Ex his ergo fatis patet, famem esse appetitum calidi & humidi, id tamen aut in principio tale, vel saltē in fine, cum passum aliquid atque alteratum fuerit. Sed iam reuertamur ad propositum nostrum, unde discessimus: nam probare nitebamur, famem esse huiuscmodi calidi atque humidi solidioris desiderium. Etenim illius est appetitus, in quo vita ipsius animalis consistit, id enim nutritiens est, & vitam reparans, ea vero in calido & humido consistit; igitur

fames est talis humidi appetitus. Amplius eorum est fames, ut initio dicebamus, quibus etiam constamus, calido autem humidoque solido constamus, quod siccum aliquo modo est, cum termino proprio continetur, aut tali saltem in respectu. Præterea fames est appetitus instaurandi deperditum: quale igitur est id, quod fuit deperditum, tale etiam debet esse illud, quod appetimus, id vero est calidum & humidū solidum; ergo fames est quædam illius concupiscentia. Amplius tale est nutrimentum, quale est id, quod ab initio generationis ministrat natura: hoc autem est calidum & quodam pacto humidum solidum, ut patet in iis, quæ ex verme, ex ouo, aut semine generantur, quibus omnibus talem subministrat substantiam, quæ futura sit nutrimentum eius quod generatur. Cæterum quia dicit, etiam in definitione est appetitus calidi, se se offert occasio dubitandi, si sit calidi in actu, vel potestate tantum: multis plane videretur esse appetitus calidi in actu, atque ob id nos fercula desiderare actu calida: quod tamen absurdum est, ut paulo post profuse dicemus, ob id fateor ex mente Aristotelis loco nuper citato, famem esse appetitum calidi saltem in fine, atque adeo si quispiam diceret, fames est appetitus cibi siue alimenti, hoc ipsum fateretur diminute, siquidem Aristoteles asscutus est definitionem hanc perfecti-

fectissime: alimentum enim est pro materiali solum, sed ponendo calidum & humidum connotatur hoc, & alimenti ipsius natura, in quam conueriti debeat, & qua potissimum ratione alimentum dicatur; namque hoc modo natum est actu, & proxime nutrire. Et hæc proprie est formalis definitio, quoniam hæc est natura famis, & illa sitis: cæteræ autem, quas attulit Galenus, sunt causales, quippe quæ per causam facientem, coniunctam tamen, assignantur, cum diceret, fames est sensus suctionis, aut alias fames est sensus indigentiae alimentorum.

C A P V T III.

*Qua parte corporis, item qua parte anima
cognoscente fiat fames, atque omnino de
partibus cibo accommo-
datis.*

MIHI visum est, semper aliquos posse supicari, ut fames sit passio quædam totius sensus, nullius autem determinata, ac singularum etiam totius corporis partium, conceptaculum tamen eorum, quæ comeduntur, esse duntaxat vnum. Etenim si fames indigentiam sequitur, & propter instauracionem sit eius, quod est deperditum, ut perinde seruetur animalis substantia, certe in singulis partibus nostri corporis fieri deberet, post-

quam singulæ inaniunter, & reparacionis e-
gent: accedit etiam, quod æque omnes ha-
beant sentiendi facultatem, vt gaudere va-
leant, & vicissim tristari, gaudere quidem
propter conueniens & salutem, tristari vero
propter defectum & contraria, neque videri
potest, vt aliqua tantummodo pars corporis
esuriat per disciplinam & consuetudinem,
quoniam esuries est appetitus, quoad origi-
nem pertinet naturalis, & eque sit primis die-
bus atque in senio. Alii contra existimarent
quidem, per vnam duntaxat partem esurire,
quam ventriculum appellant, sed tamen eam
proprium quendam sensum huic rei conscri-
ptum obtinere, cuius expertes sunt aliae par-
tes: quemadmodum vna duntaxat parte videt
animal, nimirum oculo, quippe qui solum in-
strumentum sit idoneum ad hanc actionem
propter substantiam transpicuam. Cum enim
sensus animalis sit unus, idemque applicatio-
ne ad instrumenta fiat varius, utpote applica-
tus tympano fit virtus auditiva, coniunctus
pupillæ fit idoneus visioni, & sic de cæteris. E-
rit etiam, si coniungatur ventriculo, peculia-
ris quidam sensus alimenti, & eorum o-
mnium, quæ comeduntur ac bibuntur, ipse
etenim ventriculus est instrumentaria pars,
& proportionem habet ad pupillam, ad
membranam, ad carunculam, & consimilia
instrumenta; quamobrem cunctarum par-
tiuum

tium vna dunt taxat esuriret, ac sextus daretur sensus, alias vero si sensum haberet eundem, & ratione huius instrumenti nullo modo esset diuersus, certe non minus aliæ partes famescerent, atque adeo sumpto cibo, qui satis sit, fames adhuc instaret, non accedente iam alimento in omnes partes, neque id videtur ascribendum esse ventriculo propter sensus alacritatem: nam multæ partes sunt, quæ vel non deficiunt ab eo, vel fortasse etiam sensum habent acutiores, & magis insolentes, neque ratione suctionis: nam pariter fieret in hepate, in quo venæ radicantur secundum opinionem Galeni, vel in ipso corde ex opinione Aristotelis; quin etiam suétio magis ad mesereon pertingit, in quam partem lactes, seu venæ meseraicae producuntur, neq; etiam ob disciplinam & consuetudinem; hoc enim confutauimus paulo superius: reliquum est igitur, ut si in vna parte fiat, nempe in ventriculo, cum proprium quēdam habere sensum, utpote sextum in numero, qui propterea dicatur sensus cibi & potus, siue alimenti. Mihi tamen videtur vtrāq; opinionē decipi: quod enim ad sensuum numerum accessionē facere nō oporteat, manifestum est. Nam si ex ipsa definitione fames & sitis sunt appetitus calidi & frigidi, humidi & sicci, quomodo fieri potest, ne tactus sit sensus eorū? quamobrem Arist. hoc ita determinauit secundo libro de

Ani-

Anima tēx. vigeſimooctauo his verbis: Ali-
menti præterea ſenſum habent: tactus enim
ſenſus eſt illius; nam ſiccis & humidis, calidis
atque frigidis aluntur viuentia cuncta, ho-
rum autem, vt patet, ſenſus eſt tactus, cæteris
vero per accidens nutriuntur. Vides hoc lo-
co, quam clare id fateatur, & quomodo illius
demonstrationem auſpicetur ab obieſto,
quoniam, inquit, fames eſt appetitus calidi &
ſicci, vel humidí ſolidi, tu vero ſcis, nequa-
quam augendum eſſe numerum potentia-
rum, niſi ſubcrescat numerus ſubiectorum.
Attamen quod ad primam pertinet opinio-
nem, appetitus alimenti diuifus eſt bifariam,
in naturalem videlicet appetentiam, atque
etiam in animalem. Peripatetici fatentur,
partes omnes totius corporis naturaliter de-
ſiderare, ſed propriam indigentiam planta-
rum more nec ſentire, neque cognoscere:
nam ſi trahant, fuſcipiantque alimentum, ſi
inaniuntur omnia ſunt vt habitus quidam &
actiones naturales, vnde ſicut plantæ natu-
raliter attrahunt, primum videlicet illud ali-
mentum ex venis, venæ ex hepari, hepar au-
tem ex ventriculo mediantibus venis meſe-
raicis, in quibus tanta partium orta eſt diſtin-
ctio, & naturalis ſecretio propter commodi-
tatem necessitate inque naturæ, & magnitu-
dinem corporis, vna diuitaxat pars relinqui-
tur, quaſ ſuo ſenſu, & illo quidem non obtu-
ſo, ſu-

so, suctionem & indigentiam cognoscit alimentorum, & ægre fert, quapropter auet: sed hoc videtur Aristoteli repugnare, siquidem ait tertio Ethicorum cap. quinto, famem necessitate fieri, & nequaquam esse in nobis, at tamen si appetitus esset animalis, contingens esset: hoc enim modo animalis appetitus à naturali differt. Satisfacit ibidem Aristot. quod animales appetitus, quorum principium non est in nobis, non sunt spontanei, fames autem & fitis sunt illo modo: nam causa mouet necessario, attamen non sine cognitione, alii vero, qui sunt aliquo duntaxat obiective mouente, non sunt necessarii, sed spontanei appetitus. At credere dignum est omnem partem cibo accommodatam veluti conceptaculum eius, & instrumentum ad coctionem esurire, quippe quæ alimenti extrinseci sensum habeat, & cuius gaudet plenitudine, eius quoque inanitionem ægreferat, quamobrem desiderium illud exoriatur, necesse est. Et certe si fames est propter alimentum extraneum, hoc autem à determinata parte suscipitur pro toto animali, dicendum est, totum quoque animal famescere secundum partem eandem, ideoque fieri, ut statim suscepit cibo, qui quidem satis sit, continuo sedetur fames, tum vel magis quia sensus est unus, & per unam, ut diximus, partem suscipiens, quod videtur ab ipsa natura haud temere

mere factum: nam si cæteræ etiam partes esurirent eodem modo sicut ventriculus, profecto ipsum animal incidisset in dogma perpetuae calamitatis, quoniam perpetua cogetur fame vexari, cum non statim assumpsum alimentum per singulas partes distribuat: partes autem illæ, quæ cibo accommodantur, non omnibus sunt eædem, nec numero & specie pares: nam alia vnicum habent ventrem, alia vero plures; quod quidem factum est, aut propter naturam animalis, vel propter qualitatem alimentorum, magnitudinem corporis, & modum, quo ingeruntur: ea enim, quæ sunt vtrinque dentata, vnicum dunt taxat ventrem solent obtinere, quippe quæ has partes habeant molendo cibo, & quadam tenus preparando satis idoneas, nonnulla vero ob corporis magnitudinem & cibi difficultatem, & nequaquam ad coctionem idonei, sed spinosi & lignei multiplicem habent ventrem, ut camelus, qui veluti non dentatis animalibus similes habet ventres, ita dentes etiam simili modo sortitur, utpote parum necessarios; quapropter more cornigerorum ruminare videtur: factum est autem, ut ruminantia & cornigera, ac quæcunque non sunt vtrinque dentata, multos haberent ventres propter inopiam dentium, ut aliis ab alio suscipiat, & in postremo demum perficiatur conceptaculo satis iam in aliis attritum alimentum,

tum, atque adeo hisce ruminantibus quatuor ventres distincti aliquo pacto reperiuntur, quorum nomina, ut placuit Aristoteli, sunt venter, araneum, siue reticulum, omasum, & abomasum, eademq; ratione aues vel saltem geminos habent, ipsumq; præsertim ventriculum solidissimum, quoniam præduri scuntur alimentis, & nullo dentium ordine muniuntur; primam itaque partem apposite nuncuparunt ingluuiem, alteram autem ventriculam, & natura, ut dixi, in eius partis formatione robur adhibuit caloris & substantiam solidam, ut oris defectum ita rependeret & compensaret; ac propterea non est mirum, si columbarum genus parietum fragmenta & tectoria comedat, ac digerere possit, & struthiocamelus vescatur, ut aiunt, ferro, ipsumq; faciat fluxile: nam ventrem habet solidissimum, densum scilicet & crassum, multoque præditum calore, qui propter vehementis robur talia nonnunquam desiderat esculenta, tum frigidiora, tum valde solida, ut impetum actionis cohipeat, ac cætera non dissipentur alimenta, quæ paulatim actione diuturna in aliam inuertit naturam. Sed ego, ut ingenue fatear, non sum admodum facilis ad credendum: qui enim cito credit, leuis est corde; ac propterea dubitaui, ne hoc temere crederetur: res enim ardua est, ut ferrū attenuatur, & soluatur adeo in fluorem, ut speciem

mutet, ac fluidum, mutatumque in aliam na-
turam, omnino permaneat ab animalis scili-
cet calore, quod alioqui, si à calore ignis fun-
di & liquari debeat, id nisi diuturno tempore,
& ab igne validissimo fieri posset, & forsitan
non immutaretur; quamobrem vereor, ne
paulo post non immutatum quidem exer-
natur, vel si forte id non est, ne humor aliquis
generetur in eorum ventriculo, proportione
respondens cuidam menstruo Chimistarum;
quod potest emollire, & attenuare ferri sub-
stantiam, quæ sic præparata facilius deinde
possit transmutari ab illo calore valido, adhi-
bita potissimum actione diurna: at qui non
est mirum, si talis humor in ea parte genera-
tur: id enim si secundum artem fit, id ipsum
certe multo forsitan facilitis secundum na-
turam fieri potest. Cum vero plures sint ani-
malium quorundam ventres, non in sepi-
quispiam dubitaret, utrum fames æque in o-
mnibus fiat, aut in uno tantum, videlicet pri-
mum suscipiente. Porro si fiat in omnibus,
non esset consentaneum rationi, ut mox in-
gesto cibo sedetur fames, quoniam non po-
test eodem tempore in omnes ventres de-
scendere. Cum itaque adhuc inanis perma-
neat aliquis venter, qui indigentiam natus sit
cognoscere, profecto sequetur, ipsum adhuc
esfure, & famis desiderium non esse penitus
extinctum; sicut autem fiat in primo tantum

ventre, fames nequaquam fieret in ventriculo, qui maius alioqui ad alimenta momentum habet. Respondeo huic difficultati, quod sensus alimenti est æque in omnibus ventribus, sed quia sensus est unus, & natura una, expletur appetitus plenitudine primæ partis, & propter hanc unitatem naturæ & conspirationem communem efficitur, ut totum animal mox suscepito alimento refici videatur. Accedit etiam, quod alimenti pars semper aliqua transcolat, & prolabitur, illæque omnes sunt partes colligatae, & ad unum idemque munus consentientes, ac prope se habentes tanquam magni alicuius conceptaculi multæ cavitates, quarum omnium membrana subcingens est una atque communis. Cum itaque prima pars impletur cibo vel potu, consentaneæ explebitur desiderium universum; nequaquam igitur credendum est, in primo duntaxat ventre fieri famem. Nam ingluuies, ut manifeste patet, minus momentum habet ad alimenti confectionem. Patet etiam, quod fames non repetit, quo usque cibis non exiguis in alterutro permaneat ventre, reficitur etiam & roboratur calor, & visaliorum ob plenitudinem primi, atque ita sedatur illa tristis sensatio, quæ erat causa desiderii.

*An paruula animantia, cum sunt in matre,
esuriant, & cibum quo pacto as-
sumant.*

MAGNA equidem sese obtulit difficultas, cum præcedenti capite constitutum esset, famem esse passionem ventriculi, & omnino conceptaculorum alimenti, quæ sunt in eadem affinitate, atque inter se tum officio, tum communi vinculo coniuncta, hinc sane videretur, ne immatura animalia, cum in matrice viuunt, nullo pacto famem sentiant, quippe quæ cibis non vtantur per os assumptis, neque potibus ullis, sed omnino vita matris viuant, aut potius, ne fames etiam in hepate efficeretur, postquam attrahunt alimento per venas & arterias umbilicales, quæ radicum more inseruntur in utero, & inde adducunt alimentum sanguineum in ictoris substantiam, & nisi pars illa sensum haberet suctionis, profecto nunquam moueretur ad alimenti desiderium, & frustraretur opus naturæ. Hippocrates vero ob id ait in libro de Carnibus, puerum in utero materno sugere alimentum labiis, unde sequeretur, ipsum esurire per partem conuenientem, scilicet ventriculum, postquam in illo fieret prima susceptio cibi, imo etiam spiritum trahere eodem tempore confitetur, quod etiam dixerat

xerat in libro de Natura pueri , ait siquidem hoc modo : Cæterum puer in vtero comprimens labra ex vtero matris fugit , & tum alimentum , tum spiritum cordi intro trahit , vbi sane matrix respirarit : hoc enim calidissimum est . Et ne videretur hoc temere dixisse , duabus potissimum confirmauit rationibus , quarum prima hæc est , quia pueri nascuntur sterlus in intestinis habentes , & vbi nati fuerint , celerrime ventrem tum homines , tum pecora exonerant , attamen sterlus non haberent , nisi in vtero suxissent labiis . Cum primum etiam nati fuerint , incipiunt māmmas fugere , & videntur os ipsum extendere & iactare , quasi vero adhuc essent in matrice , nequaquam tamen id facerent , nisi didicissent prius . Accedit quoque & ter tia ratio , quandoquidem videmus , animalia , quæ nascuntur ex ouo , cum alimentum pro portione quadam coniunctum habeant ipsum , scilicet vitellum , nam ex albumine animal generatur , cuncta profecto per os attrahunt , non secus atque si perfecta iam fracto putamine foris degerent , & alimento vescerentur extraneo : eodem quoque modo nutriuntur alia , quæ generantur ex verme , quibus natura partem quandam relinquit , velut alimentum coniunctum vitæ necessariū , quoad perficiatur , & maturū fiat animal , non secus igitur credendum est , vt alia , quæ in

vtero degunt, suscipiant alimentum sibi à na-
tura paratum.) Idem vero Hippocrates ait in
libro de Alimento, puerum in vtero matris
suscipere alimentum per abdomen, ac pro-
prie per ipsum umbilicum. Porro sic inquit
ad verbum: (Principium alimenti & humidi
& siccii, os, gula, venter, verum antiquius ac
primordiale alimentum per abdomen umbili-
cus.) ubi clare fatetur, primordiale, hoc est,
vetus illud alimentum, quo in primitiis æta-
tis nostræ utimur, in vtero materno princi-
pium habere in abdомine, utpote quod per
umbilicum trahatur, quemadmodum dixi-
mus supra: postea vero inquit, principium e-
sculentorum omnium, & potulentorum siue
recentioris alimenti, est os & gula: itaque ma-
nifeste videtur Hippocrates de eodem con-
traria dicere, qua in re si sequamur Galeni
sententiam, qui credebat, librum de Alimen-
to non esse germanum Hippo. hominis ta-
men nequaquam plebei & vulgaris, ac forsitan
ipsius Thessali, vel, ut aliis placet, Herophi-
li, tollitur quidem nota contradictionis
in eo, sed relinquitur illa positio, quam auer-
fati sunt omnes alii, praesertim Aristoteles &
Galenus. Nam manifeste videtur absurdum,
ut pueri per os sugant in vtero compressis la-
biis, postquam sanguineo vescuntur alimen-
to, confecto prius in iecore matris, frustra si-
quidem repeteretur hæc actio, frustra etiam
fie-

fierent illæ venæ , & arteriæ umbilicales , nul-
lum præterea usum habentes , ac propterea
credimus , immaturos fœtus , si in utero exi-
stant , habere duntaxat appetitum quendam
naturalem , similem plantis , animalem autem
appetentiam non habere , quippe quæ sequi-
tur sensum suctionis in ventriculo , tunc au-
tem fit suuctio attractioque per venas ipsas
umbilicales ab utero matris , non ex ventre ;
quamobrem matris vita videntur vivere ,
quasi partes ipsius adnatæ , & appendices vte-
rorum ; fieri tamen posse existimo , si modo a-
liquo obstruantur hæc vasa umbilicalia , vt
generetur fames : nam alio secundum natu-
ram auerteretur suuctio ; fugerent enim ab i-
psa ventriculo , & pro tritii sensu suctionis
efficeretur illa ventriculi fames , quæ est appe-
titus animalis , nisi fortassis adeo imperfecta
sint , & sensus adeo obtusus , vt fere planta-
rum more vivant : cum vero adoluerint , &
vberius incipiunt egere alimento , ac fortasse
etiam respiratione , tunc suuctio fit etiam a
ventriculo , & incipiunt esurire ; quapropter
statim videntur famescere , cum foras erupe-
rint , & pro ventris appetitu , quem antea sen-
tiebant , os adhibent paratum suctioni ob na-
turalem necessitatem citra disciplinam : hæc
enim & ipsius cognata sineulla disciplina
sunt . Reliqua itidem animantia , quæ intra
ouum generantur , sineulla controversia per-

os fugent alimentum; ac propterea dignum est credere, his fieri famem, si fortasse venter inanis fiat: nam suetio in illis fieret, & propterea propter indigentiam tristis sensatio; ideoque deficiente, ut aiunt, coniuncto alimento frangunt putamina, & foras secedunt. Rationes autem Hippocratis facilime diluuntur: quod enim ad primam pertinet, in eum statim reflecteretur, siquidem ipsi mirum videbatur ut puer, cum foras prodiisset, sciat sugere alimentum labiis, nisi id prius fecisset in vtero, & mihi videretur etiam difficultius, ut idem puer longe imperfectior inciperet sugere in vtero, nisi prius didicisset officium suetionis, sed quomodo illud fieri possit sine disciplina & consuetudine, superius explicaui. Secunda itidem ratio reflecti potest: nam si puer in vtero per os sugeret alimentum, toto profecto illo tempore efficerentur foeda excrementa primæ concoctionis; quamobrem puer in vtero egereret, ac fieret pro matrice cloaca, & quoniam huiusmodi excrementorum genus prauum est & putridum, diutius citra noxam contineri non potest, neque satis videri potest, quoniam sit substantia sanguinea. Nam si nos sanguine vescamur, efficitur etiam illud excrementum, ac certe si sanguis in ventriculi cavitatem descendat, mirum eset, nisi congelaretur vel densior fieret & concreceret, quemadmo-

admodum videmus fieri, si venæ aliquæ sanguinem effundant in ventrem, aut aliam huiusmodi cavitatem: illud autem excrementum, quod paulo post exortum egerunt, est pars fœculenti sanguinis, quæ loco excrementi secernitur, & deponitur ab hepate in locum illum satis huic excremento accommodatum, quod proportione respondet ei, quod fit ab alimento recentiori, eaq; ratione videtur esse quædam substantia subnigra, & nullum prauum referens odorem modicæ quantitatis, quoniam propter necessitatem nutriendi parum ex multo deiicitur: in consistentia vero est crassiusculum propter diuturnam actionē caloris, atq; hinc etiā patet, neq; illud tale excrementū esse factū ex parte eius aliqua, quod per os descēdit, tametsi maior pars alimenti per venas vmbilicales abeat, vt aliqui fortassis existimarent. Tertium postremo argumentū nullius est roboris; idcirco ad alia, quæ magis instat, proficiamur.

C A P V T V.

Qua parte fiat sitis.

SED quo in loco fiat sitis, & in quam partem potus abeat, differendum est, quoniā Aristoteles, Hippocrates & Galenus præbuerunt occasionem dubitandi, & controversias scribendo fecerunt. Aristoteles tamen tertio de partib. animaliū, capite tertio fatetur, po-

tum per gūlam, quam cœsophagum appellant, descendere in ventriculi cavitatem, & reprehendit eos, qui potum per arteriam prolabi existimabant, quod ascripserunt Democrito, profecto, inquit, irridendam esse istorum opinionem multiplici ratione. Primum quia meatus nullus de pulmone in ventrem obducitur, quemadmodum ex ore gūlam tendere suspicimus, id vero necessarium esset, quoniam de iici postquam fuerit assumptum, oportet, & cum alimento adduci, postquam necessarium valde ad hoc vnum potum esse dicebamus, ut alimenti coctionem iuuaret, ipsumque deinde efficeret idoneum penetrationi; itaque in ventrem oportet delabi, ut misceatur esculentis siccioribus, & clixatio illa ventriculi optime fiat humidi commixtione. Præterea inquit, per vomitum & naufragium vnde nam humor remeat, incertum non est, quasi vero dicere hoc velit, si vomitus educit ex ventre, tussis autem expectorat, humor non vomitu, sed tussi tantum excerneretur. Cum igitur per vomitum prodeat, ex ipso remeat ventriculo; in eum igitur etiam descendit omnis potulenta materia; itaque locus idem est conceptraculum potus & cibi, atque eadem hac ipsa parte fit fames & sitis. Præterea confirmat hoc experimento, quoniam saepe apparuerunt excrementa tintæ fece vini atri, & in ventris vulnere, seu
quod

quod usque ad intestina penetrabat, hoc idem patuit, cum foras ex vulneris orificio talis humida prodiret substantia, qualis antea fuerat assumpta. Accedit etiam, quod potionēs medicamentosæ & laxatiuæ, quæ bibuntur, in pulmonem etiam allaberentur, atque adeo non euacuarent per secessum, neque etiam vomitu redderentur, quod sèpius accidit: tum etiam, quia plerunque experimur, si bibendo aut edendo pars aliqua per arteriam descendat, tussim fieri propemodum incomprehibilem, strangulatus, & tormina. Quomodo igitur fieri potest, ut potus vniuersim descendat in hunc locum? Propterea namque videmus naturam, quæ coniuxerat gulam & arteriam, ut incommode hoc vitare alioqui non exiguum, molitiam esse minorem ligulam, ut arteriam operiret, eamque singula obtinere viuipera, quibus nec cortex, neque penna est operimento: corticatis enim pannatisque animalibus guttur viceligulæ cooperientis ipsum contrahitur & dividitur, quemadmodum illis spiritui trahendo reddendoque aperitur, ciboque ingerendo clauditur, ne quid illabatur cum magno incommodo. Ego tamen innixus eiusdem Aristotelis auctoritati, Hippocratis atque Galeni, existimo, potum prope totum descendere in ventriculum, eius vero partem aliquam prolabi in pulmonem per asperam arteriam,

teriam, atque adeo sitim fieri pro qualibet
siccitate & calore istarum partium, potissi-
mum autem in ventriculo, quemadmodum
ipse est præcipuum conceptaculum potulen-
torum, eamque ob rationem Medici prope
omnes ex gulæ etiam & palati siccitate existi-
mant fieri sitim, eam tamen esse mendosam,
siquidem non fiat neque in proprio viscere,
neque defectum humidi roridi in toto aut in
ea ipsa parte sectetur, quod alioqui ad veram
germanamque sitim necessarium illis esse vi-
detur. Quod enim per arteriam non nihil de-
scendat, manifeste declarauit Hippocrates in
libro de Corde: inquit etenim, homo multo
maximam partem in ventrem bibit, gula
enim siue stomachus velut infundibulum
potus copiam, & quæcunque volumus, exci-
pit: bibit autem & in guttur ac arteriam,
minus vero & quantum latere possit per ri-
manum illapsum; operculum enim exutum epi-
glossis, ligula, seu minor lingua appellata, ne
permiserit quidem aliquid amplioris potus
penetrare. Hoc etiam confirmauit experi-
mento, signum, inquiens, illius rei hoc esse,
quod si quis admodum sitienti animali a-
quam rubrico intinctam colore bibendam
dederit, præsertim suibus, (hoc enim pecus
non est curiosum, neque munditiei deditum)
paulo autem post ipsius guttur resecet, inue-
nit ipsum eodem intinctum colore, quasi
vero

vero per eam partem humor allapsus esset, id quod etiam satis manifeste declarauit altera historia in libro de aere, aquis & locis, & Galenus subscriptis eidem opinioni, oues, inquit, plurimas interiisse simul, vnde custodes id quomodo cuenisset ignari, secuerunt nonnulla corpora, & inuenierunt thoracis cauitatem, ipsosque pulmones fluctuantes in humore subuiridi: erat autem is ex aqua palustri, quam biberant eadem die. Et hoc etiam tacendo videntur affuerare Medici, cum in affectibus thoracis vtuntur quibusdam pa- stillis, ac lambitiuis, & omnino potibus cum cochleari, iubentes vt sensim hæc descendere finant ægrotantes, in quibus profecto deluderentur omnes Medici & ægroti, nisi fieri posset, vt ex eis pars aliqua in locum illum descendenteret. Sed etiam Hippocrates causam subscriptis, quamobrem pars aliqua potus per arteriam descendat, de corde sic dicens: (Habet sane cor ipsum humiditatem tantam, quanta satis est æstuanti in medelam, cæterum hunc humor cor emingit bibendo ipsum assumens, & consumens, pulmonis nimirum potum lambēs. Quibus (vt videtis) asserit, cor potum frigidum humidumque ad se ex pulmonis potu attrahere, vt feruor caloris moderetur, vtque sufficere valeat ad necessarium motum: nam si contrahat siccitatem ipsam, aut pulmo, certe ad motum illum

illum redduntur inepti; sed enim commode potest hic humor sese insinuare per has partes, quoniam membrana, quæ illas subcingit, est vna & communis etiam cum palato, & faucibus; ac per rimulas extremæ partis arteriarum res, quæ humida est & fluxilis, potest ingredi, & sensim illabendo descendere, atque ita fatetur, si potus aceruatim descendat cicer tussim, strangulatus, & tormina, quoniam contra respirationem opponitur: si vero sensim & quasi per parietem descendat, nec aeris elationi instare, neque ob id tussim promouere.) Aristoteles præterea tertio de partibus Animalium cap. sexto, omnem prope causam sitiendi, ac non habendi sitim, retulit in pulmonem; Quapropter dicebat, viuipera, quæ pulmonem habent densiorem & magis sanguineum, ac propre magis calidum, aliorum comparatione nimium sitire, ac plurimo egere potu, sed ouipara cum pulmonem habeant fungosum, ac prope similem spumę, minus sitjunt, & bibunt; quædam etiam omnino abstinent propter illorum excessum, tum etiam quia coniungitur ineptitudo & inconcinnitas rostri, multaque necessitas volandi celeriter; quapropter (vt antea dicebam) cibis vescuntur humidioribus, nempe crudis carnibus cum multo cruore. Id etiam confirmauit iterum octavo capite eiusdem libri, ubi vesicam, inquit, nequaquam traditam

tam esse cunctis animalibus, quoniam aliqua pulmonem non habent, alia vero exanguem & fungosum, cætera vero propter caloris excessum, qui in ea ipsa parte continetur, & congenitam siccitatem soliditatemque maiorem, frequentius vberiusque egent potu, ut refrigerentur atque humectentur. Quapropter si pulmonis ratione tota pene oritur occasio sitis, quomodo fieri potest, ne ex potulenta materia aliquid in eum locum illabatur? secus enim quæ semel exorta est sitis, nunquam deficeret, nulla re prorsus accidente, quæ possit illos excessus caloris & siccitatis, quantum in medelam satis est, moderari. Nisi quispiam dicat, assumpto frigido ac humido potu in ventris cauitate mox totam naturam recreari, ac totius caloris fervorem obtundi, quemadmodum sola accidit refrigerata manu, siue auricula, quoniam calor est vius, natura vna, consensus vnuſ, & conspiratio vna, vt ait Hippocrates in libro de Alimento. Et quanquam illarum partium natura nonnunquam est occasio vel causa sitiendi, ipsam nihilominus sitim nunquam nisi consentiente ventriculo fieri. Sed hec responsio non esset satis in proposito, quoniam manifeste videmus, humore plenius fluctuante in ventriculo, sitim nihilominus fieri, si caloris incendium, & siccitatis excessus in ipso fiant thorace, nonnunquam etiam quod

quod vidi præteritis diebus in quodam ægrotante, cui ex longo itinere in aestate media atrauerant pulmones & partes omnes spiritales, qui nunquam poterat yllis expleri potibus, tametsi perpetuo biberet, & cum venter ob potum tumeret, sitis tamen erat inextincta. Hinc possum colligere, nec totam sitim in ventriculo generari, ac necessarium esse, ut nonnihil per rimas tanquam per parietes descendendo elabatur in pulmonem, vt feruor eius partis ac cordis compensetur, & siccitas, quantum ad motus necessitatem satis sit, obtundatur, vel totius corporis contactu, vel consensu & vapore, qui per carnes sibi viam parat. Indicium quoq; illius est, quod fistulæ, quæ in thoracis cauitate sedem habent, plurimam eructant saniem, ac prope dixerim aquam: & mirum profectio est, vt è capite descendens pituita in thoracem descendat, eorum vero quæ bibuntur, nihil prorsus illabatur, quin etiam Aristoteles vigesima septima Problematum quæstione secunda & tertia, metuentes, inquit, plurimum sitire, quoniam calor eorum ad intima cordis recurrat, & spiratio iis adeo retrahatur, vt loqui non possint, vnde fit ibi calor immensus, & siccitas, ac propterea sitis inexhausta.

C A P V T VI.

Quomodo fiat fames & sitis.

Q u o .

Q VONIAM singulæ partes tempore ne-
cessitatis aude trahunt alimentum aliæ
ab aliis, quo usque tandem tota vis tractionis
& suctionis perueniat ad ventriculum, quip-
pe qui constitutus erat, vt pro cunctis totius
partibus alimenta suscipiat atq; ministret, ac-
cedit fortasse, vt quandoq; alimenta non ha-
beat, quamobrem tristis efficitur sensatio ob
illam deficientiam, & desiderium exoritur, vt
conuenientibus repleatur cibis, atq; potibus:
namque si solidi tantummodo existat, atque
omnino alimenti famem hanc concupiscen-
tiā appellare consueuerunt, sin autem rori-
di alicuius fluoris, non cibi, sed potus gratia
tantum, hanc proprio nomine sitim nuncu-
parunt; attamen videtur hoc valde difficile,
vt ventriculus, vel alia quævis pars illi pro-
portionē respondens suctionem illam senti-
re valeat, quoniam suctio est quidam motus,
hic autem vnum est ex sensibilibus commu-
nibus, quemadmodum patet, sed commune
sensible non cognoscitur, nisi determinetur
à sensibili proprio, vt censet Aristoteles se-
cundo de Anima; hoc itaque sensible pro-
prium nisi adest, nequaquam fiet, vt ventri-
culus cognoscat nudā suctionem. Hierony-
mus Pontanus, præceptor meus, quē honoris
causa nomino, peregriegie satisfecit huic dif-
ficultati, vt pote quod suctio cū motus sit, ca-
lorem quēdam efficit: motus enim, vt inquit

Ari-

Aristoteles secundo cœli quadragesimo se-
cundo, & primo Meteororum capite quarto,
natus est generare calorem, atque hoc pacto
fortassis generatur ille calor ventris, quem
tempore famis animaduertimus cum mole-
stia; quapropter suetio, et si motus sit, sentiri
tamen potestab ipso ventriculo: neque vero
absurdum esset, si nullo prorsus aggeneratio
calore, suetionem tamen hæc pars cognos-
cat, quandoquidem suetio violenta videtur
attrahere partes ipsas ventriculi, & conuelle-
re, non secus ac si digitum ore comprehen-
das, seu partem quamvis aliam & valide sugas,
sentiret profecto digitus illa suetionem. At-
trahunt etiam cæteræ partes, & in primis he-
par, ab eodem ventre proprias humiditates
tempore defectus, illæ autem sibi familiares
erant, ac si quis eas reueLLat, & sugat violen-
ter, nisi pars stupida ipsa fuerit, tum cognoscit,
tum etiam tristatur: sic enim mamma-
rum papillæ lactis suetionem sentiunt, ipsum
videlicet sugente puero: nihil autem mirum
est, tametsi suetio sit motus; nam si fiat in par-
te ipsa sentiente sic ut ipsa violentum motum
patiatur, facilime cognoscit, sentitur etiam,
vbi inhæreat alicui rei familiari, quæ magnis
conatibus attrahatur, quemadmodum dice-
bamus, per ipsam suetionem attrahi proprios
humores ventriculi à valida scilicet iecoris
attractrice, & propterea ventriculus egre fert
istam

istam su^ctionem: nam sibi videtur etiam con-
uelli & extenuari; itaque pro tristis sensatione
atq; molesta tum corrugatur, & ad se ipsum,
quoad fieri potest, reducitur, tum etiam ex-
trinseca desiderat alimenta, vt cibis replea-
tur, ac satisfaciat cunctis particulis attrahen-
tibus, eamque ob rem dicitur fames sensus
suctionis, vel sensus indigentia: sunt enim
causales dictæ definitiones, vt pote quod fa-
mes su^ctionis ac defectus ratione fiat; ipsa e-
nim esuries per se vel sitis desiderium est su-
ctionis, defectusque ratione profectum, ipsa
quoque per se ipsam alimenti defientia est
iniucunda & molesta ventriculo; quoniam
tum alimenti gaudet contactu, vt matrix se-
mine, tum etiam ipso nutritur, & calor pro-
prius, qui quidem vehemens est, nisi alimen-
tum habeat pro pabulo, atque concoquendo
perficiat, propriam ipsius dissipat substan-
tiam, & sequitur ob id tristitia atque molestia
cum imbecillitate caloris. Necessarium est i-
gitur, vt pars illa vehementer appetat impleri
cibus & potibus: neque vero mirum est, vt
sensum huius rei habeat; nam auditus non
solum cognoscit sonum, sed silentium, visus
cognoscit lucem & tenebras; eodem itaque
modo sensus ventriculi plenitudinem natus
est cognoscere alimentorum, & eorum pari-
ter defectum, assimilarem euidem hosce de-
fectus & repletiones nummorum defectui &

plenitudini. Ut enim plenitudo appetitum explet eorum , & voluptatem affert insignem, ita indigentia est causa desiderii, & tristitiam adducit. Sed quoniam in huiusmodi defectu sit aliqua fortassis intemperies sicca; propterea non erit solum cognitio priuativa, multoque etiam magis si succionem coniungamus, cuius tanta vis est atque potestas, ut quandoque inappetentia fiat, si lactes ita obstruantur , vt iecur attrahere ad fæse alimenta non possit, aut si vel hoc vel illo etiam, quod communis adsit obstructio siue partium imbecillitas, fiat atrophia, quam nostri nutriendi defectum appellarunt ; necessaria tamen tantopere est sensus conuersio applicatioque, vt s̄ape, quamuis naturalis fames efficiatur ac sitis , & causæ omnes vrgent propter vehementem indigentiam , fames nihilominus & sitis dicta animalis nequam generatur , sicut accidit delirantibus quibusdam , quibus adeo conuersus est totus sensus, ac totius animi vis in vanas quasdam imagines & deliramenta, vt nulli præterea rei se admoueat ; quapropter non animaduerunt neq; succionem, neq; indigentiam; itaq; cum multa alioqui sit necessitas potus & cibi, nunquam neque potum neque cibum postulant : desiderium enim sectatur cognitionem & constantem animi applicationem, non secus etiam sit, aut paulo minus, si negotiis ali qui

qui vehementer incumbant: solent namque cibationis horam obliuisci, quasi vero non egant, ob id vero etiam fit, ut post consuetudinem aliquam eadem semper hora, nisi aliquid prohibeat, fames ipsa repetat; tunc enim adhibita memoria mouetur sensus illius partis, & cum indigere se sentiat, ægre fert, sæpe etiam sola ipsa consuetudo satis est: nam etiam dormientes certis quibusdam horis experciscuntur, cum sensus alias consueuerit eadem hora vigilare, & è somno surgere, etenim consuetudo est sensui pro lege.

C A P V T VII.

De his, quæ comeduntur & bibuntur, sine de extrinseco alimento.

C O N S V E V I M V S extrinsecum alimentum appellare omnem cibum atque potum, qui cibi gratia assumatur, attamen alimento ipsum magis quam ille patet, quoniam ad viuens, ut viuens est, refertur; itaque conuenit etiam plantis, cibus autem ad animal dicitur, nisi forsitan per quandam translationem plantarum quoque extrinsecum alimento lubeat appellare cibum ipsorum, id multi, qui de ipso sunt locuti, in multiplicem speciem diuiserunt, non omnes tamen eodem modo, neq; ab eodem sumpto principio. Quidam enim aggressi sunt diuisione ex vario genere pparationis, loquentes potius (ut mihi

S 2 vide-

videtur) de humano, quam communianimalium victu: alii vero diuisionem fecere à primis qualitatibus: alii ex vario modo substantiæ, atque alii aliis modis, prout videbatur conueniens. Mihi vero unum illud videtur necessarium, ut explicetur; quapropter ortus est hic varius usus in cibo & potu; etenim homo familiarissime vescitur pane, equi hordeo & auena, quedam etiam vescuntur herbis, alia carnibus, alia multiplici fruticum genere. Ac preterea cur non nullis de genere cibi tum humidi tum siccii sine fastidio uti valeamus, utpote cibo, quem triticea ex farina conficiimus, vino insuper & aqua, aliis vero quamvis suauioribus toties sine fastidio nequaquam uti valeamus; manifestum plane est, quod omnia illud appetunt, quod est propriæ naturæ familiarius, & magis accommodatum, ac quemadmodum necessitate nutriendi opus fuit alimento, ita secundum necessitatem, commoditatemque cœperunt animalia cibum captare, & ubi potuerunt, magis utique gratum ac conuenientem elegerunt, sæpe vero necessitas legem ponit, & parit quasi naturalem consuetudinem, & communem habitum congenitum: pisces enim necessitate coacti, ac potissimum quia voraces sunt, cum cibus cito defluat, cognatis vescuntur animalibus, quod etiam accedit avibus, qui cibum ex rapina venantur: nam multa cupiditas

tas necessitatem imponit. Atque eiusmodi mihi videtur esse singulorum victus secundum naturam, quem venter ipsorum familiariter amplexatur, calor conficit, & quibus optime nutriuntur, quive fastidio nullo afficiat tempore, nisi propter exuperantiam. Nobis porro familiarissimus est cibus ex triticea farina confectus, quem panem appellamus, unde quarebat Aristoteles vigesima prima sectione Problematum quæstione secunda, quamobrem cibus hic nostris corporibus sit competentior & vescentior, quam hordeaceus? Respondet, hunc victum mediocrem habere lentorem, quem cibus habeat oportet, quippe qui adhærere conglutinari que corpori debeat, quæ res non nisi lentore fieri potest; hordeum vero rigidius est, sed vim etiam consuetudinis hic potes intueri: neque enim omnes homines totius vniuersi vescuntur pane triticeo: quidam etiam sunt carniuori, & caro est illis pro cibo conuenienti, ac nonnulli humana vescuntur carne, quidam carent tritico, & vescuntur cibo ex farina aliorum fruticum confecto, nonnulli vtuntur maizzo appellato semine, alii hordeo, alii auena, aut horum cognatis, quidam etiam in Regno Neapolitano volebat conficer panes ex ari radicis polline atque farina, & pollicebatur hoc fore magnæ utilitati citra noxam salutis, res plane absurdissima, cum

eius farina substantia & viribus adeo distet à triticea farina, nobis alioqui familiarissima, & medicamenti potius illa radix vim habet, quam cibi, illumque lentorem conuenientem, qualem nobis Aristoteles familiarissimum esse, ac prope dixerim necessarium, asserebat, non habet. Relinquo præterea si tanquam radix conueniat humanæ naturæ, aliis potissimum antea consuetæ: hoc enim excedere videtur limites nostræ tractationis, tametsi propter necessitatem Cæsaris exercitus aliorumque Romanorum pane vterentur ex radicum farina confecto: cum vero panis triticeus lentorem hunc dulcem ac mediocrem habeat, qui quidem est velut anima tritici, temporemque utiliæ concoctioni; propterea tum nobis placet, tum cæteris commixtus conducit: nam cuncta bene commiscet, & in unum coit, lentumque efficit alimentum, satis præterea ad nutriendum conuenies. Sed quoniam panis ipse ob id densari facilime potest; propterea non ut signum modo prauæ alicuius dispositionis panis repletio est pessima, sed quoniam densatur admodum, & in prauam abit corruptionem; hinc etiam fit, vt non statim ex ventre profluat, ac si vino misceatur, tum nutriat vberius, tum etiâ diutius permaneat, quoniam vinum per se alit plurimum, & siccatur suo calore, quoniam tenues partes in vaporē digerit; quapropter

pter offa panis vino diluta diutius seruare potest citra desiderium noui alimēti. Habet preterea panis dulcedinem quandam, neque admodum plenam, neq; nimis insipidam, prope similem lactis dulcedini, quod nobis familiariissimum est initio generationis, ut cibus naturalis; postea vero cum calor solidiora vult alimenta robustior factus, ac partibus ipsis effectis solidioribus, incipiūt alia esse iucundiora, reliqua vero esculenta, quæ neque secundum naturam, neq; ex consuetudine aliqua sunt nobis eodem modo familiaria, pro tempore cupiuntur sine fastidio, præfertim si cito famem sedent, ut dulcia & pinguia, aut exudent in stomacho, siue reliquias ingratas deponant: ea enim appetentiam obtundere consueuerunt, aut si ventriculum ipsum hebetent, laxent, ac tale aliquid faciant, siue in ipsa decoctione quomodolibet molestiam afferant. Cum autem plurimæ quæstiones oriantur, spectantes cibo & potui, diuidemus eas trifariā; etenim nonnulla contingunt ante cibationem, aliqua dum cibi & potus assumuntur, alia denique post ipsam assumptionem, primo nimirum ordini tres quæstiones præcipuæ accommodantur. Prima earum est, quamobrem famis tempore calor quidam, & ille nō exiguus sentiatur in vetriculo. Secunda, cur oscitamus frequenter. Tertia, cur si nimia intercipiatur mora, ita ut tempus cibationis

prætereat, plerunque fames sedetur, ab aliis
quæstionibus abstinebo, nempe cur fiat abo-
lita appetentia diminuta aut deprauata, quo-
niam alterius fortassis egent tractationis. Ad
eas igitur me conuerto, & quantum ad pri-
mam pertinet, aio, cauitatem ventriculi, si in-
anis existat, plenam esse aere densiore, qui
quidem calidior fit in loco tepido, si diutius
permaneat, & non permittetur; itaque calo-
ris sensum mouet in illa parte, eoque potissi-
mum tempore propter suctionem, quæ per se
ipsam calorem efficere potest. Ad secundam
respondeo, quod propter ingens desiderium
& cibi auiditatem ventriculus & œsophagus,
ac musculi omnes, qui in extrema illius parte
inhærent, hiant; itaque propter consensum
hiat etiam os, & oscitatio generatur: ob sitim
vero non fit, quia siccitas partes potius con-
trahit, ac dolorem parit, ac prope illarum
partium immobilitatem; itaque anhelitus il-
le sequitur ingētem auiditatem & molestiam:
vel etiam fit ob quādam sensus & caloris mo-
lestiā, tunc enim labores patitur, & imbecil-
liorem fieri sibi videtur alimenti defectione,
non itidem potus; ac propterea partes illæ,
quæ cibo accommodantur, dilatant se, &
pandiculantur, vt molestiam prope depo-
nant, & interdum etiam ratione cuiusdam
caloris, qui molestus est, & remissionem re-
frigerationemque desiderat, eoque magis
cum

cum sursum sub id tempus calidus ascendat vapor, qui partes illas teneras, quæ in extre-
mo sunt gutturis & œsophagi, replet, afficit
que molesto sensu, adeo ut exonerare se dum
cupiunt, prope assurgant, ac se dilatent. Solet
etiam oscitatio hæc esse præludium somni,
vel quod eo tempore plurimus vapor respi-
ret ad partes superas, vel quia dum somnus
instat, laxitas quædam oboritur, sensusque
molestia, & pigritia etiam motus; itaque mo-
lestia & fastidiosa videtur respiratio, cum sen-
sum adhibemus, & partes illæ, quæ sunt in
perpetuo labore, sibi ipsis videntur esse one-
ri; quapropter dilatant se, vt onere ab illo le-
uentur, ac molestiam illam deponant, vel si
caloris salutem esse fatcamur, cum multa si-
mul fiat intus susceptio frigidioris aeris, ac
vicissim calidæ fuliginis emissio, mirum non
erit, si fiat instantे somno & fame: nam somni
calorem concludunt, partim etiam imbecilli-
tatem quandam afferunt, celeres autem defe-
ctiones per se ipsas hoc faciunt: ob famem
vero vult corpus impleri, & quoniam partes
illæ extremitatis arteriæ, œsophagi, ac mu-
sculorum etiam, qui ibi desinunt mouen-
tium mandibulas quadam lassitudine calefa-
ctoria perpetuo laborant, & calidi spiritus
plenitudine homini potissimum propter re-
ctitudinem figuræ, & maiores corporis, ani-
mæque suspensiones; propterea modica oc-

casionē adhibita oscitamus, nempe si alterum hiantem suspiciamus, exigua nimirū adhibita consideratione mox sensus illarū partium mouetur, & laxatis habenis se ipsas dilatant, & pandiculantur: cum enim laboramus quiescente aliquo, ad eam quoq; alii alliciuntur, & quadantenus trahuntur ad quietē, & sit ille consensus, quē sympathiā appellant. Tertia difficultas facilem plane habet solutionē: nam tempore illo, quo fames instat propter alimenti indigentiam, & validam suctionem, ventriculus humores pro cibo à cunctis partibus reuellit: itaq; sit tenuiū humiditatū plenitudo eneruans vires ipsius, ac propterea famis tentigo emarcescit, quæ deinceps humido dissipato vehementius repetit. Dehinc vero tres alię quæstiones emergunt penes ipsam cibationem. Prima quidem est, si dulcia sunt adeo amica naturæ, mirumq; in modum placent, quamobrem cito famem explent, quāuis modice assumuntur, vt qui vescatur cibis dulcibus, confessim satietatem ac plenitudinem sentiat, ac famis omnino desiderium obtundatur. Huc etiam pertinet, quare pingues cibi cito famem expleant, & satietatem quandam submolestatam atque iniucundam afferant. Secunda quæstio est, cur vinum post dulcium esum ebitum displiceat, aqua vero voluptatem afferat? Tertia demum est, quare acerba & austera ciborum cruditatē au-

geant.

geant? Primam quæstionem tetigit Aristoteles vigesima secunda Problematum quæstio- ne tertia, & inquit: (Cum acria non valde nu- trire queant, sed parum alimenti, multum ve- ro habeant excrementi, merito amplius hæc appetimus, parumque eorum cupiditatem explemus, at dulcia tota ipsa cibus idoneus sunt.) Patet igitur, censere Aristotelem, ob id dulcia famem cito sedare, quoniam tota nu- triunt. Huic solutioni propter Aristotelis re- uerentiam nolo contradicere, quamuis facile possem: nam partes eo tempore non cœpe- runt sentire nutriendi beneficium: attamen satietas fit, ac forsitan nonnulla, quæ magis nutritre possunt, quam saccarum, minime hæc afferrent satietatem. Ego ob id censeo, con- tactum ciborum dulcium in ventriculo esse tam blandum & suauem, ut ventriculus ipse laxetur, quemadmodum laxatur & dilatatur vermis attractu caloris iucundo, ac totus dila- tatur aper præ grata prurigine in densa cute, ita vero satietas fit accidente etiam vaporosa per totum ventrem plenitudine non in- grata, ut prope totus cibus sibi videatur, ventriculus autem si debeat appetere, ve- hementer debet arrugari, & familiariter am- plecti alimentum, ac robur seruare suarum partium, quod etiam fit ex aliis quibuscunq; rebus plenioris saporis, & optime aroma- tum generibus conditis, tum etiam quia ex- unda-

undationem quandam in ventriculo faciunt, & calor iuberius celeriusque satisfaciunt, & spiritus quamprimum atque iuberime reficiunt, ut nimium illis habere, quamuis modicum sit, videatur. Cæterum de pingui victu aiunt fere omnes, ipsum explorare appetitum celeriter, quoniam supernatat in ventriculo, cum partibus constet igneis & aereis; quapropter minus concoqui potest: quæ enim supra feruntur, propterea quod minus tibi possunt ab actuo, & à loco magis distant calidore, ægre concoquuntur, & ventriculus ipsa auersatur, tanquam inepta ad coctionem. Ego existimo, pinguia cuncta tenacem quandam habere substantiam, ac prope inuincibilem & incorruptibilem ob suæ naturæ modum; itaque virtuti ipsi alteranti & concoquenti onus molestum esse videntur: semper enim supra manet aliquid in ventriculo, essetque ipsum iniucundum, & nisi potus multus existat, certe nequaquam supernarent pinguia; attamen satietatem facerent: vel potius illud est, quia pingue tristem ac molestam facit sensationem ventriculo & partibus ferme omnibus, per quas transit alimentum, quoniam lentum est & lubricum; quamobrem adhæret tenaciter, & poris sese insinuat, videturque insipidum quidem, hoc autem molestum est ventriculo, & cuilibet parti, quæ vult esse expedita, ita etiam

iam videmus, si seuum, vel tale aliud pingue illinatur palato & faucibus, præsertim vero equis, satietas fit, & famis extinguitur desiderium, ipsa vero pinguia, si frigida sumantur, magis displicent: nam frigiditas facit hæc apparere magis insipida propter frigiditatem emarcescente sapore: Ad secundam autem difficultatem respondeo, quod vinum post dulcem cibum epotum facit apparere quendam saporem medicamentosum, siue dulcem acrem: vinum enim, si valde dulcibus, quale est saccarum aut mel, misceatur, ad vomitum ferme ciendum est idoneum, vel quoniam ex tota substantia prauam atque inconcinnam efficiunt mixtionem, saltem ex quadam actione in sensum, cum vnum velit contraheret, alterum autem laxare instrumentum gustus, quamobrem sit molesta applicatio sensatioq; iniucunda, id quod etiam in aliorum sensuum obiectis obseruamus: nam quidam inter se colores non bene coeunt, neque soni aut odores. Aliis fortasse videretur, cum utrumque gratum sit seorsum, vinum non nihil displicet post dulce, quia proprius utriusque sapor obtunditur, atqui ingratum est sensui, non posse gustare iucundum alicuius saporem, sicut est in se ipso, aqua vero nullum corrumpt saporem, & tanquam frigida post dulcium esum per se ipsam placere potest: Tertia difficultas paruo videtur egere
nego-

negotio, quoniam manifestum est, ut resolu-
tio laxatioq; ventriculi inappetentiam ciet,
parte nimirum ipsa eneruata, atque illius ro-
bore dissoluto, sic econtra illius corrugatio
facit appetentiam, quoniam virtutem in v-
num colligit, & neruosam substantiam in-
tendit, additque illi robur; ob id itaque non
sine ratione credimus, austera & acerba per se
appetitum augere, quippe quæ ventriculum
contrahere & corrugare valeant. Adhuc au-
tem tres aliæ difficultates emergunt, post
quam assūptus est cibus. Prima quidem est,
quapropter post cibationem extrema refri-
gerentur, & horror nonnunquam fiat? Altera,
cur cibo assūpto, nisi modum superet,
corpus minus ponderet, cum alioqui maius
pondus habere deberet propter plenitudi-
nem? Tertia deinceps, cur siccus, tametsi no-
nissime assūmantur, per vomitum postremo
respondeant, quod Æsopus recenset in fabel-
lis? Primæ difficultati Medici prope omnes
respondent hoc pacto, quod assūpto ex-
trinseco alimento, calor, qui actione hac &
fomite per cibum ministrato delectatur, affa-
tim corruit in ventris locum, quamobrem
extrema refrigerantur. Aristoteles vero tri-
gesimaquinta sectione Problematum quæ-
stione nona inquit, quod cibus frigidiusculus
admissus vincit principio magis naturalē ca-
lorem, q; vincatur; cum itaq; ventriculus re-
frige-

frigerationis sensu afficiatur, pars alioqui sa-
tis neruca, consentaneum est, ut quandoque
inhorrescamus, & extrema refrigerentur. Se-
cunda etiam difficultas facile diluitur; accidit
enim, ut corpus in defectu cibi sit debile, &
caloris vis minus ipsū possit substinere: huic
enim motus ascribitur conicus actioq; per-
petua, cum substinere atque efferre debeat
totius corporis molem; idcirco per inædiam
corpus nimis grauitat debilitato calore, cum
vero cibus assumptus est, calor reficitur pa-
bulo, & vires acquirit, quapropter fit, ut cor-
pus minus ponderet: quantum enim magis
ponderat corpus mortuum præ viuo, tantum
própe cibo inanitum ac debile effectum ma-
gis ponderat pleno. Tertiam difficultatem
soluit Aristoteles vigesima secunda sectione
Problematum quæstione prima, & ait, hoc
fieri propter grauitatem: ob id enim descen-
dunt in imum ventris, & cæteris subsident e-
sculentis, quod multis visum est ex mente A-
ristotelis, eodem loco esse proprium cuncto-
rum fructuum, cum dicat, cæteris esculentis
pomorum genus grauius esse, ipse tamen hoc
nequaquam censet, sed querit his verbis,
quam ob causam poma non ita prius, ut po-
stea ingesta in repletionis mole respondeant,
sensus quæstionis est, quapropter fit, ut po-
ma, si prius assumātur, postremo euomantur.
• vero si sumantur postremo, primo respon-
deant.

deant, causa, inquit, illa est, quod genus pomorum est graue, itaque in imum descendit, partemque superius relinquit inanem, ut secundo aduenientem cibum admittat: ea igitur prius euomuntur, quam poma; sed si haec postremo assumantur, superiorem partem occupant, cum expedite non possint descendere propter alia: tunc igitur primo respondeant, necesse est. Responsio haec (ut arbitrator) non est Aristotelis, sed alterius, qui forte addidit illud Problema: si enim velimus eam accommodare propositæ quæstioni deficu, non est ad propositum, & perperam ille hoc addit exemplum in corroborationem, siquidem ait, fucus etiam nouissime esitata postremo respondere, poma autem, quamvis grauia sunt, nouissime esitata statim produnt. Própterea sciendum est, multiplicem esse causam, cur aliqua per vomitum ferreddantur. Prima est ratione partis ipsius sentientis, ea namque res sibi magis familiares seu minus ingratas serius euomit. Altera ex parte eorum, quæ assumuntur, nempe silubrica sint & grauia: nam utriusque ratione in imum descenderent, & subterfugerent conatum euomentis particulæ. Tertia si viscosam quandam habeant consistentiam; ob id enim phlegmatis quoddam genus viscosum & viscidum vix magnis conatibus potest excerni; fucus itaque cum actione caloris viscosam

quan-

quandam naturam assumant, quæ tenaciter adhæret tunicis ventriculi; propterea post cætera respondent in repletionis mole: argumentum namque huius est, quod ita apparet, cum reddantur, tum etiam quia, dum comeduntur, succus ille lacteus, qui manibus adhæret, modica actione caloris eiusdem partis viscosus efficitur, adeo ut digitis quoddam gluten illitum esse videatur, id etiam interna declarat substantia: tenax enim est & viscosa, cum aruerint.

C A P V T VIII.

Quamobrem sitis multo difficilius feratur, quam fames, & quomodo fieri potest, ut eadem parte, nimirum ventriculo, nos simul calida & frigida desideremus, potum scilicet frigidum, cibos autem calidos, & eorum, quæ comeduntur ac bibuntur, quamobrem nonnulla calida, aliqua vero frigida desiderantur.

EXCEITAVIT Aristoteles eam quæstionem, quapropter animantes magis ægreferant sitim, quam famem, vigesima octaua Problematum quæstione quinta, & fatetur, hoc eam ob causam eucnire, quoniam sitis res est magis anxia, cum aduersetur rei suauiori; aut quoniam calor natius humidum

T

magis

magis quam siccum desiderat; aut quoniam sitis est libido duarum rerum, potionis, inquam, & cibi, fames vero vnius tantum scilicet cibi, id quod etiam sequenti quæstione confirmauit. Quoniam vero perspicue^{vide-}mus, hoc non esse omnibus animalibus com-
mune, ut sitim ægrius quam famem tolerent,
quædam enim potum desiderant exiguum &
raro, cibum contra vehementius auerteret; pro-
pterea rem non inutilem facturus existima-
ui, si causam prius huiusc diuersitatis explic-
em, tum vel magis, quoniam huius Proble-
matis explicatio non parum momenti habet
ad explicationem alterius: vidimus enim in
præcedentibus, esse quædam animalia, quæ
vel potum non desiderant ob frigiditatem
naturæ & modum alimentorum, quibus ve-
scuntur, quemadmodum sunt exanguia, ac
potissimum insectorum genus, eaque omnia,
quæ pulmonem non habent, quemadmo-
dum sunt pisces, aut illum fungosum admo-
dum & exangue, cuncta hæc parum, vel ni-
hil sitiunt, ciborum tamen sunt audiora, &
cum bibere videntur, cibi potius, quam po-
tus gratia bibunt. Aliis contra euenire debet,
ut potum vehementius appetant, si pulmo-
nem habeant contrario modo affectum,
quemadmodum est homo, & aliorum pluri-
ma: vidi namq; semel sitientem mulam ex al-
to se præcipitem dcdisse lictore, dummodo
potan-

potandi desiderium expleret, & febricitantes
homines maiora his faciunt: nonnulli etiam
cum nimium abstinere coguntur, celerem
mortem oppetunt, quemadmodum obierunt
plurimi cōmilitones Caroli Quinti Impera-
toris, cū ad Africæ littora commigrasset; qua-
propter ego existimauī, sitim esse molestissi-
mam huic animantiū generi, quoniam siccā-
tur interea pulmones, & calor cordis, earūq;
partiū pene austus suffocatur, hoc autē mo-
lestiam affert & dolorem, cum periculō etiam
non vacet: itaque nihil mirum, si potus tan-
topere desideratur, talemque illius defectus
afferat anxietatem, cum humidi frigidique
indigentia sit magno incommodo huic ne-
cessariæ actioni respirationis, atque caloris
faciat molestam passionem, nec alia ratione
arbitror, hunc esse causam interitus, post-
quam manifeste patet, potum, si sit aquæ, non
autrire, sic vt deperditam substantiam refice-
re possit: hoc enim præstari per cibi assu-
ptionem consentaneū omnibus videtur, at-
que his postremo accedit, quod sitis est desi-
derium multarum partium, plures fines at-
tingens. Quantum vero ad cibi desiderium
attinet, inquit Aristoteles quarto de partibus
animalium cap. quinto, omne insectorū ge-
nus minime contentum esse alimento, quippe
quæ sibi ipsa sufficere valent nō tam corporis
exiguitate, quam caloris remissione, tametsi

nonnulla eorum, ut muscae nunquam videantur expleri cibis, quoniam parum assument pro vice, & multum absunt ob vegetem motum: illud enim, quod calidum est, cibum desiderat, & cito concoquit, contra quod frigidum cibo carere facile potest; nam proprius calor minus absunit, ac propterea fatetur, cicadarum genus maxime omnium iejunum esse, quoniam ipsis pro alimento sati est humor proprius, alia vero, quae calorem habent validiorem, uberioris comedunt, quoniam calor vehementius agit, ac prope substantiam dissipat. Tertio itidem de partibus animalium cap. ultimo recenset alia animalium genera, quae paucum tempore possunt ferre abstinentiam cibi, ea potissimum ratione, quoniam cibus breui tempore manet in ventriculo, ac citius, quam concoquatur, deiicitur; itaque breuis est usus fruendi, quemadmodum, inquit, est omne genus piscium; hoc enim lubricum est, quia modicus eorum calor solida, quibus utuntur, ac frigida alimenta immutare non potest, minusque propter ambientem aquam transpirant, & coniungitur ventris atque intestinorum lubricitas propter innatam humiditatem. Quibusdam etiam sola intestinorum natura id facit, utpote si recta sint & laxa, siquidem illorum laxitas auditatem auget cibi, rectitudo autem accelerat, quapropter animalia, quae

con-

continentiora esse oportebat ad cibi desiderium, hæc in sua alio anfractus orbesque plures continent. Atque hoc modo patet, quomodo in genere animalium nonnulla magis sitim, alia potius famem ferant, & omnino ciborum quæ sint audiota. Nunce explicandum est, quapropter potus desideratur frigidus, quæ vero comeduntur calida, & quomodo pars eadem contraria simul desideret? Omnes videntur in hac re consentire, quod sitis est appetitus frigidi & humidi, fames autem calidi & siccii, (vt ait Aristoteles) ac propterea nihil mirum esse, si esculentæ optentur calida, potus autem frigidus, atque in eadem parte posse fieri eodem tempore desiderium contrariorum propter duplicem indigentiam, ac respectu, ut aiunt, diuersorum. Porro ob defectum humidi roridi, quod frigidum esse debet, ob refrigerium & salutem caloris, appetitur potus frigidus; ob indigentiam autem humidi solidi, quod sua natura calidum est, desiderantur calida esculentæ. Mihi tamen videretur, huic rei diligentius incumbendum esse, etenim neque omnia esculentæ desiderantur calida, nec omnia potulentæ optantur frigida, siquidem panem non cupimus actu calidum, nisi exhibeatur in iuscule, fructus omnes desiderantur actu & potestate frigidi, bellaria, caseus & aliorum plurima, potius frigida, quam calida come-

duntur, cucumeres, etiam pepones, & citreoli, quibus salatutium conficimus, quemadmodum sunt potentia & actu frigidi, sic etiam cupiuntur, eoque eduntur modo, quomodolibet assumpti. Si vero etiam consideres cætera animalia, quæ opus hoc comedendi & bibendi nobiscum habent commune, videbis, ea non vti calidis cibis, sed optare calida seu frigida, qualia illa sint, citra delectum, & fortasse potius frigida auent comedere: quamobrem mihi videtur, hunc varium usum alimentorum esse propter consuetudinem, & quandam peritiam: cœpimus namque assuescere, in utero vesci alimento sanguineo calido, deinde calido etiam lacte, atque sub id tempus cœperunt nobis parari iuscula calida propter utilitatem caloris & coctionis, scilicet vt tum alimenta ab igne alterata facilius concoqui possent, tum etiam pars ipsa concoquens ab extrinseco adiuta calore multo facilius concoqueret: nam calor extraneus innatum fouet & adiuuat, & quoniam aliqua desiderantur alimenti tantum gratia, alia vero etiam vt refrigerent, que sunt in primo ordine, consueuerunt optari calida, cætera autem frigida vt fructus, alia itidem calida optantur, quoniam sic magis sapient, alia vero frigida: sic enim videntur gustui suauiora, prout calor proprios immutat sapores, aut saltem in actione ad sensum præualet,

talet, ut proprium rei, quæ comeditur, obtundat saporem, & rem faciat alio modo apparere. Sic itaque facilimum erit satisfacere huic propositæ difficultati, animaduertendo tamen desiderium calidi & frigidi, & in ventriculo non esse passiones contrarias: oportet enim esse respectu eiusdem, attamen hoc desideratur calidum, aliud vero frigidum.

C A P V T L X .

Quodnam sit magis proprium, atque conueniens obiectum sitis, aqua, vel vinum.

AQVAM vero proprium ac naturale obiectum esse ipsius sitis, mihi videtur lyppis actosoribus esse manifestum, quoniam Philosophus demonstrationem huius conclusionis auspicatur à definitione. Etenim sitis est appetitus frigidi & humidi, aqua vero per se frigida est & humida, vinum autem calidum secundum formam, tametsi frigidum sit secundum materiam, participatione videlicet aquæ, ut ait Aristoteles quarto Meteororum. Patet igitur, aquam primum esse obiectum sitis. Quod etiam eo modo confirmatur: nam longe melius aqua potest explorare omnem defectum & indigentiam, unde efficitur sitis, quam vinum; igitur ipsa est magis conueniens & accommodatum obiectum. Probatur antecedens, quoniam siccitati

per se ipsam optime satisfacit : nam humidissima est , & cuiusdam lensoris particeps , vt partim hærere , partim etiam diutius seruari possit , vinum autem potius exsiccat in fine , tametsi initio humectandi vim habeat , calor is etiam seruorem multo quam vinum præstantius sedat : nam sua ipsius natura frigida est , vinum autem calidum , & propterea ad intrinsecum calorem accessionem facit ; aer autem , tametsi humidus , & forsitan ipsam et aqua humidior , frigidusque evaserit , qualis in hybernis horroribus est , nequaquam tam en idoneus est ad sedandam sitim , quoniam oportet humorum esse paulo crassiorum , & lentum : aer enim ob id non humectat , vt declarauit Aristoteles in Problematibus , neque etiam sicca potest congregare alimenta , & fluida facere . Et quemadmodum hic nequit satisfacere desiderio potus , ita neque famem sedat , neque etiam odor , quamvis aliqui perperam existiment , Chameleontem aere nutriri , & nos odoribus refici : illud enim falsum est . Gaudet quidem aere , cum sit tanquam cauitas plena spiritus , ac perpetuo ob id videtur hiare , sed ubi necessitas urget , vescitur cibis sibi conuenientibus . Alterum quoque absurdum est : nam odor recreat & consolatur calorem , & forsitan vaporoso permixtus corpori fumidæque (vt aiunt) exhalationi posset instaurare spiritus , solidiores autem

autem partes haud posset nutrire, carum
quippe nutrimentum multo crassius esse de-
beret, interdum autem, quod ad sitim attinet,
videmus eam sedari, si iuxta fluos & fontes
maneamus, aut venti spirent ab austro: nam
que iis in locis & australi constitutione vel
pluvia tum frigidior est, tum densior multo
vapore; is autem est aquæ disaggregatio, ut ait
Aristoteles primo Meteororum; quapropter
sitim potest conciliare humectando, & calo-
ris obtundendo ferorem. Cum enim spiratione
attrahitur, totum humectat corpus,
primum autem partes ipsas spiritales, quæ ni-
mum calent, & refrigerationis egent, ac pro-
pter perennem motum nimiam humecta-
tionem desiderant; secus enim instrumenta
ipsa redundunt inepta motioni. Amplius a-
qua est potus magis naturalis, cunctis videlicet
ab ipsa natura ministratus, vinum vero se-
cundum naturam non est, sed potius secun-
dum peritiam, siquidem in illa prima societa-
te vini usus nondum venerat, postea vero
cooperunt homines variis oblectari potibus,
ut simul sitim sedarent, & coctioni, quoad
fieri poterat, opem ferrent fouendo ventris
calorem; itaq; aliis placuit usus vini, aliis cere-
uisiæ, ut plurimis Galliæ populis, aliis pomo-
rum succi varii, sicut Antiochenis & aliorum
nonnullis. Hoc etiam confirmatur: nam po-
tus aquæ est communis cunctis animantibus,

quoniam sitis non homini tantum fit, sed etiam aliis animalibus, vinum autem paucissimis eorum placet: non est igitur obiectum sitis naturale & accommodatum. Manifesta quidem est minor propositio: nam etiam multe hominum nationes vini potum legum edito & naturali consuetudine auersantur, quemadmodum faciunt barbaræ nationes, & plurimi eorum, qui recens inuentas regiones accolunt, cæterorum autem paucissima inueniuntur, quibus vinum placeat. Atque inter hæc potissimum narrat Aristoteles viperas, utpote quæ vino inebriatae capiantur dolo, & simias præsertim caudatas, quæ adeo sunt ebriæ, ut ebriorum prope more insaniare videantur. Videmus præterea, quod in ingenti siti, qualis fit in æstivis squaloribus, & febrili caumate, vinum, quantumvis accipiatur, vel non placet, vel sitim non sedat, quemadmodum facit aquæ potus. Quibusdam ramen visum est, potius vinum primo loco esse accommodatum ad desiderium potus, utpote quod longe melius appetitiam illam possit explere, quoniam Aristoteles vigesima octaua Problematum quæstione quinta inquit, sitim esse duarum rerum desiderium, cibi videlicet ac potus. Illud ergo est maxime conueniens obiectum sitis, quod potest esse pro cibo simul & potu: vinum vero est huiusmodi, cum plurimum nutriat; igitur

tur vinum præstat aquæ in extinguenda siti. Confirmatur præterea: nám potus ad instaurandum intrinsecum humorem substituitur, sed aqua illum instaurare non potest, vt vinum, cum nullo pacto nutriat; igitur vinum est magis consentaneum siti. Præterea vinum frigidum est in actu & humidum, sicut aqua, fouet ctiam calorem, coctionem adiuuat, ventriculum roborat, cunctarum partium vires, & substantiam reficit, continuo humorem reparat, & spiritus ipsos consolatur; igitur vinum est per se ipsum magis conueniens, ac primarium obiectum sitis. Videmus præterea, ex moderato vini potu homines fieri alacriores, fortiores, magis viriles, & ad omnes viriles actiones magis idoneos, aqua autem contra ventriculum laxat, calorem hebetat, coctiones impedit, & pigerimis facit homines, ac cæteris paribus magis effœminatos; quapropter vel siti saltem humanæ magis conueniens & accommodatum esse videtur. Quibus accedit, quod si vini usus modum non excedat, diuturniorem non nihil efficit vitam, quoniam homines senes, cum imbecilles sint & frigidi, prope extinto calore vitali, & emarcescente humore nativo, huiuscemodi potum desiderant, & cum illo bene habent; quapropter Plato in libris de lege, vinum plurimis vetat, senibus autem nunquam. Ego arbitror, facilime

sedari posse hanc controuersiam: nam aqua
est conuenientior potus potionis tantum
gratia, vinum autem utriusque simul ratione,
tibi nimirum & potus, est magis accommo-
datum, quamobrem aqua est magis conue-
niens siti per se, siue ut sitis est tantum, vinum
autem ex accidenti. Et hoc modo singulae di-
luntur rationes, quas non oportet sigillatim
recensere. Vini autem incommoda quot &
qualia sint, historiam & causas in alium
locum dimitto, cui magis id
proprium esse videa-
tur.

FINIS.

ua
m
e,
o
e-
m
li-
m
&

DIALOGVS
PVLCHERRI-
MVS ET UTILIS-
SIMVS

ANTONII LAV-
RENTII POLITIANI.

DE RISV, EIVSQUE
CAVSIS ET EFFECTIS,
dilucide ac philosophice tracta-
tus, inque libros duos
diuisus.

NVNC PRIMVM IN LVCEM
editus, & peculiari Indice
donatus:

DIALOGA
PAUCHE RAI
MUS ET ATRIIS
SIMAS

NUNOMI LA
EINIS POLITIUM

DE RISA EIASONE
CAYAS ET ELEGOFIS
quid est quod
aut in diebus
aut in diebus

CAYAS IN DIES
aut in diebus



ANTONII LAV- RENTII POLITIANI DE RISV LIBER PRIMVS.

Philander, Politianus, Cosmus.

CCVM ipsum opportune no-
bis obuium, o Cosme exoptate
salutem. Co s. Deus vos amet a-
mici, quid vos tam mœstos, tri-
stesque, primo aspectu conspi-
atus sum? ac, vt inquit ille, obstipo capite, &
figentes lumine terram? equidem haud arbi-
tror, vos meditari ægroti veteris somnia. PH.
Recte quidem ex vultu conjecturam facis:
nam est quidpiam, quod nimium turbat, nec
quidem somnium, sed res, cuius scientia utili-
tatis haud parum afferre valet, vt ipse, si o-
cium sit, fateberis. Co s. Vbi addiscendi ali-
quid sit mentio, nunquam occupatus sum: vi-
deor enim mihi, summa cum voluptate æta-
ten degere, dum, vt Solon ille Atheniensis,
semper aliquid addiscens senesco, ergo elo-
quimini obsecro quamprimum, quid hoc sit.

PH.

PH. Arbitror, te haud latere, nos ab ineunte
estate Philosophiae operam vsque nauasse, sic
hominis sapientiam modeste Pythagoras
primus appellauit. Cos. Non tam modeste,
quam vere tantus vir eloquutus fuit. Sapien-
tia enim, vt Aristoteles ex Poeta Simonide
accepit, vnius Dei honor est, cumque omni-
no complecti in hac vita, quamuis eam petat
suapte natura, homo nequit; sed attendo quo
euadas. PH. Ad eam vtut adipiscendam illa
ingressi sumus via, qua ex oraculo fabulosi A-
pollinis Pythii nosmetipso nosceremus,
quod præceptum, vt Ausonius Poeta tradit,
in Columna Delphica inscriptum, potius af-
scribendum est ex illis septem Græciæ priscis
sapientibus, Atheniensi Soloni, aut Chiloni
Lacedemonio. Cos. Id ipsum ex Socrate ac
Platone etiam atque etiam vobis commen-
do, Phœnicum item sapientes suimet scien-
tiā sapientiam esse literis cupientes Hiero-
glyphycis mandare serpentem suammet cau-
dam admordentem pro templi foribus scul-
psisse dicuntur. Numa item apud Romanos
idem præcepisse videtur, cum Ianum, qui fo-
ribus ac liminib[us] præcesset, bis bifrontem seu
quadrifrontem finxit, mediis faciebus in se-
metip[s]as respicientibus, aliarum altera intra
domum, altera extra spectante, quasi sapiens,
se primo, mox sua, postremoque aliena respi-
ciat. Sed quid opus his testimoniosis, si id diuina
clo-

eloquia aperte demonstrant: Homo enim, inquit Psalmographus, cum in honore esset, non intellexit, comparatus est brutis ac iumentis insipientibus, & similis factus est illis, hoc est, Homo se non cognoscens, stultus est, se vero cognoscens, sapiens; proin tu quid hac via irsistens assequutus sis enarra. PHIL. Primum quidem negotium haud difficile nobis visum est, siquidem ad memet noscendum me ipsum querere opus mihi fore non putabam, cum tecum esse nunquam non mihi ipse viderer: at vero cum vires experiri cœpi meas, res omnium difficilima apparuit. COS. Haud mirum, cum in plerisque, quod Aristoteles ait, Natura humana serua sit, atque homines præ externis, ac iis quidem multis negotiis plerunque apud se non sint, neque, uti par est, secum ipsi habitent, ut minus recte Plautinus ille simia philosophari videatur: nedum enim in foro, ut ait, vix decimus quisque est, qui ipius sese nouerit, verum maxime rara hæc est auis, atque omni in re, quod Tullius inquit, optimum quicque rarissimum est. PHIL. Verum tamen permulta nobis didicisse videmur: ab hominis enim corpore orsi omnes eius partes sigillatim cognovimus, usque ad prima vocata elementa, sectionem distributionemve, ac dissolutionem moliti; inde ad animam cognoscendam perteximus. Quamuis enim Plato, sapientiae ini-

tium ex Anima, atque ex eius præstantissima parte, quæ in intelligentia versatur, ducendum esse existimat, attamen de cognitione distincta perfectaque loquitur, quæ per regressum demonstratiuum, quem vocant, habetur. Itaque, ut ingressi fuimus, progressi usque eo gradatim, nostrum extulimus intellectum, summos labores ac vigilias impatibiles exantlantes, ut tanquam Hercules in abyssam, inque totum orbem terrarum, & in cœlos ipsos penetraremus acumine intellectus, ac Deum Optimum Maximum quoquo modo, quantum homini natura est datum, apprehendentes cognosceremus, atque arbitraremur, Philosophiam omnem nos adeptos, complexosque; cum ceu ex insidiis insignis rei spectatissimæque ignorantia se se nobis obiicit; cum etenim eius Comœdia, quæ nudius tertius acta est, nos etiam magno risu spectatores fuissimus, ea acta Philothimus, amicus noster, de causis per se, tum proximis, tum etiam remotis huius passionis, siue (quod libentius dixerim) accidentis per se, quod Græci Γέλων, Latini Risum appellant, quare recepit; ac primo quidem obmutescere omnes rei nouitate perculsi, postquam autem aliquantum cogitatum fuit, propositæ sunt causæ quædam variis ex auctoribus, quales extant Isaach Israelita, Iracastorius, Valerio-la, Valesius, & Iosius; Iubertus item dicitur
hac

hac de re Gallico sermone egisse, cuiusmodi
scripta cum diligentia magna requireremus,
inuenire non potuimus, ex prædictis autem
nihil perceptam nobis est, in quo intellectus
plane acquiesceret; desperationem forte no-
bis iniecit Cicero, quem, quid sit Risus, (vt e-
ius verbis utar) quo pacto concitetur, vbi sit,
quo modo existat, atque ita repente erum-
pat, vt eum cupientes tenere nequeamus, &
quomodo simul latera, os, venas, vultum, o-
culos occupet, nescire non pudet, quo-
niā, inquit, ne ipsi quidem illi sciunt,
qui pollicentur. Conquerebamur omnes,
cum plura abstrusaque de sensu intellectu-
que scire videamur, hanc hominis proprie-
tatem, quæ quotidie ob oculos versatur,
nos turpiter ignorare, abiūimus singuli tri-
stes domum quisque suam, vbi præ cæteris
ego cogitando sum defessus, & quo magis
prædictorum auctorum scripta perlegebam,
eo amplius in ignorantiae tenebris me pene-
trabam. Co s. An ignorabatis, nunquam ad
id, quod satis sit, in Philosophia peruenire
quenquam posse? quoties autem commone-
feci vos, ne his nostris recentibus scriptori-
bus nimium confideretis, vtpote qui ab ea
antiquorum excellentia plurimum descen-
derint, vt pene illud Flacci usurpare quea-
mus:

Damnoſa quid non imminuit dies.

*Ætas parentum peior avis tulit
Nos nequiores mox datus (nisi Deus auera-
tat)*

Progeniem vitiosiorem.

POL. Quonam pacto id fieri potuit, cum re-
rum scientia, vt ipse de Philosophia afferis, sit
quodammodo infinita, facileque, vt aiunt, sit
inuentis addere? nisi forte cum celebri quo-
dam Comico hanc de vino coniecturam fa-
cias, quod vetus multo, quam nouum melius
est, quanquam apud nos nimium vetus fuge-
re, vappaque fieri soleat. Cos. An forte me-
senem, quod aiunt, laudatorem temporis acti-
derides? ratione moueor contra recentiores,
alibi fusius tractanda, nunc scias, Cœlorum
influxui id posse referri acceptum. Etsi enim
Sol, Mercuriusque ingenia excellentia sem-
per alicubi ferre possit, & fortasse producat:
Iouis tamen sydus ea impedit, aut corrumpit,
non quidem suapte natura, sed maleficiis a-
stris infectum, ac deprauatum; quamuis hæc
humana pectora non cogant. Accedit, quod
hi recentiores suopte ingenio feroculi sper-
nunt Methodum, præsertim demonstrati-
uam, qua sine nil veri certo haberi potest, in
tanto præcipue antiquorum Philosophan-
tium hac de re silentio, vt nemo (quod sciam)
de ea meminerit, præter vnum Aristotelem,
qui, vt sui moris est, ardua reconditaque in re-
pauca, eaque obscurius de Risu pronunciat.

POL.

POL. Quid ita obsecro? sic enim scribere, non scribere est. **COS.** His ferme verbis ipse ad Alexandrum quærentem, quod arcana Philosophiæ diuulgasset, respondisse fertur; vulgus enim prophanum arcere voluit, quod illa parui pendit, rebus ab homine extraneis omnino deditum; at vero Philosophis, qui plurimum propter Philosophiam laborarunt, eius doctrinam assequi, tenereque datur. **POL.** Multum quidem laboris hac in re impendimus, sed in cassum, atque, ut abs te doceremur, data opera ex urbe huic nos contulimus. **COS.** Docendusne vos doceam? haud par est, at si mecum addiscere nonnihil vobis libet ex mutis, quod aiunt, Doctoribus, quorum Princeps est rerum ipsarum natura, utique, si Deus annuerit, poteritis, & vestrum quidem gratia iam redibo domum, ut ibi nostro in viridario totam hanc rem exquiramus. **PHIL.** Gratissimum nobis feceris, at non paruo spatio à domo tua distamus, ex quo bonum erit facere, si consilium placebit, aliquid inter eundem de Risu dicere ingrediamur: ut enim parasitus ille proverbio apud Plautum inquit: Mane quod tu occperis negotium agere, id totum procedit diem. **COS.** Fortasse quoniam, ut Flaccus ait, dimidium facti, qui cœpit, habet, & proinde omni studio diligentiaque in principium cuiuscunque rei agenda: incumbendum est, id

quod manc, vt Marsilius vester accurate ostendit, præ cæteris dici partibus, maxime fieri potest, vnde quando tu non saturio, sed e-
suriō, vt ille inquit, huc aduenisti, haud equi-
dem refragabor; sed primum omnium in hoc
proximo templo Deo, beatissimæq; eius ge-
nitrici semper virginī Mariæ, ac martyri vir-
ginique Catharinæ sacro, diuinum nomen
inuocemus. PHILANDER. Id in principio
cuiusque actionis, vel Platone teste conue-
nientissimum est, & nunc mihi in men-
tem venit, diuam hanc Catharinam, vt
pote quæ à teneris annis sapientiæ studiis
quam maxime flagravit, in eisque summa
cūm laude floruit, non raro Deum exora-
re, vt hominibus sibi deuotis, sapientiæ
que cupidis eius copia fiat. COSMVS. Nunc
autem, vt ad id, quod cupimus, perueni-
re possimus, operæ pretium est, quæ sen-
sui nostro, dum aliquis ridet, apparent, in
medium proferatis. PHILANDER. Faci-
llimum videtur, sed me quædam vrget con-
fusio. COSMVS. Huiuscemodi ordinem se-
quere, primum risum ipsum diuide, dein-
de cum duo sensibilium sint genera, pri-
mo sensibilia communia refer, mox pro-
pria, quæ per quinque externos sensus sunt
distributa; vtraque autem sensibilium ge-
nera in quolibet risu tibi conandum est no-
bis proponere. POLITIANVS. At vero du-
biūm

bium hic me offendit: cum etenim Socrates, aliquae Philosophi, sensum nunquam non decipi afferuerarint, frustra a sensibilibus ordo seu methodus videtur. COSMVS. Arbitrabatur itidem Socrates, nullam à nobis in hac vita scientiam haberi posse; hanc sententiam ipse præter cæteros sua ætate professus ea opinabatur, vt à Platone refertur, se omnium hominum sapientissimum ab Apolline Pythio appellatum fuisse. Aristoteles vero afferuit, sensum in sensibilibus propriis non decipi; adde neque in his, quæ communia sunt, si congrua in distantia, atque uti par est ad sensibile sese habeat. Controuersia hæc inter nobilissimos Philosophos peculiarem exigit tractatum, qui nobis ponentibus, aliquampiam scientiam in hominibus inesse, fierique ex cognitione sensus, nunc superuacaneus esset. POLITIANVS. Intelligo, nam ex suppositione nobiscum agis, imitatus Platonem & Aristotelem, ac Mathematicos ipsos. COSMVS. Sic decet, iam ergo tu Philander nobis Risum diuide. PHIL. Hoc opus hic labor est; num ignoras, Platone id afferente, quam difficile sit probe diuidere? aliquam methodum mihi ostendas velim, etenim in hoc munere exercitatus minime sum. COS. Nempe tu in doctrina recentiorum educatus, qui tempus omne conterunt in disputationibus,

tractationibusque plerumque inanibus, leui-
busque, methodum autem demonstratiuam,
atque compositiuam (ac & diuisiuam Aristoteles complexus est) simul cum earum ysu ni-
hili pendunt; at vos ne arbitremini, diuinum
hoc munus (sic à Platone diuisua methodus
appellatur) omnino me nunc traditum:
longiorem enim postulat sermonem. PHIL.
Quæ tu vis, eadem nos quoque volumus.
Cos. Accipe igitur, quod ad præsens opus
spectat; nostin Risum duo habere, & nomen,
& rem, per illud significatam. PHIL. Noui.
Cos. Primo itaque in medium proponere
nitaris, quæ nomine Risus significantur; se-
cundo autem res ipsas Risus nomine signifi-
catas distribuas, & primum quidem tibi in va-
ria scriptorum lectione versato haud difficile
erit. PHIL. Dicam ea, quæ in mentem ve-
niunt, præter hunc Risum, quem quotidie
frequenter videmus, & cuius causam præci-
pue querimus, datur & aliud Risus genus,
quod Sardonium appellant, eum ita denomi-
natum ferunt ex Insula Sardinia maris medi-
terranei, in qua copiosius, quam alibi, herba
quædam nascitur, saporis, ut aiunt, dulcis, cu-
ijs meminit Dioscorides, diciens, eam esse de
genere Batrachii, quod Latini Ranunculum
dicunt, addit mentem ipsam vescentibus ad-
imere, & quadam neruorum distentione la-
bia in rictum contrahere, vt Risus speciem

præ-

præbeat, & ab hac affectione de Sardonio risu
 in vulgus infausto omine adagium manasse;
 & insuper huic veneno afferit, curam o-
 mnem, quæ conuulsioni neruorum adhibe-
 tur, exequi oportere. Pausanias de eadem
 herba loquens ait, eam reperiri venenatam
 duntaxat in Sardinia, & iuxta fontes proue-
 nire, quamuis aquas non inficiat, eamque
 qui ederit ridentem emori, esseque similem
 Selino, Apioni. Dicitur præterea hæc herba
 seelerata in eo de Plantis Commentario,
 quod Apulcio ascribunt; refert Cælius Rho-
 diginus, suis temporibus hanc Risus herbam
 appellari, ex quo patet, quid Sardonii risus
 nomine propriè significetur, quanquam non
 me præterit, aliam à quibusdam afferri ratio-
 nem, vti refertur apud Paræmiarum quen-
 dam scriptorem. Zenodotus enim ex Æschy-
 lo memorat, in Sardone, quæ erat Carthagi-
 nensium regio, morem fuisse, senes septua-
 genarios Saturno sacrificare, qui ridentes,
 dum immolarentur, ac mutuo sese ample-
 xantes, æquo animo mortem patiebantur; i-
 pse Zenodotus aliter hanc rem enarrat, di-
 cens, filios in Sardoniis parentes grandæuos
 fustibus cædentes, in foueam, vbi sepeliendi
 erant, præcipites dare solitos, quam mortem,
 illi ridentes, ac fœlicem arbitrantes, itidem
 æquo animo perferrent: alii dicunt, id tan-
 tum fieri solitum de Captiueis septuageni-

riis, ex Cleanto patet Carthagine in magnis
 votis solitum sacrificari puerum Saturni Ma-
 nibus, qui dum sacrificaretur, ignis vapore
 contractus ac tortus, ridentis speciem præ-
 bebat. Ex eodem Zenodoto breuiter dicam
 de fabuloso illo Ialo Aeneo, ac vnicam venam
 habente, qui ad Sardiniam accedens, pluri-
 mos mortales inibi interemit, ut ridentes vi-
 derentur, & postea in ignem desiliens Satur-
 no sacrificandos pectoris suo admotos cum i-
 magine quadam risus neci dabat: euenit e-
 nim, ut incendio qui pereunt ringentes mor-
 riantur. Et hæc quidem de ratione, qua Ri-
 sus Sardonius ita appellatus fuit, quan-
 quam ex Paulo Aegineta omnes risus præ-
 ter naturam, seu à causa tantum externa Sar-
 donii dicuntur. COSMVS. Accurate loque-
 ris. PHIL. At vero neque illud reticuerim,
 quod quidam asserunt, si quis in lebete aquæ
 feruentis immittatur, inibi cum risu decede-
 re; meminit Plinius cuiusdam herbæ, quam
 Magi Gelotophyllidam vocitent, & quæ in
 Bactris, & circa Boristenem nascatur,
 hæc si bibatur cum Myrrha & vino, varias,
 inquit, obuersari species, ridendique si-
 nem non fieri, ni potis nucleis pineæ nu-
 cis in vino Palmeo. Afferunt quidam, Cro-
 cum, si ad tres drachmas sumatur, præ ni-
 mio risu interficere, Dioscorides quidem
 hoc tantum, inquit, ex aliorum sententia,
 cum

cum esse exitiosum tribus drachmis ex aqua
potis. Apud Strabonem inuenio in Cam-
bysea , quæ flumen Alactonium accolit,
Araneorum genus quoddam nasci , quod
mordens alios ridendo cogat emori , alios
vero flendo. Scriptor ille Paræmiarum ex
quibusdam addit, cum Risu interitum sequi
etiam morsum larcotellæ, quod animal nun-
quam me legisse recordor, quodnam sit, ne-
que adeo, quid hoc nomen significet, forsi-
tan est Phalangii genus, quod Arabes Rute-
lam, nostrates vero Larantola dicunt, ex
Iarento Iapygiæ vrbc, vbi viget, quamuis &
in Apulia, & alibi frequens sit, à quo morsi a-
lii vomunt, alii sudant, alii dormiunt, tremi-
scunt alii, aut vsque saltant, aut flent, aut ri-
dent, aliisque symptomatis pro varia, vt pu-
to , in primis herbarum , in quibus ii innan-
scuntur, natura afficiuntur, quæ musicæ in-
strumentorum sonis, iis quidem variis , pro
affectionum, quas hoc venenum affert, va-
rietate (non enim quilibet sonus ad quam-
libet accommodatus est) tolluntur ; vsque
enim saltare, quemadmodum ad prabeum,
viridemque colorem accurrere coguntur,
vt multo sudore manent , venenumque il-
lud cónfiant; nihil deinde vetat, alia ho-
rum similia , & proportionalia reperiri
posse venena , quin etiam sponte ex pu-
tredine cuiuspiam humoris , huiusmodi

ali-

eliquid potest in ipsomet homine produci proportionale, nedum huic veneno, sed & aliis, si quod est acrius immitiusque. Co s. Ita ego quoque arbitror. PHIL. Meminit Aristoteles illius, cui in p̄cilio traiecta præcordia mortem cum risu attulerunt, quod & in gladiatorum spectaculis obtigisse memorat Plinius. Et hæc sunt, quæ de risu proprio Sardonio mihi succurrunt: nam & quadam similitudine, ut nosti, risus quidam secundum naturam Sardonius appellatur. Co s. Teneo, sed alia ab homine dicunturne ridere? PHIL. Apud Poetas metaphora quadam id v̄su ve-
nit, sic apud Poetam, nescio quem, memini me legisse, Rosam aliosque flores ridentes: ri-
denterem item Achantum Vergilius dicit. Ho-
ratius, ridet argento domus (inquit) & Lu-
cretius, Rident æqua Ponti, aliaque apud
alios huiusmodi sunt, quæ nunc enarrare
longum esset. Co s m. Satis quidem variam,
quam dicunt, præte fers lectionem, neque
hæc adnotasse pigebit. PHIL. Solicii maxi-
me sumus de risu hominis secundum natu-
ram. Co s. Cum igitur partiamini, ut, quæ in
ipso sensu patent, facilius enumeretis. PHIL.
Equidem hanc prouinciam Politiano dan-
dam censeo, ut risum, qui secundum natu-
ram est nostris in oculis animisque, exponat,
dum ego de Sardonio deque aliis cogito.
POL. Quamuis verbis depingere non o-
mnium

innium sit, enītā tamen mandata exequi: verum quæ distributio huius risus sit, non video, quo pacto explicari possit, si adhuc, quidnam ipse sit, à quibusve causis fiat, ignoramus. Cōs. Rectam instas viam: sic enim cum recentioribus non laberis. Cæterum etiam atque etiam vide, aliquane huius risus sit diuisio, quæ in propatulo sit, neque difficilis inuentu. P o l. Nisi forte considerare me velis risum secundum communia, prout est accidens quoddam, qua in re tria dicam. Primo, risum esse aut magnum, aut paruum, hoc est, submissæ, aut summe editum. Secundo, aut rarum, aut crebrum, densumque, qui parua quaque ex re excutiatur. Tertio, aut serum tardumque, aut citum, velocemque, scilicet aut cito excitari, citoque subsidere, quæ distributio est per ea, quæ de huiusmodi aliis accidentibus inuicem relatis dici possunt. Cōs. Eam ipsam exoptabam, sed vide, an aliam deprehendere possis? P o l. Forsitan alia est per differentiam, vt dicunt, numericam, hoc est, per subiecta, seu varios homines. Cōs. Dilucide eam explices. P o l. Sic arbitror dicendum: Risum esse in viro, aut in muliere, præterea aut in puerō, aut in iuuene, aut in sene; insuper aut in Italo, aut in Gallo, aut in alio; item aut æstate, aut hyeme, aut in aliœ tempore, tum etiam aut in temperato, aut in calido, aut in frigido, aut in alterius

tem-

temperamenti, & alia id genus per multa.
Cos. Satis hæc sunt, nunc autem, ut, quæ sensu in Risu noscuntur, omnia afferre possis, hanc methodum accipe; pingendus tibi est summus ac maximus risus: summum enim, ut Philosophi experiuntur, mensura est & regula essentiæ aliorum, eiusque defectu cetera metiri perpendique constat. **PoL**. Ita est. **Cos.** Summum itaque risum spectes eo in homine, in quo sit, ut in iuuene, seu in alio. **PoL**. Percipio, namque, ut Plato in Alcibide primo poni malis ipsum idem, quam ipsum quod est. **Cos.** Tenes. **PoL**. Et quod spectat ad sensibilia communia, cum ex Aristotele ea quinque esse acceperim, nempe Motus, Quies, Numerus, Magnitudo & Figura; primo quidem in risu motus insignis apparet. **Cos.** Hic motus cuiusnam sit, & qualis, te explicare oportet. **PoL**. Pro tenui infra maq; parte connitar contendamq;, atq; à capite incipiens, quæ inter quinque corporis summas partes ab Aristotele enarratas prima quodammodo est, primoq; nobis in conspectum prodit, illud certum est in risu eo summo, de quo est hic sermo, totum caput moueri, atq; eius illas partes, quæ faciei sunt, verum non omnes, ut auriculæ, quæ vni homini semper immotæ manent, quanquam in aliquibus, cum loquuntur aut rident, trepidare motariq; videntur; at hic motus per se auricula-

cularum non est, sed quia aliquantum ipsæ adhærent, coniunctæq; sunt maxillæ seu mandibulæ inferiori, quæ præcipue in risu mouentur, superiori semper immota, præterq; Crocodilo, cui ea tantū mouetur; excipitur etiam à Meletio Phœnix avis, ac excipi potest Psittacus, quæ nostrates dicunt il Pappagallo; hæc etenim aues ambas maxillas mouent, seu potius maxillis respondentia. Cos. Recte loqueris. Pol. Mouentur itē in risu malæ seu genæ, q; ex antiquioribus Latinis idē significant, earumq; motus is ipse est, qui & musculorū maxillā mouentiū; mouentur etiā quoquo modo Genæ, q; circa oculū, in quibus Palpebræ sunt, q; & ipsæ mouentur in risu, atq; etiā extremū superioris Genę, q; Cilium antiqui, recentiores vero, vt Plinius testatur, Superciliū appellarunt; mouentur itē in risu nares nasi, inquā, cartilagine, os ipsum, oculi, ac etiam frontis cutis aliquantū moueri videt, atq; in summa quæcūq; faciei pars, quæ moueri possit. Et hæc quidē de capitis motu in risu. Collum autē, quæ est inter caput, & pectus secunda pars principalis, & ipsum cū capite in risu quidē maximo simul moueri videt, p̄cipueq; pars eius anterior, q; guttur appellatur: thorax vero, q; tertia est pars principalis, & ipse eiusve Partes in risu mouētur; thoracē propriæ ex Aristotele accipio, quæ pars à collo, vt inquit, ad pudenda usque peruenit, atq; in duas dia-

phra-

phragmate membrana partiri potest, & superior quidem Thoracis nomine Medicis appellatur, Pectus vulgo dicitur: inferior vero Abdomen Medicis dicitur, Aristoteli autem *γαστὴ*, quod Latine vertunt Venter, atque ventraque quidem pars in risu mouetur. Cos. Recte explanasti. Pol. Aliæ insuper partes summæ, brachium duplex, & crus duplex in risu mouentur, magis autem brachia; his addendum censeo, totum corpus secundum se totum in risu, illo quidem summo, moueri. Cos. Ita habet, sed cogita, ne quicquam actum esse, nisi etiam, qualesnam hi motus sint, sigillatim explices. Pol. At quoniam patto? Cos. Accepistin ex Aristotele, motum denominari definiri que à termino ad quem. Pol. Id quidem teneo. Cos. Hac igitur methodo prædictos motus sub oculis nobis ponas. Pol. Dura imperas, attamen, vt ut poterò, explicabo. Et quod spectat ad motum totius corporis in risu, is certo termino carere mihi videtur, est autem, vt quoquo modo eum describam, ac si quis totus quatiatitur, seu concutiatur, vt cum homines gestiunt, tre miscunt, stare loco nesciunt, saltant, subsulant, exiliunt, vt toti diffluere, sibique non constare videantur. Cos. Recte quidem dictum. Pol. Id ipsum dico de toto capite: mouetur enim & ipsum in risu inordinato quodam motu; at vero si faciei partes considere mus,

mus, præsertim Malas, seu Genas, harum
quidem in risu insignis, & manifestus est mo- *Omnes fa-*
tus, qualis autem sit ambigo, quonam pacto cies mus-
explicare possim. Cos. Connitamus ambo a- culos in ri-
liquid perscrutati, anne putas malarum, to- *su simul*
tiusque faciei musculos (eadem enim, quod *moueri.*
spectat ad hoc, omnium effratio) simul o-
mnes in risu moueri nec ne? *Pol.* Nequeo e-
go sane adeo ad viuū hæc refecare. *Cos.* Ani-
mum aduerte, an possis hoc mecum indaga-
re, quanam coniectura musculum quem-
piam moueri, aut motum esse cognoscis?
Pol. Cum contractus, ac breuior, & du-
rior apparet præsertim si subiectum os ha-
beat, cumq; sibi destinatum mouet mobile,
quemadmodum Anatomicorum Princeps
Hieronymus Fabritius de aqua pendente
explanat. *Cos.* Anne omnes faciei muscu-
li in risu simul tensi, duriq; videntur, siquidē
hi subiectum os habent? *Pol.* Præter il-
los forsitan frontis mihi omnes simul con-
trahi in risu videntur, totamque faciem pro-
eius substantiæ constitutione tunc rigere, ac
obdurescere. *Cos.* Quid ergo dubitas af-
ferere omnes faciei musculos in risu simul
moueri? *Pol.* Profecto ita se res habet. *Cos.*
Ex altera parte considera, num eodem tem-
pore eadem res contrariis motibus moueri
possit. *Pol.* Nequaquam. *Cos.* Anne mu-
culi

culi prædicti, ut malarum contrarios motus habent? P O L. Habent, nam alii maxillam inferiorem deorsum, alii sursum trahendo os aut claudunt, aut aperiunt, alii vero modo extrorsus, modo introrsus, eam mouentes circumagunt. C o s. Simul igitur maxillam inferiorem omnes mouere non valent, quamobrem simul omnes non motientur. P O L. In confusionem ac tenebras me conieciisti. C o s. Videamus, an ex his tenebris quoquo modo nosmet ipsos liberare, eruerque possimus, ac mihi respondeas, cum duo aliquid mouentes in contrarium illud trahunt, hinc scilicet unus, illinc altrinsecus, ei aduersus alter, quidnam eveniet? P O L. Profecto ut Aristoteles ait, fieri non potest in eodem mobili simul motus ad contraria quare, sicut ex hoc ipso, ut memorat Aristoteles, quidam opinati sunt terram immotam in mundi centro manere, sic etiam hi mouentes, de quibus loqueris si aquilis sint virtutis aut nihil agent, aut si fieri potest mobile distrahetur. C o s. At veros si inæqualis virtutis, ac roboris sint? P O L. Inferior motui valentioris cedet, vt exempli gratia aperietur porta, si aperiens magis valeat. C o s. Sed num valentior mouens haç in pugna, contentioneue, idem assequetur, ac si non contendat, nulloue repugnātemo-

temoueat? POL. Si quemadmodum omnibus
pro certo est agens materialis in agendo re-
patitur, & quodam pacto de suæ virtutis gra-
du deiicitur, quanto magis id eueniet cum
aduersarium, et si imbecilliorem, attamen a-
perte contranitentem habet? quare dicendū
arbitror, tunc non tantum mouere, quan-
tum aduersario nō impeditus moueret. COS.
Tunc igitur valentior mouēs minus seu im-
perfecte mouebit aduersario, vti afferis usq;
contranitente. POL. Sine dubio. COS. Nune
vero perpende quinam musculi faciei sint
valētores. POL. Quanam ratione id assequar?
COS. Anne plures simul mouentes, data in
eundem equalitate, validiores sunt, quam pau-
ciores? POL. Videtur modo ne superfluant,
tunc n. præ multitudine mutuo sibi impedi-
mento, & confusione essent, id quod nunquā
prouida natura admittit. COS. Anne etiam
inter hos musculos magni, crassiq; validiores
sunt exilib. paruisq;? POL. Sunt quidem. COS.
Expendas igitur quinam musculi ex prædi-
etis sint plures, aut pauciores, crassiores aut
exiliores. POL. In primis quidē existimo mus-
culos maxillam inferiorem sursum ut os clau-
dant, trahētes plures, crassioresq; ac proinde
valētores esse quam candē deorsum, vt idem
aperiant, ducētes, id q̄ cū ex anatomic patet,
tum liquido ostendunt, qui grauiora onera è

terra mordicus extollentes ore gestant; tum etiam qui Phrenesi, insaniae perciti tanta vi ac peruvicia os claudunt, vt ne vix quidem, vel organis quibusdam ferreis referari possit, quamuis hoc in claudendo ore, restringendisque dentibus robur minus haud immetato homini (vt etiam musculi temporales in ipso exiliiores declarant) qua brutis mordacibusq; animalib. sit, non esse autem tantam in ore aperiendo vim, cum tamen maxilla proprio pondere deorsum tendens in homine, praesertim apertio nem adiuuet, ex eo constat quod non tanta difficultate compelletur quis, quamuis pertinax, ac obstinatus ad os apertum claudendum. Multo igitur imbecilliores musculi os aperientes, seu maxillam inferiorem deorsum trahentes pu-

Vt os in ri tandi sunt. Cos. Cum itaq; in risu musculi os su mouea- aperientes & claudentes simul moucantur, tur.

quid aliud eueniet, quam, vt magis os claudatur? verum non exacte ob eum aperientium musculorum, vt ita loquar, contranixum, sed aliquantum etiam aperietur, quod Latini proprie hiscere dicunt, vt cum trepidè ac hæsitanter loquimur. Pol. Ex dictis sequitur, & res ita habet, namque experior, ne que nimium hiante, neque nimium clauso ore hominem ridere posse, praesertim risu illo summo, de quo semper est hic sermo.

Cos.

Cos. In alio vero risu non summo, hęc minora erunt, & nunquam nimis claudetur aut aperietur os, nisi forte muscularis addatur quidam voluntarius motus, vt infra dicemus.

POL. Ex hoc video etiam illud sequi; quod nimis in his, qui valde nimium riserint, dolent deinde maxillae, & maxillae, vt quidam eas luxatas putarint; ob eam enim motuum contrarietatem, & violentiam accidit quodammodo, vt ligamenta, nerui, fibræ distrahan-
tur, ex quo recte vernaculo sermone dici-

mus similem dellera, ò ridere squarcia-
tamente. Cos. Sic est loquendum, verum obserua stine in risu, an appareat motus illius musculi ~~uxor nupti~~ Græcis, Latinis vero moli-
tor dicitur? siue is unus sit, siue multiplex, & qui maxillam inferiorem, modo introrsus, modo extrorsus mouet, vt inter mandendum patet? POL. Nunc in memoriam mecum redi,

non tantum me vidisse in risu os mediocriter clausum, & mediocriter apertum, sed etiam in-
feriorem maxillā mediocriter introrsus ver-
gentem propter eorum motuum, qui eodem tempore in risu sunt contrarietatem, & quoniam validiores forte sunt Musculi in-
trorsus eam agentes. Cos. Probe quidem me-
moras, sed anne hęc in aliquibus deficient?

POL. Fieri quidem potest, vt hęc non adeo adamassim in singulis se habeant pro varia

Cur inferior maxilla mediotriter in risu introrsus vergat.

hominum natura, seu earum partium compositione commensioneque. Cos. Id parum nostra refert, verum vbinam prædicti musculi locantur, vt eorum contractionem in risu experiri possimus? POL. In malis præcipue, quæ idcirco (vt hoc de propriis sensibilibus præuertam) contracte, & duriscule tum apparent; adsunt & in temporibus musculi temporales vocati, quorum contractio cum in homine tenues sint, parum obseruantur, sicut & illorum, qui gemini ab osse pectoris, seu à clavicula vocata ortum ducunt, ac terminantur ad inferiorem maxillam, sed hi in parte colli anteriori existunt. Cos. Satis hæc sunt de huius maxillæ ac malarum motu in risu: nunc eadem methodo de labrum motibus dicas. POL. In his quidem non video contrarietatem, nam in duobus mobilibus, labris (inquam) versantur, quare eorum musculis in risu simul contractis contrahuntur, & ipsa superius nimirum sursum,

Cur in risu retegan tur dentes Gelasini. deorsum vero inferius, ex quo reteguntur dentes hoc ipso Gelasini Græcis appellati; quod vero labrum superius, magis videmus contrahi quam inferius, id ex validioribus, quos obtinet musculis habet, quod etiam labra in risu, neq; introrsus, neque extrorsus moueantur (quos motus, & contrarios quidem eorum vnumquodq; habet, ob quasdam fibras.

fibras ad suos musculos pertinentes) accidit, quoniam cum hæ imbecilliores sint, ipsis muscularis labrum superius sursum, & inferius deorsum mouentibus, iure eorum motui cedunt, neq; introrsus, neq; extrorsus tunc labra mouere valent, præsertim cum ex malorum, quibus vtrinque ea annexuntur, contractione vtrinque valide trahantur, extendanturque, verum propterea quod hanc tensionem, seu contractionem inter ridendum experiamur carpere, haud decet Martialem Poëtam, cum inquit:

Et quicquid lepida procacitate

Laxat perspicuo labella risu.

Laxat enim quasi aperit, dixit. sed neque illud prætermittam: eam partem in qua labrorum contractio appetit forsitan à Latinis buccas appellari, quæ, ut puto, nomine *renies* Aristoteli significatur ac præcipue in ira inflatur, ut Horatius indicat, in sua sorte non contentos dicens:

*Quid causæ est, merito quin illis Jupiter ambas
Iratus buccas inflet?*

Etenim buccæ inquit Plinius sunt infra malas hilaritatem, ac risum indicantes. C o s. Recte quidem loqueris. POL. Musculi autem in risu ut tem nasi, qui nares diducunt aperiuntque vi- nares mo- rrib. valde pollent, neq; in motu sibi mutuo ad- ueantur. uersi sunt, & proinde in risu valide cōtrahuntur,

ut nares, præsertim in derisu corrugentur,
Nasus cri proprieque *nasus crispari*, seu *crispans dici-*
spas adun tur Persio in derisores, cum inquit:

cus in ri- Ingeminat tremulos naso crissante cachinnos.
su.

Attollunt etiam hi, & contrahunt adeo
 nares, ut *nasus curuus*, & *aduncus* videatur,
 vnde Flaccus ad Mæcœnatem:

Nec quod avus tibi maternus fuit atque pa-
ternus,

Olim qui magnis legionibus imperitarint.

Vt pleriq; solent naso suspendis aduncos.

Ignotos, ut me libertino patre natuni.

Etapud Persium Monitor sic ait:

Rides, & nimis vncis naribus indulges.

Rhinocero Fiunt etiam eo pacto nares acutæ, vnde
tis. Flaccus, acutis.

— *Naribus horum hominum rideri possit.*

Ex quo etiam Martialis de derisoribus
 Romæ loquens, inquit:

Maiores nusquam Ronchi iuuenes, senesq;

Et pueri nasum rhinocerotis habent.

Palpebra- Cos. Ad vnguem loqueris. POL. Accipe
rū motus nunc quid obseruarim de palpebris seu ocul-
in risu. lorum integumentis, quæ in genis sunt; quæ-
que vtrinque duæ sunt, superior scilicet, &
inferior. Cum arbitratus sit Galenus supe-
riorem dumtaxat in homine moueri sursum,
deorsumq; variorum muscularum munere

mo-

motus contrarios habentium, qui cum in risu simul fiant, ut per methodum abs te propositam experior, (omnes enim faciei musculi in risu simul contrahuntur) afferendum esset, tunc palpebras non moueri, si praediti palpebræ superioris musculi æqualis roboris essent, sed cum, ut ex effectu patet, musculus deorsum eam trahens validior sit, cui etiam palpebræ ipsius pondus opitulatur, evenit, ut parum quidem deorsum palpebra, tum moueatur & claudatur aliquantum oculus, & quamuis Arist. etiam inferiorem in homine moueri vere assuerarit, hic tamen motus exiguus est, & quin sit, parum abest, quare (ut illud eiusdem Arist. quoquo pacto usurpem) tanquam nihil quin sit abesse existimandum est. *Qui*cquid autem hac de re sit, id nobis sat est, palpebram superiorem duos contrarios motus obtinere, & proinde neque nimium oculum claudere, neq; nimium aperire in risu posse, quamquam magis claudit, velut de ore supra dicebamus. animaduerti insuper ex hac motuum palpebræ superioris contrarietate fieri in risu ob contranixum quandam circa oculi angulum præcipue externum corrugationem: cumque, vti dicebam, magis cluditur, quam aperiatur oculus, evenit, ut ambo cilia, siue supercilia deorsum paululum in risu trahan-

tur , & aliquantum , leuiter tamen inclinat . dico autem ambo supercilia simul in risu illo præsertim summo sic necessario moueri , cum aliâs ad arbitrium uno in homine separatim moueri possint , ut in iactatione patet . Cos. Ita se res habet , sed quid sis dicturus de motu oculorum & frontis expecto . P O L . Mihi quidem videntur oculi in risu retrahi intraq; orbitam non nihil recondi . Cos. Putasne ex musculis hunc motum fieri ? P O L . Quanquam ex partibus non teneor nisi de causis sensui apparentibus loqui , attamen quid sentiam hac in re aperiam . Arbitror igitur & neruos opticos Græcis sic appellatos retrahi posse , sicut & alios neruos , argumento esse potest , quod circa singulum eorum brutis animalibus peculiariter insignis & conspicuus est musculus , quib. animab. fere semper pronos habentib. oculos periculum immineret , ne ex capite deciderent , non sufficientib eorum ponderi hisce nervis , utpote mollib. nisi hic adesset musculus , quem fibris , quas obtinet rectis intra orbitam oculum etiam retrahere verisimile est , ad eius nimirum tutelam . Cos. Bene sentis , sed in risu cæteri oculorum masculi contrahuntur ne ? P O L . Quidni ? verum hac in re nil certi audeo pronunciare , quoniam sensui illi non patent , at si contrahuntur , assererem ,

omnes

*Oculoru
motus in
risu.*

omnes eos simul contrahi, in risu inquam, ut
alii faciei musculi, & proinde ob eam motuum,
quos habent contrarietatem, & roboris for-
sitam & qualitatem, oculos potius quiescere,
quam moueri, experiri in semetipso quili-
bet potest, deprehendetq; inter ridendum o-
culos ad circumspiciendum visione distin-
cta, que ad perpendicularem radium sit diffi-
culter se mouere posse, nisi id motu totius
capitis molliatur inordinato illo quidē, que
in risu caput, corpusq; totū ne vix quidem
obtinebit. Cos. Quasi dicas oculorum motus
ad circumspiciendum distincte omnino in ri-
su deficere. P. L. Ita quidē experior, sed de his
musculis an tunc moueantur, quæsq; ne me
diuinare iubeas. Cos. Acquiescam sanc. at de-
niq; de motu frontis hoc nomine cutim eius *Frons qua*
intelligo, aliquid proferas. P. L. Quid sentiā *les motus*
indicabo. experior frontem moueri, nedum *habeat*,
sursum, cum attollitur atque ad capillorum
radicem corrugatur, ut cum quidpiam cu-
ius causam, rationemve ignoret, admira-
tur quis aut cum grauibus angitur curis,
verum etiam (quod miror à quibusdam non
obseruari) deorsum cum tenditur à capillo-
rum regione, atq; ad nasi initium, quod sub
fronte est corrugatur, superciliorum qua-
dam cum deorsum contractione, ut cum ali-
cuius reminisci homines studēt, aut cum ali-
cui

cui indignati minitantur, aut cum ut Plauti-
nè loquar, caperat frons seueritudine; qua-
lem etiam fermè statum frons habet, quibus
natura est ad has passiones propensa, scu pro-
portionalis, hi frontis sunt motus, muscularis
accepti, siue fibris referendi, ut credere par-
est æquivalentibus, ex quo cum in risu haud
dissimili ratione, ac alii faciei musculi, simul
moueantur, fit, ut tum frons potius immota

Frons in explicataque maneat, nisi forsitan deorsum
risu vt se ad explicationem aliquantum moueatur ob
habeat. fibras validiusculas. Cos. Videtur, veruntamen,

quidquid hoc sit, nimia diligentia
excusatione digna magis quam negligentia
est. Pol. Sed hoc etiam quod pene eram
oblitus paucis proloquar, hosce motus o-
mnes magis in dextris, quam in sinistris ad-
esse. Cos. Nihil profecto te præterit. Pol.

Hæc igitur de motu capitis in risu, de motu

Collum autem colli, nihil ferme habeo dicere. guttus

& guttus certe non nihil trepidare videtur, totum ve-

in risu vt ro collum paululum inter ridendum contra-

moueatur. hi breuius crassiusque fieri, hunc equidem

potius dixerim motum capitis deorsum eius
muscularis contractis, verum qualis qualis sit,
ut ingenuè fatear, parum apparent, neque est
tanta obseruatione dignus, videturque mo-
tum illum totius capitis inordinatum comi-
tari. Cos. Ita se habet, age, alios expedi mo-

tus.

tus. POL. Demotu thoracis in risu difficultate est iudicium. namque Isaach Israelita musculos thoracis sic apud Medicos appellati moueri tremitu quodam in risu existimat, non illo quidem proprium, qui pugna est naturam inter & morbum, ut praeinterpretatur Valerius, sed quodammodo, hoc est improprius dicto tremore, quae sententia obscuritatis multum habet, & confusionis. neque, quid hac in re potissimum decernam, assequor, adeo obseruatu motus hic est difficilis. COS. Mutuam ergo operam hac in re disquirenda trandum. POL. Semper eisdem praesto sum. *Motus thoracis* COS. Audisti ne unquam thoracem hunc, *racis* quemque seu malis dicere, pectus dilatari, restringi que *litis* sit. ope variorum muscularum? POL. Iam hoc teneo. COS. Præterea an etiam accepisti propter hanc thoracis dilatationem restrictionemque pulmones instar folium alternatim attolli deprimique, seu turgere, ad deturgere? ex quo aeris ab iisdem pulmonibus attractio, expulsioque fiat, seu inspiratio, & expiratio, utque uno verbo dicam respiratione ipsa? POL. Id ex Galeni sententia accepi, & ea quidem vera, quamquam Averroes dissentit, existimans, ex pulmonum motu motum thoracis evenire. COS. Ut ut est, ex hoc apparent methodus, quam sequamur in motu muscularum thoracis, dum quis

Respiratio quis ridet dispicio. etenim, an obserua-
in risu iti aliquando quomodo respiratio tunc sepe
que. habeat? POL Certe visa est admodum magna
 nec non crebra, ac velox, sicut etiam & pro-
 pter oris illum quem diximus statim, ut ne-

In risu q; deglutire, & ne mandere quidem, neq; bi-
'cur nec de- bhere tunc quis possit. Cos. At vero si ita est vi-
glutire, ti afferis, nonne pulmones necesse est in risu
nec man- valde crebro, velociter ac multum attolli, de-
dere, nec primiq; ? POL. Vtiq;, Cos. At si res ita habet,
bibere pos- an thoracem oportebit itidem valde crebro,
fimus. velociter, ac multū dilatari, restringiq; ? POL.
 Maxime. Cos. Anne hoc fiet ope muscularū
 thoracis? POL. Prorsus, & video iam iā aper-
 te quid sis dicturus. in risu sc. thoracis mus-
 culos, valde cum multum, tum cito, crebro-
 que moueri. Cos. Atq; hinc est, quod tremi-
 tu quodam tunc moueri videntur, cum
 hinc re vera motum, quem dixisti, habeant,
 ex quo etiam euenit, vt guttur, vt dicebas,
 trepidare videatur, etenim in eius interna
 regione adest arteria, quam asperam vocant,
 qua per gutturem, quæ λάρυγξ est Græcis, re-
 spiratio illa velox, crebra, magnaque fit.
 POL. Intelligo, atque hinc video cur in ve-
 hementi risu, (quod nonnulli dicunt) co-
 stas in dorsi regione ad spinalem medullam
 pene luxatas fuisse ob eam nimirum, quam
 diximus motuum magnitudinem, frequen-
tiam

tiam ac velocitatem. COS. Ita ego quoque existimo, sed ne omnino hosce musculos sicco pede, ut dicunt, pertransamus cum eos distinctè nosse in præsentia nostrum non sit, ni piget, summationis eos nobis indica.

POL. Assuerant respirationis ergo, quam dicunt naturalem, seu quia nemo absque vita suæ dispendio carere potest constitutum esse Diaphragma, qui dum ad sui, siue medium, siue centrum, quod est ad spinam dorsi contrahitur, dilatat costas & thoracem ipsum, dum vero relaxatur restringit, seu (quod verius affirmarim) proprio pondere, ac natura ipsæmet costæ ad locum suum, quasi redeunt, atque ita coactantur. Ad respirationem vero magnam destinatos fuisse dicunt musculos quos vocant intercostales, de quibus haud parua est inter Anatomicos dissensio, nunc minime necessaria. consulatis autem philosophum medicumq; sumnum Hieron. Fabrit. anatomicorum quot sunt, quotque fuere coryphaeum, ad maximum vero respirationem musculos, præserum abdominis, seu ventris. COS. Anne omnes musculi prædicti mouentur in risu summo de quo loquimur? POL. Prorsus. siquidem animaduertere tunc est maximam, velocissimam *pi homini* acreberrimam respir. ut ne dum vti dicebā, per *nes, ac deo* ne loco motæ fuerint aliquando costæ sed etiâ fatigari

De risu dolere interstina ac rū pī homini nes, ac deo
præ

præ risu homines disrumpi sibi videantur & forte quidam ridendo , vt Plautine loquar , suos ruperint ramices ; vnde nostrates dicterium habent , crepare delle risa , ex quo etiam aurei Luccioli , dominus risu ipse quoque latissimo , vt ille inquit , ad usque intestinorum dolorem redactus fuit ; adeoq; insuper magna est tunc respiratio , vt haud

*Apuleius.**Brachiorū
motus in
risu qua-
lis.**Crurum
motus in
risu
qualis.*

parua quidem defatigatio , lassitudoue subsequatur . Cos. Satis de thoracis motu , reliquum est , vt de brachiis , cruribusque dicas . POL. Hæc quidem ex maximo risu mouentur inordinato quodam motu , sicut & totum corpus , vt brachia in primis gestire , gesticularique tum videantur , illisque ut Tullii verbis utar , in risu , quis frontem feriat ; crura autem parū omnino nimio ut vere dicam nil moueri , sed præ imbecillitate contremiscere videntur . & hæc habui quidem de motu in summo risu dicere , namque in minimo aberrit apprens hic crurium & brachiorum motus , sicut & ille totius corporis , & capitistotius . Aberit etiam adeo excellens respiratio , veruntamen necessario insignis , & magna apparebit , tum etiam & faciei motus , sed multo remissiores aderunt , in mediocri vero intentiores , ac respiratio maior , & aliquam totius corporis , & capitidis , brachiorum , & crurium motatio , gestilioque . Cos. Re-

ctè

Et sane, nam risus seu motus, qui in eo cernuntur, cum singulorum graduum, quos habent indicibili, inenarrabiliue latitudine considerandi sunt. POL. Ex prædictis de *Quenam* quiete coniicere possumus. ea quidem dum *fit quies* quis maxime ridet nulla in toto reperitur *in risu.* corpore, neque in toto capite, neque in brachiis, cruribus ue, neque adeo in ipso thorace, etiam si vel parum quis rideat, at vero, quod est obseruatione dignissimum, partium faciei ille motus quamuis maximus occyssimè, ac fermè momento fit desinitque, hoc est ridentis eam figuram homo statim nanciscitur in eaque dum ridet continenter quiescit, quæque sicut aduenit itidem extemplo cum quis à risu, quamuis summo cessat, euanscitur, ut necesse non sit sensim eam deficere. & hæc quidem fere dixerim quod spectat ad motum simpliciter, nam quod ordinatos ad motus actionesque, has omnes ferme prorsus præpediri corrumpiq; in summo præsertim risu constat, ut homo, ne singulas eius persequar actiones, sui imposs, tum euadere videatur. COS. intelligo, sed in figuram ridentis irrepisti. POL. Merito, nam hæc motum, qui in risu fit, conse-
*Figurari-
detur que.*
quitur, est itaque in risu os clausum, magis quam apertum, hoc est hiscens, haud dehiscens, maxilla inferior introrsus quodam-

modo vergit, labra distenta, atq; ita contracta sunt, vt dentes ex eo Gelasini appellati denudentur, malæ item contractæ quoquo modo corrugantur, circaque os concavum quoddam efficiunt, aut quandam, ceu valleculam, vt describatur, præcipue ad nates, atque ad menti regionem linea quasi circularis. Peripheriam Græci dicunt, quæ sui quasi concauо ambiat partem vtriusque maxillæ anteriorem, quæ Aristoteli γενετὸν, Latinis buccæ, nobis il cestlo, vernaculo sermone dicitur, sui autem conuexo, vt terminet, seu attingat partem vtriusque maxillæ posteriorem, quæ Aristoteli γένον, Latinis proprie forsitan mala dicitur, quæq; vtrinque præcipue in risu tanquam collis quidam sese effert. Hanc oris & malarum figurā simul cum iis ridentis in facie rugis γελασίον, vocant, de qua Martialis:

Nec cibus ipse iuuat morsu fraudatus aceti,

Nec grata (inquit) est facies cui Gelasini abest.

Quanquam in aliquibus deformitatem afferre videtur, vt significat forte Catullus, sic puellam acmen demonstrans :

Quæ sit (inquit) quæritis illa quam videtis

Turpe incedere myrmicè, & molestè

Ridentem catuli ore Gallirani.

Eadem figura, eodemq; oris habitu, cum ferme nunquam non esset Democritus Gelasini

Gelasinus
quid.

laſini cognomen inuenit , at vero haud ex
hoc quidem nomen sortitus est Gelasimus
Parasitus apud Plautum, sed propterea quod
ridiculus foret, ſeu quod ridiculis ſuis ſuum
frequenter obtineret regem , dicitur inſuper
huiusmodi figura ſeu oris , dentiumque ha-
bitus , riſtus , vt ridentem ringere dicant e- *Riſtus &*
quorum inſtar canumne cum ad pugnam ſe *ringere.*
accingunt, cumque didueto ore exertisque
dentibus inimico interminantur , vel cum
Domino blandiuntur , quod & Catullus
loco proxime à nobis allato indicauit.idem
ferme fieri non raro ab aſellis videmus , qui *Aſelli cur*
os cœlum versus attollentes, quaſi iſum in- *ringant.*
ſpectaturi ringunt, quod existimariſ osci-
tationem, pandiculationemve quādam eſſe.
ad eſt huiusmodi quādam alia pene figura in
riſu, cum aliquem homines derident, oreque
distorto ab occipitio fit , labris contractis,
ac interiorum dentium oſtentatione , vt
interpretatur Hieronymus. Sannam ex Per-
ſio & ſubſannare dicunt, Cæterum ad veram *Sanna &*
genuinamque in riſu figuram redeo, hæc ad- *subſanna-*
modum varia eſt , pro varia hominum in
faciei partibus ſubſtantiae conſtitutione,
vt inenarrabilis ferme ſit, quibusdam enim
in mento, inq; malis tunc fieri videas, con-
caua quādam inſtar eorum , quaꝝ in va-
ſculis quibusdam ſunt , ac in manibus, ali-

isque membris rebusque, Cotylidonas Græci dicunt, Latini acetabula, siue acceptabula, quoniam ad accipiendum apta sint vertere valent, sunt autem hæc in facie ridentis, quoniam nonnullis faciei partes forte ob inæqualem texturam, constitutionemve æqualiter non contrahuntur, neque turgescunt, sciendum est enim (quod spectat ad magnitudinem, ridentis faciem non nihil

Ridentis faciem in tumescente. intumescere, nam & oculi turgiduli in risu apparent, atque itidem genæ in quibus palpebræ sunt quæque proportione respondent substantiæ illi rubeæ, quæ gallis gallinaceis circa oculos est, tument, atq; extuberant, venæ item frontis, oculorum, temporum, atque colli, quod & ipsum turgescit, manifestæ turgidaeque sunt, sicut etiam arteriæ quæ Aristoteli venæ Aortæ rami, quæ etiam insigniter, quod fueram pene dicere oblitus, præter modum tunc mouentur, insuetusque pulsus tangentι appetet. At de faciei

Ridentis insuetus pulsus. figura in risu insuper dicamus. nares patentes, curuę, aduncæ, corrugatę, crispantesq; sunt, palpebræ oculum, qui aliquantum intra orbitam reconditus est, mediocriter claudunt, quadam cum circa eius angulum externum corrugatione, frons denique exorrecta explicataque videtur, atque hæc singula magis in dextris, vt os, ipsaque facies de-

Facies in risu curvata. pra-

prauata distortaq; sit dentesque præsertim
 in derisu falcati Plautinè dicantur. De figura
 vero, seu potius de statu, habituque totius
 corporis, & capitis ac brachiorum, crurium-
 que in risu latissimo nil propemodum dicam
 quando omnia incomposita, inordinataq;
 sunt, totumque corpus præter ipsam videt-
 cet faciem remissum (cum Arist. loquar) re-
 laxatumq; est, suisq; compagib. quasi dissolu-
 tū dissolutūq; vt diffluere videatur, cogāturq;
 etiam homines, tum animi sui, vti dicebam,
 impotes corruere, passimque, & vbi cunque
 strati iacere. Cos. Optimè hæc quidem tan-
 quam digito demonstrasti. POL. Quoniam
 vero de magnitudine in collo, atque in fa-
 cie ridentis acuta modo dicebam, nec ali-
 quid hac de re vltierius in reliquo corpore
 obseruare valeo, de numero denique audias. Quæres
 dicam autem quæ res, seu substantiae in riden-
 te exoriri soleant. In primis frequenter an-
 nimaduerti inter ridendum lacrymas, & eas riantur.
 quidem calidores, quam in fletu, vt hoc pre-
 uertar, effundi; solet etiam ex facie tunc ma-
 nare sudor, præcipue vero ex fronte copio-
 siusque risum consequi. Cos. Numquid
 aliud appetet? POL. An expectas dum e-
 narrem quosdam in summo risu meiisse, vn-
 de dicterium fluxit apud nostrates, scompis-
 ciarse delle risa, aliosque tetra visu, audituq;

*Dentes fal-
cati.*

*Figura to-
tius corpo-
ris in risu.*

*Quæres
in facie ri-
te exoriri
dentis exo-
niantur.*

*Sudor in
risu.*

fecisse? Cos. Haud ita delicatæ sunt philosophorum aures, vt de hisce sermonem stomachentur, in omnibus enim (quod ex Heraclito Aristoteles ait) naturæ numen honestum pulchrumque inest ingenium. Pol. Recte consulis, iamque de communibus in risu sensibilibus, de numero scilicet de magnitudine, de figura, de quiete, ac de motu satis videor loquutus, ad sensibilia denique propria deuenio. Cos. Tantquam pictor, vt cum Aristotele loquar, ubi primum lineamentis ridentem effinxisti, mox vario illinis colore, ac perfidis, ipsam naturam in generatione animalis imitatus.

*Sensibilia
propria.*

Pol. Tuo istuc munere euenit, cumque nouerim te à me non petere, vt explicem, quot hæc sensibilia sint, & quomodo aliter à sensu communi atque à sensibus externis cognoscantur, operam compendii faciam. Primum autem, si quis ex me quærcret, quemnam odorem, aut quemnam saporem, dum aliquis ridet percipiam, risu quidem prosequenda foret interrogatio. Cos. Prorsus. Pol. A colore itaque incipiens in risu præsertim summo de quo est hic sermo, conspicio ruborem quendam magis aut minus æqualiter, aut inæqualiter, in totam faciem pro varia hominum natura, cutisque constitutione diffusum,

*Robur in
facie ri-
dentis.*

sum, proin quod in Æthiopibus ita non sit, per accidens euenit. Præsertim vero genæ, quæ circa oculum sunt, quemadmodum aliquibus, ut ceritis (Plautine loquar) laruatisque menstruumque habentibus, virent, liuidiue ac fœdi coloris sunt, sic ineffusissimo eo risu rubore quodam insigni suffunduntur.

Apparent etiam faciei venæ de quibus supra dicebam, suo quopiam subcæruleo colore visendæ. Præterea oculi peculiariter tunc visuntur splendiduli, roscidulique, seu scintillantes, ut mira cum venustate, ac lepore, tum colore quodam rutilo fulgurare, & suauiter ardere videantur, quin etiam in ipsam met viuidam faciem redundat quadam cum dignitate, festiuitateque ac dalcedine claritas, nitor, lumenque incredibile: percipio porro in risu, vel mediocri, sonitum quendam, ut videtur, ex respiratione, qualia sonitus in quendam, exaudimus, cum cito, crebroque, ac valde follium opera vtimur. Cos. Attigisti causam, verum hæc præludia sunt. Pol. Et insuper (quod etiam notauit Aristoteles) animaduerto, qui vel mediocriter rideat, quamuis difficulter loquatur, attamen, si id contingat, vocem quodam veluti cum murmure grauiorem edere, atque in fluctu eueniat. Ad hæc vero in Ris v la-

Oculorum
splendor
in risu.
Cachinus quid.

tissimo, quando ne vix quidem ridens loqui valet, quædam tamen vox mittitur, quæ difficile verbis demonstrari potest. est autem repetita sæpe ac itidem ingeminata tremulaque vox, cachinnus, & cachinnare dicitur, de qua Persius inquit:

Ingeminant tremulos naso crispante cachinnos.

Et Lucretius de rerum principiis contra Anaxagoram loquens, ait:

Fiet uti risu tremulo concussa cachinnent.

Affimilis aliquando ea vox mihi videbatur, quarundam coturnicum vocis, quas nostrates appellant, le quaglie, earumque vocem Græci, κανναβίζειν dicunt, quo & Nasoni Poëtæ, caciare, & quidem id sonare videtur καγχάζειν. sic Græcis cachinnare, cæterum doctius Catullus cachinnos (plures autem in risu ferme semper sunt, ex quo in plurimum numero nobis vernaculo sermone, le risa, dicuntur) ostendit, cum de maris Vndis loquens ait:

*Qua tardè primum clementi flamine pulsæ
Procedunt, leuiterq; sonant clangore cachinni.*

Is nimirum sonus, qui ex vndarum percussione, refractione ad littus excitatur, istiusmodi etiam fit inter ebulliendum, cum feruens liquor bullas, ampullasq; emitit,

tit, cachinnum item Plautus indicat, cum
inquit:

Matrone tacite spectent, tacite rideant.

Canora hic voce sua tinnire temperent.

Hoc est ne cachinnent, neue altius con-
fabulentur. Cos. Libenter te audio. POL. *Facies ri-*
Tangenti porro ridentium, vtcunque faciei dentis ca-
partes, ex, nedum ex contractione, vti supe lida, & ri-
rius dicebam, duriusculē rigidulæque appa-
rent, sed etiam blanditie, suavitateque qua-
dam calidiores, pro varia eorum natura æta-
teque, præterea quod animanduertit Ari-
stoteles, expiratus aër opponenti manum ca- Aër expi-
lidior, ac inflentibus visus est, atque adeo in ratus in
facie inque expirato aëre insignem percipi- risu cali-
unt calorem, vt putarim, ex hoc risum Græ- dus.
cis nomen reperisse. γέλως enim dicitur, Risus Ety-
vt meminit Cælius Rhodigin⁹ ab ἔλωνque vox mon.
caliditatē indicat, quare Hom. γέλωτα δοσε-
σον dixit, hoc est inextinguibilem, epitheton
ignis, totum vero corpus præter faciem, sicut
non durum, sed relaxatum, ita minus cali-
dum obseruant, præcipue inferioribus in
membris. & hæc quidem sunt, quæ in risu
illo summo animaduertere potui, nam in
mediocri perparuoque, aut aliqua deerunt,
ut cachinnus, aut multò erunt remissoria, vt
color ille rubeus flammeusq; & calor prædi-
ctus. Cos. Satisfecisti, teq; arbitror perparua

fugisse adeo recta methodo omnia sigillatim
venatus es, nunc vero priusquam domum
ingrediamur vicissim Philandro operam de-
mus. Ph. Omnia equidem optime percepisti,
quæ examissim de risu secundum naturam
à Polit. enarrata sunt, neque enim, quin ani-
mum aduerterem de risu Sardonio confide-
ratio impedimento fuit, quoniam de eo lo-
quuturus in hanc deuenientiam, nullam

Historia risus pro prie Sardo nij. pene eius historiam mescribere posse, quan-
doquidem huiusmodi risum nunquam vidi,
neque adeo videre cupio, verum si in ratione,
cum sensus experientiaque deest, acquiescen-
dū est, assererem risum hūc propter naturam
ab eo, qui secundum naturā in omnib. discre-
pare, præterquam in contractione partium
faciei quæ ex oppositorū contrariorūque ratio-
ne constat, hæc etenim sunt, quæ sub eodem
genere maxime inter se distant. Itaque in sar-
donio risu nullus motus partium corporis
præter contractionem, quæ maxime est in fa-
cie, cui nullus rubor, oculi vero tristes, & ex-
angues, tenebricosique, quamuis faciei oculo-
rumque quidā rubor, ac tumor fortasse præce-
dat, nullus insuper sonitus, neque vox, neque a-
deo respiratio, nullusque ferme calor aderit, ac
denique omnia deerunt præter quandā in fa-
cie figurā haud omnino assimilem eius, quæ
in risu secundum naturam inspicitur. Cos.
Itarationi consonum est, quam tu Dialecticā;
demon.

demonstratiua infra afferenda est, at tu quidem nimium breuis fuisti, neq; tamen labore effugies, namq; tibi dicendum est, si liber, de risu secundum naturam quem prouerbio sardoniu vocant, quando haec pars videtur a Pol. prætermissa. PH. At vero hic risus in eo, de quo Pol. loquutus est, continetur, verum quoddam est discrimen, neq; n. quæ ipse c. narrauit exquisite ad vnguemve in hoc apparēt, adesse quidem potest motus ferme idē partium corporis tum illa pene figura, & rubor faciei, tum etiā cachinnus, aliaq; huiusmodi; nūquā vero in oculis rutilus ille color, vtq; uno verbo dicam, hilaritas inest, sicut in eo risu de quo Pol. sermonē habuit, quin etiam semper fere tristitia quedā in eius vtpote cordis fenestrīs tunc visitur id qd significauit Hom. Ili. O. dicens de sardonio Iunonis risu, vt Parcemiariū scriptor melius interpretatur.

Χειλεστιν, εδέ μέτοπων, επ', ὀφρύσι ἡρανέντο.
125θυ — idest, vt idem scriptor vertit:

Illa quidem labris ridebat, nubila porro

Frons minime renitebat. Frontem pro oculis & aspectu, vultuq; accipit, eamq; nubilam, minime scilicet hilarem affirmat, dicuntur etiam qui sardonicè rident, Flacco (vt puto) malis alienis ridere, h. e. haud ex animo, *Malis alienis ridere.* sed amarulento quodam risu, cum præ se volu-

voluptatem, lætitiamque ferre quis studet,
intus autem, aut ira, aut molestia, aut inuidia premitur, ac rumpitur; quam ob rem adagium, quod mali ominis est, ut inquit Dioscorid. in vulgus fluxit, quod Dæmene-tus senex apud Plaut. indicat, Argyrippo n. filio cupienti ei significare, se non ægre ferre, quod viderit cum, quam ipse deperibat amicam amplexari, dicentique, hem aspecta rideo. Respondit, vtinam male qui mihi volunt sic rideant; quasi ex eius vultu apertè di-gnosceret, non verum, sed adulterinum quē-dam risum illum esse, siquidem quod Poëta Tibullus ait:

Risus Sar-donius dif-ficilis est.

*Difficile est tristi singere mente iocum.
Nec bene mendaci risus componitur ore.*

Verum adhuc magis Sardonius risus est, cum nedum haud serena frons est, sed etiam cum restrictis dentibus labia solum diducuntur; vnde Plautinus ille parasitus con querens, quod nemini risum excutere potuisset, etiam si dixisset, dictum de melioribus dictis, quibus solebat menstruales cœnas adipiscier, inquit;

Ne canem quidem irritatam voluit quiquam imitarier.

Saltem si non arriderent, dentes, vt restrin gerent.

Et hæc quidem de risu Sardonio satis mi hi sunt.

hi sunt. causas vero de te audiemus. Cos.
In his, ut vobis satisfaciam, meam operam o-
mnem ponam, & conferam, sed iam do-
mum introeamus, ut in viridario sub vite illa
quidem vinifera, fœcundaque molliter con-
sedentes dum extruitur, apponiturq; mensa
de risu præter naturam, seu Sardonio proprie
appellato pactis legibus differamus, scilicet,
ut clam vulgus hunc diem, aliosque, si vsu
veniet, ut cum Plauti Menæchmo loquar, si-
mul comburamus. Ph. Res iam in eum
rediit locum, ut sit necesse, nos tibi omnino
obsequi. Cos. Iam ergo dicere ingredia-

*Causas ri-
sus pro-
tractionem partium faciei in risu hoc præter pri-
naturam σωστην Græcis, Latinis vero con-
vulsionem nuncupari posse, quæ quatenus
deprauata cuiuspiam membra est figura,
morbus, qui ῥοσει Græcis, quatenus vero
prauus & muscularum motus accidens,
quod Græcis symptoma, aut quod potius di-
xerim, affectio, quæ & πάθημα sit. Ph. Ita Conuul-
sionis cau-
itate perge. Cos. Nobis deinde ex Hippo-
crate occurrit, conuulsionem fieri, aut ex re-
sæ ex Hip-
pocrate.
Ante-
quam ad alia' pergas, bonum erit factu, hanc
Hippocratis sententiam, ut explices. Cos.
Res hæc optime exemplis illustratur, etenim
anne vnquam vidisti funes tempore pluvio,
locis-*

locisve humidis breuiores fieri. PH. Comper-
tum id quidem mihi est. Cos. Hoc profecto
nullam aliam ob causam euenit, nisi, quod
contracti conuulsq; sunt; nemo n.eos abs-
cidit. PH. Ita est. Cos. Tunc eam conuulsionem
dicimus ex repletione fieri. PH. Quonam
modo? Cos. Repletur quidem funis aere in
humorem conuerso, ex quo crassescit, ut sit
necessse, quantum de crassitudine, profundi-
tateq; acquirit, tantundem longitudinis de-
perdat ac breuior euadat. PH. Percepi, & fate-
or. Cos. Eundem funem alias ponas tempore
estiuo, aestuosoq; loco, itidem contractum,
conuulsumq; cernere erit. POL. Ita est, & hoc
ipsum accidit fidiu chordis, seu nervis, hi n.
a peritis cum sonare desistunt, nisi relaxetur,
remittanturq; tempore, aut pluvio, aut estuo-
so ita contrahuntur, ac intenduntur, ut abi-
pantur, lori etiam, seu coria, membraneq; pi-
liq; corneaq; aliaq; permulta ignis calore co-
torquentur, proprieq; contrahi dicuntur, i-
demq; etiam pati humore imbuta verisimile
est. Cos. Euge pellepide Politiane ab exéplo
ad inductionē. POL. De te quidem hoc iam
didici. Cos. Propter calorem contrac-
cio ex
euacuatione cōtingit. PH Amabo planius di-
cas. Cos. Euacuationis, seu exinanit. nomi-
ne intelligit Hipp. exiccationē, humoris præ-
cipue, vt aiunt, radicalis, hæc n. proprietarū
dici-

dicitur exiccatio, quæ, q[uod] huius est loci, elemētarii humoris, & aërei præsertim, in quo radicale, vt alias dicemus, necessario residet, exiccationē supponit, vbi n. elemētarius humor, adeo calore absumitur, vt natura humoris radicalis exiccationem persentiscat, tunc ipsum simul cū re cuius est retrahit, cōtrahitq[ue], quod ἀντιπερίστασις Gr. vocant, latine q[ua]dam *Antiperistasis*. vertunt contraresistentiam, alii circūobſistē-
tiam, dici etiam potest contrarii coactio, est n. retractio seu fuga vnius contrarii infirmoris, propter alterius validioris præsentia. PH. Intelligo equidem, nam plura in gymna-
ſiis de antiperistasi nuper accepi. Co s. Quod de calore dicebam, dicendum est de quacun-
que qualitate, vtcunque humido cuiusque
rei aduersa, infestaq[ue]; PH. Id quidē patet Co s.
Reslat, vt dispiciamus, vtrum ex euacuatione
an repletione fiat sardonia illa, cum in facie,
tum forsitan & reliquo in corpore contra-
ctio. arbitror ego eam fieri ex muscularum
faciei eorumq[ue] principiū euacuatione, quam
ea venena à neruis musculariſve percepta effi-
ciant. PH. Sed num ex repletione hęc contra-
ctio fieri potest? Co s. Id minus verisimile est,
tenuis n. veneni particula, vt in morsu aranei
illius sufficere nō videtur ad faciei musculos
replēdos, eorūq[ue] principia, præsertim cum ex
distantiori corporis parte ad faciem vſq[ue] fere
inſi-

insinuare debeat, nisi forte quis dicat, rapi-
cierique eo veneno ad faciei musculos, hu-
mores, quib illi oppleti contrahantur, con-
trahantque cum tumore ruborem illum, cu-

Robur & ius ex Paulo Egineta meminas. P. H. Sa-
tumor in tis aperte videris explicasse, quo pacto ea in-
Sardonio facie contractio ex herba Sardonia fiat, an
risu ex vero ita sese habeat Sardonius risus ex herba
Paulo AE illa Pliniana, ac ex croci tribus drachmis,
gineta. tum etiam in his, qui in lebete aquæ feruen-
-tis, in igneue ponuntur, perspicere atten-

Risus ex do. Cos. Illud aduertas, haud omnino mihi
morsu Pha compertum esse risum ex eorum animalium
langui & morsu fieri ex euacuatione, atq; prorsus præ-
combusto ter naturam, neq; etiam de eorum risu, qui
rum ex e- in igne, aquave feruenti intereunt, id ipsum
vacuatio- pro certo affirmarim. is enim ex euacuatio-

n e vel po- ne seu exiccatione muscularum faciei fieri
tius ex re- posse videtur, tum ex repletione, vt infra di-
pletione cam, agens de risu secundum naturam, risus
inceptum vero ille ex croci potionе, vt arbitror, Sardo-
esse. nius non est, crocus enim tantum abest, vt

Risus ex vim maleficam habeat, vt potius mirum in
croci po- modum, vel annulo suppositus, digitoue an-
zione. nulari perfricatus cordi ipsum hilarans con-
-ducat, at vero de huiuscmodi rebus iudica-
re difficile admodum est, cum eas plane ex-
periri sit nefas; de Gelotophyllida vero her-
ba, de qua meminit Plinius, viderint alii,
for-

fortasse enim magicum est mendacium, quasi de herbis, quæ nusquam sunt, ut de Hippopatope quapiam me dicturum existimes, nostin Plautini coqui nugas? Ph. Noui, sed planius velim explices, quomodo his qui in aqua ferventi intereunt faciei musculi siccantur, & contrahantur. Cos. Aëstus, siue nimius ille calor aduersus infestusque naturæ, seu dicere mauis, humido radicali, seu spiritui cum refugere cogit, ad penitiorē, ac tutiorem, principemque locum sedemue, à quo item spiritu, firmiter membris affixo, agreque ab his discedente contrahuntur musculi faciei, cum per se, tum ob aliorum membrorum consensum, sympathiam Græci dicunt, qua de, deque spiritu, aliquando plura dicemus. Ph. Aliquantum equidem hanc demonstrationem percepi: at quid dices de risu illius, cui traiecta fuere præcordia? Cos. Potius existimo sardonium esse, præcordia enim seu septum transuersum, quod Diaphragma Græci dicunt, quo de, dudum dicebat Politianus, est pars ob consensum, quem habet cum corde ac cerebro, aliisque principibus membris insignis cum primis ac nobilis, ut ex neruis, venis atque arteriis adipissim pertinentibus constat, vnde & pér se antiquis Philosophis Hippocrati (inquit) Platoni & Aristoteli appellata est, hoc est,

mens; quasi eam mens teneat, cum eius inflammatio homines delirantes (phreneticos dicunt) cito concinnet, hæc igitur pars eo vulnera accepto, non mirum est, si semet contrahens, contrahi, siue ad se retrahi ex sympathia cogat, simul cum aliis faciei musculos, ut risus præ se speciem ferant. Ph. Mihi quidem satisfacis. Cos. At vide, si rei ipsi satisfecerimus. Ph. Quoniam pæcto? Cos. Vide inquam, an risus lardonius aliqua causa fieri possit, quæ corporaliter, ac, ut dicunt, subiectiue, ut quæ dicebamus, in corpus non se insinuet, sed immaterialiter ac obiectiue, ut dicunt, in sensus persuadat. Ph. Hoe statim videre nequeo. Cos. Spiritus, siue humidum radicale quo cognoscimus, repente percipiēs obiectum aliquod timo spectrumque triste, malumq;; anne subito esse risus, ius aspectum reformidabit, atq; refugiet? ac in intimam sui arcem totus ferme se recipiet? Ph. Maxime. Cos. Contrahet igitur membra, & præsertim faciei musculos, ac partes, quibus visum spectrum illud maxime in animos, spiritusq; nostros irrumpit. Ph. Profecto. Cos. Hinc etiam rationem perspicere forsitan poteris, cur ille de Aristomedes testudo factus apud Apuleium senserit, quosdam effectus naturaliter, ut ait, in contrarium prouenire, nam, ut lacrymæ sapiente

culè de gaudio prodeunt, ita & ipse in illo nimio pauore risum nequit continere. Ph. Memini sane, & rationem accipio. Cos. Id ipsum fere euenisse putarim procis apud Homerum, qui in Od. γ. inquit:

— Μνησῆρος ἡ πάλλας ἀθίνη
Ασθεῖσιν γέλον ὄφρε παρέπλαγεν ἀλλοδρίοισιν,
Αίμοβόροι τάδε τὰ πρέπειαν, σύσσε δὲ ἀρὰ εὐφέων
Δακρυδ φη πίμπλαντο, γέον δὲ ωἴετο θυμός.

Latine, si bene memini, sic vertit scriptor Paræmiarum celebris:

— *Diua procis validum Tritonia risum,*
Haud compescendum, ac animum stupefecit,
at illi

Iam malis sine mente quidem risere alienis.
Carnis frusta, & cruda, & sanguinolēta verātes.
Interea lachrimis implentur lumina, fletum
Sensit & ipse animus.

Sequutæ sunt autem lachrymæ, quoniā m refugit, abscessitque aliquantum ab oculis spiritus, & humidum radicale, quo humores ac elementa in vnum coeunt, coguntur que corpus, quod ne diffluat, & dissoluatur, ab eo coercetur, contineturque, vt alias fortasse dicam. Ph. Auide usque expectabo, nam hæc mihi somnia haud eburnea porta emissæ videntur. Cos. Nunc vero ad mensam propter gelidū illum, muscosumq; fontē accūbamus, vbi nos met ipsos reficiam⁹

eius strepitū, crepitūque, auiumque cantū,
dulcibus alloquīis, ac in primis optimo cibo,
laticumq; honore. P O L. Recte consulis,
etenim narratur & prisci Catonis

Sæpe mero caluisse virtus.

Bacchus enim addocet artes, illumq; do-
centem in remotis rupibus, se vidisse dicit
ipse Flaccus:

*Nymphasq; discentes e&r aureis
Capripedum Satyrorum acutas.*

*Libri primi de risu, autore Lauren-
tino Politiano, finis.*

A N-

•••••
S



*ANTONII LAV-
RENTINI POLITIANI,
derisu liber alter.*

*COSMVS, POLITIANVS, PHI-
LANDER.*

EVITE MVS amici somnum Error re-
meridianum, Deus nostris a- ceterorum
spiret cæptis , operam date. qui multi
POL. Animum aduertimus, plicem ri-
Co s. Omnium primum er- sum consti-
tor quorundam recentiorum se nobis of- tuunt.
fert, qui valde impedimento esset, quo mi-
nus veritatis compotes esse possemus. Tri-
pertitam diuisionem risus qui secundum na-
turam est, moliitur, vt quidam proprie, alias
improprie, ali⁹ vero quadam similitudine sit,
vt qui sit ex titillatu. POL. Ita quidē ipsi. Co s.
At vero erratum est per se conspicuum, aper-
tumque, vt enim probe enarrasti, risum, qui
secundum naturam semper eadem condi-
tiones , seu proprietates comitantur, eun-
demque semper sensa percipimus, quamob-
rem unus duntaxat est, frustraque, falsoque
eam diuisionem faciunt. POL. Ni fallor,

eam faciunt ob varias eius causas. Co^s. Hal-
lucinantur , si enim vnu idemque semper
est affectus , vnam eandemque causam ha-
beat, est necesse. Po^l. Patet. Co^s. Post hæc
diçendum, contractionem, quæ in risu se-
cundum naturam est, fieri, aut ex repletione,
aut ex euacuatione, scilicet, aut vtraq; de cau-
sa, alio tamen , atque alio tempore , aut ex al-
tera tantum. P.H. Quo pacto hanc supposi-
tionem iacis? Co^s. Hippocratem sequor, nā
conuulsio de qua agit, contractio quædam
est, si enim motum attendas, idem specie est
in contractione præter , ac secundum natu-
ram, nam eosdem terminos habent, præser-
tim in facie , vnde vtraq; risus appellatur . o-
mitto, quod generatim malum, & quod præ-
ter naturam simile necessario est eius, quod
secundum naturam , & bonum oppositū est,
imo idem genere sunt, vt Arist. docuit. Qua-
propter, quod Hipp. de conuulsione dicebat,
non erit præter rem videre, an in contrac-
tione secundum naturam verum sit, præsertim,
cum ipsius nullam aliā causam inuenire quis
possit, at vero eo magis nos decet Hipp. dictū
vsurpare, quod contractio faciei in risu de
quo loquimur, accedit ad conuulsionem, at-
que prorsus secundum naturam non est, vt
infra dicemus. Po^l. Verum principiū posu-
isti, perge porro. Co^s. Arbitror eisdem cō-
tra-

ractionem muscularum faciei in hoc risu
haud ex euacuatione fieri, cum etenim, quod
ex Hippo. patet, duo nostro in corpore sint
contenta, siue humores, atq; impetum faci-
entia, siue spiritus Græcis πνεῦμα dictus, qui
nobis modo non indicat anhelitum, aërem,
nec flatum, ventumque, neq; substantias in-
corporeas, sed quoddam horū simile, in quo
vires, naturaque consistit, hoc in risu secun-
dum naturam exinaniri musculos faciei *In risu fa-*
verisimile non est, cum nil aduersum, infe-
ciem non
stumq; in huiusmodi risu spiritibus obiicia- *exinaniri.*
tur, quo, vt in metu accidit, refugere illi co-
gantur. P H. Ita est. Co s Eoq; minus humo-
res in hoc risu exhauriuntur, nam id non a-
deo repente fieri potest, vt in risu contra-
&io, quæ extemplo aduenit, absceditq; Pol.
Profecto, ac iam liquet eam contractionem
ex euacuatione non fieri. Co s. Est igitur ex
repletione. P o L. Sine dubio sed illud quero,
vt rū musculi ipsi faciei, an eorum principia
impleantur. Co s. Nil vetat eorū principium,
vel remotū impleri. At de partib. faciei mu-
sculisq; compertum est, nam, vt obseruasti, &
ipsi eorūq; venæ in risu turgescunt, sed hoc
ex dicendis fiet vsq; apertius. Pol. Satis nunc
quidē manifestū est. Co s. Videamus modo
quo, & quomodo impleantur, cumq; nulla re
extranea, aduentitiaque eas partes in risu

secundum naturam repleri clarius sit, quam, quod demonstrari debeat, sequitur eas, aut humores, aut spiritus imbibere, at non humores, quoniam hi tumores afferunt præter naturam, atque ipsam insignitè lœdunt, violentque, ut vel minus, vel depravate, agat, quod in risu non adeo videre licet. accedit, quod crassiores sunt, quam quod subito imbibit, exinaniriue, ut in risu opus est, possint. P. O. L. Id quidem patet. C. O. S. Restat igitur ut spiritibus imbuantur, repleanturque consimili ratione, ac pars quædam faciei directo opposita spiritibus item impletur, ac intumescit, ut durescat, & extendatur, erigaturq;. P. O. L. Intelligo pulchram quidem analogiam, sed quid prohibet nomine suo membrum illud appellare? nil enim obscenum, nil turpe dictu, vel apud Stoicos est. P. H. At vero nullain eo contractio, immo extensio magna, & quidem secundum omnem dimensionem. C. O. S. Id ex eius valde spongiosa, laxaque carne fit, qualis in facie adeo non est: accedit, quod admodum liber est, cum musculi faciei vtrinque, & ubique firmissime ossi, cutique adhaereant, ut cum extendi secundum omnem dimensionem haudquam possint, contrahantur. P. H. Recte quidem rem hanc explanasti, sed cum membrum illud flatu impleri possit, num &

Faciei partes in risu spiritibus impletur.

P. O. L. Intelligo pulchram quidem analogiam, sed quid prohibet nomine suo membrum illud appellare? nil enim obscenum, nil turpe dictu, vel apud Stoicos est. P. H. At vero nullain eo contractio, immo extensio magna, & quidem secundum omnem dimensionem. C. O. S. Id ex eius valde spongiosa, laxaque carne fit, qualis in facie adeo non est: accedit, quod admodum liber est, cum musculi faciei vtrinque, & ubique firmissime ossi, cutique adhaereant, ut cum extendi secundum omnem dimensionem haudquam possint, contrahantur. P. H. Recte quidem rem hanc explanasti, sed cum membrum illud flatu impleri possit, num &

in

in facie id vñquam eueniet? Cos. Propter faciem non sunt humores, ex quibus vapores flatusque efferti possint, sicut iuxta membrum illud, quod ad inferiorem abdominis partem pertinet, vbi corporis est cloaca, & exrementorum colluuius, atque vbi existit quod Arist. *enarratio* dicitur, Persio vero aqua licus. P H. Satisfecisti. Co s. Repletio igitur spiritu in facie ridentis causa est eius in facie ridentis figuræ, & contractionis, de qua supra dictum est. At planius dicendum est, quo *Quo spiri-*
spiritu, tunc replatur facies, vtrum scilicet tu in risu
spiritu vitali à corde per arterias, an anima- *impleatur*
li è cerebro per neruos, vel potius naturali à facies.
iecore per venas fluente, vtrum nimirum v-
notantum, vel duobus, vel omnibus. P O L.
Quid? nonne quondam de te audiuimus,
non tres spiritus, sed vnum tantum esse? Co s.
Ita est, sed cum despiritu agere hic non sit
locus, præstat sententias aliorum ponere, ac-
cipereque. P O L. Probe quidem. Co s. Ar-
bitror omnes spiritus ad ridentis faciem
confluere, præsertim vero vitales, quippe
plures, quam animales, & subtiliores, fluidio-
resque naturalibus, quemadmodum euenit
ei membro, quod diximus tumenti; concur-
runt etiam, & alii, ob consensum, sympathi-
amque mutuam, qua & vnum putari pos-
sunt. P O L. Et hoc item recte. Co s. Ve-

rum spiritus, ut implere, & contrahere musculos faciei possit, multus, nimiusque primo esse debet. P. O. L. Id per se ipsum constat: C. o. s. Secundo debet esse subtilis, tenuisq; ut se in musculos eos penetrare possit, quamquam & faciei natura, constitutio molles, laxa, raraque mirum in modum consonat. P. O. L. Hoc etiam per se patet. C. o. s. Tertio demum valde fluidus, fluxusque sit oportet, ut confertim confessimque ad faciem moueri possit replendam, etenim nisi eo pacto ad faciem proflueret cum eius sit naturæ, ut continenter, aut refluat, aut effluat, inque auras per cutis, carnisque foraminula euoleat, nunquam illam impletret, contraheretue. Quemadmodum Tyberi, ut solet, usque fluente, Anno nostræ

*Tiberii in salutis M. D. XCIX. pridie Domini-
undatio cæ Natiuitatis sanctissimum festum, hor-
Rome an. rida ea diluvies Romæ non obtigisset, nisi
1599. inquam aquarum ea tanta vis lapsu, cursu-
que viginti quatuor horarum spatio pro-
fluxisset, Nilus etiam alluvie sua fertilem, for-
cundamque haud efficeret Ægyptum, nisi
copiose cursimque aquæ de altissimis Ethio-
piæ montibus delaberentur, niuibus scili-
cet sole solutis, ac diffugientibus. Accepisti
itaque quas conditiones postulet spiritus, ut
risum efficiat. P. O. L. Teneo. C. o. s. Vide an hoc
solus*

solus homo ad risum sit aptus. P o L. Haud mihi id liquet, amabo planius, ac apertius demonstres. C o s. Magnum onus mihi imponis, nam tractationem naturæ spiritus postulare videtur, quæ tamen, vt pote altior, ac difficilior non est nunc mihi assumenda. quamobrem, nisi plane vobis satisfecero, quæso, vt mihi veniam detis. P o L. Quin patiens, vti libet agis. C o s. Attendite igitur quomodo demonstrem spiritus homini plures, subtiliores, fluxioresq; quam cæteris animalibus esse. P o L. Id ipsum agimus. C o s. Anne spiritus sunt quib. animalium vires, actionesq; referuntur acceptæ? P o L. Vti, que. C o s. Animal igitur quodcunq; plures, ac validiores, operationes sortitus, iisque citius, agiliusq; fuerit, ei spiritus illiusmodi erunt P o L. Id quidem constat. C o s. Quid tibi ego dicam actiones homini plures, quam cæteris esse? Id quidem in potentiis, quibus cognoscimus est manifestum, nam intellectum præter cætera habet, qui quantum per se spiritu eo non vtitur, illum tamen multumque postulat propter sensuum interiorum sibi famulantium excellentiam, in motuum vero varietate, quantum Animalia cætera supereret, quemadmodum, & numero muscularum, nervorum, atque fibrarum, eos obseruantper-

perspicuum erit. **POL.** Vtrumque verissimum esse arbitror, scilicet illud de intellectu nostro, nam ei cogitativa opus est, & hoc demotibus, nanque homo, & motus ferme omnes aliorum sibi vendicare posse videtur; cum ipse quosdam habeat, quos habere animalia nequeunt, ut ea est in primis actio, qua natura

Pronaque cum spectent animalia cætera terram

*Os homini sublime dedit, cælumq[ue] tueri
Ius sit, & erectos ad sydera tollere vultus.*

COS. Homo insuper viribus, ac robore cæteris antestat, si sedulo animaduertas.

POL. Nequeo sane, nam, quod spectat ad sensum aquilæ, cum Plinio loquor, clarius cernunt, vultures sagacius odorantur, liquidius audiunt, talpæ obrutæ terra tam denso, atque surdo naturæ elemento. Audent porro quidam gustu simiam homini præferre, araneos tactu. Hi enim (vt Plinius ait) cum capture in telam incidit, quam vigilantes, & parati ad cursum sunt, ea vero quanta voluptate inter manducandum affici videtur? At denique quis est, qui cernat, plura animalia esse, quæ homini robore ac viribus mouentibus excellant?

COS. Aliquot animalia, vel proportione ad eius corpus, suis immotibus homine valentiora, ac firmiora esse,

haud

haud ex spiritu, qui illis multus sit, accidit, verum ex sanguinis crassitudine (vt ait Aristoteles) qua velut calor in ferro, & lux crasso in corpore refrangatur, & colligatur spiritus, coactusque magis vigeat, quamuis paucus, magisque conseruetur, quod si homo cum ea multitudine spiritus, quam natus est, sanguinem crassiorum haberet, multo robustior ceteris videretur. Atque item si adeo firmiter, vt illa suis membris compactus constans, durusque foret, signo autem multispiritus, & ingentis roboris est, quod cum adeo mollis sit carne tamen erectus stare (id quod ego difficilimum duco) valet: extremis vero sensibus (nam intimis constat hominem ceteris omnibus praestare) quod extremis (inquam) aliquibus quoquomodo superetur, id haud copiae spiritus in illis tribendum est, sed vt Aristoteles tradit, angustiæ porum, meatuumve, quibus spiritus, aut spectra in animal influunt. angustia enim cogitur tanquam lumen, spectrum spiritusue, magisque vigent, atque apparent. prætereo, quod multi in homine spiritus signo est, quod pluribus simul in actionibus, quam cetera versatur, vt in gladiatoribus, Pantomimis, gesticulatoribus, ac circulatoribus præsertim videre est, nullum etiam animantium magis in vigilia, actuque vel plurium simul

simul facultatum manet ipso homine , ut patet in philosophis , cæterisq; amatoribus , cum tamen homo spiritum subtiliorem , fluxioremque habeat , qui continenter multum deficiat , exhaleturque . P O L . Ut rem hanc aperte , breuiterque complexus es Cos . Prætero hominem merito magis quam alia spiritu abundare , quod calidissimi cordis , & amplioris cerebri sit , & carnis mollioris , illo plurimus spiritus gignitur . His genitus magis conseruatur . omitto & illud spiritum copiosiorem propagari in homine ex eius purissimo , ac defæcato sanguine , qui ex optimis cibariis , quibus vescitur , gignitur , tunc etiam ex sole , Ioueque præclaris spirituum largitoribus homini- que (vt afferunt Astrologi) maxime influentibus . Hominem autem spiritum subtilissimum sortitum fuisse , ac (vt ita dicam) minime materialem , constat ex intellectus præstantia , sensuumque , ei inseruientium , qui plurimas sensibilium differentias , sibi cognitas illi repræsentant . hoc ipsum comprobat hominis in suis motibus efficietas , agilitas , ac velocitas , suauitasque mira , præsertim , si vt cætera animalia assecutus sit , etenim , & natare valet , & forsitan volare , vt memoratur Dædalus , cum tamen natura ad hæc ineptus sit .

Quid

Quid referam actiones , & gesticulationes , circulationesque , Histrionum ac Marinum , & puerorum saltationes , ludos gladiatoriros & paruae pilae , cursus , luctationes , & funambulationes prorsus admirandas?

Hic etiam præterco maximum in homine solis , Iouisque influxum , copiamque subtilissimi sanguinis plurimumque cordis calorem , quæ subtilitatis spiritus in causa sunt .
POL. Præclare loqueris . **COS.** Denique & spiritum fluxiorem habere , proprie ostenditur ex celeritate executionis , atque ex hominis pro affectuum varietate repentina , adeoque cito mutatione , specta modo , ut repente pallet , ut subito erubescit sine mora hue , atque illuc maximo cursu , fluente spiritu , & hic relinquo huiuscemodi sanguinem , hominisque naturam , cum parum Saturniam , tum valde Mercurialem .

Ex quibus omnibus patet solum hominem , siquidem spiritus plures , subtiliores , fluidioresque habet , ad ridendum aptum esse , quod infra apertius erit .

POL. Satisfacis sane .

COS. Anne regulam Aristotelis topicam tenetis , sicut simpliciter ad simpliciter , ita magis ad magis , ac maxime ad maximam?

me? POL. Teneo quidem. Co. s. Peream
 ex dictis statuere poteris, quis hominum a.
Quis ap*i* ptissimus sit ad maximum risum, citoque
or ad ri- crebroq; edendum; is etenim erit, qui spiri-
tum copia, tum subtilitate, tum etiam flu-
xibilitate aliis præstet, isque est, qui pluri-
mas actiones, muneraque diutius, validius,
ac simul obit, in eisq; efficacitatem agilita-
temque miram, & excellentiam habet, qui-
que mobilissimus omnium sit, summequa-
inconstans sed planius dicam, eos magis spi-
ritu abundare atque ad risum maximum, &
frequentem, citumque procliuiores esse, qui
calidissimi cordis cum sint, attamen cere-
brum proportione homini congrua, atque
excellentem carnis mollitiem habuerint,
quibusue magna purissimi, dulcisque san-
guinis copia sit, ii vero sunt, qui à liene, ieco-
reque & ventriculo, ac huiusmodi membris
plutimum recteque valent, præsertim vero à
Lien ride- liene. Hoc enim viscus si sanguinem crassio-
re cur fa- rem, ac fæculentum valde attrahat, defæca-
ciat. tatus sanguis ille, qui spirituum pabulum, es-
 caue est, restat, quare haud iniuria quidem,
 (quod aiunt) lien ridere facit, vnde Persius
 in Satyra, sum (inquit) petulanti splene ca-
 chinno, hoc est, ob lienis robur, ac petulan-
 tiam valde rideo, scilicet minimum humo-
 ris melancholici, crassique, ad motumq; in-
 epti

ēpti habeo, sed humores habeo optimos, subtilissimos, summeq; fluidos Dempto autem aut in ualido liene humor melancholicus superfluuus haud excernitur, sed per venas in omnē corpus per uadit, corrūpitq; spirit⁹, eosq; crassos & ineptos ad motū reddit, cū motū humorum à quib. vix ægreq; sciungi possunt, ipsi sequantur, & chameleon quidem liene carens animal frigidū est, paucissimiq; spiritus, sicut etiam testudo, cui minimum adest. At vero aues eo ipso fere carentes calidiores sunt, & sanguinem subtiliorem habent, quod retrimenta humoris melancholicī, vt ait Aristoteles, in pennas transeant, eo igitur hominibus risus adimitur, fiuntque agelasti, qualis (vt puto) hoc fuit Crassus auus Crassi, qui in Parthis occubuit, quem nunquam risisse memorat Plinius, Cicero autem, semel in vita tantum. quidam addunt, cum vidisset asinum carduos comedentem, dixissetque, similes habent labra lactucas. hoc etiam arbitror ἀγέλασον fuisse Philippi Imperatoris filium: Biliosus autem sanguis cum tenuis sit, & paucus, & quoddam velut incitamentum stimulusque naturæ non adeo spiritui obest, sicut neq; pituitosus, quoniam si dulcis sit purissimum in sanguinem concoctione vertitur. Hic non me præterit eos, qui sanguinem crassiorem, succumue me.

Ianconicum multum habent, quamuis tarde raroque rident, attamen si id contingat, nullus ridendi illis modus, risuque pene corrunt: spiritus enim densis, crassisque in rebus viget magis, magisque apparet, valde que suo motu agitur, cieturque, sicut de brutis quibusdam animalibus supra dicebam.
POL. Breuiter dicis, & aperte tamen. COS. Sed quis ignorat optimam congruamque viuctus rationem in causa esse optimi, subtilissimique ac fluidioris sanguinis? POL. Nemo profecto. COS. In his quæ probum sanguinem efficiunt, aut in ipsum spiritum vertuntur, præcipue numerari debet Crocus, Melissa, Buglossum, & nobile illud Nepenthes, quod Galenus radicem Oenopiam dicit: Helenæ, ut Plinius refert, ab Ægypti Regina donatum, sed maxime id ipsum præstat optimi vini temperatus usus, quo, uti Zeno Platoque dicunt, succus Melancholicus mollitur eluiturque, ut igne ferrum, aquaue lupini, coque nomine Poëtis laudatur, ac celebratur Flacco præser-tim, ut nostis. POL. Nouimus, atque si calida temperetur, salubrius putat vir optimus Antonius Persius Musarum omnium Alumnus, recta quidem ratione, neque ea sane antiquis ignota, nam quod milii in mentem venit, & Cornelius Tacitus in

Britan-

Cibaria
risum ex-
citantia.

Britannici morte, & Martialis in Sextilia-
num, de hac ipsa potionē meminere. Cōs.
Insuper spiritibus amplius abundat, qui, ut
cum Marone loquar, aura vescitur Aetherea, Aëris fla-
illa quidem hominis naturæ congrua, odo-*tus ad ri-*
nibus florum, herbarumque bene olentium, sum incli-
gemmarum cœlorumq; beneficiis, qualitati-
nans.
bus perfusa, affectaq;, quæ singula comme-
morare longum esset. Hæc vero breuiter di-
cere possumus, homines veris & hyemis
tempore propter sanguinis boni ac spiri-
tuum copiam ad risum edendum aptiores
esse, die insuper, quam nocte, quia tenebræ
spiritui noxiæ, atque summa est spiritus a-
bundare hominesq; ad risum esse procliuio-
res illiusmodi ætate, anno, die, & hora, quæ
vigeat, & dominetur Iupiter, & Sol, aliaque
benigna astra, minime vero Saturnus. Pōl.
Accepi. Cōs. Præterea à prandio, cœna-
ve moderata, quemadmodum à somno, &
corporis exercitatione, Venereque, spiritus
redundant, atque ad risum homines aptio-
res reddunt. Inuenes item, ac pueri præser-
tim, qui viuidiore ingenio, ad ridendum a-
ptiores sunt, quia, ut ait Hippocrates pluri-
mum habent calidi innati, & spiritus, viri in-
super, hoc nomine, magis, quam mulieres,
quia spiritus plures ac subtiliores, vt pote ca-
lidiores, habent. præterea qui in regionibus

temperatis degunt, ab his, qui in frigidis, item indocti, & *ἀμυσοι*, doctis enim spiritus subtiliores euanescunt, ipsique fiunt melancholici. Qui etiam magno corpore sunt, si in membris symmetria sit spiritus plurimos, ut ait Aristoteles habent, atque ad risum edendum faciliores, cætera huiusmodi ex his pendatis, quæ diffusius, planiusque alias explanata expecteris. Nunc autem videndum *Spiritus à à quo*, vndeue spiritus in risu moueantur, *quo vnde-* qua de re crassa Minerua modo dicam, *ane-* males à cerebro moueri, vitales à corde & *mouean-* naturales à iecinore, qui spiritus, ut dicebam, ex mutuo consensu, ac vasorum, *tur.* quam Græci dicunt, anastomosi omnes ad faciem in risu una mouentur, si vero verius esset dicendum, & examissim loquendum, assererem quidem spiritum in nobis unum duntaxat esse, cui omnia hominis munera, actionesque tribuantur, quique à corde, ut à sui medio principio in omne mouetur corpus. Sed vereor, ne vestris quæstionibus respondendo forsitan præter rem digrediar. P.H. Id quidem haud committemus, sed potius posit onem hanc, ut est, concedemus. Esto igitur moueantur in risu spiritus à corde, at quid istuc? C.o.s. Dicendum profecto est, anne vobis videtur motus spirituum, immo cuiuscunque rei ex eius appetitu

titu quopiam fieri? P O L. Plane. C o s.
 Appetitus autem homini, ni fallor, duplex
 est, alter quidem simpliciter naturalis (vt di-
 cunt) rebus inanimatis communis instin-
 ctum appellant, qui nulla de cognitione
 excitatur, alter vero qui ex cognitione
 quapiam, isque duplex est, unus sensitius
 dicitur ex sensuum cognitione præcipue, ac
 simplici forsitan singularium de compre-
 hensione intellectus suscitatus, alter ex ratio-
 ne, vt memorant, elicitus. P O L. Ita qui-
 dem nuper accepi, vt tres numerentur ap-
 petitus. C o s. Libet ab appetitu sensituo
 ordiri, nam ex eo maxime risus fieri solet. Il-
 lud in primis constituamus, motum hoc ap-
 petitu contingere uno eo modo, quem Ari-
 stoteles tradit. Huiusmodi quædam fit ratio-
 cinatio; cognoscitur primo à sensu quidpi-
 am bonum, malumue esse, ac dein pro con-
 clusione, complexioneque simul cum appe-
 titu innascitur motus, siue operatio ad illud
 affsequendum, fugiendumue, qui discursus
 vim demonstrationis habet, quod omne
 bonum sequendum, fugiendum malum,
 principium videlicet, haud sensu cognitum;
 verum ab intelligentia quadam superiori,
 communique. P O L. Tibi assentior. C o s.
 Itaque oportet eum, qui ridet, quod ridet,
 cognoscere, & cum eius, quod non est, sicut

Quod videtur verum opere esse. nulla est scientia, vt ait Aristoteles, ita nulla sit cognitio, oportet, quod ridetur verum esse, nemo enim, vt arbitror, ea cupiet, quæ neque esse, neque fieri posse, retur, quamquam enim homo, quamvis Adynaton, nil non appetit, attamen dum appetit, tacite saltem illud fieri posse ponit. P o L. Ita est.

Conditio. C os. Cognitio insuper magna, perfectane cognitio summe, videlicet perspicua requiritur, tione in risu. ut appetitum vehementem, magnumque motum, sicut ad risum opus est, efficiat, ne scilicet spiritus pauci, ac dubitanter mouentur. P o L. Probe sane sentis. C os. Huiusmodi præterea cognitio, quæ appetitum, motumque in spiritibus, qualis ad risum opus est, suscitet, esse debet maxime velox, & cito, vt tempore non perspecto fiat, ac se cognoscere tunc nemo sentiat videlicet, vt spiritus confertim, confessimque mouentur. P o L. Et hoc quidem recte dictum. C os. Vide modo, an hoc etiam sit ad risum aptus sit. P o L. Planius id explices, yelim. C os. Namque homo certissime omnium, ac velocissime cognoscit, comprehenditque, & quod spectat ad intellectum, id quidem constat, nec non de sensu, vt etiam superius dicebam, quippe famulatur is adeo intellectui, vt nil ille cognoscat, nisi quatenus prius sibi cognitum per-

Cur homo solus aptus sit ad risum alia ratio. ucantur. P o L. Et hoc quidem recte dictum. C os. Vide modo, an hoc etiam sit ad risum aptus sit. P o L. Planius id explices, yelim. C os. Namque homo certissime omnium, ac velocissime cognoscit, comprehenditque, & quod spectat ad intellectum, id quidem constat, nec non de sensu, vt etiam superius dicebam, quippe famulatur is adeo intellectui, vt nil ille cognoscat, nisi quatenus prius sibi cognitum per-

perspectumque fuerit, ex quo præstantissimum organum, spiritusque subtilissimos homo natura habet, quippe minime materiales sunt, atque ad cito agendum, recipiendumque aptissimi, ac extranea quaque re defæcati, & proinde evidentius, liquidiusque repræsentantes, ac peruidentes. P O L.

Docte loqueris, & quoquo modo accepi.

C O S. Quod si hac quadam argumentatione ab Aristotele non aliena utaris, emerget, quod nonnulli nescientes, quid dicant, asserunt, hominem scilicet esse risibilem, Quod homo sit risibilis quia rationalis.

quia rationalis, ea huiusmodi est. Quod homo est rationis particeps ideo exquisiti sensus est, & hoc mollis, tenuisque carnis, perfecti, amissitatique organi, subtilissimique spiritus, his vero homo solus ad risum propensus est, ergo quod homo rationis est compos, hoc ipse duntaxat ridet. P O L. Ut probe ratiocinaris. C O S. Sed vultisne hic recensem, quemam sensuum cognitio certior, aequali velocior sit, risumq; magis excitet? P O L. Percepimus. C O S. Ea est in primis intellectus cognitio, haec enim, quod spectat ad potentiam, facultatemque prorsus ferme immaterialem, & quod ad species intelligibiles, plurimum certa, & velox est, vt ipsa ratiocinatio, seu medii cognitio solertibus precepue extemplo fiat: Ab ea est sensus interioris,

nempe phantasiæ cognitio, hæc enim ut po-
te altioris potentia spirituum subtilitate, ac
specierum puritate, integritateque externis
sensibus, ac sensui communi, qui idem re,
quod externi ipsi est, præstat; externorum ve-
ro sensuum, visus celerrimus est, vt constat,
tum etiam & certissimus, vnde diutius me-
moria visorum manet, ac, vt est apud Co-
micum:

*Pluris est oculatus testis unus, quam auriti de-
cem.*

Namque ut ait Flaccus:

*Segnius irritant animos demissa per aurem,
Quam quæ sunt oculis subiecta fidelibus.*

Ab hoc est auditus, tertio olfactus, quar-
to gustus, quinto tactus, qui, quamvis alijs
velocitate, ac certitudine cedat, attamen in
homine excellere aliquando potest, risumq;
in primis mouere, vt infra dicam. P o l.
Quid sis dicturus præsentio. C o s. Ex his
patet, cur pueris ante quadragesimum diem
sui ortus, vt Aristoteles tradit, risus non ad-
ueniat, tum enim parum, nedum ab intelle-
ctu, sed etiam à sensu ob spiritus ex excre-
mentorum redundantia hebetiores valent,
vt neque magna ex parte cum scalpuntur,
sentiāt: vnum excipio Zoroastrem, qui, vt ait
Pli. eodem die quo genitus, risit, atq; eidē ita
cerebrum palpitate fertur, vt impositam re-
pelle-

pelleret manum, futuræ pœsagio scientiæ, scilicet ob ingenii excellentiam ex spirituum subtilitate, atque ex mollitie, ne dum carnis, sed & ossium, ut in eo motu patebat, generatim etiam dicere possumus, quibus magnum diuinumq; ingenium, ac eximia solertia est, eos hoc nomine ad ridendum promptiores esse, qui vero tales sint, non est huius loci discernere, atque ex doctissimo nostro Antonio Persio haurire quiuis queat. cius vero, quod dicimus argumento esse potest, quod nunquam audietis bardos, stupidosque homines risu emortuos esse. nam, vt procos præteream apud Homerum, quorum præter naturam, & sardonius fuit risus, ac vt omittam fabulosum illum, maximeque vafrum callidumq; Marguttem à Pulcio Hætrusco Poëta carmine vernaculo decantatum, Philemon Syracusis comœdiarum scriptor, cum asellum optimis ficiis vescentem casu spectasset, illisque ab eo lepide absuntis, cum puer sero, vt eum abigeret, superuenienti iussisset, vt asino merum misceret, risu dicti vrbanitatem consequuto interierit, id quod nonnulli Chrysippo Philosopho evenisse dicunt. Risu etiam decessisse ferunt Zeusim illum celeberrimum pictorem, dum anum graphicè à se depictam intueretur. Memorem ne vobis, quamvis simile horum

non est, alterum Thersitem magni ingenii Petrum illum Aretinum, temporibus suis principum, ut ipse gloriebatur, non leue flagellum, cuius ut Plautine loquar, impuritias traloqui nemo potest, infandas obscenitates de meretricib. ut aiunt sororib. suis cum audiret ex risu sellam, in qua sedebat euerisse, occiputq; vehementer grauiterq; ad terram afflixisse, atque allisisse, ut exemplo nequissime interiret. Democritus etiam tanto in omnium rerum scientia, ingenio præditus risum, cachinnosq; illos crebros continere non poterat. Hic rursus de melancholicis, qui haud prorsus refrixerint, dicam eos ad cognoscendum, ridendumque seros esse, at si id illis contingat, risu pene dirumpi; species enim difficulter, ut c. lor in ferrum, eorum in animos imprimitur, at cum semel eos affecerit, valida, claraque adeo est, ut magnam intensamque cognitionem, ac vehementem appetitum, motumque excitet, perinde ac rhinoceroti accidit, animali melancholico, ut ex eius squamoso, & testaceo indumento constat, de quo sic Martialis.

Solicitant pauidi, dum rhinocerota magistri,

Seque diu magna colligit ira feræ

Desperabantur promissi prælia Martiū,

Sed tamen iure diuinitus cognitus ante furor.

Namq; grauem gemino cornu sic extulit ursum,

Iactat ut impositas taurus in astra pilas.

Restat, ut asseramus eos homines, qui aliis visu præstant aptiores ad risum esse, qui ex rebus visibilibus excitatur, quod de auditu, deque aliis sensibus dicendum est. Argumento est, quod pueris, ac iuuenib. qui sensu tactus plurimum valeant, in genibus præcipue & lateribus costisue ob cutis nimirum tenuitatem risus maxime mouetur extillatione, minime vero duris rusticisque. Sed planius, & apertius dicamus, varia ex cognitione, varios affectus, seu affectiones fieri, quæ Græci animi παθήματα dicunt, quæque ad appetitricem facultatem pertinent. Hæ autem affectiones (ut opinio nostra fert) nam dilucidæ, breuisq; orationis ergo aliorum sententias omittam, sicut duo sunt, quæ eas omnes (ut Aristoteles ait) comitantur, scilicet gaudium, & dolor, & sicut duplex est cognitio, quæ eas fert, boni, nempe, ac mali: ita ipsæ duæ sunt, una boni, altera mali, hanc iram, illam concupiscentiam & amorem dixerim. P. O. L. In hanc sententiam ire mihi lubet. C. o. s. Verum autem ex affectione boni fit risus, an ex mali? P. O. L. Ex affectione boni, ut arbitror, quam comitetur gaudium. C. o. s. Recepit sentis. Bonum autem in honestum, utile ac iucundum, velut in tres rationes distribuit,

si ve-

si vero diligenter, & singillatim animaduer-
tas, inuenies bonum, ut iucundum est, affe-
ctionem appetitumque semper ferre. P O L.
Ita sane opinor, vnde, vt Flaçcus ait:

*Omne tulit punctum, qui miscuit utile dul-
ci. ac:*

— *Pueris olim dant crustula blandi,
Doctores, elementa velint ut discere prima.*

Quænam C O S. Iucunda igitur, si excellentia sint,
sint iucū- ac vehementer citoque potentias cogno-
da risum scentes pulsent, feriant, titillent, ut multos
excitatia. spiritus cito cieant, risum ipsum efficient.
P O L. Id quidem iam certum est. C O S.

Censetis ne iucunda ab Aristotele enumera-
rata nobis percurrenda esse? P O L. Id ut
facias magnopere te equidem rogo. C O S.
Eorum alia per se, alia per accidens esse ar-
bitror. P O L. Distributio hæc analyticæ, &
necessaria videtur. C O S. Per se autem iu-
cunda in primis sunt quæ secundum natu-
ram, vel consuetudinem. hæc enim, si sensu,
intellectuue percipientur, appetitum, amo-
risque affectionem commouent. Hæc singu-
la omnino enumerare longum esset, sunt e-
tenim omnes passiones, ac passibiles qualiti-
tates, actionesq; & opera, quotquot natura
aut consuetudine homo, vel quatenus homo,
vel quatenus simpliciter animal, plantave co-
trahit, sortiturque. Sunt autem hæc pluri-
mum

mum varia, pro vario syderum cœlorumq;
afflatu aspectuq;, vnde Propertius inquit.

Natura sequitur semina quinque sua.

Et Maro:

— *Trahit sua quinq; voluptas.*

Ac apud illum in comœdia, quod Flaccus
& Persius in Satyra usurparunt:

Quot capita, tot sententiae, suis cuique mos.

Artium item actiones, operaque artifici
iucunda, ac secundum naturam quoquomo-
do sunt, vt non adeo mirum sit Zeusim il-
lum ex anu à se depicta risu corruisse inter-
iisque, in his autem iucundis numeranda
sunt mala præterita, quæ quis superarit, de-
puleritque, ex quo Æneas ad socios:

— *Forsitan & hac olim meminisse iuuabit.*

Horum autem omnium ratio, vt uno ver-
bo dicam ad insitum, innatumque cuique
suimet amorem, Philautiam Græci dicunt,
referenda est. P. O. L. Percipio. Co. s. Ean-
dem etiam ob causam hominis cuiusquam
similia, cum eoque quoquo pacto conue-
nientia ei iucunda existimantur. Hinc ab
Aristotele prouerbia memorantur, Æqualis
æqualem delectat, similis à simili amatur,
Belua beluam cognoscit, Merula semper ad
merulam, & alia huiusmodi: Ut vero summa
eorum capita memorem, cum homo operi-
bus animi, quæ ci ex sententia succedant,

plus

plurimum lætetur , quippe ut Plato ad Alcibiadem inquit, ipse, aut prorsus, aut saltem præcipue animus est, (hinc enim Philosophi, verique homines sapientiam summum bonum putant, & si quando eorum mens, (ut Auicerina ait) supra res lata abditum, abstrusumque quippiam ex inopinato peruiderit, haud quidem in sinu gaudent, sed lætitia sese efferunt, tripudiant, exultant, gestiunt, exiliunt, subsultant Hoc Archimedes ille Syracusanus , cum ei aquæ inter lauandum supra labrum effluxione coronæ dimensionem ex improviso excogitasset , haud iniuria quidem tanta lætitia pluries , saepeque , *eupnæa* vociferans prosiluit, ac nudus, vt erat ad regem pergere properauit, hoc item Pythagoras propositione , quæ quadragesima septima est primi elementorum Euclidis, excogitata adeo gauifus est. vt centum boues, vel, vt alii dicunt, vnum album Musis immolarit, cum autem his, quæ corporis sunt vtpote suis secundo homines lætentur, tertio vero extraneis, vt auro & argento (quamvis plerique hominum , quasi non homines præ diuinitis corpus mentemq; ipsam susque deq; habeant, nam, vt Flaccus, præsertim ex Staberii sententia ait, omnis res

Virtus, fama, decus, diuina, humanaque pulchritus

D*icitu*s

*Divinitus parent, quas qui construxerit ille
Clarus erit, fortis, iustus, sapiens, etiam et rex.)*

Sic itaque, nisi quidquam inuidie intercedat, in primis dulcis, suavisque est similis intellectu affectibus, moribusque, ab hoc qui corpore, aetate nimirum, complexione, forma, arte, ordine, patria, amicis, ac sanguine, quemadmodum omnes amati, erga amantes sunt, tertio, qui potentia, ac diuitiis. Quemlibet autem sui similis opera, actionesque secundum naturam ridere contingit, sic pater iocos, ludosque paruuli filii, scitulos illos quidem ridet. Vidi ego quosdam, qui ex animalium quorundam, ut canum, vel aspectu, laetitia, risuque perfunderentur eorum corporis partibus, animique moribus, ut de Aristotele in Physiognomicis dixi, assimiles esse. his etiam adnumeratus admirabilis illa, variaque geniorum similitudo, qua cæco quodam naturæ impulsu bencvolentia magis quempiam, quam alterum prosequinur, de qua in conuiuio Plato cum geminatos primum homines mox vero sectos memorat; unde Flaccus ad Mecænatem inquit:

Vtrumq; nostrum incredibili modo

Consentit astrum.

Et Persius ad Coruinium:

*Non equidem hoc dubites amborum fædere
certo,*

Consentire dies, & ab uno sydere duci.

Et paulo infra,

*Nescio quod certe est, quod me tibi temperat
astrum.*

Et Martialis ad Sabidium:

Non amo te Sabidi, nec possum dicere quare.

Hoc tantum possum dicere, non amo te.

P O L. Vtrum vero scurras , mimosq;
nec non fatuos, amentesque homines, vt no-
Cur suorū strūm similes ridemus? cum potius eorum
stultias dolere vicem humani esset? P H. *Quin et-*
& errata iam consanguinei, Phrenesi, ac deliriis inge-
quis ride miscentes vidi inter moerorem , ac luctum
aliquando risum continere nequuisse. C O S.
Id pro certo omnino haud affirmarim , scili-
cet omnes homines , quod vulgo ferunt,
quoquo pacto quosdam magis , & quosdam
minus stultos, siue , vt benigne interpretor,
stultorum similes esse. P H. Forsitan quod
(vt Flaccus ait) vitiis nemo sine nascitur, ac
vt apud eundem asserit Damasippus, exce-
pto sapiente omnes desipiunt. C O S. Ne
dum hoc, verum etiam quod homo suis in
actionibus, vtpote plurimum aliis præstans
maximopere laborat, ac defatigatur, dum c-
nim setotum vel in altos mentis recessus
refert, conditque , vel cum totus in ymbbris,

rebus-

rebusque inanibus, futilibusque est, ac versatur interius, ac exterius sunt spirituum contrarii motus, subtileisque illi spiritus, quibus intimo opus est sensui marcescunt, consciunturque, ut valde defatigetur, ac omissa interius residente ratione ad extremos sensus, ut bruta insipientia omnis recurrat. Hinc natura, ratione que ducet sapientes homines remittendum animum, ne amittatur iubent, & miscendam (ut Flaccus ait) stultitiam consiliis breuem, ut enim ille inquit:

Si nunquam cesses tendere lentus eris.

Hoc item nomine ocium commendatur Flacco, cum ait:

*& amara lato
Temperet risu nihil est ab omni
parte beatum.*

Nec non Valerio Maximo cum exemplo Scipionis Læliiq; littoribus Caietæ, ac Laurenti conchulas, & calculos lectitantium, atque exemplo etiam Scæuolæ iurisconsultissimi, in pilæ, aleæque, & calculorum scurribus lusibus, ut ille ait, hominem agentis, ac Socratis cum paruulis filiolis interposita arundine cruribus suis ludere, vel coram Alcibiade non erubescens. cum, inquam, his comprobat, virtutem ocio recreari, hominesque tempestiva laboris intermissione ad laborandum fieri vegetiores. Quid? quod

Cato ille Uticensis stoico supercilio insignis, cum interdiu omni mentis conatu Reip. in uigilaret tota ferme nocte madidus erat, Democrito a. qui adeo sapientiae fuit studiosus, ut ne animus à cōtemplatione abduceretur, quod Tullius refert, oculis se priuarit, crebri eius illi cachinni ebulliebant. Idem Tul. de intempestiis iociis ab Ant. carptus, homines, inquit, quamuis in turbidis reb. sint, tamen si modo homines sunt interdum animis relaxantur. Hoc Saturnalia, Lupercalia, ac Bacchanalia constituta, soluendus n. nonnunquam est nimium bonus, tum corporis habitus, ut monet Hipp. tum etiam & mentis, ne sponte in deterius recidat. Hoc item neque tantum, ut spectaculo quodam turpi iuuenes ab ebrietate absterrerentur, seruos ebrios Lacedæmone circumferri mos erat, hoc etiam, ut arbitror Apuleius fabulatur Hypatæ, que Thessaliæ erat ciuitas, quotannis sanctissimum, ut ait, Deum risum hylaro, atq; gaudiali ritu propitiari solitum. hinc etiam constitutæ apud Lacedæmonios, ac Romanos commissationes publicæ, & amicorum conuiua, vbi omne malum vino, cantuq; leuantur, ut ait Flaccus, deformis ægrimoniz dulcib. alloquiis, ibidemq; cautum erat, ne quis conuiuarum temere dicta, aut facta foras eliminaret, & per ora hominum prouerbium ibat,

ibat, odi incitemorem cōpotorem, in ædiumq; primo vestibulo inscriptum erat: Hac non ē-
greditur sermo, rosaq; mensis præfigi solita
erat, & sub ea dicta volebant perpetuo silētio
inuoluenda. Harpocrati hæc à Venere dono
data, ut sua furtæ celaret, fabulis fertur. Cau-
te vero hanc animi relaxationem, in Dei con- *Animi re-*
templatione, in qua probi duntaxat Christi- *laxatio in*
colæ vere versantur, existimetis esse necessa- *Christia-*
riam, tantum n. id abest, ut ea, & assidua qui- *norum me-*
dem ipsi perfectiores ac vegetiores fiant, ex *ditatione*
ea enim oritur charitas, quam diuinæ comi- *non est ne-*
tantur gratiæ, omnia huiusmodi naturalia vi- *cessaria.*
tia eluentes, ut homines, quasi non homi-
nes, sed cœlestes diuinosq; reddant. atq; hinc
est, quod dicitur, hominem solitarium, aut
Deum esse, aut bestiam, aut n. iugi sapientiæ
conuiuio fruitur, aut adeo hebetis sensus, bar-
dusq; , stolidusq; est, rationisq; expers, ut pe-
ne semper intellectus muneribus vacet, otio-
sus, vacuousq; sit, ut animi relaxationis ergo
hominum consuetudine, ludicris, ridiculisq;
non egeat. eo ista pertinent, ut dicamus na-
tura homines non raro stultis insanisq; fal-
tem similes esse, nam animum remittere, uti
Gellius ex Musonio ait, quasi amittere est,
quod si insuper eos rideant, quod facile ob-
similitudinem cōtingit, magis similes fiunt,
ex quo Tul. ad Cæliū de quodam iactatore in

ædilitatis petitione repulso respondeas , ni-
mio gaudio se pene desipuisse, inquit, & sub-
dens, quid quæris? ait, dum illum rideo pene
sum factus ille: Quod vero de consanguineis,
amicisque delirantibus risum homines pene
continere nequeant, ex intellectus ac sensus
omnium ac singularum cuiusque rei ratio-
num distincta cognitione, atque à malo ab-
stractione, quam dicunt, & similis illius iu-
cundi repentina maximeque cito perceptio-
ne euenit, quam vel solus, vel maxime homo
sortitus est . hoc enim etiam spiritus sub-
tilissimos habet. Quid , quod eandem
ob causam , & cognitionis distinctæ , di-
Cur pro- lucidæque præstantiam proprias ineptias,
prias in- quis ridere pene cogitur? ut semetipsum mul-
prias quis tiplicem, apprehendat. Quærebat quis per
rideat. omnes angulos domus rem quam habebat,
quod cum sensisset, effuse risit, nempe inue-
niens semetipsum quærentem, tanquam al-
terum. P o l. Ut probe omnia mihi vide-
ris eloquutns, C o s. Sed altius vos ducam
ad vnam simplicem, absolutamque omnium
iucundorum rationem, hinc exordio capto.
Omnibus rebus naturaliter in primis, quod
& Aristoteles afferit, insitum, innatumque
est, ut sempiternum diuinum, omnium qui
est princeps, autor, ultimus finis, bonumque
ipsum appetant, eiusque, ut suus cuique est
captus

captus quam maxime particeps , ac similes
esse summo quodam obsequio studeant at-
que hoc est, quod esse, qui sempiternæ illius
causæ proprius effectus, expressaque est simi-
litudo, tantopere expetant, diligentissime
que custodiant. hinc enim est, quod homi-
nes his , quæ secundum naturam , ac simili-
bus, vti dicebam, adeo exultent, his etenim
& diutius in columnes scruantur , atque etiam
in hac vita immortalitatē quoquo pacto sibi
vendicare posse videntur. Cum autem sum-
mum illud bonum omni in re eminentissi- Cur prin-
mum, omniumque princeps, Dominusque cipatum
vnuis sit omnibus, & illud insitum innatum- adeo exo-
que est, vt principatum quaque in re arden- ptemus.
tissime cupiant, enixeque petant, teneantq;;
hinc verum vt Græci loquuntur Antipathiæ,
& sympathiæ, dum contraria extinguere co-
nuntur; ac ne ab iis extinguantur cauent, at-
que dum similia , amiçaque, amice ample-
ctuntur, scilicet, vt eam, in qua omne bonum
consistit, vnitatem consequantur. Hæc au-
tem dominatus gloriæque cupiditas, nisi se-
cundum diuinam legem, voluntatemque sit,
atque si ab ea digitum transuersum , aut vn-
guem latum , vt dicitur , sciens ac prudens
quis declinet, maximum vitium est, omni-
umque malorum homini origo, vt sacra de-
monstrant eloquia, philosophi, atque expe-

rientia testantur. Hac è cœlo Draco, quem sanctus Ioannes in Apocalypsi memorat, cum tertia stellarum parte delapsus est, eiusque hortatu eodem ferme peccato lapsus est homo, atque dein materia hac alligatus, qua, dum huius lucis usura fruimur, semper ad vitia propensi sumus, cumque magnanimi cum humilitate, humilesque cum magnanimitate esse debeamus, nullaque iniuria angi, immo alterius mala nos merere æquum esset, tantum id à nobis abest, ut modo ob naturalem ferme propensionem, ac consuetudinem imprudentes, inscientesque, modo vel prudentes principatum quaque in re dignitatem, atque honorem adeo optamus, ut si à quoquam, præsertim vero à laudatis viris nobis id deferatur, gaudio exiliamus, risumque tenere haud possumus, quod etiam contingit, cum aliis bene facimus, cumque munera, præmiaque nobis praebentur, & cum quacunque in re excellimus, atque admirationi sumus, præsterim vero in sapientia, hæc enim suapte natura homini summum est bonum, atque hinc ex abditi cuiusquam inuentione Philosophis lætitia, risusque, eo etiam amardeo iucundum est, ut risum excitare valeat, aliquod enim præstans sibi esse bonum amati tunc existimant, ex quo Flacco, gratius

*Homo cur
ad super-
biam &
vitia pro-
pensus.*

tus puellæ risus ab angulo, & Gallus de qua-
piam inquit:

Et nunc subridens latebras fugitiua quærebat.

Non tamen effugiens tota latere valens

Latior hoc multo, quod male recta foret.

Hinc etiam est quod assentatoribus, ut il-

leait in Eunicho, quæstus sit multo vberri- *Cur assen-*
mus, cum etenim homini palpum obtrudi- *tatores*
tur, nisi recalcitret, ut ille ait, vndique tu- *sint grati-*
tus, risus facile excutitur, exprimiturque.

Hoc etiam effusum edunt risum cum inju-
riæ propulsione, aut vltione sc in dignita-
tem vendicarint, quæ si item consanguineis,
amicisque eueniant itidem ferme lætitiam,
risumque afferunt, sexcentasunt, quæ me-
morem, sed viribus parcam. At vero can-
dem ob causam homines, si quem diuitem,
aut virtute præstantem alium viderint, ple- *Iucunda*
rumque inuidia differuntur, intabescunt *per acci-*
que, atque cum alios victos demissos, deli- *dens enu-*
ros, fatuosque, ineptosq; cernunt ac peden- *meratur.*
tes, & saltanti personæ togam induentes, ac
huiusmodi alia facientes sentiunt, desipiunt
gaudio, soluuntur in risum, omnibusq; ince-
dunt lætiis, neque modo si hæc in æmulis,
ac inimicis percepient, animaduerterent-
que, sed etiam si in amicis, sive in similibus,
euenit n. ob naturalem illam ex materia, atq;
ex peccato primi hominis ad mala, vitiaque

propensionem, ac ob consuetudinem, ut homines vel imprudentes, inscientesque frequenter labantur necessariis suis inuidentes, eorumque errata, offensiones, casusque ridentes. Hinc derisiones, sannæ, detractio-nes, susurrations, omnibus ferme gratissimæ, quæ omnia iucunda per accidens appellamus, suasmet in super ineptias, quasi alterius ob rationum obstractionem, ut dicebam, homines rident. Quod si aliquando mortes, infortunia, saeuasque ægritudines alterius quis non rideat, sed doleat, id potius naturæ quadam sympathia, & consensu euenit, quam aliqua benevolentia. nam ea præter modum mala sunt, ut ea humanus animus, vel in alio horreat. Accedit, quod miseris pre-stare nihili facimus, & citius id nobis derisioni aut vituperio, quam laudi fore cæco quodam naturæ instiuetu reputamus. P O L.

Conditio- Haud displicet hic sermo. C O S. Exposui
nes iucun omnium iucundorum rationem, quæ si aut
dorum, ut sensu interno aut externo, aut intellectui
risum mo- offerantur, risum mouere valent, quod qui-
ueant. dem accidet, si, ut arbitror magna, noua, a-
 perta, seu dilucida fuerint, & magna quidem,
 ut magnum appetitum, motumque multi spi-
 ritus faciant, ut ad risum opus est. P O L. Id
 quidem palam est, nullus enim exempli gra-
 tia, nisi ei corruptus depravatusque sensus
 sit,

fit, oboli munere, inuentioneque lætabitur,
gestietque. Cos. Verum hic ratio appa-
ret, cur quædam admirabilia adeo iucunda
sint, vt risum moueant. Quædam inquam, *Cur quæ-*
dam cum omnia admirabilia ob inexhaustā *dam admi-*
hominis naturalem sciendi auditatem gra- *rabilia iu-*
ta sint, attamen nonnulla delectant quidem, *cunda.*
sed quod tristia per se sunt, lacrymas potius
excutiunt; quædam igitur admirabilia, quæ
nimirum per se iucunditatem, & eam qui-
dem magnam habent, idcirco risum exci-
tant. Pol. Percepi, sed quidnam de admira-
tione dices? num ea ad risum necessaria est, *Admira-*
vt quidam ex recentioribus dicunt? Cos. *tio num*
Res ipsa id falsum esse docere potest. Expe- *ad risum*
rior etenim, & quilibet ita esse comperiet, *necessaria*
dum quidpiam admirantur homines *sit.*
non posse, & ratio quidem id ipsum compro-
bat. nam dum quis admiranda stupet, immo-
tus ferme constat, obtutuque, vt Maro ait,
hæret defixus in vno, cum qui ridet, totus
quatiatur. Neque etiam admiratio necessa-
rio risum antecedit, vt in risu ex titillatione,
ac ex amicorum aspe&tu patet. Pol. Cer-
tum id est, perge porro. Cos. Noua item
ea esse debent, hoc est, si fieri potest, nun-
quam antea audita, aut visa, ne excogitata
quidem, aut saltē varia, quoniam hoc mo-
do valde certiusque cognoscuntur, & ma-

gnam valent excitare l&etitiam, & qua, vt supra indicabam, risus fit. P o L. Sed qu&enam huius est ratio? C o s. Ea huiusmodi est, nam species, spectra rerum, rebus ex ipsis manantia, ipsa inquam, aut sola, aut quadam cum substantia tenui illa quidem ex rebus effluente, vt Democrito, ac Platonis, vt arbitr&r, placuit, corpus, organumque immutant, nedum alteratione perfectiua, vt dicunt, sed & corruptiua. Hinc enim pr&gnantes, si cum quidpiam cuius illis potestas non sit, ardenter concupiscant, tunc membrum aliquod casu sibimet tangant, notam eius rei f&etus eiusmodi membro imprimunt, latis nimirum ex eo repento contactu ad membrum illud spiritibus, ea specie intensa affectis, ac sibi similem in membro infantis, ad quod nimirum feruntur, efficientibus, id ipsum constat in speculo recenti mulieris menstrualis conspectu infecto, vt macula vix, ac ne vix quidem deleri possit, vt memorat Aristoteles. P o L.
Cur ab assuetis non fit passio? Teneo. C o s. Hinc est, vt dicitur, quod suetis non ab assuetis non fit passio, hoc est, ea tum non percipiuntur, neque attenduntur, intus enim existens, vt Aristoteles testatur, & experientia ostendit, prohibet sentiri extraneum, vnde, vt Comicus ait:

Tum deniq; omnes nostra intelligimus bona

Quum

Quā quæ in potestate habuimus, ea amissimus.

Quin etiam quæ non raro, sed frequenter animo versamus, quamvis iucundissima, nauseam faciunt ac odio habentur, quasi sensus, naturamque corruptant, vnde ait ille in Epigrammatis:

Illud quod medium est atque inter utrumque probamus,

Nec volo quod cruciat, nec volo quod satiat.

Et alibi:

Putidus est, toties si mihi ponis aprum.

Alio etiam nomine rara delectant, quod ea habentes vel audientes, & alio quoquis modo sentientes, videamus (id quod iucundissimum est) aliis præstare, atq; hinc rara, & primiæ Deo, ac principibus, patronis amicisque offerimus, hinc etiam ille ait:

Rara iuuant, primis sic maior gratia pomis,

Hyberna pretium sic meruere rosa.

Noua igitur, modo vti dicemus, simplicia apertaque sint, animum, magis, quam vetera feriunt, delectantq; P O L. Profecto. Cos *Facetiae* Hoc etiam fit, vt facetiæ, ioci, salesque, & ioci vñ iucunda omnia, vt risum moueant, præter *proponi* expectationem homini esse debent. Quin *debeant*, immo Mimi, ac *Histriones* (quanquam non tristi, sed hilario, ioco soque vultu eos esse decet, scilicet, vt ad iucunditatem quadam cum spe animum auditoris agant, disponantque,

nantq; nam, vt in Arte Poëtica Flaccus ait:
Ridentibue arrident humani vultu)

Mimi inquam, ac Histriones, cum ridiculum quoddam enarrant, ac rectum diducere, vt cum Flacco loquar, student ipsi nimium ridere non debent, sed potius a suspicione ridiculi ad grauius quidpiam auditoris traducere animum, vt repente in eum incidentis facetia, ipsum prorsus occupet, titillat, atque ad risum impellat, non autem adeo, vt nimium distrahitur, abducaturque, ne deinde ridiculum non aduertat: Accedit, quod si prius homo suspicetur, & persentiscat, sensim quoquo pacto fiet ridiculi cognitio, que vel nulla, vel parua valde crit, vt appetitum non excitet, sensim enim, ac ceu per minima facta mutatio non sentitur, minimū etenim sensibile, utpote in organo materiali illo quidem antea existens sensum prætenuitate ei non respondentे fugit, atq; à maiori etiam sensibili semper obscuratur obsecraturque, præterea ob naturalem illam principatus cupiditatem olsaciens, ac præsentiens, Histrionis, exempli gratia, propositum, nolle ad eius arbitrium duci, sed fiet obfirmatus, ac obstinatior, vt iucundum illud, tanquam quoquo pacto iniucundum apprehendat, eandem ob causam, iussi à risu abstinerere, tunc ridentes facile concinnamur, vt anim ille ait:

Nhi-

Nitimus in vetitum, cupimusq; negata.

Hinc Aristoteli reditus ad naturam iu-
cundus dicitur: sicut enim in magnolumi-
ne paruum videri nequit, & sicut in te-
nebris paruum lumen vel longissime con-
spicimus, ac interdiu fumum, ita bonum
dulce, iucundum magis percipimus: ma-
lum triste, amarumque experti. P. O. L. Sic
etiam vulgo fertur. C. o. s. Id quolibet in
sensu manifestum est, atque hinc, uti signifi-
cabam Histriones, Mimique pendent, sed
præclare in sensu tactus patet, hoc enim ma-
ximam in Venereò coitu, voluptatem, qua
& aliqui decesserint, inesse comprobant
Physici, cum enim acer acutusque humor, & *Vnde vo-*
femen (sperma Græcis dicitur) efferuens *luptas in*
in molliculam, tenellulamque pudendi car- *coitu.*
nem, neruosque ex improviso se se effuderit,
eam valde pungit, vellicatque, ut nisi citissi-
me, omnique naturæ conatu eiiceretur, ac e-
iacularetur, eam insuper præ multitudine dis-
tendendo, distrahendoque maximo affice-
ret dolore, verum ex ea eiaculatione ex-
templo (nam sensim facta mutatio parum
percipitur) rediens pudendum ad suæ natu-
ræ unitatem ob consensum cum principi-
bus membris eam affert iucunditatem, qua
homines quidam vita exceesserint; aliis au-
tem, velut ex morbo comitali euenit, con-
uel-

uellantur oculi, & quoquo pacto vitientur,
ac peruertantur, accurrentibus nimis ex
illis, atque ex tota facie spiritibus ad cor, ad
easq; partes, vbi voluptas ea, quasi festum ce-
lebratur, qua velut stupore quodam impedi-
ti, corruptiq; ad faciem statim redire, ad eam
voluptatem exterius significandam obliui-

Cur à coitu risus non sequitur? scuntur, vnde à coitu statim risus non se-
tu statim quitur, at vero post aliquantum tem-
non sequi- poris, ad harmoniam, hoc est, ad consueta

tur risus. munera illis remeantibus, ac, vt ita dicam, si-

bi redditis, & præteritam voluptatem, tan-
quam præsentem memorantibus risus ex-
citatur præterquam adolescentibus à primo
coitu, & auaris à meretricio concubitu, qui-
bus mox tristitia, vel ingens aduenit, illis qui-
dem, quod seminis ille motus insuetus, ac
nimis magna mutatio fuit naturę semper ad-
uersa, qua, atque etiam dignitatis cuiusdam,
& principatus ex eo coitu amissione, adeo
mœret animus, vt eius, qua cum primo coie-
rint quod refert Aristoteles, aspectui sese sub-
trahant, eamq; auersentur, tanquam mœ-
roris malique illius fontem. Illis autem quo-
niā deperditæ pecuniæ præsens dolor præ-
teritæ, ac momentaneæ voluptatis memoriā

Vnde titillationes sub aliis. prorsus oblitterat. Nunc autem dicendum est
de titillatione, quæ sub alis fit, muscularis, ner-
uis, membranisq;, quæ inibi sunt sèpius manu

com-

compressis, dimissisque alternatim, valde, citoque, ex ea enim compressione afficiuntur dolore, qui quidem exquisite non sentitur, quia cito fit, subitoq; eum assequitur perfecta voluptas, quæ sensum ac memoriam omnem præteriti doloris delet, quæ tamē tanta, ut in coitu, quemadmodum neq; dolor, nō est, ut ea spiritus ferme corrupti adeo torpeant, ac stupescant, quin ad faciem mouentur, ac risum edant, quāvis eam cōpressiōnem dimissionemq; diutius perpeti non posfit, qui carnis, cutisve tenuioris delicatiorisq; sit. Quod vero ea titillatio præcipue sub aliis contingat eo fit, quoniam inibi, ut indicauit Arist. & cutis. & caro tenuior est, sc. musculorum intercostalium, quos vocant; adsunt etiam nerui, & membranæ, propter quas coexistit, quod est organum princeps sensus tactus. Illa vero organum, siue medium, per quod dilucidius, magisque sentimus, eadem ferme titillatio, ex qua risus itidem aliquando sequatur, fit, quod etiam membra rauit Aristoteles in Labris, utpote cute *titillatio in labris.* tenuissima, exquisitoque sensu præditis, & magnum consensum, sympathiamque, sicut & tota facies cum corde habentibus, ut multæ venæ, arteriolæque, ad ipsa pertingentes, ostendunt. Titillamus etiam *titillatio in genibus* compressis celeriter, dimissisque *in genub. mus.*

musculorum quibusdam capitibus, ex quo magno dolori magna voluptas comes consequatur. accedit, quod genua sympathiam cum corde insignem habent, ut facile eorum affectus ei, utpote principi tactus organo, impertiantur. argumento est, quod ea dignioribus, diuinisque rebus flectimus qualiter ipsum demittentes, atque insuper, quod, ut ex Plinio, ac experientia comprobatum est, in ipsa genu utriusque commissura dextra, lœuaque à priore parte gemina quædam buccarum inanitas inest, qua perfossa, cœu^{titillatio} lugulo, spiritus fugit, sit etiam insignis titillatio in pedum plantis leuiter, quemadmodum, & labra, fricatis, in his enim nerui plures existunt, qui dolore gaudioque valde affici possunt, suosque affectus cum toto corpore communicare valent. experientia comperatum est, inunctionibus quibusdam ad pedum palmas, puellis fluxiones, seu catarrhos sisti posse, eisque frigidis cerebrum corpusque totum male afficitur, ut pedibus, vel nudis, quod ait Aristoteles nullus concubere possit. accedit, quod bona pedum constitutio, magnitudoque, totius corporis, cordis, ac cerebri robur præ se indicat. Vnde Polemon Physiognomicus, pedes, inquit, neruosi, & bene articulati generosis moribus hominem & fortem, qualis Hercules fuerat.

deno-

denotant, & pedes plus satis longi multa molientem hominem, & Aristoteles inquit, quibuscunque pedes bene formati, & magni, atque articulati neruosique sunt, fortes, quantum ad ea, quæ sunt in anima, reducuntur ad masculinum genus, certe apud Plautum Pseudolus ille tanti consilii homo à militis seruo depic̄tus fuit admodum magnis pedib. quo percepto Simo senex perdidisti, inquit, postquam dixisti pedes: at nimis multa de pedibus, titillatio etiam his, qui tenuis cutis, carnisque sunt, & in aliis membris fieri potest, ut puerulis præsertim viuidioribus, sed illud in mentem venit, hominem etiam si non titilletur, instantem titillationem animo percipere, ac præuenire, ut eo rideat, adeo cito dilucideque cognoscit. **P o L.** Ita est. **Cos.** Vide, num is cui traiecta fuere præcordia titillatus fuerit, ut ex teli extra *Præcordia* stione cita illa quidem redeunte ad vnitatem *traiectus* Diaphragmate ad ridendum compulsa. *titillatus* sit. **P o L.** Nemini ea titillatio placuisse ratione riferetur. **Cos.** Interdum iocor. **P o L.** Ast ego rit. illud serio de te quæro, quidnam nosmet *Cur nos* ipsos titillare non valeamus. **Cos.** Quo met titilliam, ut arbitror, tantus dolor non sentitur *lare non* in compressione à semetipso, ac sponte facta, *valemus*. **P o L.** ex quo neque tanta voluptas in dimissione. **Cos.** Quid causæ est? **Cos.** Nonne scis,

cum quis cor obdurauit malum præsentiens
antequam adueniat, minus dolere? POL. No-
ui quidem, sed rationem ignoro. COS. Ea, ut
arbitror est, quoniam, quæ non sunt noua
non adeo cognoscuntur, minusq; , ut supra
dicebam ab his anima patitur, quare Demi-
pho senex apud Terentium inquit: Quam-
obrem omnes, cum secundæ res sunt maxi-
me, tum maxime

Meditari secum oportet, quo pacto ad-
uersam ærumnam ferant.

Pericla, damna, exilia, peregre rediens
semper cogit.

Aut filii peccatum, aut vxoris mortem atti-
morum filie communia esse hæc fieri posse,
ut ne quid animo sit nocuum. Quidquid præ-
ter spem eueniat omne id deputare esse in
lucro, quod & eius seruus Geta afferit. POL.
Recte loqueris. COS. Cum ergo compressio
ea lacertorum sponte à semet ipso facta tan-
tum absit, ut noua animæ sit, ut omnino ab
eius præcognitione fiat, minor percipitur,
ac ferme nullus dolor, ex quo neq; voluptas
eo ablato sequitur, quantum vero ea præ-
cognitio, præscientiaue rei malæ dolorem
minuat, patet in his, qui sibimet ipsis ma-
nus afferunt mortemque consciunt, vti à
Catone Uticensi, filiaque eius Portia Brutis
vxore. POL. Tibi omnino assentior. COS. Cō-
stat

stat igitur iucunda, ut risum excitent, esse de-
 bere magna, nouaq; POL. ita est. Co s. Tertio
 ea sint oportet, dilucida atq; aperta, facilia sc.
 captu, nempe, ut cito percipientur, citumque
 spirituum motum qui ad risum requiritur
 efficiant. POL. Profecto. Co s. Quæ igitur ocu-
 lis sentiuntur, sint simplicia & distincta. POL.
 Sine dubio. Co s. Quæ aurib. vero hauriuntur
 breuia apertaq; & lepore quodam tincta, vn-
 de, ut in Problematis ait Aristoteles, historiæ
 de vna re magis, quam quæ de pluribus, de-
 lectant: & hæc quidem de iucundorum cla-
 ritate, ut extra animum sunt. At vero aliud
 est memoratu dignum de eorundem lucidi-
 tate, ut in animo insunt per species, spectra-
 ve. POL. Magnum huius sciendi me te-
 net desiderium. Co s. Quid? ut perspecti-
 uam picturamq; calles? POL. Haud satis. Co s.
 Anne tenes quo pacto, distantia, ac pro-
 pinqua fingant? POL. Quæ distare videri
 volunt, minora, ac tenebris in quibusdam
 faciunt, quæ vero volunt videri propinqua,
 maiora, & quadam in luce ponunt. Co s. Ita
 quidem illi faciunt, sed non ne phantasia,
 ad quam memoria pertinet, est, velut quæ-
 dam tabula depingenda variis rerum idolis?
 POL. Certe. Co s. Non ne etiam certum est
 maius, & lucidius spectrum esse rei præsentis
 ad quam tamē radius animæ directe perueniat,

quæ scilicet aduertatur? P O L. Ita est. C O S.
Ablatis vero extrinsecis obiectis manent in
memoria eorum spectra, quorum, quæ ma-
iora & lucidiora sunt, proximiora ac præsen-
tia videntur, nisi animus multum vigilet,
quæ vero minora sunt, atque obscuriora, ea
distantiora, ac vel futura, vel præterita viden-
tur. P O L. Sic se res habet, & memini me
hęc legisse apud somniorum quosdam inter-
pretes. C O S. At vero in magna vehemen-
tique spe futuri boni, ac præteriti recorda-
spes ac me tione eius phantasma validum apparens lu-
moratio, cīdumque est, quo sit, ut præsens videatītur, &
cur risum proinde gaudium, lātitiam, risumquę exci-
moueat.

Iucundi magnæ tate possit. P O L. Fateor. C O S. Hac de
causa summæ cupiditates, vt ait Aristoteles,
iucundæ sunt, & gaudium lātitiamque affe-
runt, eo amantes cum de amica absente co-
gitant, scribunt, aut loquuntur, eam tanquam
præsentem intuentur, & quodcumque, siue
saxum, siue fontem, siue pratum, siue fagum,
siue albam nubem viderint, ut docte Franci-
scus Petrarcha in iis, quæ Hætrusca lingua
edidit carminibus dixit, eam esse rentur, co-
quelātantur, ac rident. Hoc etiam in ira ex-

Risus sar-
donii in
Hannibale
causa.

ingenti, ardente vindictæ appetitu gau-
diūm lātitiaq; risusque quidam Sardonius
esse potest, dum vltione, tanquam præsente
delectatur, ut iam exultet, seque iactet, quod
Anni-

Annibali forsitan contigit, cum prope iam rebus Carthaginiensium perditis, vt fertur, ipse risit, ob alicuius ficti iucundi, vt Victoriae, seu quidquid illud fuerit vehementem spem, aut memorationem (neque hic illud Plutarchi me præterit, reuera stultitiam ciuium, sero ut dicitur, sapientium, ac frustra acta re deflentium, vnum Annibalem potissimum ridendo illusisse) Id enim semper tenendum, hominem ob intelligentia subtilitatem, atque attentionem abstrahere posse à præsenti malo, totumque versari in imaginato quodam bono, perinde ac ei præsens foret, eoque frueretur, vt rideat cathanino quodam nedum illo Catoniano Catullo decantato, sed hilaritudine quadam oculorum. Nam is risus omnino Sardonius non est, ne me putas Philandro refragari, is item risus parum durat, diffugitque statim falsum illud ficti boni gaudium, lætitiaque. P.H. Probe quidem rem ipsam loqueris. C o s. Eandem illam ob causam forsitan fit, vt ridentibus ad rideamus nescientes, Curriden quid rideant, tunc n. generatim, & vniuersim tibus ardeo ardenti quodam desiderio, ac spe illud deamus. distincte percipiendi præsciscimus, vt perinde ac illud, dilucide clarcque cognoscamus, exultemus, rideamusque simili ratione, qua oscitantibus, oscitando respondeamus,

atque dum alios mingentes videmus ipsi
mingimus, ex ea etenim perceptione excita-
tur rei illius iam notæ memoria, ex qua si dis-
positi simus, appetitus cum exactione ori-
tur. Accedit & alia ratio, quod ipsa ridentis
species per se iucunda est, eoq; ad risum, aut
derisum excitare valens, quin etiam si ea gra-
phice ab excellenti artifice depicta ante o-
culos ponatur, risum vix tenere quis poterit.
POL. Id aliquando expertus sum. Cos. Ceterū
illud non omittam, multum accessionis, mo-
mentiq; ad iucundorū perceptionem afferre
corporis humorūq; temperamentū, hoc et-
enim rerum spectra, quæ in animo insunt val-
de permutantur, etenim præterquam q; in
sensus organa humores incurrere, suaq; spe-
cie ea afficere possunt, vt in somno præfertim
patet, in quo, vt pote quiescentib. omnib. ap-
tius, & meli^o, quam in vigilia apparent, vt nō
nihil pituitæ dulcis inter dormiendū in lin-
guæ neruos illapso visus est sibi quidam mel-
labcere, vt ait Arist. & si quis sibilus, paruusq;
sonus in aure fiat, tonare, & fulgurare, & par-
uo calore in quibusdā partib affect^o se vri, per
q; prunas ambulare somniauit: Prætere a vero
calidus, & feruidus humor ebulliēs, omnesq;
species commouens, atq; exagitans, idēq; si
nigri fœdiue coloris fuerit rerum iucundarū
spectra promiscua, distorta, monstruosa, tur-
pia,

pia horribiliaq; reddere valet, si a frigidis sint
hum. uel nigri liccive, vt natura melacholici
vel aquei, tum spectra in nigro, dense humo-
re obliterata, ac in nimis aqueo refracta,
& ad nihilum residentia non apparebūt, at
vero humores sanguinei tēperatiq; clari, ac
dulces iniucūda spectra leniunt, mulcent, mi-
tigant, iucunda vero placida, quietaq; & mi-
tia concinnant, vt venusta lepidaq; appareat,
quiescentib, nimirū illis, vt quemadmodum
cum Alcedonia sunt, omnia sint pacata tran-
quillaq; muta, ac dilucidius, sonātiusq; per-
cipiantur. Hinc omnis pendet Hip. dum ex
insomniis bonā, malamve valetudinē depre-
hendere docet. Hinc cibaria, potionesq; que
dā insomnia hilara, tristia ve accersunt. Hinc
etiam infantes, vel ante 40. diem sui ortus in
insomniis interdū, vt memorat Arist. rident
propter humorum temperiē & tranquillita-
tem spectris quibusdā magis apparentib, ma-
gisq; perspectis, cum in vigilia & ob plurimū
infantiū calorem spectrorū adsit agitatio, ac
spirituum, quadā cum horum crassitie, quam
in utero cōtraxerunt. Cumq; humores in he-
pate gignantur, ibiq; vigeat, atq; idem hepar
cum & cognoscere obiecta valeat, hoc Pla. in
eo cōcupiscentiā & amorem, eius, si illusiones
residere gigniā, voluit, vt verū sit, cogit ama-
re iecur, q; insuper speculi instar lene lucidūq;

Hepar cur
concupi-
scientiæ se-
des Plato-
ni.

Iecur cur
instar spe-
culi luci-
dum.

quoquo pacto conflatum fuit, vt imagines,
vti par est, reddat. P O L. Ut hæc audire me
iunat. C O S. Verum & hoc etiam addam,
ridentis faciem, sermones queridiculos, atq;
huiusmodi alia, vt iucunda animo apparent
risumque excitent, feriant, pulsantque eum
oportet, cum rei seriae cogitatione solutus,
atque omni maiori cura vacuus est, nam cum
quidpiam graue animo quis versat, comple-
titurque aut aduersam fortunam, & suas ca-
lamitates mœret, luget, ac deplorat, si qui ad-
sunt dictoria passim iacent, sales, iocosq;
aspergant, ad omnia renideant, bilem citius
in nasum conciunt. Natura enim insitum
homini est ob eam principatus affectatio-
nem, vt se imitari, sibiique obsequi, assentari-
que ceteros velit, hoc alias in miseriis suis vi-
cem suam dolere, secumque conqueri, aut
sapientiam suam, cum serio loquitur, atten-
dere, atque admirari par esse dicit, cum qui
tum rident occasionis articulos ignorantes
miserum atque grauem, sapientemque vi-
rum nihil pendere, & vel irridere videntur,
vt igitur sacra memorant cloquia, qui can-
tat, vt tristem lœtificet, magis turbat illum.
Hinc docte Catullus inquit:

*Risus orca
suo quo.*

Risu inepto res ineptior nulla est.

Hinc Martialis Musam suam illam qui-
dem

dem prurientem, risumque exutientem ad
Plinium Iuniorem mittens sic alloquitur:

*Sed ne tempore non tuo disertam
Pulses ebria ianuam videto.
Totos dat tetricæ dies Mineruæ,
Dum centum studet auribus virorum
Hoc, quod secula posteriꝝ possint
Arpinis quoqꝝ comparare cartis
Seras tutior ibis ad lucernas.
Hec hora est tua, dum furit Lyæus,
Dum regnat rosa, dum madet capilli,
Tum me vel rigidi legant Catones.*

Satis nunc mihi videor locutus de iucundis, & qua de causa spiritus à corde in risu moueantur: Plura forsitan his addet accuratior quis, non enim omnia possumus omnes; sed quid causæ est, cur ad faciem potius moueantur? P o L. Id te dicere par est. C o s. Equidem vereor, vt vobis satisfaciam. Animum aduertite, an existimatis animo, spiritui inquam maxime in optatis esse, iucundo potiri, atque illud amplecti? P o L. Sine dubio. C o s. Quanam ratione id fieri posse putatis? Vtrum materiali quadam corporum mutua penetratione, vt de Metamorphosi in Hermaphroditum fabulantur, an potius optatæ rei idoli, spectriue susceptione? P o L. Ea fieri non potest, haec autem maxime, nam hac sensuum perceptio fieri constat. C o s.

Hec cum in toto fiat quoquo pacto corporeum maxime in facie fit, nam totum corpus facie, hanc præcipue oculis, hos pupillis natura fenestrauit, per has igitur, sicut & per aures, nares, linguam, labia animus peruius videt, audit, olfacit, gustat, tangit, osculatur. In facie igitur, ac præsertim in oculis animus, spiritusque inhabitat. P O L. Ita sane est. C o s. Per eas partes, quasi per valvas rerum spectra intus ad animum se penetrant, ipsumque pulsant, feriuntque, quod si idola hæc rerum parum iucundarum, ac debilia obscuraque sint, Animus, spiritusque quiescat, aut parum ad ea amplectenda movebitur, si autem excellentis, atque præstantis iucundi spectrum ad animum peruadat, tum omnis vel plurimus spiritus obuiam ei ad illas partes, quasi ad valvas fenestrarque se feret. Hoc infantes naturæ quodam cæco instinctu, vel quos nunquam viderint parentibus extemplo conspectis forsitan nident, vnde illud Maronis :

*Cur pueri
parentib.
inspectis
videant.*

Incipe parue puer risu cognoscere matrem.

P O L. Modo id experientia comprobet. P H. Esto. Quid? nonne ad iucundum suscipiendum satis sunt spiritus duntaxat, qui ad sueta sensuum externorum munera à natura allegati fuere? quin etiam id naturam admittere haud par esset, cum spiritus multus ad faciem

faciem accurrens damno sit aliis membris.
Cos. Id animus curat scilicet, cum iucundi amore accensus, incitatusque, semet non cognoscens, neque curans, suiq; oblitus (verus etenim amor, vt ille ait, nescit habere modum) totus commouetur. Quemadmodum enim in amici aduentu, tota familia omnisque aliquando ciuitas obuiam ei procedit, ad eam voluptatem magis perfruendam, sic spiritus in perceptione præstantis iucundi eius amore ad faciem ferme totus rapitur, & risum efficit, vt nimirum proprius rem ipsam iucundam sit, ex qua, tanquam ex fonte, stirpeque manat, & propagatur idolum, spectrumque, quod proprius, validius, & recentius est, magisque apparet, qua ratione omnis spiritus eius fieri compos studet, Catullus docte quidem id significauit, cum Fabullum suum ad cœnam vocans inquit:

Nam vnguentum dabo, quod mea puella
Donarunt Veneres, cupidinesq;
Quod tu cum olfacies, Deos rogabis,
Totum, vt te faciant Fabulle nasum.

POL. Evidem rem ipsam eloqueris, sed quædam sunt iucunda, vt est quid magnum addiscere, vt etiam est redditus ad naturam intillatione, quæ per faciem percipi non possidentur. Cos. Attamen animus assuetus per faciem iucunda exquisitissime comprehendere in re-

in redditu ad naturam , ad quem forsitan , ut
Plato affereret , pertinet addiscere , seu recordari , quasi hæc per oculos , aliosque sensus
percepturus ad faciem accurrit . P o l . Sa-
tisfacis . C o s . Alia item de causa spiritus
in cuiuscunque iucundi perceptione ad fa-
ciem copiose mouentur , ad significandam
nimirum exterius ingentem illam animi vo-
luptatem ob insitam illam principatus am-
bitionem , qua ne dum cæteris quacunque
in re præstantiores esse , sed etiam videri vo-
lumus , idque adeo nobis innatum est , vt fre-
quenter nobis omnino insciis , ne præsentia-
tibus quidem contingat , eo arbitramur ,
nostrum scire , vt ille ait in Satyra , nihil esse ,
nisi nos scire , sciat alter . Hinc quæ soli tene-
mus , tacere , ac quin omnibus deblateremus
nosmet ipsos continere nevix quidem pos-
sumus , sicut neque in tacito , quod dicitur ,
sinu gaudere , vnde Martialis ad Gallam
inquit :

Nec sunt gratia tibi gaudia si qualatent.

Huiusc rei exemplo fuit Lydorum Rex
Cádaulis , vt Iustinus ex Trogo refert , qui (id
quod ei causa exitii fuit) sibi non tempera-
uit , quin vxorem , quam pulchritudine cæte-
ris antcire gloriosius prædicabat Gygi sodali
nudam demonstraret , eo igitur ad faciem in
risu spiritus moueri arbitror , ex quo fortasse

vt

vt Platonis Cratylo etiam suffragemur, risus
Græcis γέλων, quasi ἀγέλος dictus est, sc. ludi,
ac festiuitatatis nuncius, quemadmodum &
risus (nam vt Dionysi. Halycarnasseus com-
probat, latinæ multæ voces ex Græcis sunt)
δηπτερεια, hoc est, fluere forsitan dictus est,
quod in eo spiritus ad faciem fluant, sed vide
an homo item solus ad ridendum aptus sit,
quod ei vni, vt afferit Aristoteles, facies est
quæ Græcis πρόσωπον dicitur, hęc enim quo-
niam sublimis & erecta, atque ante prospici-
ens, aptior est ad rerum imagines suscipi-
endas atque ad gaudia expromenda, & ad
hilaritatem animi preferendam, indicandā
que, ea item ad spiritus accipiendos accom-
modatissima est; multas enim arterias venas
que habet, & laxæ raræque substantiæ est.
P. O. L. Ita sane se habet. C. O. S. Hoc igitur,
vt ad ea, quæ enarrasti, deueniam fit,
vt tota facies impleatur, & contrahatur præ
multitudine nimirum spirituum eo accur-
rentium. hinc ea faciei figura, quæ manet,
dum iucundi perceptio eius in causa viget,
eadem extemplo aduenit, cum ex subtilitate
spiritus, tum etiam ex repentina iucundi
cognitione, qua subito deficiente, ea itidem
illoco discedit, euanetque P. O. L. Id con-
stat. C. O. S. Eo etiam facies tumet, & venæ
præsertim ac genæ, quæ circa oculum, ocu-
liq;

Motus in lique ipsi, hæc enim maxime accipere spiri-
tum valent. Hoc ille motus capitis inordina-
risu vnde. tuus, quod nimirū inordinate ad illud, atq; in
 illo spiritus mouentur, quod item de brachiis dici potest, ad illa enim etiam forsitan spi-
 ritus tunc mouentur non sufficiente facie ad
 eorum multitudinem excipiendam. Mo-
 uentur, & crura, totumque corpus commo-
 tis vbiique, ac vndiq; excitis spiritibus, qui
 cum partim ægre à membris discedant, ea
 saltem mouent inordinate, incomposite,
 inconcinneq; ut impellantur hæc, exultent,
 profliant subsultentque. Quod vero partes
 dexteræ tunc magis quam sinistre moueantur,
 id etiam semper verum est, nam vt placet
 Aristotelī, ab ortu nostri primordiis dextra
 pars ferme semper calidior, & validior læua
 est, nisi ad eam consuetudine, exercitatione-
 que multa, multum caloris spiritusque quis
 traducat, vt ambidexter fiat, quanquam Pla-
 to omnes natura ambidexteros esse sentit, ho-
 minumq; infirmitia, inertiaq; fieri, vt dexteri-
 tantum, aut læui fiant, nulla tamen inter eos
 est dissensio. P O L Teneo C o s. Quod vero
 totum ferme corpus tunc remissum, relaxa-
 tumq; est, in in causa est motus ille spirituū,
 etenim prætetquam quod spiritus, in quib.
 vires resident, inferiora membra tunc dese-
 rentes, ea imbecillia debiliaq; reddūt, vt fra-
 giles

Platonis
opinio de
ambide-
xtris.

giles quidam vix lotium, aliaque huiusmodi
contineant, tum etiam ex ea adeo cita crebra
que eorum cōmotione ac fluctuatione (neq;
n. maior in risu inspiratio & flatus illa per in-
terualla retētio, vt alias perennis sp̄itus col-
ligendo robur addit) vires non consistunt, &
volentem quidpiam moliri deserunt, idemq;
oculis aliisq; sensib parum minus mente tū
prospicit, vt nihil aliud, quam id quod ridet,
idq; vix cognoscere, ac appetere rite possit,
animus enim spiritusue fluctuans, atq; agi-
tatus, iactatusq; instar aquæ in vase, spectra,
quod Aristoteles, cum de somniis agit, arbi-
tratur, distorquet, distrahit, dissipatq;, vt vel
deprauata, vel nulla appareant, & crassos, a-
trofisq; humores in ima corporis parte consi-
dentes instar sepiæ atramenti, cōmouet, tol-
lit, miscet, & spargit, quo spectra obscuritate,
tenebrisq; inuoluūtur, vel ea ipsa, quæ ride-
mus vt cognitio certa pr̄sertim, quanquam
pr̄cedit, nulla in risu sit. IOL. Nuge hæ quidē
non sunt. Cōs. Nunc de motu illo thoracis,
deq; aliis dicam, cum in risu sp̄itus omnes
superiora, atq; faciem pr̄sertim petere cupi-
ant, liquidē ipsi principem sedem, cor inquā,
prosorsus deficiant, emoriatur homo est necel-
se, q̄ forsan causa potuit esse, cur aliquādō
in risu decesserint, sed hoc ipsi, nisi omnino
summo gaudio afficiātur nunquam facient,
proprię nēpe conseruationi, quę absq; corde

Cur risus
interfici-

41.

nulla esset consulentes, & inuiti, ne vix quidem omnes prorsus à corde excentur, nisi paulatim fortasse diurno, maximoque in risu, id quod exitium homini afferat. P O L. Ita conuenit. C O S. At vero cum in iucundi perceptione adeo ardenter ad faciem properare concupiscant, quiescantne, at cor deserant? equidem neutrum arbitror, sed cor ipsum sursum quantum possunt mouebunt. P O L. Recte mihi sentire videris. C O S. Quibusdam iccirco maximo in risu pectus condoluit, quod nimirum corde valde repenteque sursum moto distensæ, distractæque ferme fuerint membranæ, & præser-tim Pericardium appellata, quæ cor ipsum complectitur, per eas enim tum ad pectoris os, tum etiam ad Diaphragma annexatur.

Diaphragma in ri- P O L. Illud quidem contingere potest. C O S. Anne etiam Diaphragma sursum mouebi-
su sursum tur, vel quod hoc modo cordi coniungitur,
mouetur. vel quod à spiritibus sursum ad faciem ac-
currere cupientibus, trahitur, vel quod ab
hepate concupiscentiæ sede, & ipso eadem
ratione, qua & cor sursum moto impellitur?
P O L. Id iam teneo. C O S. Sursum vero
moto contractoue Diaphragmate dilatan-
tur costæ, inspiratur & aëris. P O L. Hoc ex
Anatomicis accepi. C O S. Maxima ita-
que continenter ferme inter ridendum est
inspi-

inspiratio, quæ, quod suspensioni similis est, idcirco quidam falsi sunt, opinantes in risu esse admirationem quandam. P O L. Te-
cum sentio. C O S. At vero quis ignorat continentem inspirationem, nisi congrua exspiratio alternatim intercedat hominis calorem in corde ob aëris attracti multitudinem, & frigiditatem suffocare, extinguereq; quod cur aliqui risu emortui sint, causæ fuerit? P O L. Patet. C O S. At nonne huiusmodi inspiratio, seu spiritus, flatusue reten-
tio alium comprimit, vt intestina aliquando crepitent, ac excrementa continere, si fragiliora sint, nequeant? Atque vt quidam maxi-
mo scilicet in risu, suos possint rumpere ra-
mices? P O L. Certa est ratio. C O S. Cæ-
terum certamen naturæ cum semetipsa con-
sidera, ea primo dum spiritus ad faciem iu-
cundi satius percipiendi causa mittit, illam
vehementem facit inspirationem, dum vero
conservacionis salutisque suæ ergo sibi ab il-
la cauet, expirationem molitur, cumque ma-
ximum ei sit, tum iucundi desiderium, &
paruum salutis studium, inspiratio multo
maior, quam exspiratio erit, cumque motus
ille diaphragmatis repente, subitoque fiat, si-
c ut & motus spirituum, ita magna, & velox
erit inspiratio, sed interrupta, crebraque, ob-
crebram causa salutis expirationem illam

quidem velocem, sed non adeo magnam ut quidam in thorace, quin etiam, & in abdomine tremulus motus appareat. Po l. Recte loqueris. Cos. Anne hæc pugna contentiove violenta est, & dolorem, laboremq; afferre potest, ut aliquando costæ penitus luxatæ fuerint? Po l. Quidni? Cos. Ex hæc magna, violentaq; inspiratione alternaq; expiratione ipsæ aër ad Laryngem fractus, dispersus, collitusq; ac percussus efficit sonum, quem cithinnum dicunt, ex quo adeo erubore frequenter, nullus ferme sermoni locutioniq; est locus si tamen loqui enitamus, ut sermo eruatur grauior erit vox, prima etenim Laryngis, q; eius musculi ob motum spirituum ad faciem remissi sint, quodq; multis aëris violenter per ea attrahatur, valde laxa est, aspera q; arteria, quod cor pulmonesq; sursum, ut dicebam, mouentur, brevior, quib. præsertim, cum interrupatur, fit segnis, iners, ignaua q; aeris multi motio collisionq; causa ex Arist. cur vox grauis edatur Po l. Ita est, atq; hinc video his, qui valde rident, periculum imminenter, ne inter manducandum, deglutiendum ue in Laryngem ob eius rimam nimium aperi tam quidpiam cibi iuerrat, & suffocationem faciat, sic forsitan Anacréon, eius acino vno passus periit, ac Fabius senator, idemq; prætor, ut Plinius refert, in lactis haustu uno pilo strangula-

*Cur vox
grauior.*

cus est. Co s. Recte sentis, atque de risu, ut ex appetitu sensuum oritur, hæc fere dixerim, si quod pene dicere oblitus eram eloquar, pulsum præsertim in facie perinde, ac respiratio, magnum, crebrum, velocemque tunc esse, atq; Diastrolem, seu dilatationem maiorem sy stole apertioneue, cum in risu, gaudioq; magno cor expandatur, cum ad ipsum, tum ex ipso ad faciem accurrentib spiritibus, cordis a motum vena aorta, seu ateria ab eo ortum ducens obseruat. Po L. Percipio, perge elo qui. Co s. Nunc de appetitu pure naturali vobis dicam, ex eo etiam fieri risum, verum hic appetitus in homine, quamuis idem, qui & sensitiuus sit, tamen naturalis dicatur, quod absque alia prævia cognitione innasci possit. Po L. Quo euadas nescio. Co s. At iam scies, iucundi, ut arbitror, perceptio maxime fit in corde, vbi ex Aristotele adest, ac residet sensus communis, ad quem, velut ad cen trum ex uno quoque sensuum spectra con fluunt. Po L. Esto, quanquam vrgent diffi cultates Co s. Alias eas tollam. At vero non ne verisimile est in ea iucundi perceptione spiritū, qui unus per omne corpus diffusus vbiq; est, vndiq; ad cor ruere, sc. ad eam voluptate magis capiendam. Po L. Forsitan. Co s. Imo vero argumēto est, quod in magno gau dio totum corpus immutatur, quoniam scil.

spiritus omnis ad cor properare velit, vt ea
hilaritudine totus magis perfruatur, atque,
vt illinc commodius ad faciem se ferat.
POL. Hoc vno verbo satisfecisti, vt ex anato-
micas recolo, vt n. aliorum membrorum spi-
ritus ad faciem expedite, facileque ruant ex
ramis arteriæ magnæ, seu venæ aortæ, velut
ex angiportis quibusdam ad eorum stipitem
truncumque, qui est ad cor ipsum prius se re-
cipere debent. Co s. Quoquo pacto id acce-
pisti : verum ne te hic prætereat hoc fieri in
summo gaudio, at risus, ne dum non concite-
tur, sed vt potius mortem homines obeant,
scilicet spiritu, qui cum humoribus quoquo
modo ad cor procedit, præ suimet multitu-
dine, tanquam à fulmine crepto, suffocatoq;
Mulieres

gaudio ex-

tinctæ. vt duabus mulieribus Romæ euenisse me-
morat Valerius, nunciata enim inquit clade
quæ ad lacum Trasimenum inciderat, altera
mater sospiti filio ad ipsam portam facta ob-
uiam complexu eius expirauit. Altera cum
falso mortis filii nuncio mœsta domi federet
ad primum conspectum redeuntis exanima-
ta est, genus casus inusitatum, quas dolor
non extinxerat, luctitia consumpsit, atq; hinc
arbitror, in magno etiam gaudio lacrymas
effundi, risum non edi, vt præ gaudio Demea
ille aquid Terentium lacrymarit, primo ete-
nim spiritus etiam à facie ad cor properat, ad
uo-

uolantque, ibi enim, velut in foro quodam dilucidius gaudii compotes fiunt, quo sit, ut tenues præsertim, sero sique humores à caligantibus oculis, & flaccescente facie, quæ admodum, neque in dolore, ac tristitia, cohiberi non possint, quin per notos sibi lacrymarum poros foras profluant. *PoL*. Intelligo satis. *Cos.* Nimio item de spiritu, qui calor, ignisque Philosophis dicitur, quippe calido cum humore sibi respondentem, quo gaudet, procedit plus satis cor incalescit, quo sit, ut dupli nomine spiritus in magno gaudio ad faciem aduolet, & risum efficiat, tum ad suffocationem, extinctionemque præcauendam, tum etiam ad cordis calorem remittendum, ventilandumque. *PoL*. Sed cur ad faciem potissimum? *Cos.* Præter illa, quæ de facie supra dicebam, nulla alia pars ad cor refrigerandum tunc aptior est, nam pulmonum ea magna inspiratio suffocationem auget, & quoquo pacto calorem dum expulsionem debitam excrementorum ex efflatione prohibet. Neque aliæ corporis partes, è quibus tunc spiritus ad cor se ferunt, illud præstare valent, sola facies tanta carnis mollitie, laxitateque, ut præcipue ea sudore manare soleat, exanthemata, tubercula, papulasve ferre prædicta, aëri externo frigidoue exposita cum primis, & arte-

*Cur spiri-
tus in risu
à corde ad
facie per-
gant.*

riis, referta, ac irrigua potest cum multos suscipere spiritus, tum iis usque, ac continenter, quemadmodum huius gratia in animi defecetu frigida aspergitur, refrigeratis cordis temperare aestum, qua eti. m de ratione cor ad faciem quasi foras exciturus, tunc effertur P o L. Placet haec sententia. C o s. Ideo risisse eum, cui traicta fuere praecordia, minus crediderim, sicut neque a Phalangio demorosos hoc ridere haud putarim, nisi his nimium cor caleat, hoc autem forsitan rident, qui in aquæ feruentis lebete, aut in igne decedunt. At vero croci potionem, & quarundam herbarum, ut Gelotophyllidæ Magorum existimo quidem idcirco risum inextinguibilem excitare, quod nimium cor concalfaciant, adde, quod spectra, quæ in animo sunt, concinne, lepide, faceteq; composita, atque ornata, quibus magnum gaudium, & risus moueatur, cōmouent, atq; obuersari faciūt: P o L. Id verisimile est C o s. Mirum autem non est, si ridentis facies ob spiritus, quibus impletur, calore quodam insigni afficiatur illo quidem perblando, suauiq; pro eius aetate, temperieque, verum qua de causa ridens aërem calidum expiret, constat, etenim is incalescit propter pulmonum, & cordis calorem, quippe haec tunc spiritu redundant. At haec per loca multo spiritu ca-
 lida,

lida, feruidaque, nempe per os transit: Accedit quod ore potius hianti fit risus, ex quo siue dicas multum efflari aërem ex Aristotele in problematis, siue paucum ex eodem philosopho in Meteorologicis, calidus is semper erit. Multus enim calorem diutius retinet, ut ab extero non refrigeretur, sicut ille qui ore angusto paucus exufflatur, siue paucus sit, quod potius dicendum videtur, aëre externum valde non mouebit, quo quædam fiat ventilatio, sed non longe à principio, seu ore sentietur, vbi quietammodum, & exhala-
tio, in ortus sui principio, calidus est, contra qui exufflatur multis est, & aërem valde mouet concitatq; frigidusq; videtur. P O L. Ita sentio. C o s. Lacrymæ a. in risu profluunt, oculiq; roscidi fiunt ob illum spiritus calorem qui poros meatusq; dilatat, ac humores se-
rosos sanguine commixtos, quiq; lacrymarum, ac sudoris substantia sunt, soluit, eliquat que. Ad hæc aliquam horum humorum expressio fieri potest ob eam adeo magnam spirituum repletionem. P O L. Satisfacis pla-
ne. C o s. Ex vero lacrymæ calidores quam flentib. apparent, vt pote à spiritib. magis ex-
calfactæ. P O L. Certa res est. C o s. At vero a-
pertius dicam, faciem in risu sudore manare, ob spirituum magnum illum calorem, quo,
& humores illi liquefunt, & cutis eius rarefit,

cum insuper ea per se valde laxa sit, eademque multo humore imbuta, præsertim in fronte, quippe, quæ, ut etiam Aristoteles ait, cerebro subest, accedit, quod in risu, & serofus hic humor simul cum aliis humoribus, ac spiritibus quoquo pacto fertur. Isigitur in vaporem solutus, ac aërem externum frigidum offendens, statim in humorē, sudoremue ad cutim redit, & copiosius quidem à risu, sicut & à labore, vel quod in labore, & forsitan in risu venæ spiritu, humorēque turgidæ poros coarctent, ut vapores, qui continēter fiunt contineant cohibeātq;, velut clepsydra aquam, ac velut vesica nimum lotio opplēta astringi, & claudiq; solet, ut ne vix quidem, deinde illud excernere possit, à labore vero, & risu venæ deturgidæ laxæque vapores iam genitos copiosius exudant: vel quod inter laborandum, ridentiumque magno eo de calore, æstuique cæci vapores in auras euolant, atque euanescent. At vero secundum laborem, ac risum, calor ille remissus, quemadmodum in hyeme, & cum sole ad occasum vergente calor terræ inuestus paucus est, nequit vapores altius excitare, efferreque, ut noctis frigore in ipsam terræ superficiem, aut in rorem, aut in pruinam concrescant, coganturque, sic ille, inquam, remissus calor ad cutim usque fer-

me vapores attollit, quo in sudorem illi vertuntur. **POL.** Veraloqueris. **COS.** Insuper illud aduertas, spiritus haud per se existere, sed humoribus, ac partibus commixtos esse. **POL.** Teneo quid dicas, nempe in arteriis spiritus sanguine commixtos contineri aliter, ac Herastratus opinatus sit. **COS.** Accepi, & sanguis igitur in risu ad faciem fertur. **POL.** At vero supra negabas faciem in risu humoribus impleri. **COS.** De humoribus crassis, in venis proprie contentis id assueraram, scilicet, quod per se, ac primo non mouerentur, neque excirentur. At vero in risu facies impletur sanguine subtilissimo, qui à spiritibus concitetur: Merito itaque facies eo quem memorabas rubore in risu suffunditur. **POL.** Optima ratio. **COS.** Splendore autem, nitoreque illo facies præfertimque oculi in risu illustrantur, quod gnei & eo lucem quandam spiritus habeant, igneique rum effsint, id quod, & si ob eorum tenuitatem sensus præteruolat, præsertim interdiu, cum maiori, atque evidentiori lumine sensus præuenitur, tamen & in oculis inesse signo est, quod oculi angulo interno compresso fricatoque ignea quedam appetet rota, quodque, ut Aphrodisiensis memorat, facie ita quandam cernere sibi videntur flammam: Noctu item aliquando spiritus nostri hu-

*spiritus i-
ctus.*

iustmodi videntur, præcipue si crasso in corpore eorum lux refracta, collectaque manifestior sensui fiat. Hinc arbitror forsitan Tiberio Cesarri, ut Plinius refert, fuisse natum, ut ex parte factus noctu paulisper haud alio modo, quam luce clara contueretur, omnia paulatim tenebris sese obducentibus. At vero, si spiritus plurimi, subtilissimique cuiquam sint evidentius apparent, atque cum os, in primisque oculos iucundos reddunt, tum si composite, apteque, ac leniter placideque quadam cum tranquillitate in iis moucantur, venerandos, multaque maiestate verendos, ut ad eorum aspectum homines caligent, oculosque deicere, demittereque cogantur, futuri principatus, ut inquit Aristoteles, argumentum, qua oris specie C H R I S T U M I E S V M fuisse nonnulli memorant, si vero multi spiritus, subtilissimique faciem contineant, iidemque fluctuant, tumultuentur atque ineptiant, ut in nimo gaudio, risuque facies quidem lucida, illustris fulgidaque erit, at minime excelsa, venerandaque. Po L. Deus te nobis seruit. Cos. Videor fermeris us causas omnes exposuisse. Nunc vero, quæ restant breui eloquar, nam ut videtis:

Et iam

Facies ve-
neranda
qua.

*Et iam summa procul villarū culmina sumāt,
Maioresq; cadunt de montibus umbræ.*

Quid igitur causæ sit, cur risum pene unquam continere nequeamus accipite. Nemo vestrum, ut opinio mea fert, inficias ibit, hominis & cuiusque rei in primis dignitatibus numerari libertatem eam, qua quis sui compos, suorumque actuum ac operationum liber Dominus est, ut antequam incipiat, non agere, & postquam occuperit, desistere ad suum possit arbitrium nulla coactus necessitudine, nullaque lege cohitus, impulsusue, contra turpe cum primis, indignum esse, ac malum, ita imperio, potestatique cuiuspiam subiici, ut veluti mancipia, instrumentaque nostri potestas neutiquam penes nos sit, sed alterius ad libidinem, nutu nque, quocunq; impellamur, trudamurque, & quiduis facere, & pati cogamur. haud vero velim me id assertere, dicere, opinariue, vlo pacto existimetis, de obsequio, obedientiaque quam Deo religione præstamus, et enim ad hanc nequaquam cogimur, sed sponte, libentissimo, æquissimoque animo eam amplectimur, iugumque illud suaue, suauiterque omnia disponentis Domini, ipsi nobis imponimus. P H. Nihil est, quod hac de re dubitemus. Co s. Cum autem eam necessitatem, ac libertatem mente verso, huius & liber-

Necessitatem

ad eo rias unde.

adeo communis effectus causam, materiam esse reor, ea enim, vt omnes qui eam asseruerentur, Philosophi dicunt, omnium malorum, ac imperfectionum nobis causa est, vnde turpe, & fœmina dicitur, quæque ab ea magis distant magis libera sunt, sic Deus Optimus Maximus, quo prorsus ea caret omnino liber existit. P.H. Atqui nonne Aristoteles materiam causam contingentiae asseruit? C.os. Et recte quidem, verum de patiendi contingentia loquitur, non autem de agendi libertate, quæ materia tollitur, vel corrumperitur. P.o.L. Do manus. C.os. Vobis cum ipsi reçolatis duplicem appetitum, rationalem, nempe, ac sensituum, quo & naturalem complectimur. Diuinus Plato Metaphoræ inuolucris eos in Phædro describit, hominem, vt currum se habere pronunciat, Auriga intellectus, ratioue est, equorum, qui à dextris rationalis appetitus, qui à lœua sensitius, per uicax hic atque durus, nisi de hordeo multum ei dematur, atq; si valentissimus sit, effrenatus, indomitus, præcipiti furore impotens.

*Altius ingreditur, & mollia crura reponit
Primus & ire viam, & fluios tentare mina-
ces,*

*Audet, & ignato se se committere ponto,
Nec varios horret strepitus illi ardua ceruix*

Argu-

Argutumque caput, breuis alius obesaque terga,
Luxuriatq; toris animosum pectus —————

— tum si qua sonum procul arma dedere
Stare loco nescit, micat auribus, & tremit artus

Collectumque premens voluit sub naribus ignem

Densa tuba, & dextro iactata recumbit in armo

At duplex agitur per lumbos spina, cauatq;
Tellure, & solido grauiter sonat vngula cornu.

At vero amoris in furias, ignemque,
quantus ruat, palam est. etenim

Nonne vides, ut tota tremor pertent et equorum

Corpora si tantum notas odor attulit auras
Ac nego eos iam frena virum, nec verbera saua,
Non scopuli, rupesque caue, atque obiecta retardant

Flumina correptos vnda torquentia montes.

Verum ————— Ante omnes furor est insignis
equarum.

Talis hic est equus, quippe, ut ait, niger,
materiaeque luto imbutus, animus hic antiquis Latinis dicitur, caro autem & anima Apostolo Paulo, sacrisq; Doctorib. Alter vero quod albus, & materiae sordibus, quam maxime defecatus, mansuetus est, mitis, placidus, ut qui ex Asturia aduehuntur, atque aurigae ad

ad verba, nutumq; obediens, ac ob præstan-
tiam ipse homo nuncupatur. Ph. Preclaro lo-
quutus, perge. Co s. Risum ab equo nigro,
læuoq; fieri, s. ab appetitu sensituo, imo a na-
turali nobis iam demonstratū est, ab appetitu
vero rationali vere non edi mihi suadeo, cum
n. ad risum velox plurimū, citoq; ac certa co-
gnitio requiratur, vix credibile est rationem
vnquam intercedere posse, quippe eam non
adeo cito consicimus, quin ctiā li ca interce-
dat, risumq; improbet, attamen præpotens
niger ille equus ad risum nos vel inuitos tra-
hit hinc enim fit, quod inquit Nasco:

Meliora video, probnq; deteriora sequor.

Ph. Fateor quidem, sed tamen, quidnam ap-
petitu rationali non fiat, planius tibi dicendū

Risus s. r. est. Co s. Omnino haud negarim risum ab ap-
donius ve- petitu rationali fieri posse, hic n. si value-
rus vnde. rit, spiritus ad faciem, & ipse vel in stomacho,
*vt dicitur, allegare potest, risumq; illum mé-
daceum, ac sardonium de quo Phi loquebaris
edere, s. cum iram atq; inuidiam alto preme-
re corde, risumque mendaci ore fingere sibi
conducibile quis arbitratur. Ph. Teneo. Co s.*
At vero cum ad veritatem cœpi reuocare ra-
*tionem, risum tanquam animæ corporisque
Malum culpandum censeo. animæ mala vi-
tia sunt, cum quidpiam præterrationem sit,
huiusmodi autem est sardonius risus.* siue
Pſeu

Pseudogelos, simulare enim magnanimi, ac philosophi non est, atq; vt apud Plautum dicitur: Ego verum amo, verum volo mihi dici, mendacium odi, risus item, qui de iucundo per accidens de alterius malo excitatur, inuidiae, superbiae, iunctus est, & ab optimo quoq; plurimū abesse oportet, ritiusq; cū Heraclito aliorū lapsus, errataq; dolendū, quam cum Democritus ridendum, eo vero omnis vere risus vituperabilis est, qd magno de gaudio Appetituq; fit, illud n. vt in concedia scribit arbitror, ad prime in vita esse vtile, vt ne quid nimis. ac vt hic Stoicos omitiā qui, vt Lact. Firm prodit, lætitiam aliosq; affecit us radicatus extirpari posse ac debere cōsent, certe magnanimum, quemadmodū ob corporis queā mala, neq; tristitia demissum, sic neq; ob iucunda materialia quib. risus fit, elatum esse par est. P H. Esto, ita sc̄e res habeat in huicmodi bonis iucundisq; at vero in spiritu qualib hæc sunt duntaxat mentis, vt Dei in primis, ac substantiarū separatarū cōcognitione, summū gaudium, & amor laudatur, atq; expetitur, prout mala errataq; ipsius mentis quo magis nō cōcerimus, ac ingemiscimus, eo magis Deo cōmendamur. Cos. Et merito quidē, debetur n. summo bono gaudiū summū ardētissimusq; amor, sicut maximo malo in amor odiūq; extremum. Verū summū illud gau.

gaudium risum non excitat, est enim solius mentis, quæ in eo iugi speculationis, ac fruitionis conuiuio tota est, sensus autem spiritusque ingentem eam voluptatem capere non valens, tamen ob sympathiam, consensumq; adeo illam admiratur, ut stupeat, torpeat, immobilisque præ attentione reddatur, ac risum facere nequeat, hæc ea est, quam eccl. sin Græci dicunt, qua nullus antiquorum Philosophorum prorsus, perfecteque vñquam affectus fuit, sed potius lætitia ineiproque, & iactabundo risu ex quadam propria, atque particulari, quam animo conceperint, præstantia, atque excellentia ob res inuentas, quæ, vtpote singularis ad sensus pertinet, eique solum, vel præcipue cognoscitur. Nostri vero absolute ea sepe affecti sunt virtute diuinitus, & gratuito libi impertita, qua quicquid hac de re Physiologi quidam deblaterent, ipsos, vel genu flexos altius è terra sublatos fuisse constat. *Pol. Com*

Beata Agnes virgo Politiana Launenti pertum est sepius id obtigisse Beatae Agneti, Virginis Politianæ à cuius gente, familiaque maternum dicit genus Laurentinus noster, ut vel vnaminis popularium vox aliquot ab hinc seculis in posteros usque fluxa, haud vñquam falsa testatur. *Cos.* Nedum autem lætitia, hoc est, magnum gaudium de materiali quo quis bono culpandum, verum etiam de eo

Ecclesia
causa.

de eo ipso tristitia quædam laudabilis est, hac enim animus collectus nil non præsentit mali, præcauetque, illa vero animus dispersus, spiritusque iactati, palantesque, cum ad cognoscendum pro eo, ac debent, inepti sunt, tam etiam facile re non satis, ut par est, perspecta cognitaque, ab appetitu sensituo impulsi, falli, decipiq; possunt. Hinc omnes *Palpantium* pendent palpatores, qui sensum cuiusquam *artes*. principis pulchre callentes occasionis quietusdam articulis, cum hilarus genio indulget suo, quiduis impetrant, exorant atq; extorquent, eo etiam diuina Christi seruatoris nostri lex, qui lugent, qui que huius vitæ miseriis, & calamitatibus, libenter, patienterq; vrgentur, beatos prædicat. Ad hæc, qui in secunda magis, quam aduersa in fortuna fortiter se gerunt, hoc laude digniores, vnde Flaccus ad Delium:

*Æquam memento rebus in omnibus,
Seruare mentem, non fucus in bonis
Ab insolenti temperatam lætitia*

Moriture Deli.

Hoc idem Philippus magni Alexandri Pater ingenti victoria potitus, puero mandarat, ut singulis diebus maneter ei proclamaret, dicens, Philippe homo es. Arisu ergo quod à lætitia, hoc est, à magno & gestiente gaudio, scilicet in vultu apparente, fiat, abstine-

nendum. Quin etiam, ut præterea, quod ex Dione refert Stobæus, in sacris eloquiis dicitur, iram risu meliorem esse, quoniam per vultus tristitiam corrigitur animus, & alibi, Cor sapientium ubi tristitia, stultorum ubi lætitia. Stoici insuper gaudium quidem, ut scribit Cicero in Sapientem caderem posse, lætitiam, & proinde risum non posse existimant, & merito quidem, nam, ut supra dicebam, spiritus in lætitia fluctuans, atque exagitatus, humores conturbat, commiscetque, ut spectra recte peruideri nequeant, vel illa, quæ ridemus, uti supra dicebam. Hinc etiam diuina eloquia risum præsertim effusum stultis nunquam nobis tribuunt, sapientem vix tacite ridere affirmant, risum errorem putant, in Academia item ridere vetitum fuisse memorat Aelianus. Hinc Maro matris Mineruæ gaudium explicans, inquit, Latonæ tacitum pertentant gaudia pectus. Vere enim ille sapit, qui tacito scit in sinu gaudere, & quod pene oblitus eram ex sacra scriptura Abram centenarius accepto à Deo nuncio de filio Isaac, id est risus ex eo, ut linguarum rerumque doctissimus Riccardus Vullobeus nobilis Anglus nuper me admonuit, appellato, &c. risit, sed in corde suo, Sara vero vxor nonagenaria aperte risit, & quasi non sati verbo

Ira risu
melior.

Historia
de Abra
& Sara.

bo Domini credens, eoque increpita fuit.
 alio insuper nomine risus culpandus est,
 quod semper incontinentiam, nonnun-
 quam intemperantiam adiunctam habet,
 quoniam risum, & si ratio dehortetur, tene-
 re, aut compescere, eique moderari vix pos-
 sumus: habet & aliud risus, nempe nimiam,
 atque optimo cuique vituperatam princi-
 patus ambitionem. His rationibus addu-
 cor, ut credam quod Lentuli quadam episto-
 la scribitur, seruatorem nostrum vere Deum,
 eundemq; perfectum hominem ridere qui Christum
 dem potuisse, risisse vero nunquā, cum quod nunquam
 esset sapientissimus omnium, ac prudentissi- risisse de-
 mus, maximeque liber, tum quod hominum monstrata-
 miserias semper dolebat, ac vehementi cogi- tur.
 tatione in eius animo, oculisq; continenter
 mors versabatur, quam pro nobis acerrimam
 purus ipse, & insons subiturus erat. Ph. Ita me
 Deus amet, sapienter loquutus videris, atta-
 mē hic mihi scrupulus iniicitur. etenim, cum
 anima & corpus inuicem sibi correspon-
 deant, eorumque mala, & bona, quoquo
 pacto mutua sint, vt eo existimarit Pla-
 to mentem sine corpore & corpus sine men-
 te mouendum non esse, videtur mihi risus
 tanquam corporis bonum, neque præter
 rationem, neque vitium esse, atque ipsem
 supra diccas menti, & corpori, quā salutare
Dubita-
tio.

esset, animum grauissimorum hominum exemplo remittere, relaxareque nugis, leibusque iocis, ludisque risuque melancholicis maxime salubris risus videtur, quod spiritu, quasi Phœbo, Bacchoue animi tetræ caligines, circa cor è nigris clatæ humoribus discutiantur, dispergantur, dissipenturque. Est

Artis Gymnasticæ recentior scriptor,
qui in exercitationib. vocis risum numeret,
atque pronunciet prodeesse frigidiori cere-
bri, pulmonum atque pectoris intemperie
affectis, tum melancholicis, atque attonitis,
aliisq; huiusmodi ægrotis. P o L. Is ipse scri-
*ptor est, qui risum, quem *σιαχύσιος* nomi-*
ne à Cælio Aureliano significari putat, cum
eodem videtur à cibo commendare, cumq;
risum ex Platone, ut ait, intempestiu[m] cul-
pet, quod spiritus effusionem faciat, ipse ta-
men eundem laudat, is enim, qui vocis sit ex-
ercitatio, & qui ex titillatione fiat, quam æ-
grotis illis hic iniungit, effusus est ac magnus
effusionemque spiritus insignem facit, vt
mihi quidem is ridens scripsisse videatur.
Cos. Sententia profecto homini haud sa-
lutaris. Risus etenim, ut supra dicebam, ac
apud Xenophontem scribitur, & menti, &
corpori obest, atque, ut omittam maxi-
mum risum, varia incommoda, mortem-
que ipsam consequi, ea quæ omnis ferme
risus

risus quoquo pacto sunt, commemorabo, in primis autem videtur risus haud secundum naturam esse, ut enim nobis demonstratum fuit, omnes hominis ordinatae actiones interridendum, aut corrumpuntur, aut depravantur, atque ipse risus ecquid aliud est, quam repentina quædam, & insignis cordis totiusque corporis mutatio? sine dubio, ut ex Aristotele constat, semper naturæ aduersa, infestaque? planius hoc explicabo. Percepto iucundo spiritus multi ad cor confertim, confessimque accurrunt, eo ipsum plus satis subito incalescit, ac simul cæterum corpus languidum, remissumque fit, deinde spiritus itidem ad faciem profluuut, eoque cor magis, quam par sit, illico frigescit, vnde verum est, quod diuinus sermo prodit. Derisu dolet cor. Calor in super innatus, spiritus scilicet, anne ea exagitatione perturbatione que diffugiet? atque homo, uti vino cum valde nimis commouetur, accidit, vappa fiet? quotus autem per laxa faciei foraminula in auras euolabit? sunt Physici, qui merito afferant membrum virile diutius intentum detrimentum spiritibus, viribusque afferre, quod hi, tum exhalentur, quanto magis id eueniet facie spiritibus repleta, atque rideente, quam natura vlla Cartilagine non circumsepsit, uti membrum illud. Coitus in-

insuper ad prolem accommodatus nonnunquam salubris, & coeundi creditur, quod simul cum semine, ac spiritu, redundans noxiusq; humor eiiciatur. At vero in risu cum multi spiritus diffugiant, nihil excernitur.

Risus nul-
lam esse
exercita-
tionem.

Quid ergo risus exercitatio proficiet? aut quemnam scopum attinget? num inspirationis crebris illis salebris, violentisq; ac necessariis cachinnationib. pectus, pulmonesq; exercentur? Vide quantum detrimenti ex copia aëris exteri, frigidiq; inspirati capiant. At vero frigidam cerebrum, pectusque ex calfacit, sed quoniam calore? repentino illo ac subito, quod leuiter afficiat, illicoque deficiat discedentibus ad sua loca spiritibus, eo accedit, primo, quod in capite à cibo præsertim motu illo spirituum commouentur humores eoquè de calore imbecillo, actutum scilicet, abeunte vapores attolluntur, quibus caput grauatur, & molestia afficitur, vapores item tunc efferuntur ex ventriculo, qui quoquo modo cum inferioribus aliis membris præsertim tunc à spiritibus genitalibus sursum elatis scilicet ad faciem destitutus friget, vt concoquere, vti pareret, nequeat, vnde excrementa gignet, quibus aliorum membrorum valetudo depravetur, corruptaturque cerebrum. præterea fiet imbecillum, tum quod eo paruo de calore,

lore, nimirum transcunte rarescit, ac ex-
halatis spiritib. minus viribus valbit. omit-
to, quod frigus illud cerebri repento eo de
calore, se retrahet colligetq; Antiperistasi ac
validius fiet, quæ thoraci, ac pulmonib. frigi-
diorib. in risu euenire dicendum est, quamuis melancho-
la, melancholicis ad tempus tristitiam, curas-
que risus discutiat, attamen euolatis spiri-
tibus in auras, subtilioribusque humorib.
confectis, præsertim cum maximos ri-
sus edant, nesciantque modum habere, de-
inceps multo tristiores evadunt, vt verum
sit, quod dicitur, voluptatem Mœror
comes subsequitur, & illud sacræ scripture
Gaudii extrema luctus occupabit, & si au-
tem mentis relaxatio, vti dicebam homini-
ni necessaria sit, id tamen de risu negamus,
& quod plurimos homines materiax neces-
sitate actos compulsosque facere dicebam,
id faciendum haud quaquam affirmo, sed
animum exemplo hominum clarissimorum
iudicō remittendum, vt non amittatur
tamen.

Hanc animi relaxationem à Cælio Au-
reliano ~~disceverit~~ appellari arbitror, quam i-
pse merito à cibo commendat, est autem, vt
quoquo pacto describatur, cum simpliciter
à rerum difficultum, ac seriarum cogitatione
abstinemus, cauernusque, ne spiritus & calor

à ventriculo ad sensus interni sedem, hoc est,
 vel ad cor, vel ad cerebrum proficiscantur,
 ac sereferant, hoc præstant cantus, præstant
 in primis, & dulcia alloquia leuesque ludi,
 quibus tamen si fieri potest, neque subrideam-
 mus, eradenda enim extirpandaque minima
 sunt, ne succrescant, quapropter Stoicis for-
 sitan paria omnia esse peccata placuit. P.H.
 At vero ne tu quidem mihi suaseris, vt amico
 ridiculum narranti non arrideam, inut-
 banus enim essem, & communī sensu plane
 carerem accedit, quod ex risu bene me habe-
 re, mihi videor. Memorauit mihi dudum o-
 ptimus atque doctissimus Riccardus Vuilo-
 beus risum in Phrenesi laudari. Narrauit in-
 super, vt est vir humanitatis refertus, scitam
 quidem historiam, eam, si placet, vobis refe-
 ram. Diues quidam, & potens ex pectoris, &
 Diaphragmatis Phlegmone quopiam ani-
 mam agebat, familiares, (hi sunt aulicorum
 mores) preciosiora primum, mox quæcunq;
 occurserant, harpagare, rapere, trahere, vel
 coram miserrimo principe non erubescen-
 tant. Aderat forte propter moribundi lectu-
 lum simia, singula attente obseruans, atque,
 vt est hominum imitatrix, & ipsa pileum ru-
 beum sibi callida nimis abstulit, eumque suo
 capiti pessima aptauit, quadrauitque, dexte-
 ræ adeo graphice, & studiose, vt oppressi ho-
 mun-

munculi spiritus admirabile id perceperint,
voluptate exilierint, risum expresserint, præ-
cordia adeo, pectusque vibrantes, iactantes-
que, ut Phlegm: non forte fortuna, vt aiunt,
suppuratus eo conatu, obnixuque dirum-
peretur, expurgatoque pure conualesceret
homo. At hæc mihi temperare quin rideam,
non video satis, vt possim. Co:s. An tibi
praua hæc vulgi consuetudo sequenda sit,
nec ne ipse videris, ego verbum non amplius
addam, nam, quod videris tibi in risu te belle
habere, id quod sensim perdis, non sentis, ab
improba sirene, voluptate inquam dece-
ptus, hæc sensus permulcet, eisque falsa qua-
dam dulcedine blanditur, ne venena, quæ
miscet, percipient. sic Venus & vinum, im-
moderata affligunt humo diuinę particulam
auræ, & mortem homini maturant. Risum
vero in Phrenesi commendari ex Galeno
noui duntaxat, vt signum morbi haud acrio-
ris, copiam enim sanguinis dulcis puriorisq;
indicat, bilioso qui iras baccasque conciat,
minus noxii atque molesti? Quod autem ri-
sus hominem illum sanare potuerit, equi-
dem haud inficias irem, verum id rarissimum
admirandumq; nimium, ac per accidens ob-
tigisset, quemadmodum quod de Pherēo Ja-
sone memoratur, hostili hasta in bello apo-
stestate, quod medicos omnes fatigarat, cu-

rato:cui,vt scribitur, Vna eadēq; manus vul-
nus opemq; tulit. Quonam vero pacto risus
Risus vt te teneri compesciue queat, equidē haud diffi-
neri & moçile dicere possum, an vero facile id præstare
derari quis possit, vereor. Homo itaque si sapiens
queat. sit, & ratione usque gubernetur, astris & si-
bimet ipsi dominari posse satis constat, Re-
gum id cum primis est. Accepimus enim ex
Liui, Philippum Macedonem, qui cum Ro-
manis bella gessit, dicaciorem fuisse natura,
quam regem decet, & ne inter seria quidem
risu satis temperantem, Numam vero tetrica
Sabinorum disciplinā educatum, conductet
itaque equum lauum castigare, hoc est, spi-
ritus minuere, & parum fluxiles reddere, sed
in primis sibi omnis, quo ad possit à principio
causaq; risus caueat, ea n. posita perceptaq;
ferme necessario sequitur effectus, qui igitur
à risu abstinere studet, ridicula effugiat, ra-
tione utatur, semet ipsum colligat, & paret,
ne improviso improuideq; ridiculum acci-
piat, seq; illud in animū penetret apud Plaut.
Pseudolus hanc rationem indicat. Callidoro
n. domino consulens, vt animum vinceret, &
cor obduraret, in re quod sit, inquit, prænor-
taris, quam readuersa animo auscultes, h.e. si
dolere non vis, iucundum quidpiam toto
animo complectaris, si autem risum tenere
cupis, triste ali quod cogites, in eoq; totus sis.

PH Difficile negocium tu mihi narras. Co s. *vt à risu*
 Consuetudine à teneris vnguiculis facta, ac *abstinere*
 patientia mollius leuiusq; id sit ob materiæ facile pos-
 naturam, qua naturalia hæc, affectusque ipsi *simus*.
 mutari, ac homines mundo, h.e. vulgo mori
 possunt, ex quo ad Deum magis accedentes
 immutabiles quoquo pacto fiunt. Datum
 id cum primis nostris est. Datum & aliis fuit
 magno ingenio præditis, hoc Cæsarem quam
 uis aliter Franciscus Petrarcha dicere vi-
 deatur, putarim Magni capite conspecto la-
 chrymas effudisse, segregauerat enim cogi-
 tatione victoriam atque inimicitiam, &
 prorsus in animo, oculisque sibi posuerat
 præteritam amicitiam, generique personam.
 Phocion Atheniensis tantæ virtutis, & in-
 tegrity vir, vt narrat Plutarchus, nun-
 quam risisse visus est, Anaxagoras ille Cla-
 zomenius, cui rerum patuere recessus, vt
 ille ait, atque arcana Poli, vt prodit Ælianus,
 hoc & ipse præslitit, vt nunquam ridere vi-
 sus fuerit, Aristoxenum valde à risu abhor-
 ruisse idem refert, Heraclitumque omnia in
 communi vita deplorasse. P.H. Libenter
 hæc amplector. Co s. At vero vesper illud iucundum, dulceque veneris sydus hor-
 tari videtur, vt dicamus, an risus quid-
 piam ad pulchritudinem afferat, & qui-
 dem moderatus (Maximus enim faciem
*Qui à risu
abstinent-*
rint.
distor-

*Maximus risus facie distorquet, deturpat, vitiatque, perinde acti-
biarum sonatio, modulatioue, à qua hoc ab-
deturpat. stinuisse Athenis primus Alcibiades dicitur)*
moderatus inquam oculos blandiores, faci-
emque totam suavi quodam, rutiloque, co-
lore, speciosam, venustamque, efficit, sed in
formosis, è quibus præsertim per oculos,
cum semper pulchritudinis liquor, quem
Plato memorat scilicet spiritus spectrumque
extra manet; maxime in risu, facie nim-
rum, oculisque liquore eo turgidulis, emit-
titur, atque eiaculatur in aduersos hominum
spectantium oculos, quo amor acceditur,
vt alias si Deus annuerit dicam, hinc Lyricus
dicit:

*Dulce ridentem Lalagen amabo
Dulce loquentem.*

Quo etiam magis vituperabilis est risus,
quod amorem gignit, quo morbo quid acri-
us immitiusque? quamquam deformibus de-
formitatem, ac turpitudinem addat, hoc est,
eam coloris fœditatem, & oris ametriam, at-
que obscenitatem magis manifestando, id
quod Epigramma hoc, seu Martialis, seu
Ouidii comprobat ad Maximinam:

Ride si sapiς ô puella ride,

Peli-


Pelignus puto dixerat Poeta.
 Sed non dixerat omnibus puellis,
 Quamvis dixerit omnibus puellis,
 Non dixit tibi, tu puella non es,
 Nam tres sunt tibi Maxima dentes
 Sed plane piceiq;_z, buxeiq;_z.
 Quare si speculo, mihi que credis,
 Debes non aliter timere risum,
 Quam ventum, Spanius, manumq;_z, Priscus,
 Quam cretata timet fabula Nimbum,
 Cerussata timet Sabella solem
 Vultus induit magis se ueros
 Quam coniux Priami, nurusq;_z, maior
 Mimos ridiculi Philistionis,
 Et coniuia nequiora vita,
 Et quicquid lepida procacitate
 Laxat perspicuo labella risu
 Te mœste debet assidere matri
 Lugentiae virum, piuimq;_z, fratrem,
 Et tantum tragicis vacare Musis.
 At tu iudicium sequit a nostrum
 Flora si sapis, ô puella plora.


P. H. Ut probe ac breuiter enarrasti. C o s.
 Diem ad extremum perduximus, satis hæce-
 runt, nam quod attinet ad prati, florum, ipsi-
 usq; mundi risum, alias ostendemus, hunc et. De mun
 iam fieri ex spiritu aliqua in re mundiq; par- risu.
 te co -


446 AN. LAV. DE RISV LIB. II.
te copiosius ad superficiem , vt conspiciatur,
profluente. Age itaq; surgamus quoad
valemus debitas gratias Deo
agentes.

*Alcerius de risu libri , Antonio Laurentino
Politiano autore finis.*











45

170

5.336